

8.56. A. 14





8.56.A.17

Possedite 2 e.
dinner

1629

1628



APOLOGIA

PERFECTIONIS VITÆ SPIRITVALIS

Siue

PROPVGNACVLVM RELIGIONVM

omnium, sed maximè mendicantium,

Contrà

EPISTOLAM THEOLOGI CVIVSDAM

Ad quendam Magnam scire cupientem, quomodo posset distribuere bona sua temporalia ad pios usus, cum utilitate quam maxima anime sue. Etenim Ordini Regulari unum e. d. p.ribus suis vita Religiosa desiderio capium deberet addicere.

AVTHORE

R. P. F. NICOLAO A IESVMARIA

Carmelita Discalceato Polono



Romæ bis edita cum approbatione sedis Apostolica : & nunc primum in Germania excusa.

RAVENSPVRGI

Apud Ioannem Schröterum. Anno

M. D. C. XXXI.



in hon. d. n. m. carm. discal. polon. Rom.

Illustriss. mo & Excellentiss. mo D.

D. STANISLAO
LVBOMIERSKI

COMITI IN VISNICZ,
SENDOMIRIEN. SCEPVSIEN.

BIALOCERKVEN. &c.
PRÆFECTO.

SVPREMO REGNI POLONIÆ
POCILLATORI.

F. NICOLAVS A JESV MARIA
Carmelita Excalceatus. S. S.

VENIT ad Aream, & ad Ve-
stibulum præmunificæ pie-
tatis tuæ, vt pote tutelare Asylum,
Illustriss. Domine, mea hæc Euan-
gelicæ paupertatis pauper Apolo-
gia; siue (quod verius fuerit) sub
rudi Apologiæ huius amiculo E-
uangelica ipsa Paupertas, decor
Christiani Orbis, honestamentū
Ecclesiæ, Primiceria Regni Cœ-
* ij lorum

lorum. At (inquires) quid illa sic? Annon sufficit sibi nuda, quæ nudum sequitur Deusm., quæ nudum Deum capeffit? Imo (inquam) sufficit sibi, sufficit Deo; sed non sufficit Thologo neoterico, qui sponsam Christi iniquè suscipit terminudam, bonus videlicet misericordiæ corrogator, pius obue-lator Crucifixi; qui tamen gaudet per tot sæcula nudum esse, nudum velpingi. Dicam sincerè quod sentio. Euangelicā Paupertatem nostri Sarmatæ ad Martem nati, in Marte viui, velut miraculū longiam æuo suspiciunt & conueniantur. Vnus in pace Theologus fastidiosè oblatrat Paupertati, quæ olim est de Theologia benemerita, & quodammodo apex & summa Theologiæ. Quodque ampli-

us

us demirere; Optime Princeps, credideris, hominē inuidere Paupertati læticiam & prædiuinam hilaritatem; illam siquidē non modò nimis ieiunam atq; viciatim quæstuantem negligit, si non contemnit; sed intrà cœnobitica sæpta lingua spirituq; psallētem si non improbat, minus probat. O tempora, O mores! Sed habent suum vel Astra Sirius. Ergo venit in vmbra tuam & Apologia mea, & sacra multorum Pauperies, eo nomine famulantium Deo, vt te obumbrante cōmodius queāt istam Caniculam deuitare, imò reflectere, ac toto Ecclesiastici Poli ambitu depulsare; ne tam præpostero fidere Euangelicæ Perfectionis germinalatē iam, ac feliciter in nostra Polonia pullulantia, superuacue

aliquando ingemiscamus esse decocta. A te verò præ cæteris, Illustrissime Princeps, suspicium capipatrocinium quæri planè debuit Apologiæ, quam conscripsi, Paupertati sub qua mereo; qui (vt innumera tuarum virtutum lumina Solis instar indice non indigentia, prætermittam) sacræ sapientiæ candidatos cōsueuisti semper in oculis ferre, & Christi Pauperes ita in delicijs computare, vt effuso diuitiarum censu nostri Ordinis consecraueris & ad conuictum Euangelicum patens Cœnobium, & ad Psalmodiam sacram Templū suffoderis, crexeris, fastigiaueris. Age itaque Princeps, munificentia & religione compar, exultet à te Paupertatis nostrę hanc accipe etsi imparē fructificationem, vberiora

ra deinceps pollicitantem, hãc in-
terim si benignè fuscipias; & boni
consulas. Salve, & Vale diu sos-
pes & felix tuæ Poloniæ. nostro
Carmelo. Cracouiç è nostro Con-
uentu Sancti patris Ioseph. VII.
Kal. Ianuarij. 1626.



• * iij

LEC-

LECTORIS.

ITERVM libellus hic lucem afficit Quid com-
 mentitia de clandestina editione calumnia valeret?
 Palam proferitur veritas: Nec qui bene agit odit lu-
 cem, aut reformidat examen. Prodiit ut super liber iste
 Romæ, ut in præsens: at Anonymum, aduersus quem scri-
 bitur nescio quæ suspicio incessit, non fuisse id Superio-
 rum permisso factum. Quid ei defuit? ipsam procedendi
 licentiam gerebat in fronte. Tuam fidem, anonymæ,
 putasti auctorem adeo perscriptæ frontis, ut tam splen-
 didum mendacium, cuius publice argui posset, non
 erubesceret? vel adeo dementem, ut librum bonum,
 nulliusque censura metuentem clam vulgaret, cuius
 palamedendi licentiam probe sciret sibi non denegatum
 iri? An ideo dubitasti, quod eam non ipse Sacri Pa-
 latii Apostolici Magister, sed eius socius imperti-
 uerat? Excuso ignorantiam facti: nesciebas longin-
 quis in regionibus constitutus illam Romæ ab eorum
 aliter utro concedi. Sed iam dubitare desine. Ipse Sa-
 cri Palatii subscripsit Magister. Perlege quod hoc operis
 est, atque errorem depone, teq; nequicquam veritatem
 impugnare cognosce. Non opprimitur ista, sed instar
 palma aduersus obnixum pondus affertur: eique est
 imperium nihil: per medios ire satellites, & per rumpe-
 re amat saxa potentius ictu fulmineo.

PRAEFATIO

TIBI soli tacebunt homines; & cum ceteros irriseris, à nullo confutaberis? Iob.

II. Scriptura sacra Catholici tractatores.

(ait Seraphicus Bonaventura in apolog. pauperum) *mox ut suboriri senserunt peruersorum dogmatum germina, magno studio re conatu illorum conuulsioni operam diligentem impendere, ne si in altum succrescerent, sationis Dominica semina suffocarent.* Porro diebus istis nouissimis, quibus clariùs Euangelicæ veritatis fulgor illuxerat, dogma quoddam repullulans, iamq; in scriptis redactum comperimus, quod tamquàm fumus teter & horridus erumpens abyssi puteo, ipsiusq; Solis Iustitiæ spectantibus radijs, se veluti obijciens, Christianarum mentium hemisphærium obscurare contendit. Comparuit scilicet in Polonia anno Domini vigesimo quarto supra millesimum sexcentesium epistola quædam Theologi anonymi ad quendam magnatē scire cupientem; quomodo posset distribuere bona sua temporalia ad pios

usus: cum vtilitate quammaxima animæ
suæ, & cui Ordinum Regularium vnum
è Nepotibus suis, vitæ Religiosæ desiderio
captum, deberet addicere: Quæ inquam
epistola, vt pietatem callidè preferre con-
uincitur, ita cautè perlegenda est, dum
pulchra specie sanctitatis, præposterè a-
uocat ab ipso culmine sanctitatis. Appo-
sitè Ieremias cap. 23. *A Prophetis Ierusa-
lem egressa est pollutio super omnem terram.*
Hoc enim (inquit Hieronymus) *utimur te-*
stimonio aduersus eos, qui epistolas plenas mē-
dacio, & fraudulentia, & periurio in orbem
dirigunt, & aures audientium polluunt. Sed
(quod plerique insignes viri tacti dolore
cordis intrinsecus persæpè cōquesti sunt)
ad exortum huius obscurissimæ caliginis,
Doctorum dormitauit industria, si non
etiam (quod indignius est) plurimorum
scientia caligauit; vt propterea de The-
ologo pronunciari debeant verba illa:
Tibi soli tacebant homines; & cum catros irri-
seris, à nullo confutaberis? Enim verò quo-
ties impijssimi homines hæresum spicula
aduersus Ecclesiam Dei torquere conati

sunt

sunt, toties eorum tela ab inuictissimis
scriptoribus accerrimè sunt infracta; *Tibi
soli tacebunt homines*, ò Theologe, obtrun-
catas iam pridem hereses nouo spiritu re-
fouenti, & quodammodo reanimanti?
Quoties viri mendaci spiritu instructissi-
mi, errorum portenta Orbi inuehere ausi
sunt; toties inscitix illorum tenebræ ab
alijs depulsæ sunt; *Tibi soli tacebunt homines*
tua scripta noxijs errorum seminibus re-
spargenti? Quoties præsumptione abrep-
ti alij doctrinam Sanctorum Patrum ad
exitia capitis sui commenta traducere
attentarunt: toties eorum conatus elisi,
& Sanctorum Patrum Doctrina illustrior
reddita; *Tibi soli tacebunt homines* eorum-
dem Patrum sententias detorquenti, ac
tuis sensibus inflectenti, quandoque eti-
nam mutilanti? Quoties carnalis pruden-
tiæ assertores perfectionis arcem oppug-
nare aggressi sunt; toties vice versa expu-
gnati sunt; *Tibi soli tacebunt homines*, dum
nouam perfectionem moliris, eiusdem
perfectionis apicem demolienti? Quoties
choros castrorum Dei, & laudes prælian-
tium

tum bella domini persequi alij non dubi-
tarunt ; toties eorum audacia vel impu-
dētia repressa est ab eis de quibus dicitur :
Exaltationes Dei in gutture eorum, & gladij
ancipites in manibus eorum. Tibi soli tacebunt
homines in tuis scriptis de Psalmodia male
merenti ? Quoties pœnitentię operā viri
se ipsos amantes eliminare cogitarunt ,
toties viri Spiritales carnis odium instau-
rare non destiterunt ; *Tibi soli tacebunt ho-*
mines austeram corporalis pœnitentię fa-
ciem non probāti ? Quoties Paupertatem
firmissimum Religiosarum virtutum fun-
damentum viri cupiditate possessi subuer-
tere moliti sunt , toties eorum vires con-
fractæ atque irritæ conciderunt ; *Tibi soli*
tacebunt homines paupertatem in commu-
ni tam facilè post habenti ? Theologi ma-
gni nominis , quorum nomina & scripta
toto Orbe illustria per omnes ætates co-
ruscare nō desinūt , acres passim oppugna-
tores , censores rigidos , duros linguarum
& calamorum aculeos patiuntur ; *Tibi soli*
tacebunt homines , Theologe , anonymo &
scriptiones tuas sine approbatione & loco

impres-

impressiōis, quasi furtim, & veluti abortivum foetum hominum oculis exponenti?

At vero (quod multo lacrimabilius est) cum ceteros irriseris, à nullo Theologo, confutaberis? Irrisisti Apostolicos viros, hoc est vitæ Apostolicæ sectatores, dum Christi & Apostolorum perfectionem dignoscendam ex ratione vivendi communi, in victu & vestitu, siue ex manducatione & potu, perperam docuisti, *Et à nullo confutaberis?* Irrisisti, inquam; Apostolicos viros, dum Religionem possessionibus in communi, & citra externam austeritatem, simillimam vitæ Christi & Apostolorum pronunciaisti; *Et à nullo confutaberis?* Irrisisti Evangelicæ perfectionis & austeritatis cultores, dum Christi & Apostolorum vitam fuisse blandam, & non rigidam insinuaisti, quin etiam paupertatem Apostolicam præcepto & exemplo Christi firmatam, non perfectioni voluntatis; sed necessitati tribuisti, differens in hæc verba: *Quod si Apostoli uni loco, uti nunc Religiosorum monasteria, fuissent adstricti,*

*adstricti, nec in ea suorum paucitate debuissēt
circuire tot mundi regiones, proculdubio etiam
stabiles & certos redditus acceptassent; & à nul-
lo confutaberis? Accedit, quod Paulum vas
electionis, & Doctorem gentium, ob la-
bores vitæ Apostolicæ animarum causa-
susceptos, dixisse se infelicem obloquutus
es, nec ab Elia Propheta Sanctissimo cala-
mum abstinuisti; & à nullo confutaberis? Ir-
risisti, ò Theologe, omnes Religiosos Or-
dines, pulchra scilicet tabernacula Iacob,
& tentoria Iſrâel, quæ sūt vt valles nemo-
rosæ, vt horti iuxta fluuios irrigui, & ta-
bernacula, quæ fixit Dominus, quasi ce-
dri propè aquas, quia eorū fortitudinem
quæ consistit in paupere & afflicta chari-
tate veluti expungere & irritare facere
potuisti, & à nullo confutaberis? Irrisisti Or-
dines Eremiticos, eorum perfectionem,
ceterorum Ordinum perfectioni postpo-
nens, cum tamen ex D. Thomæ & alio-
rum Sanctorum placito, vita solitariorum
preemineat vitæ in societate viuencium,
sicut id quod perfectum est preeminet ei,
quod ad perfectionem exercetur: et à nul-
lo con-*

lo confutaberis? Sed & peculiare Ordines
Religiosorum austeritate, Psalmidia pau-
pertate in communi, & pœnitentiæ cultu
celebres, verbis illiberalibus, & doctri-
næ tuæ imposturis irrifisti; & à nullo con-
futaberis?

Expectabam ego, qui aduersus Theo-
logum, velut olim aduersus Philistæum ir-
risorem agminum Dei viuentis, confurge-
ret, & auferret opprobrium de Israel. Sed
ecce hucusq; nullus (quod sciam) prodijt,
non quod formidabilis sit eius potentia,
sed fortassis quod despicienda videbatur
eius arrogantia. At verendum, ne vnde
magis despicitur, inde magis erigatur.
Ergone *tibi soli tacebunt homines? & cum*
ceteros irriferis, à nullo cōfutaberis? Progre-
dior ego minimus omnium, non armis
propriæ fiduciæ, sed nomine Dei munitus.
Quia enim *verbosi amici mei; ad Deum stillat*
oculus meus, Iob. 16. id est (vt ait Gregorius)
cum & ipsi derogant, qui in fide sociantur; ne-
cesse est ad Deum mea intentio tota in amoris
intimi compunctione defluat, & tanto subtilius
se ad interiora erigat, quanto per exteriora op-
probria

*probria repulsa intus redire cogitur, ne foras
evanescat. Progredior & (phrasi Bonauen-
turæ) eligo exemplo David quinque lim-
pidissimos lapides de torrente redundan-
tis Sapietiae Catholicorum Doctorū. Qui-
bus si pia fide veritati affectire Theologus
voluerit, nobiscum armetur; si autem ef-
frons resistere, in fronte feriat. Mitto
autem hos lapides in peram pastorem,
id est simplicem hunc libellum, quem nul-
latenus potest commendare elegancia sty-
li & comprus sermo; Sed sola necessari-
orum verborum prouisio: & quem tem-
pora alijs studijs Theologicis non inter-
missis, siue ministerijs Religiois continu-
ata, a choræ successiuæ mutuare potuerūt
Res ipsa appendatur, non verba: fructus
legatur, non folia: flos carpatur non vola-
ticus desideretur pappus. Præclare Au-
gustinus lib. 4. doctr. Christianæ cap. i i.
*Bonorum ingeniorum insignis est indoles in
verbis verum amare, non verba. quid enim
prodest clavis aurea, si aperire quod volumus
non potest? aut quid obest lignea, si hoc potest,
quādo nihil quærimus, nisi patere quod clausum
est?**

est? Aperiam ego & reuelabo technas ar-
canas ædificij Theologici eò modo quo
libuerit, vt clare detecta fouea, caute pos-
sit euitari ruina.

Primum itaque ostendam Theologum
suis in scriptis, & non caruisse mendacio,
& inuertisse dogmata, non solum cauenda:
sed omnino non bona. Ne quis autem
suspicietur, acrius insto à me scriptorem
perstringi, fateor me non personam, sed
doctrinæ temeritatem perstringere; non
enim de Theologo mihi comperum est
quis nam sit: omninò autem mihi persua-
deo non Religiosum, dabitò autem Ca-
tholicum esse, vt potè qui passim suam e-
pistolam dictis heresim redolentibus re-
sperserit. Solet autem esse hæreticorum
fraus, sub specie Catholicorū sua scripta
prodere quatenus vel incautos valeant ci-
tius illaqueare, vel Catholicos quibus for-
tasse possunt imputari, infamare, & in in-
uidiam vocare quæant. Dicā cum Bona-
uētura in simili. *Quoniam meliora sunt vul-
nera diligentis, quam fraudulenta odientis of-
cula, nequaquam peccatorum oleo, adu-*
latione

latione videlicet, impinguandum esse ipsius languidum caput, nec tumidi cordis apostema palpandum, quin potius obloquentis hominis erectam ceruicem oportet dura increpatione ferire, non quidem amari cordis odio, sed tranquillæ mentis æmulatoria charitate. Ipsius verò suspectum dogma ordinato cōpetit improbare congressu, vt per modum Apologiæ epistolæ coaptetur responsio & impugnationi defensio correspondeat ex aduerso, cui titulū volui præfigere. **APOLOGIA PERFECTIONIS VITÆ SPIRITVALIS, SIVE PROPVGNACVLVM OMNIVM RELIGIONVM, MAXIME MENDICANTIVM**, quia exacuit linguam suam tanquam gladium contra omnes Religiones, vt iam monstraui, omnium Religionum causam pro viribus agam; quod non meæ arrogantia, sed potius intimo amorī, qui me vrget, vt secundum modulum pro honore vinearum domini Sabaoth me totum impendam, imputatum volo. Duplex aurem contra Theologum est mihi instruenda munitio. Altera continens

breuem

breuem resolutionem & Anatomiam totius epistolæ, in qua sub compendio cernantur omnes imposturæ & artes Theologi. Altera autem continet fusius examen propositionum Theologi, ad inuiolatam doctrinam Angelici Doctoris, tanquam rectissimam & certissimam regulam veritatis. Quia enim Theologus doctrinam S. Thomæ in defensionem suorum dogmatum ultro nee assumpsit, conabor ego hominem suo gladio iugulare, hoc est verbis suis omnino conuincere. *Condemnabit te os tuum, & non ego, & labia tua respondebunt tibi.* Job. 13. quia enim veritas vincit semper & inualefcit, cuius lumen inter densas errorum tenebras radiat eius, quasi virtute compulsus Theologus, quod impugnat defendit, & quicquid construit destruit, manifestè declarans, quod *qui (ut ait Bona Ventura) studio contentionis deseruit, dum arcu tenso dolo per sagittam sermonis emissam alterum vulnerare satagit, iusto Dei iudicio semetipsum prius ipse configit.* Aggrediar ergo Theologum suis armis animosè & intrepidè.

Quod dum perficio, Te (cum S. Bona-

uentura in apolog. Pauperum ſæpius citata) Sacroſancta Romana Eccleſia, tanquam alteram Eſther eleuatam in populis, vt Eccleſiarum omnium Matrem, Reginam, atque Magiſtrā, ad defendendam & docendā tam morum, quam fidei veritatem, fiducialiter interpellat tuorū pauperum cœtus, vt quos genuiſti vt Mater, educaſti vt Nutrix, nunc etiam vt Regina potenter & iuſtè defendas; cum idcirco diſpoſitione fauente diuina, Pontificalis ac Regiæ poteſtatis verticem ſupremū adipiſci merueris, vt in arduis neceſſitatis articulis, ad defendendum Chriſti populum parareris. Exurge igitur Sancta Mater, & iudica cauſam tuam, quia Ordinum tuorum eſt. Tu approbaſti Religionē aſteras, Pſalmodiæ vacantes, Paupertatem in communi proſiſcentes: tuum eſt ea, quæ alieno ſpiritu pleni homines contra effutiunt, reprobare; ne ſi diſſimules approbare videaris. Non mea ſcripta probari, ſed tantum epiſtolam Theologi prohiberi, & confutari geſtio, & nomine Religioſorum plurimorum, qui in hoc

calamo

calamo meo loquuntur, humillime postulo. Vos etiam omnium Ordinum Religiosi compello, classicum vobis cano. En Theologus Ismaëlitico more manum erigit contra omnes, ut iusto Dei iudicio manus sit omnium contra eam, Vnum ergo sit brachiū omnium nostrum, & quidquid præualeat vnusquisque audeat, verbo, vel scripto contra exitialem epistolam. Denique ad vos docti viri, quorum iudicio meas lucubrationes libens subijcio, sermonem conuerto cum Caietano: Dictorum rationes videte & examine, & sic aquiescite, vel refutate. nō enim tantisum, nec sic arrogans, ut meam propositionem auctoritatem. Sed eatenus dico hic & vbique, quatenus reddita ratio testatur. Propterea vbi defecero, correctori, ut adiutori gratias agam. Verba autem erroris, falsitatis, deceptionis, inscitiae, & quęcunque huiusmodi mihi interscribendū exciderint, non contra personā, sed aduersus doctrinā velim accipi pronūciata; quoniam persone, nullo pacto; Doctrinis non nisi ut dissonāt, aduersari intendo.

*Facultas Reu. Admodum P. Præpositi Generalis
Carmelitarum Discalceatorum.*

FRATER Matthias à Sancto
Francisco Præpositus Generalis
Fratrum Carmelitarum Discalce-
atorum Congregationis S. Eliæ
Ordinis Beatissimę Virginis Marię
de Monte Carmelo, Librum hūc
inscriptum Apologia perfectionis
vitæ Spiritualis à R. P. F. Nicolao
à Iesu Maria eiusdem Cōgregatio-
nis Sacerdote professo compo-
situm, & à peritis Theologis recog-
nitum, & cōmendatum, probo
vt typis mandetur, si placuerit Re-
uerendis. D. Vicesgerenti, & Re-
uerendis. Magistro Sacri Aposto-
lici Palatij. Dat. Romæ in nostro
Cœnobio S. Mariæ de Scala VII.
Kal. Decembris MDCXXVI.

Fr. Matthias à Sancto Francisco
Præpositus Generalis.

APPRO-

APPROBATIO.

LIBRVM à R. P. F. Nicolao à Iesu Maria nostri Ordinis Sacerdote Theologo, in quo Epistola ignoti cuiusdam scriptoris centum Propositiones examinantur, Reu. Admod. P. nostro Præposito Generali P. F. Matthia à Sancto Francisco iubente perlegi: in eoque nil Orthodoxæ fidei, aut bonis moribus aduersum reperi, cum ad lineam Angelicæ Doctrinæ S. Thomæ extructus videatur, imò cum velut alter Moyses aduersus Aegyptium, obscurum videlicet hominem, in eo insurgit Author zelo priuata, quid pro Catholica Religione facturum sit, clarè portendit. Opus igitur dignum censeo, quod typis cudatur. Datum Romæ in nostro Seminario Sancti Pauli, die 25. Nouembris 1626.

F. Modestus à S Gregorio
è Carmelitis Discalceatis &c.

Reimprimatur, si videbitur Reuerendiss. P. Magistro
Sacri Pal. Apost.

A. Episc. Bellicastren. Viceg.

Reimprimatur.

F Nicolam Rodulfus, Sacri & Apostolici Palatii Magister, Ord. Præd.

I N D E X
PROPOSITIONVM, QVAE
IN HOC OPERE EXAMI-
NANTVR.

Propositio 1.

GENERALI Aitadam monita desumpta ex
certa S. S. Patrum, & Theologorum doctrina,
pag. 1.

Propositio 2.

*Ut autem cognoscas sine errore, quibus in rebus sit
ista Dei quam maxima gloria, quam propagare
portuas facultates, & nepotem tuum vis, & debes,
hac diligenter considera.* pag. 2.

Propositio 3.

*Vnde sequitur, illum magis glorificare Deum, sibiq;
gnos meritorum, & glorie gradus conciliare, qui ad
ea opera & personas res suas deriuat, à quibus maiora
& plura praeterita exiripantur & purgantur pecca-
ta, ac futura impediuntur.* ibid.

Propositio 4.

*Vnde sequitur, te tunc valde glorificaturum Deum, &
ine anima consulturum, si tua bona & nepotem tu-
um direxeris ad tales personas, & talia pia opera,
ex quibus in Ecclesia Dei oritur maior frequentia,
& excellentia, tum piorum operum, tum homi-
num meliorum.* pag. 5.

Pro-

INDEX.

Propositio 5.

Ad quod conducit multitudo & mediorum & modorum, ac efficacia eorum ad talem pietatem personarum & operum in Ecclesia Dei excuandam, propagandam & dilatandam. 7.

Propositio 6.

Ille maximè glorificat Deum & animam suam spiritualiter ditat, qui causa est contrariorum effectuum bonorum, siue per dispensationem suarum temporalium facultatum, siue alio modo. 8.

Propositio 7.

Considera Illustris, Domine, inter opera pia & personas Religiosas, à quibus glorificatur Deus, per illas glorificari magis, in quibus magis resplendet Dei dilectio, & proximi propter Deum. 9

Propositio 8.

Vnde sequitur, per opera virtutis Religionis, uti sunt Psalmodia, non ita glorificari Deum, & animam ditari, atque ditatur per opera dilectionis Dei, & proximi propter Deum. 10

Propositio 9.

Virtute Religionis, ex qua deuotionis opera promanant, longè perfectior est virtus charitatis, ut expressè docet S. Th. 2. 2. q. 81. ar. 5. & loco paulo ante citato. 19.

Propositio 10.

Hinc secundo sequitur, per opera pœnitentie, uti sunt ieiunia & his similia, ceteris paribus, minus glorificari Deum, quam per opera dilectionis Dei, & proximi propter Deum. 20

INDEX

Propositio 11.

*Quin etiam S. Thomas in 4. dist. 15. art. 2. &c. asserit,
Eleemosynam plus esse satisfactoriam pro peccatis,
quàm ieiunium, & orationem.* 21

Propositio 12.

*Imò quod mirabilius est, S. Thom. 2. 2. q. 124. art. 3.
ad 3. ait, Actum ex charitate docendi, & guber-
nandi subditos esse perfectiorem, quàm actum mar-
tyrii consideratum secundum propriam specie-
m actus* 22

Propositio 13.

*Unde sequitur tertio Illustriss. Domine, te ad tales
personas, & opera, debere tuas facultates, & nepo-
tem conuertere, quæ magis versentur circa dilectio-
nem Dei, & proximi, quàm circa Psalmody, &
corporis macerationes.* 23

Propositio 14.

*Bene ait S. Greg. Papa lib. 6. cap. 2. in lib. Regum,
Longè altioris est meriti, propriam voluntatem ali-
ene semper voluntati submittere, quàm magnis ieiu-
nijs corpus atterere, aut per compunctionem se in se-
cretiori sacrificio mactare.* 33

Propositio 15.

*Considera & hoc illustrissime Domine, si inueneris plu-
res hominum piorum Ordines & Congregationes,
quæ tibi viderentur bonæ & perfectæ, debere te potius
ijs bona tua cum nepote tuo offerre, qui sequuntur per-
fectius viuendi institutum, & in eo modum viuendi
perfectiorem.* 34.

Pro-

Propositio 16.

*Porro ut agnoscas quod vite institutum, & quis in eo
vivendi modus sit perfectior; has regulas accipe, ex-
cerptas potissimum ex recepta ab omnibus S. Thome
Doctore Angelici doctrina.*

37

Propositio 17.

*Primo docet S. Thomas 2. 2. q. 188. art. 6. Illam Religionē
alteri præferri, quæ ordinatur ad finem absolute po-
tiores; vel quia est magis bonum; vel quia ad plu-
ra bona ordinatur. Si vero sit finis idem; secundo
attenditur præeminentia Religionis, non secundum
quantitatem exercitij, sed secundum proportionem
eius ad finem intentum. Unde & in Collationibus
Patrum introduciuntur sententia B. Antonij. (collat.
2. c. 3.) qui discretionem, per quam aliquis omnia
moderatur, prætulit ieiunijs, & vigilijs, & omni-
bus huiusmodi observantijs. Et infra: Sicut maius est
illuminare, quam lucere solum, ita maius est con-
templata alijs tradere, quam solum contemplari. Er-
go summum gradum in Religionibus tenent, quæ or-
dinantur ad docendum, & prædicandum, quæ &
propinquissima sunt perfectioni Episcoporum, sicut &
in alijs rebus fines primorum coniunguntur principijs
secundorū, ut S. Dionys. dicit 7. c. de divin. nōn. Se-
cundum autem gradum tenent illæ Religiones, quæ
ordinantur ad contemplationem. Tertium est ea-
rum, quæ occupantur circa exteriores actiones. In
singulis autem horum graduum potest attendi præe-
minentia, secundum quod una Religio ordinatur
ad altiores actum in eodem genere: sicut inter opera
actius*

INDEX.

actiue vite, potius est redimere captiuos, quam recipere hospites. Et in operibus vite conemplatiua, potior est Oratio, quam lectio. Potest ergo attendi preeminentia, si una earum ad plura horum ordinetur, quā alia; vel si conuenientiora statuta habeat, ad finem propositum consequendum Hec omnia S Thomas. 37

Propositio 18.

Illustrissime Domine, circumspice Religiosos Ordines, eumque tuis & bonis, & nepote orna. 44

Propositio 19.

Illustrissime Domine, circumspice Religiosos Ordines, eumque tuis & bonis, & nepote orna. quem præ cæteris uideris proxime accedere ad Episcopalem statum, docendo, & prædicando, & alias Ecclesiasticas functiones obeundo, pro dilatanda diuina gloria & S. Ecclesia incremento. 47

Propositio 20.

Religio, quæ Episcoporum statui propinquior est, perfectior est. 50

Propositio 21.

Pondera illum Ordinem, qui accedit proxime ad statum Episcoporum, accedere etiam proxime ad illum viuendi modum, quem Christus Dominus, & eius Apostoli sectati sunt, qui proculdubio fuit omnium perfectissimus. 61

Propositio 22.

In quo clare expressus est finis salutis animarum quamplurimarum 70

pro-

Propositio 23.

Ordines Ecclesiastici, & eorum varia functiones, per conciones, confessiones, lectiones, &c. 73

Propositio 24.

Perfectio vite Christi, & Apostolorum agnosci potest, tum ex fine omnium operum eius, qui erat gloriam Dei dilatare, abstrahendo homines ab infidelitate, & falsa fide; ad rectam fidem, & à via impia ad piam, & ita salutem eorum procurare. 78

Propositio 25.

Perfectio vite Christi, & Apostolorum agnosci potest, tum ex medijs, quibus usus est cum Apostolis ad salutem humanam procurandam, & fructum meritorum suorum ijs communicandum, scilicet per predicationes, disputationes cum Phariseis, per Sacramenta, &c. 79

Propositio 26.

Perfectio vite Christi, & Apostolorum agnosci potest, tum ex ratione viuendi, quam in persona sui tenuit communem in victu & vestitu cum honestis hominibus, ibid. 80.

Propositio 27.

Christus rationem viuendi in persona sua tenuit communem. 82

Propositio 28.

Christus rationem viuendi in persona sua tenuit communem in victu & vestitu cum honestis hominibus. 91

Pro-

I N D E X.

Propositio 29.

Christus rationem viuendi in persona sua tenuit communem in victu cum honestis hominibus. 92

Propositio 30.

Christus rationem viuendi in persona sua tenuit communem in vestitu cum honestis hominibus. 93

Propositio 31.

Uponderat S. Thomas 3. p. q. 40. art. 2. ubi querit. Utrum Christus austeram vitam in hoc mundo ducere debuerit? Et respondet, conuenientissimum fuisse, ut se Christus in conuersatione hominibus conformaret secundum illud Apostoli ad Corinth. 9. Omnibus omnia factus sum, ut omnes lucrificiam. Ideoque congruum fuisse, ut Christus in cibo potuque communiter se sicut alij haberet: Idque probat verbis Christi Matt. 11. Venit Ioannes non manducans, neque bibens. Venit filius hominis manducans, & bibens, & dicunt, Ecce homo vorax, & potator vini. 49

Propositio 32.

Ex quo loco colligunt alij SS. Patres, consulto instituisse Christum vitam minus seueram ac rigidam, quam Ioannem, ut facilius omnes lucrificeret. 95

Propositio 33.

Quemadmodum ait Chrysost. hom. 38. in Mattheum. 99.

Propositio 34.

Illam ergo Religionem perfectissimam ne dubita, qua est

INDEX.

est vita, & muneri Apostolico simillima. 103

Propositio 35.

Illā Religio est perfectior alijs, quā, ceteris paribus, habet media efficaciora ad consecutionem eius finis, propter quem est instituta. 121

Propositio 36.

Illā Religio est perfectior, quā, ceteris paribus, non tantum efficaciora media habet ad suum finem perfectissimum, sed etiam plura talia, & magis ordinata. 123

Propositio 37.

Illā perfectior est Religio, quā, ceteris paribus, habet auxilia plura & meliora ad consequendum finem suum & mediomm suorum usum in suo Ordine praescripta. 130

Propositio 38.

Illā Religio perfectior est, quā ceteris, paribus, pluribus & melioribus est fuita praesidijs, ad submovenda omnia impedimenta felici usus mediomm ad sui finis consecutionem sese opponentia. 131.

Propositio 39.

Illum ordinem, Illustrissime Domine, puta perfectiorem, qui, ceteris paribus, maiorem fructum in Ecclesia Dei facit verbis, scriptis, factis, exemplis, &c. 132

Propositio 40.

Vnde sequitur, illam esse meliorem, quā plures & meliores, & per plures vias ac modos, & pro pluribus locis

ac personis, fructus edit, & per ipsos fructus tales a se editos, alios fructus novos & novos in alijs multiplicat.

134

Propositio 41.

Quæ omnia sunt certissima signa summæ perfectionis. 131

Propositio 42.

Quæ sita est non in verbis, gestibus, sed in factis heroicis: quia ut ait S. Greg. Papa Hom. 30. in Evangelia. Probatio dilectionis, exhibitio est operis. 137

Propositio 43.

Sicut plus donat ille, qui arborem fructiferam donat, quam qui sola poma; ita & status, & persona, ceteris paribus, melior est; Deoq; magis grata, quæ non tantum fructum facit bonum, sed facit res fructiferas quamplurimas, ex quibus fructus innumeri, perpetua successione & multiplicatione nascuntur. 138

Propositio 44.

Illæ Religio est melior, quæ, ceteris paribus, habet & offert plures occasiones heroicæ virtutum & laborum pro Dei gloriâ, siue in iuuandis animabus per varios modos, siue in tolerandis persecutionibus & aduersitatibus ob studia pietatis. 139

Propositio 45.

*Ideo merito S. Ioannes Climacus scribit gradu quarto, Noli citius currere, neq; eleueris facile, cum enarrari audis solitariorum Patrum vitas, in enimpro-
tomartyris militia incedis.* 141

Pro-

I N D E X

Propositio 46.

Hac enim quæ famam, & honorem ledunt, grauiora sunt viris honestis, & ingenuis, ipsa mortis acerbitate, quam multi mallerent subire, quam fama & honoris pati iacturam.

142

Propositio 47.

Quæ causa est, ut grauiissimi quique Theologi & Iurisperiti expresse doceant, quibusdam in casibus sine ullo peccato posse occidi alterum ob defensionem honoris proprii, & ad euadendam aliquam contumeliam grauem, seu honoris iacturam.

144

Propositio 48.

Ideoquo & S. Propheta Elias 3. Reg. 19. vers. 4. Optabat potius mortem, quam molestias persecutionis, quam patiebatur à lezabel.

145

Propositio 49.

Et Sanctus Paulus, ob labores vite Apostolica animarum causa susceptos, dicebat, Rom 7. vers. 24. Infelix homo, quis me liberabit de corpore mortis huius?

146

Propositio 50.

Et 1. Cor. 8. Non volumus ignorare vos fratres detribulatione nostra, quæ facta est in Asia, quoniam supra modum grauati sumus supra virtutem, ita ut taderet nos etiam viuere.

148

Propositio 51.

Vnde mirū non est, quidam multa passos pro Dei gloria etiamsi morte naturali extincti sint, inter Martyres computatos.

150

* * *

I N D E X

Propositio 52.

*Sic Ecclesia S. Marcellum Papam pro martyre colit 16.
Ianuarij, S. Felicem, 14. Ianuarij, & S. Higinum,
11. Ianuarij.* 51

Propositio 53.

*Et S. Lutgardis Virgo Ordinis Cisterciensis, ad aequalem
gloriam cum S. Catharina Virgine & Martyre electa
fuit, etsi sine ferro & sanguine obierit, teste Thoma
Cantipratano, apud Surium, 16. Iunij.* 54

Propositio 54.

*Eandemque ob causam S. Damascenus in vita S. Barlaam
& Iosaphat scriptum reliquit, Religiosos animo ac vo-
luntate Martyres effectos, ea gloria, quam martyres
obtinent, minime carere.* 57

Propositio 55.

*Quod certe magis locum habet in iis, qui iuxta signum
bonorum à S. Bernardo traditum, plura quam alij
bona faciunt, & plura quam alij mala patiuntur, &
minores fauores, & laudes, & applausus humanos
reportant.* 58

Propositio 56.

*Illas Religiones pluris facias, in quibus maius est Ora-
tionis studium quam Psalmodia.* 161

Propositio 57.

*Proinde S. Thomas 2. 2. qu. 91. art. 2. ad 3. ait nobilio-
rem esse modum prouocandi homines ad deuotionem
per doctrinam & predicationem quam per cantum.* 198

Propositio 58,

Et sub-

*Et subdit: Ideò Diaconi, & Pralati, quibus compe-
rit per predicationem & doctrinam animos homi-
num prouocare in Deum, non debent cantibus
insistere; ne per hoc a maioribus retrahantur. S.
Gregor. Papalib. 4. Regum cap. 88. quod etiam
positum est in Decret. D. jr. 92. Con. in Sanct. Ro-
man. Ecclesia, presentis decreto constituto, ut
in Sede hac Sacri Altaris ministri cantare non debe-
ant. Et ut ibidem additur. Consuetudo est valde
reprehensibilis, ut in Diaconatus ordine consti-
tutus, modulationi vocis seruiant, quos ad predi-
cationis officium, & eleemosynarum studium va-
care congruebat, &c. Hac S. Thomas.* 170

Propositio 59.

*Quod si propter Eleemosynas corporales Sacra Psalmo-
dia debet omitti, multo magis propter spirituales,
uti sunt, peccantes corrigere, ignorantes docere,
dubitantibus recte consulere, consolari mæstos,
Sacramenta administrare, libros pro defensione
S. Ecclesie, & alios similes pro dilatanda Divina
gloria conscribere, &c.* 173

Propositio 60.

*Ideò illæ Religiones, cæteris paribus, preferenda sunt
alijs, quæ habent ex suo instituto maiorem rati-
onem Predicationis & Orationis, quam Psalmo-
dia,* 195

*** 2

Propo-

I N D E X.

Propositio 61.

Perfectionem Religionis non metuaris, Illustriss. Domine, ex vita austeritate externa. 196

Propositio 62.

Sed potissimum ex dilectione Dei, quae se prodit ampla & multiplici propagatione diuini cultus, & gloria, & multarum animarum salute. 205

Propositio 63.

Et laboribus difficilibus earum cause constanter, & perseueranter propter Deum susceptis, & inuicta virtute in occasionibus peccatorum declaratur. 207

Propositio 64.

Arctitudo obseruantiarum, inquit S. Thomas 2. 2. qu. 188. art. 6. ad 3. non est illud, quod praecipue in Religione commendatur, ut B. Antonius dicit, & ideo non est potior Religio ex hoc, quod habet arctiores obseruantias, sed ex hoc, quod ex maiori discretione sunt eius obseruantiae ordinatae ad fidem Religionis 207

Propositio 65.

Et 2. 2. qu. 184. art. 3. & lib. de Perfect. vitae spiritualis cap. 2. idem S. Doctor ait, Primum, & principaliter consistit spiritualis vitae perfectio in dilectione Dei, secundario in proximi dilectione. 209

Propositio 66.

Caue, inquit S. Hieronymus Epist. 41. ad Celantiam, cap. 6. ne si ieiunare, aut abstinere ceperis, te putes esse iam sanctam, haec enim virtus, adiumentum est,
non

non perfectio sanctitatis.

210

Propositio 67.

Hinc S. Franciscus teste S. Bonaventura eius vita Cap. 6. sepe dicebat Fratribus. De omni eo quod peccator potest, nemo sibi debet iniquo applausu blandiri: peccator, ait, ieiunare potest, orare, plangere, carnemque propriam macerare, hoc solum non potest, Domino scilicet suo esse fidelis.

211

Propositio 68.

Hinc in libro octavo in vitis Patrū apud Rosneydum. cap. 63. Oranti B. Paphuntio Abbati, qui in summa vite austeritate, & multo maiore, quā nunc in vltimo Religioso Ordine seruetur, vitam Eremiticam sectabatur, separatus à consortio hominum, diuinitus reuelatum est, eum non excessisse perfectionem cuiusdam in Ciuitate tibicinis, qui non ita pridem vacabat latrocinis, ebrietati, & scortationi. Cum autē accurate examinaretur, quidnam vnquam ab eo recte gestū esset: hoc solum inuenit; quod cum aliquando latronis vitam ageret, Christi Virginem, cui erat à latronibus vitium afferendum, liberauit, & aliter formosæ mulieri erranti in solitudine vim non intulerit, sed trecentis aureis donatam dimiserit, ut maritum cum liberis, ob debita in carcerem coniectum liberaret.

212

Propositio 69.

Si ergo hominem tam antea malū opera charitatis pauca equarunt meritis tam Sancti Eremitæ, in summo rigore ieiuniorum, & paupertatis: alijsq; carnū macerationibus

3

cerationibus

INDEX.

*cerationibus vitam traducenti, quanto maiorem
meritorum cumulum parient innumera opera chari-
tatis spiritualis, &c.* 213

Propositio 70.

Esi vite externa asperitate ceteris non antecellant. 216

Propositio 71.

*Merito itaque S. Anselmus explicans illud Apostoli 1.
Tim. 4. Exercitatio corporalis ad modicum; pietas
autem ad omnia.* 227

Propositio 72.

*Per exercitationem corporalem, intelligens cum S. Am-
brosio, S. Bernardo, & Thoma, corporis afflictionem,
& castigationem. Corporalis, inquit, exercitatio que
est in ieiunijs, vigilijs, labore manuum, ac multi-
moda corporis afflictione: parum utilitatis habet, re-
spectu magna utilitatis, quam habet pietas Religio se-
mentis. Exercete ad pietatem, id est, ad compassionem
proximorum, & ad opera misericordie. Nam, ut ait
S. Augustinus epist. 52. Pietas est verax Dei cultus,
unde omnia recte vivendi ducuntur officia.* 229

Propositio 73

*Quem locum explanans S. Thom. in Comment. Exercitatio,
inquit, ieiunij & huiusmodi, in sua natura non sunt
bona sed pœnalia, & si homo non peccasset, nihil ho-
rum fuisset, sed sunt bona medicinalia, in quantum re-
primunt concupiscentias. Ergo ad istud modicum,
sunt utilia, quia tantum ad morbum peccati carnalis,
non spiritualis: quia aliquando propter abstinentiam,
homo in iracundiam, inanem gloriam, & huiusmodi*

incurret.

incurrit. Praefert ergo abstinentia pietatē; & accipitur hic viroq; modo pro cultu Dei, & misericordia. 233

Propositio 74.

Sed praclare admodum S. Bernardus eundem Apostoli locum eodem sensu intelligens, Apologia ad Gulielmum Abbatem, eos Religiosos perstringit, qui ieiunijs maioribus addicti, & abstinentijs, vilq; & attrita tunica induti, detrahebant alijs Religiosis, quod vterentur melioribus vestibus ac pellibus, & carnibus vescerentur, & tria, vel quatuor pulmentaria uno die admitterent. 236

Propositio 75.

Et hos etsi pro delicatulis habitos; q; longe anteponit. 239

Propositio 76.

Attendite, inquit, in regulam Dei, cui utique non dissonat institutio S. Benedicti. Regnum Dei intra vos est (Luca 17.) hoc est, non exterius in vestimentis, aut alimentis corporis, sed in virtutibus interioris hominis. Vnde Apostolus (Rom. 14.) Regnum Dei non est esca, & potus, sed iustitia, & pax, & gaudium in Spiritu Sancto. De corporalibus itaque observantijs fratribus calumniam struitis, & quae maiora sunt Regula, spiritalia instituta relinquitis. Magna abusio. Tunicati & elati, abhorremus pelliceas. Tanquam non melior sit pellibus inuoluta humilitas, quam tunicata superbia. Repleti deinde venire faba, mente superbia, cibis damnamus saginatos:

saginato: quasi non melius sit exiguo sagimine ad vsum vesci, quam ventoso legumine usque ad ructum exsaturari: & precipue cum Esau. non de carne, sed de lente sit reprehensus, & de ligno Adam, non de carne damnatus: è contra vero Elias innoxie carnem comederit 3. Reg. 17. vers. 6. Abraham gratissime carnibus Angelos pauerit Gen. 18. de ipsis fieri sacrificia Deus praeceperit. Et infra. Quanto Spiritus corpore melior est; tanto spiritualis; quam corporalis exercitatio fructuosior. Tu ergo cum de horum obseruatione elatus, alijs eadem non obseruantibus derogas, non te magis transgressorem Regule indicas? cuius licet minima quedam teneas, meliora deuitas: de quibus Paulus emulamini, ait, charismata meliora. Detrahendo quippe fratribus, in quo te melius extollis, perdis humilitatem: in quo alios deprimis, charitatem; quae sunt charismata meliora. Tu si tuum corpus multis ac nimis laboribus atteris, ac regularibus asperitatibus mortificas membra tua benefacis. Sed quid sille, quem similiter non laborantem d. iudicas, modicum quidem habeat de hac, quae ad modicum utilis, corporali videlicet exercitatione; amplius autem, quam tu de illa quae ad omnia valet, id est, pietate, &c.

241

Propositio 77.

Quod usque adeo verum est, ut idem S. Bernardus serm. 12. in Cantica. Prælatos saeculares Ecclesie utiles, leuibus aliquibus defectibus obnoxios, antepo-

nat

nat Religiosis solitarijs, & si à vulgo habitis pro perfectioribus, Inhumane, inquit, eorum redarguis opera, quorum onera refugis. Dico enim sius qui è Claustro est, eum qui versatur in populo, interdum minus districtè minus circumspècte sese agere deprehenderit, v. g. in cibo, in somno, in risu, in ira, in iudicio, non ad iudicandum confestim resiliat, sed meminerit scriptum Eccles. 42. Melior est iniquitas viri, quam benefaciens mulier. Nam tu quidem intuiti custodia vigilans, benefacis, sed qui iuvat multos, melius facit, & virilius. Quod si implere non sufficit absque aliqua iniquitate, idest, absque quadam inaequalitate vitae, & conuersationis suae, memento, quia charitas operit multitudinem peccatorum, Iacob. 5.

265

Propositio 78.

Sicut vita austeritas, etsi bona, & utilis, non est id, ex quo perfectio Religiosa vita agnoscenda est.

268

Propositio 79.

Id ex quo perfectio Religiosa vita agnoscenda est, non est paupertas.

269

Propositio 80.

Id expresse docet S. Thomas 2. 2. q. 88 artic. 7. ubi querit, Vtrū habere aliquid in cōmuni, diminuat perfectionē Religionis? Et respondet: perfectionē non cōsistere essentialiter in paupertate, sed in Christi seque-la: secundum illud Hieronymi, super Matth. cap. 19. Ecce nos reliquimus omnia & secuti sumus te, &c

288

*** 5

Pro-

INDEX.

Propositio 81.

*Vide in Collationibus Patrum, Collat. 1. cap. 1. Abbas
Moses dicit Nuditas ac privatio omnium facultatū,
non perfectio sed perfectionis instrumenta sunt.* 289

Propositio 82.

*Et in responsione ad 3. Paupertatem, ait, esse minimum
inter instrumenta perfectionis,* 290

Propositio 83.

*Praeterea docet, ideo paupertatem esse in Religionibus
servandam, ne per sollicitudinem circa res tempora-
les, quae diuitias comitari solet in secularibus Reli-
giosis retrahantur à pijs suae Religionis operibus, cum
ergo in quibusdē Religionibus ad Ecclesiae utilitatem
instituitis, ipsa sollicitudo querendi necessaria pro
templi ornatu, & usu, pro victu, & vestitu, pro
viaticis, pro suppellectili, & alijs domesticis necessi-
tatibus, magis impediat procuracionem alienae salu-
tis, diuinaeque gloriae propagationem, quam sollicitu-
do unius Oeconomi, vel Patrisfamilias, aut superio-
ris Religionis, circa conseruationem, & defensionem
rerum immobilium, vel mobilium Religionis,
&c.* 291

Propositio 84.

*Ideo praecipui Religionum à Sancta Sede. Apostolica
confirmatarum, & commendatarum Fundatores,
Basilius, Augustinus, Benedictus, Bruno, Ber-
nardus, Ignatius, &c. diuinitus Illustrati, certos
suis Religiosis permiserunt redditus,* 305

Proë

INDEX

Propositio 85.

Ut ita liberi à quærendis eleemosynis, melius & Deo, & sibi, & proximis vacare possent. 24

Propositio 86.

Liberiusque errantes corrigere, quod facere non ita auderent, si ab eis quærenda essent subsidia temporalia; timerent enim benefactores offendere, corrigendo eorum vitia; quia veritas odium parit. 318

Propositio 87.

Quam etiam ob causam & S. Teresa Fundatrix Discalceatorum, quemadmodum scribit Didacus Lepsius Archiepiscopus Turisonensis in eius vita, etsi quædam Monasteria abque ullis redditibus Deo reuelante fundauerit, postea tamen experientia subsequente edocta distrabi animos procuratione eleemosynarum, quædam alia Monasteria, eodem Deo Magistro erexit, dotata redditibus: ut sine solitudine conquirendarum eleemosynarum, & ea que illam comitatur distractione, Moniales Deo, rebusque diuinis magis vacarent. 325

Propositio 88.

Eandem ob causam inter quatuor monita sibi à Deo reuelata, pro conseruatione suorum Monasteriorum scriptum reliquit in libro Foundationum cap. 31. Ut quamuis Discalceati haberent plura Monasteria, in quolibet tamè pauci habitarent: pro multis enim eleemosyna, cum magna distractione, & solitudine

dine corrogari solet, & ut parum cum secularibus tractarent, & illud modicum pro bono animarum secularium: & ut magis docerent operibus, quam verbis.

330

Propositio 89.

Ideo nonnullis Religionibus bona immobilia & mobilia necessaria sunt, ut eorum honesto, & moderato usu vires corporis foueant, & sine sollicitudine conquirendi necessaria, pro victu, & vestitu alijsq; rebus, toti sese impendant procuranda aliena saluti, diuinaque glorie amplificande.

335

Propositio 90.

Et hoc Dominus, inquit S. Thomas loco citato, paupertatis institutor docuit suo exemplo. Habebat enim, loculos Iuda commissos, in quibus recondebantur ei oblata, ut habetur Ioannis 12.

354

Propositio 91.

Et discipuli eius post eius resurrectionem, à quibus omnis Religio sumpsit originem, pretia pradiorum conseruabant, & distribuabant illa, prout unicuique opus erat.

365

Propositio 92.

Quin etiamsi Apostoli uni loco, uti nunc Religioforū Monasteria fuissent adstricti, nec in ea suorum paucitate debuissent circuire tot mundi regiones, proculdubio stabiles & certos redditus acceptassent.

374

Propositio 93.

Vti postea dilatata Ecclesia, & pastoribus animarum
multipli-

*multiplicatis, ac ad certa loco addictis, acceptarunt
Episcopi, alique Ecclesiastici.*

394

Propositio 94.

*Non obest ergo perfectioni Religiosa possessio bonorum
temporalium bene distributorum; sed vel malus, &
superfluous eorum usus, vel nimis erga illa affectus;
quorum utrumq; præscindit in ordinatis Religionibus
& votum Paupertatis, & regularis disciplina.*

398

Propositio 95.

*Commendat & hoc perfectionem Religiosi Ordinis, si
cæteris paribus, ex instituto suo occupet se pro Deo in
arduis & difficilioribus, quam alij. Hanc ob cau-
sam S. Thomas 1. p. q. 95. ar. 4. ad 2. au. Opus dif-
ficilius ex parte obiecti esse magis meritorium. Vnus-
quisque enim mercedem percipiet secundum suum la-
borem 1. Cor. 3. Maior autem est labor. ubi est res
difficilior quæ pro Deo proficitur.*

308

Propositio 96.

*Attende etiam ad hoc, Illustrissime Domine, ut eam
Religionem tuo Nepoti commendes præ cæteris, in
qua cum Regularum observantia vides maiorem
concordiam, & domesticam unionem, præsertim
in magna dissimilitudine graduum, & nationum
varietate simul cohabitantium.*

312

Propositio 97.

*Quæ tantopere est Deo grata, ut S. Macario Abbati,
cui vitam ducenti in Eremiticam solitariam, in perpetuis
ieiunijs, & carnis macerationibus multo maioribus
quam*

quam

quam hoc nostro seculo vigeat in vlla Religione, etiam Eremitica; & assidue rerum diuinarum contemplationi dedito, Deus prout et duas fœminas coniugatas rei uxoria vacantes; quæ tamen nil praceris habebant, quam quod per annos quindecim in domo vna pariter manentes, nec turpe verbum altera dixisset ad alteram, nec litem mouisset, sed in pace vixisset, & à secularibus verbis abstinere ad mortem decreuissent, cum desiderio vite Monastica, si id per maritos earum aliquando liceret.

Propositio 98.

408

Et hac ut opinor sufficient, Illustrissime Domine, ad adferendam tibi certam lucem, pro utroque desiderio tuo.

412

Propositio 99.

Unum restat, ut te exeuem ad aperiendam liberaliter manum, & cum bonis, ac Nepote tuo corpus tuum.

ibid.

Propositio 100.

Unum denique addo, id ut Nepoti tuo inculces serio, ne à sancto vite arctioris desiderio resiliat, tum alias ob causas, tum ne vite æterna iacturam patiatur.

415

F I N I S.

PROPOSITIONES

SELECTÆ

*EX THEOLOGI CVIVSDAM EPISTOLA
ad quendam Magnatem scire cupientem, quomodo
posset distribuere bona sua temporalia ad pios vsus,
cum utilitate quàm maxima animæ suæ.*

Et cui Ordini Regulari vnum è nepotibus
suis vitæ Religiosæ desiderio captum
deberet addicere, hoc libro
examinatæ.



PROPOSITIO PRIMA.

*Generalitradam monita desumpta ex certa S.S. Pa-
trum & Theologorum doctrina.*

SPECIOSA quidem, sed haud fidelis Authoris pro-
missio, si ea spectentur, quæ in Epistola tradit, vel
male ex Sanctorum Patrum, & Theologorū dictis con-
cludendo, vel male eorum dicta referendo. Suam
enim pro Sanctorum Patrum & Teologorum doctrina
obtrudit friuolam, atque in ipsos, & Theologos, & San-
ctos Patres injuriosam atque contumeliosam. Et certam
vocat doctrinam, quæ falsa, ac ne quidem probabilis est,
vt cuilibet simplici etiam inspectione patebit, nosque vt
errores euitenter, & Deus veritatis per veritatem laudetur,
aperiemus.

PROPOSITIO II.

Vt autem cognoscas sine errore , quibus in rebus sita sit ista Dei quàm maxima gloria , quam propagare per tuas facultates , & nepotem tuum vis & debes , hac diligenter considera.

IMO si recte ac diligenter considerentur, quæ Author in epistola tradit , errorem ac tenebras effundunt circa iudicium , quibus in rebus sita sit quàm maxima gloria Dei , quam illustrissimus , ad quem Author scribit , per suas facultates , suumque Nepotem vult , ac debet , vt Author loquitur , propagare.

PROPOSITIO III.

Unde sequitur , illum magis glorificare Deum , sibi que magnos meritorum & gloriæ gradus conciliare , qui ad ea opera , & personas res suas deriuat , à quibus maiora & plura præterita extirpantur , & purgantur peccata , ac futura impediuntur.

NON inficior quin ille multum glorificet Deum sibi que magnos meritorum & gloriæ gradus conciliet , qui ad ea opera , & personas res suas deriuat à quibus maiora & plura præterita extirpantur , & purgantur peccata , ac futura impediuntur. Inficior tamen quod insuper Author addit , hunc magis glorificare Deum , maioresque meritorum & gloriæ gradus sibi conciliare. Imò magis ille glorificat Deum , & maiorem sibi meritorum & gloriæ cumulum parat , qui res suas deriuat ad personas perfectiores , quæue , cum in se ipsis perfectæ sint , non modò aliorum peccata præterita purgant & extirpant , futuraque impediunt , verum etiam alios perficiunt , quod per.

perfectorum tantum est. Magis enim glorificat Deum ille, qui vnum perfectum facit, quàm qui multos conuertit; qui post modum sunt tepidi, etiam si abstineant à peccatis mortalibus. Quia maior gloria Deo resultat ex vno iusto perfecto, quàm ex multis alijs iustis communibus, seu imperfectis. Nam sicut pictor maiorem sibi gloriam parat ex vna pulcherrima effigie, quam summà industria elaborauit, quàm ex multis imaginibus imperfectis, quas veluti ludendo, aut somniando depinxit: ita vniuersorum Creator Deus cumulationem gloriam & laudem ex vno Francisco aut Dominico, quàm ex multis iustis tepidis & imperfectis decerpit. In istis enim Imago Dei in vera virtute constituta, & ab ipso Deo delineata, licet non effectoris culpa, obscura est, & mille imperfectionum lituris sœdata; quare parum sapientiam Artificis prædicat: at in viro perfecto imago ac similitudo Dei est valde pulchra atque perfecta; & tanto splendore circumdata, vt aspicientes in maximam admirationem rapiat, & ad eximias laudes Artifici referendas alliciat. Insinuatur id in scriptura diuina. Exodi enim 3. habetur: *Dixit Deus ad Moysen: hac dices filiis Israel. Dominus Deus patrum vestrorum, Deus Abraham, Deus Isaac, & Deus Iacob misit me ad vos: hoc nomen mihi est in æternum, & hoc memoriale meum in generatione & generationem.* Dubium tamen non est, ab Abraham vsque ad Moysen, hoc est trecentis eoque amplius annis, plurimos homines inter filios Israel in gratia Dei vixisse, & diem extremum clausisse: horum tamen Deus mentionem non fecit. Moysi quoque Exodi 3. 2. dixit Dominus: *Dimitte me, vt irascatur furor meus.* Cum tamen in tanta populi Dei multitudine fuerint aliqui immunes à peccato lethali, & in gratia Dei viuerent, sed eorum oratio non erat ad eum efficax. Sanctus quoque Elias 3. Reg. 18. dixit ad populum: *Ego remansi*

mansi Propheta Domini solus. Tamen eodem capite dicitur: Abdias timebat Dominum valde. Nam cum interficeret Iezabel Prophetas Domini, tulit ille centum Prophetas, & abscondit eos quinquagenos & quinquagenos in speluncis, & panit eos pane & aqua. Et rursum 3. Reg. cap. 19. dixit Elias: Derelictus sum ego solus. Et tamen eodem cap. dixit Dominus Derelinquam mihi in Israel septem millia virorum, quorum genua non sunt incurvata ante Baal, & omne os, quod non adoravit eum osculans manus. Magis ergo æstimat Deus vnum Iustum perfectum, quàm multos Iustos imperfectos. Quod etiam ratio Theologica suadet. Magis enim diligit Deus eum, qui v. g. habet centum gradus gratiæ, quàm viginti alios, quorum unusquisq; habet tantum quatuor gradus gratiæ, & oēs simul tantum octuaginta: nam gratia in nobis est effectus dilectionis, quæ est in Deo. Quod si verum est, utique magis glorificabit Deum, qui suo modo faciet vnum Iustum perfectum, quàm qui multos Iustos imperfectos. Id ipsum colligitur ex S. Thoma (cuius doctrinæ subscripsit Author) 2.2. q. 182. art. 2. in quo quærit, Virum vita actiua sit maioris meriti, quàm contemplatiua: Et tertio loco obiicit sibi tale argumentum: Gregorius dicit super Ezechielem, quod nullum sacrificium est Deo magis acceptum, quàm zelus animarum: sed per zelum animarum aliquis se convertit ad studia vite actiua, Ergo videtur, quod vita contemplatiua non sit maioris meriti, quàm actiua. Ad id respondet his verbis: Ad tertium dicendum. Quod sacrificium spiritualiter Deo offertur, cum aliquid ei exhibetur. Inter omnia autem bona homi-

hominis, Deus maximè acceptat bonum humana anima, ut hoc sibi in sacrificium offeratur. Offerre autem debet aliquis Deo primò quidem animam suam, secundùm illud Eccles. 30. Miserere anima tua placens Deo. Secundo autem animas aliorum; secundùm illud Apoc. ultimo, Qui audit dicat, veni. Quando autem homo animam suam, vel alterius propinquius Deo coniungit, tantò sacrificium est Deo magis acceptum. Vnde magis acceptum est Deo, quod aliquis animam suam, & aliorum applicet contemplationi, quàm actioni. Per hoc ergo, quod dicitur, quod nullum sacrificium est Deo magis acceptum, quàm zelus animarum, non præfertur meritum vitæ actiue merito vitæ cõtemplatiue; sed ostenditur magis esse meritum, si quis offerat Deo animam suam, & aliorum, quàm quacunq; alia exteriora dona. Hæc S. Thomas. Certum est autem, quod qui alios applicat purgationi peccatorum, quod eos applicat actioni: quia secundum doctrinam Theologorum, purgatio peccatorum pertinet ad vitam actiuam: & qui alios applicat contemplationi, applicat perfectioni, vel saltè profectui insigni, qui contemplatio supponit animam purgatam. Quod si magis est acceptum Deo secundum S. Thomam quod aliquis applicet alios contemplationi quàm actioni; vtiq; magis erit acceptum Deo, quod aliquis applicet alios perfectioni, quàm conuersioni.

PROPOSITIO IIII.

Vnde sequitur, te tunc valde glorificaturum Deum & tuam animam consulturum, si tua bona, & nepotem tuum

A 3

direxeris

direxeris ad tales personas, & talia pia opera, ex quibus in Ecclesia Dei oritur maior frequentia & excellentia tum piorum operum, tum hominum meliorum.

ACCEDIT propius ad veritatē Author in hac propositione, inquit Illustrissimum val de glorificaturum Deum, si sua bona, & Nepotem direxerit ad tales personas, & talia opera pia, ex quibus in Ecclesia Dei oritur maior excellentia tum piorum operum, tum hominum meliorum. Cæterum tales personæ, & talia pia opera non sunt, ut Author censuit in superiori propositione, illi à quibus maiora & plura purgantur & extirpantur præterita peccata, & futura impediuntur; sed sunt Christianæ perfectionis opera, piumque alios perficiendi studium, & exercitium, & personæ propriæ perfectioni alijsque perficiendis operam navantes. Quapropter gratis dicit, se hanc propositionem ex superiore accipere, & gratis etiam eam assumit, cum nec suum propositum ex ea concludatur concludi possit. Inepte etiam in hac propositione cum excellentia piorum operum, & hominum meliorum, frequentiam connectit: excellentia enim paucissimorum est, non tantum in vno aliquo tempore, sed respectu omnis temporis, & conferendo eos, non cum omnibus reprobis, & imperfectis omnino: sed etiam cum illis solis, qui terrenis rebus despectis, assequendæ perfectioni insistant. S. Cyprianus lib. de operibus Christi. Serm. de Ieiunio asserit, *paucissimos esse absolute Sanctos, sicut Moyses, Noe, & c. ac proinde & perfectos.* Idem enim sunt. Et S. Augustinus, *Perfectionem vult paucorum esse, imperfectorum vero infinitum esse numerum.* Cassianus etiam Collat. 19. cap. 9. ait: *rarum esse perfectionem, & paucissimis Dei dono concessam.*

sam. Alphonsus quoque Tostatus q. 5. in cap 4. Matt. ponit vt certum, *in paucissimis esse perfectionem: & propterea inonet: Predicatori Religioso moderate esse conuersandum cum hominibus, ne mores populi imbibat & imperfectiones* Rara igitur est perfectio in Mundo, quod ipsa experientia docet. *Paucos esse electos* asseruit veritas, Matthæi 22. pauciores ergo erunt perfecti. Nam non quiuis electus est perfectus.

PROPOSITIO V.

Ad quod conducit multitudo & mediorum & modorum, ac efficacia eorum ad talem pietatem personarum, & operum in Ecclesia Dei excitandam, propagandam, & dilatandam.

MIR V M est quod author inter tot conducentia incumbentibus saluti animarum, quorum sparsim meminit in ista Epistola, non inculcet sæpius præcipuam conditionem requisitam, quæ est, vt ministri Euangelij sint primò in seipsis perfecti. Prima enim proprietas sustentis officium prædicationis est, vt sit perfectus. Calamus namque malè temperatus, pulchros characteres non exarat; gladius obtusus & rubigine sordescens, non secatur; aratrum confractum, minimè terram proscindit; & homo imperfectus vitijs corruptus, prauis affectibus fractus, sinistra intentione superatus, opera omnibus partibus absoluta non perficit. Idcirco Dominus ad Phariseos ait: *Progenies viperarum, quomodo potestis bona loqui cum sitis mali? ex abundantia enim cordis os loquitur.* Hac oratione docens, malitiam

cordis verba noxia profundere, & pessimorū Patrum progenies non dissimiles, & edij passine victas, non posse quod bonum est loqui. Et rursus: *Bonus homo, de malo thesauro profert bona, & malus homo de malo thesauro profert mala.* Ex quo non ineptè consequitur, Religiosum tepidum ac im perfect de thesauro cordis sui prolaturum opera tepida & imperfecta. Necesse est ergo Predicatore esse perfectum.

PROPOSITIO VI.

Ille maximè glorificat Deum, & animam suam spiritualiter dnat, qui causa est contrariorum effectuum bonorum, siue per dispensationem suarum temporalium facultatum, siue alio modo.

ISTVD quoque mirabile est, quod Theologus asserit, ad maximam gloriam Dei spectare, esse causam frequentia & excellentia operum & hominum meliorum, per dispensationem bonorum temporalium: quasi bona temporalia Religiosis viris dispensata, debeant esse causa perfectionis in eisdem Religiosis, & ex eis oriri debeat maior frequentia & operum & hominum meliorum. Imo verò Religiosi deberet sibi cauere à bonis temporalibus. Quoniam (vt Bernardus ait) *Hac fugiendarum diuitiarum causa precipua est, quod aut vix, aut nunquam sine amore valeant possideri. Limosa siquidem & glutinosa nimis non modo exterior, verum etiam interior substantia nostra videtur, & facile cor humanum omnibus qua frequentat adheret.* Quod etiam docet S. Thomas, vt postea videbitur. Quod si de nepote agitur, incertum an etiam Religioni tali, qualem depingit Theologus,

gus, adscriptus, aptus erit, vel inpetus; an ex numero paucorum perfectorum futurus, vel ex grege imperfectorum, proderit an oberit fini intento.

PROPOSITIO VII.

Considera Illustriss. Domine inter opera pia, & personas Religiosas, à quibus glorificatur Deus, per illas glorificari magis, in quibus magis resplendet Dei dilectio, & proximi propter Deum,

HAEC propositio ambigua est & insufficiens. Vel enim sensus est, quod in quibusdam Religionibus magis resplendet Dei dilectio, & proximi propter Deum, secundum statum, quasi una Religio secundum statum obligetur ad maiorem dilectionem Dei, & proximi propter Deum, quam alia: & hic sensus est falsus, ut postea patebit. Vel est sensus, quod in quibusdam Religionibus secundum actum magis resplendet Dei dilectio, & proximi propter Deum: & tunc adhuc distinguendum est. Non enim omnis Dei dilectio & proximi propter Deum, est perfectio, sed est, quædam Dei dilectio, & proximi propter Deum, quæ reuera non est perfectio. Aut enim charitas Theologica sumitur afficiens, aut efficiens. perfectio non consistit in charitate afficiente, sed efficiente. Rursum charitas Theologica efficiens, aut sumitur nudè, aut sumitur certè vtsimul connotat priuationem inordinationis passionum, peccatorum aut vitiorum, & pro virili virtutum omnium acquisitionem: & in tali charitate consistit perfectio, ut SS. Patres, & Theologi Scholastici, & Magistri spirituales docent. Sic ergo limitanda est Propositio inducta. Ab illis personis Religiosis magis glorificatur Deus, in quibus magis resplendet secundum actum dilectio Dei, & proximi propter Deum, quæ est perfectio, scilicet charitas Theologi-

ca, quæ in quocunque gradu intensiōis, in tali tamen statu ac termino est, ut ablata inordinatione passionum, cupiditate, & vitijs, faciat expeditum hominem, ad usum suarum functionum, & exercitium omnium virtutum.

PROPOSITIO VIII.

Vnde sequitur per opera virtutis Religionis, uti sunt Psalmodie, non ita glorificari Deum, & animam ditari, atque ditatur per opera dilectionis Dei, & proximi propter Deum.

HÆC propositio est friuola, & deceptoria. Supponit enim quod opera virtutis Religionis non sint opera dilectionis Dei, & proximi propter Deum: quod falsum est de operibus virtutis Religionis infusæ: iam quod secundum Theologos virtus Religionis, est infusa, alia acquisita. Ut autem magis deceptio appareat, notandum est pro simili quod S. Thomas. 2. 2. q. 27. art. 8. docet, ubi quærit: *utrum sit magis meritorium diligere proximum, quam diligere Deum*. Et respondet dicendo, quod comparatio ista potest intelligi dupliciter. Vno modo, ut seorsim consideretur utraque dilectio: & tunc non est dubium, quod dilectio Dei est magis meritoria. Debetur enim ei merces propter se ipsam, quia ultima merces est frui Deo, in quem tendit diuina dilectionis motus. Vnde & diligenti Deum merces promittitur. Ioan. 14. Si quis diligit me, diligetur a Patre meo, & manifestabo ei me ipsum. Alio modo potest attendi ipsa cōparatio, ut dilectio Dei accipiatur secundum quod solus Deus diligitur: Dilectio autem

autem proximi accipiat secundum quod proximus diligitur propter Deum. Et sic dilectio proximi includit dilectionem Dei; sed dilectio Dei non includit dilectionem proximi. Unde erit comparatio dilectionis Dei perfecta, quae extendit se etiam ad proximum, ad dilectionem Dei insufficientem, & imperfectam: quia hoc mandatum habemus à Deo, ut qui diligit Deum, diligat & fratrem suum, & in hoc sensu dilectio proximi praeminet. Hæc S. Thomas. Quæ doctrina potest subseruire etiam in proposito. Comparatio enim inter virtutem Religionis infusam, & inter virtutem charitatis potest intelligi dupliciter. Vno modo ut seorsim consideretur utraque virtus; & tunc non est dubium, quod dilectio Dei, & proximi propter Deum est magis meritoria. Alio modo potest attendi ipsa comparatio, ut dilectio Dei, & proximi propter Deum accipiat secundum quod tantum diligitur Deus & proximus propter Deum; Virtus autem Religionis infusa accipiat secundum quod utitur motivo dilectionis Dei, & proximi propter Deum, siue secundum quod informatur charitate, quia charitas Theologica est forma omnium virtutum infusarum, & S. Thomas 2. 2. q. 81. art. 5. ad 1. ait: *Virtutes Theologicae, scilicet fides, spes, & charitas habent actum circa Deum, sicut circa proprium obiectum. Et ideo suo Imperio causant actum Religionis, quæ operatur quadam in ordine ad Deum. Quod etiam reperit q. 82. art. 2. ad 1. quod, inquit, homo tradat se ipsum Deo ad aliqua opera divini cultus, hoc immediate pertinet ad Religionem: mediatè autem ad charitatem, quæ est Religionis principium, & sic opera Religionis non solum sunt virtutis Religionis, sed etiam dilectionis*

dilectionis Dei, & proximi propter Deum, nimirum quatenus fiunt ex affectu impetrandi proximo salutem, & quæ ad salutem spectant, vel etiam quatenus fiunt in satisfactionem pro peccatis proximorum. Et sic Aauthor male distinxit opera virtutis Religionis, vti sunt psalmodiæ, contra opera dilectionis Dei, & proximi propter Deum.

Est quoque propositio prædicta contumeliosa in Religiones, in quibus exercentur psalmodiæ, eò quod supponit, à viris Religiosis ita exerceri psalmodias, quod hæ psalmodiæ non sint opera dilectionis Dei, & proximi propter Deum. Magis autem debuisset dicere Theologus: non ita glorificari Deum, & animam ditari per opera dilectionis Dei, & proximi propter Deum, ex parte vna: quam ex alia parte simul & per opera dilectionis Dei, & proximi propter Deum, & per opera virtutis religionis infusæ, vt sunt psalmodiæ.

Cæteris enim paribus per opera plurium virtutum infusarum magis glorificatur Deus, quàm per opera vnius virtutis. Magis ergo glorificatur Deus per opera dilectionis Dei, & proximi propter Deum simul, & per opera virtutis Religionis infusæ, quam per opera solius dilectionis Dei, & proximi propter Deum.

Præterea vt res fiat euidentior, & magis. ac magis Authorem urgeamus, distinguendum est de operibus dilectionis Dei, & proximi propter Deum. Quædam enim sunt opera dilectionis vt elicientis, cuiusmodi est ipse amor Dei, & proximi propter Deum. Quædam sunt opera dilectionis tantum imperantis, quo pacto dilectionis Dei, & proximi propter Deum opera sunt omnium etiam virtutum opera, quod Apostolus significat in Epist. ad Cor. omnium Virtutū opera charitati tribuens: *Charitas enim, inquit, patiens est, omnia credit, omnia sustinet, omnia sperat.* Iam percunctor ab Authore; cū opera dilectionis Dei, & proximi propter Deum psalmodiæ præfers, de quibusnam dilectionis operibus loqueris; De operibus dilectionis elicientis

an imperantis? Si de operibus dilectionis elicientis, fateor ea esse præferenda, quia nimirum eliciuntur à charitate, quæ est maxima omnium virtutum. Veruntamen hoc ad rem tuam non facit, quia de ipso actu seu affectu amoris, qui est actus dilectionis elicientis, nusquam loqueris in hac epistola, nunquam te ex illo præfers alijs omnibus Religiosis: sed ex doctrina & prædicatione, quæ opus sunt dilectionis non elicientis, sed imperantis. At cum etiam psalmodia sit opus dilectionis imperantis, & quidem dilectionis tum Dei, tum etiam proximi propter Deum, quomodo opera dilectionis Dei, & proximi propter Deum, dilectionis inquam imperantis, ex hoc ipso quod opera dilectionis sunt, psalmodiæ præfers, teque ex illis omnibus alijs Religiosis, non secus ac si Petro, qui homo est, Paulum quia homo est præferres absurdissimè? Paulus enim quia homo est, equo & leoni, qui homines non sunt, non Petro, qui etiam, non secus ac Paulus, homo est, præferri potest. Rursus diuinas promere laudes ad Christianam pietatem & perfectionem maximè spectat, *memoriam enim abundantie suauitatis diuinæ eructant* Christiani, & Sancti Religiosi, & diuina Iustitia exultant, cum diuinis laudibus per psalmodiam vacant; in quibus adeo assidui & continui & perpetes antiquitus erant Christiani, quod Auerroes cum alijs gentilibus diceret: Nihil aliud magis agunt Christiani, nisi quod Deum suum Crucifixum die ac noctu laudant. Non ergo facilè alia dilectionis opera psalmodiæ præferenda sunt.

Insuper licet omnium virtutum actibus commune sit à charitate imperari; id tamen conuenientissimum præ cæteris est actibus virtutis Religionis, ut indicauit S. Thomas 2. 2. q. 81. & 82. initio contra hanc octauam propositionem citatis, nimirum quia charitas cum sit circa Deum ut proprium obiectum, & Religio sit circa cultum Dei, *Charitas consequenter est Religionis principum,* idque

idque perspicuum est inter omnes Religionis actus, potissimum in psalmodia, siue ea consideretur vt laus diuina, siue vt oratio, seu deprecatio pro nostra & proximorum salute, & eorum quæ ad salutem spectant. Mens enim diuino amore æstuans mox in diuinas laudes prorumpit. Vnde Apostoli statim atque repleti sunt Spiritu sancto, *caperunt loqui magnalia Dei*: ideoque Spiritus sanctus in igneis linguis apparuit; quorum enim corda igne diuini amoris ardescunt eorum linguæ protinus in Dei laudes laxantur. Quare Spiritus Sanctus vbi cor Zachariæ impleisset, os eius clausum ferre minimè potuit: sed mox ad diuinas præcinendas laudes aperuit. Et quid obsecro pro nostra, aliòrumque salute, & eorum quæ ad salutem spectant orare nos facit, nisi nostræ salutis amor seu charitas, qua nos ipsos, & proximos propter Deum diligimus, ac Deum nobis, & proximis amamus? Maneat ergo, psalmodiam potissimum esse opus dilectionis Dei, & proximi propter Deum, atque adeò non posse alia opera ex hoc, quod dilectionis Dei, & proximi propter Deum opera sunt, psalmodiæ præferri.

Sed age Psalmodiam doctrinæ & prædicationi conferamus, ex quibus Author omnibus alijs Religionibus suam præferre conatur. Primum enim doctrinæ etiam & prædicatio opera dilectionis non elicientis, sed imperantis sunt; sunt enim actus intellectus, non voluntatis, quam afficit charitas. Est ergo inter ipsas & psalmodiam comparationis locus. Cæterum doctrina & prædicatio foris obstrepat, & auditur: psalmodia, vt inus admittatur, atque exaudiat impetrat & exorat. Idcirco Petrus: *orationi*, inquit, & *verbo instantes erimus*, non soli inquit verbo nec tantum orationi, sed vtrique; & cui maximè? orationi. *orationi enim*, inquit, & *verbo instantes erimus*.

Accedit, quod etsi doctrinam, quatenus per prædicationem exercetur, benè operationem dilectionis Dei & proximi

mi propter Deum dixerimus, quippe quæ ex fine tum operantis, tum etiam ipsius operis ad salutem animarum tendit: tamen doctrina, ut in scholis traditur, non solum Philosophica, sed etiam Theologica, non tam proprie opus dilectionis Dei & proximi propter Deum dici potest. Doctrina enim, quatenus in Scholis traditur, intellectum instruit, ut sciat, non voluntatem promouet, ut operetur: ad veritatem, non ad operationem tendit: ad sciendum, non ad declinandum à malo, & faciendum bonum ordinantur; & si quidem etiam ad operationem tendat, ut practicæ facultates, curat ut bene fiat operatio, non ut ad salutem, sed ut secundum ipsam scientiam, seu artem oportet: non ut sancta, sed ut artificiosa sit operatio. Si autem de philosophia id verum sit, quæ ad sacram Theologiam gradum facit, & conducit, deque ipsamet sacra Theologia, quæ Christianam fidem gignit & roborat, seu defendit, quid porro de Poësi, & Mathematicis? O quantum hæc ad salutem conducunt? O quantæ dilectionis Dei, & proximi propter Deum operationes sunt Poësis, & Mathematicæ doctrina.

Dices: Philosophiæ, & Poëseos, & Mathematices doctrinam ex fine operantis, quatenus scilicet ea intentione iuuandi proximos ad salutem à doctore traditur, operationem esse dilectionis Dei, & proximi propter Deum: fateor non secus etiam, ac artis pingendi, sculpendi, artis etiã sutoriæ, fabrilis, & aliarum omnium siue liberaliũ siue mechanicarum, quæ licite exercentur. Hoc modo ex fine operantis propter salutem proximorum tradita doctrina operatio est dilectionis Dei, & proximi propter Deum. Quidni ergo etiam ipsarum omnium artium doctrina ab Authore psalmodiæ præferatur? Neque verò nobis deest ratio præter eas, quæ proximè deductæ sunt, quare psalmodia omni prorsus doctrinæ, quæ ad mentem imbuendam traditur, longè præferatur in ratione operationis

direxeris ad tales personas, & talia pia opera, ex quibus in Ecclesia Dei oritur maior frequentia & excellentia tum piorum operum, tum hominum meliorum.

ACCEDIT propius ad veritatē Author in hac propositione, inquit Illustriſſimum val de glorificaturum Deum, ſi ſua bona, & Nepotem direxerit ad tales personas, & talia opera pia, ex quibus in Ecclesia Dei oritur maior excellentia tum piorum operum, tum hominum meliorum. Cæterum tales personæ, & talia pia opera non ſunt, vt Author cenſuit in ſuperiori propoſitione, illi à quibus maiora & plura purgantur & extirpantur præterita peccata, & futura impediuntur; ſed ſunt Chriſtianæ perfectionis opera, piumque alios perficiendi ſtudium, & exercitium, & personæ propriæ perfectioni alijsque perficiendis operam nauantes. Quapropter gratis dicit, ſe hanc propoſitionem ex ſuperiore accipere, & gratis etiam eam aſſumit, cum nec ſuum propoſitum ex ea concludatur aut concludi poſſit. Inepte etiam in hac propoſitione cum excellentia piorum operum, & hominum meliorum, frequentiam connectit: excellentia enim pauciſſimorum eſt, non tantum in vno aliquo tempore, ſed reſpectu omnis temporis, & conferendo eos, non cum omnibus reprobis, & imperfectis omnino: ſed etiam cum illis ſolis, qui terrenis rebus deſpectis, aſſequendæ perfectioni inſiſtunt. S. Cyprianus lib. de operibus Chri. Serm. de Ieiunio aſſerit, *pauciſſimos eſſe abſolutè Sanctos, ſicut Moſes, Noe, & c.* ac proinde & perfectos. Idem enim ſunt. Et S. Auguſtinus, *Perfectionem vult paucorum eſſe, imperfectorum verò infinitum eſſe numerum.* Caſſianus etiam Collat. 19. cap. 9. ait: *rarā eſſe perfectionem, & pauciſſimis Dei dono conſeſſam.*

Sam. Alphonsus quoque Tostatus q. 5. in cap 4. Matt. ponit vt certum, *in paucissimis esse perfectionem: & propterea monet: Predicatori Religioso moderate esse conuersandum cum hominibus, ne mores populi imbibat & imperfectiones* Rara igitur est perfectio in Mundo, quod ipsa experientia docet. *Paucos esse electos* asseruit veritas, Matthæi 22. pauciores ergo erunt perfecti. Nam non quiuis electus est perfectus.

PROPOSITIO V.

Ad quod conducit multitudo & mediorum & modorum, ac efficacia eorum ad talem pietatem personarum, & operum in Ecclesia Dei excitandam, propagandam, & dilatandam.

MIR V M est quod author inter tot conducentia incumbentibus salutis animarum, quorum sparsim meminit in ista Epistola, non inculcet sæpius præcipuam conditionem requisitam, quæ est, vt ministri Euangelij sint primò in seipsis perfecti. Prima enim proprietas sustentis officium prædicationis est, vt sit perfectus. Calamus namque malè temperatus, pulchros characteres non exarat; gladius obtusus & rubiginè sordescens, non secatur; aratrum contractum, minimè terram proscindit; & homo imperfectus vitijs corruptus, prauis affectibus fractus, sinistra intentione superatus, opera omnibus partibus absoluta non perficit. Idcirco Dominus ad Phariseos ait: *Progenies viperarum, quomodo potestis bona loqui cum sis mali? ex abundantia enim cordis os loquitur.* Hac oratione docens, malitiam

cordis verba noxia profundere, & pessimorum Patrum progenies non dissimiles, & odij passine victas, non posse quod bonum est loqui. Et rursus: *Bonus homo, de malo thesauro profert bona, & malus homo de malo thesauro profert mala.* Ex quo non ineptè consequitur, Religiosum tepidum ac imperfectum de thesauro cordis sui prolaturum opera tepida & imperfecta. Necessè est ergo Predicatorum esse perfectum.

PROPOSITIO VI.

Ille maximè glorificat Deum, & animam suam spiritualiter ducit, qui causa est contrariorum effectuum bonorum, siue per dispensationem suarum temporalium facultatum, siue alio modo.

ISTVD quoque mirabile est, quod Theologus asserit, ad maximam gloriam Dei spectare, esse causam frequentia & excellentia operum & hominum meliorum, per dispensationem bonorum temporalium: quasi bona temporalia Religiosis viris dispensata, debeant esse causa perfectionis in eisdem Religiosis, & ex eis oriri debeat maior frequentia & operum & hominum meliorum. Imo verò Religiosi deberet sibi cauere à bonis temporalibus. Quoniam (vt Bernardus ait) *Hac fugiendarum diuitiarum causa precipua est, quod aut vix, aut nunquam sine amore valeant possideri. Limosa siquidem & glutinosa nimis non modo exterior, verè etiam interior substantia nostra videtur, & facile cor humanum omnibus qua frequentat adheret.* Quod etiam docet S. Thomas, vt postea videbitur. Quod si de nepote agitur, incertum an etiam Religioni tali, qualem depingit Theologus,

gus, adscriptus, aptus erit, vel inpetus; an ex numero paucorum perfectorum futurus, vel ex grege imperfectorum, proderit an oberit fini intento.

PROPOSITIO VII.

Considera Illustriss. Domine inter opera pia, & personas Religiosas, à quibus glorificatur Deus, per illas glorificari magis, in quibus magis resplendet Dei dilectio, & proximi propter Deum,

HAEC propositio ambigua est & insufficiens. Vel enim sensus est, quod in quibusdam Religionibus magis resplendet Dei dilectio, & proximi propter Deum, secundum statum, quasi una Religio secundum statum obligetur ad maiorem dilectionem Dei, & proximi propter Deum, quam alia: & hic sensus est falsus, ut postea patebit. Vel est sensus, quod in quibusdam Religionibus secundum actum magis resplendet Dei dilectio, & proximi propter Deum: & tunc adhuc distinguendum est. Non enim omnis Dei dilectio & proximi propter Deum, est perfectio, sed est quædam Dei dilectio, & proximi propter Deum, quæ reuera non est perfectio. Aut enim charitas Theologica sumitur afficiens, aut efficiens. perfectio non consistit in charitate afficiente, sed efficiente. Rursum charitas Theologica efficiens, aut sumitur nudè, aut sumitur certè ut simul connotat priuationem inordinationis passionum, peccatorum aut vitiorum, & pro virili virtutum omnium acquisitionem: & in tali charitate consistit perfectio, ut SS. Patres, & Theologi Scholastici, & Magistri spirituales docent. Sic ergo limitanda est Propositio inducta. Ab illis personis Religiosis magis glorificatur Deus, in quibus magis resplendet secundum actum dilectio Dei, & proximi propter Deum, quæ est perfectio, scilicet charitas Theologi-

autem proximi accipiat secundum quod proximus diligitur propter Deum. Et sic dilectio proximi includit dilectionem Dei; sed dilectio Dei non includit dilectionem proximi. Unde erit comparatio dilectionis Dei perfecta, quae extendit se etiam ad proximum, ad dilectionem Dei insufficientem, & imperfectam: quia hoc mandatum habemus à Deo, ut qui diligit Deum, diligat & fratrem suum, & in hoc sensu dilectio proximi praeminet. Hæc S. Thomas. Quæ doctrina potest subservire etiam in proposito. Comparatio enim inter virtutem Religionis infusam, & inter virtutem charitatis potest intelligi dupliciter. Vno modo ut seorsim consideretur utraque virtus; & tunc non est dubium, quod dilectio Dei, & proximi propter Deum est magis meritoria. Alio modo potest attendi ipsa comparatio, ut dilectio Dei, & proximi propter Deum accipiat secundum quod tantum diligitur Deus & proximus propter Deum; Virtus autem Religionis infusa accipiat secundum quod utitur motivo dilectionis Dei, & proximi propter Deum, siue secundum quod informatur charitate, quia charitas Theologica est forma omnium virtutum infusarum, & S. Thomas 2. 2. q. 81. art. 5. ad 1. ait: *Virtutes Theologicae, scilicet fides, spes, & charitas habent actum circa Deum, sicut circa proprium obiectum. Et ideo suo Imperio causant actum Religionis, quæ operatur quadam in ordine ad Deum.* Quod etiam reperit q. 82. art. 2. ad 1. quod, inquit, homo tradat se ipsum Deo ad aliqua opera divini cultus, hoc immediate pertinet ad Religionem: mediatè autem ad charitatem, quæ est Religionis principium, & sic opera Religionis non solum sunt virtutis Religionis, sed etiam dilectionis

dilectionis Dei, & proximi propter Deum, nimirum quatenus fiunt ex affectu impetrandi proximo salutem, & quæ ad salutem ipectant, vel etiam quatenus fiunt in satisfactionem pro peccatis proximorum. Et sic Aauthor male distinxit opera virtutis Religionis, ut sunt psalmodiæ, contra opera dilectionis Dei, & proximi propter Deum.

Est quoque propositio prædicta contumeliosa in Religionem, in quibus exercentur psalmodiæ, eò quod supponit, à viris Religiosis ita exerceri psalmodias, quod hæ psalmodiæ non sint opera dilectionis Dei, & proximi propter Deum. Magis autem debuisset dicere Theologus: non ita glorificari Deum, & animam ditari per opera dilectionis Dei, & proximi propter Deum, ex parte vna: quam ex alia parte simul & per opera dilectionis Dei, & proximi propter Deum, & per opera virtutis religionis infusæ, ut sunt psalmodiæ.

Cæteris enim paribus per opera plurium virtutum infusarum magis glorificatur Deus, quàm per opera vnius virtutis. Magis ergo glorificatur Deus per opera dilectionis Dei, & proximi propter Deum simul, & per opera virtutis Religionis infusæ, quam per opera solius dilectionis Dei, & proximi propter Deum.

Præterea ut res fiat euidentialior, & magis ac magis Aauthorem urgeamus, distinguendum est de operibus dilectionis Dei, & proximi propter Deum. Quædam enim sunt opera dilectionis ut elicientis, cuiusmodi est ipse amor Dei, & proximi propter Deum. Quædam sunt opera dilectionis tantum imperantis, quo pacto dilectionis Dei, & proximi propter Deum opera sunt omnium etiam virtutum opera, quod Apostolus significat in Epist. ad Cor. omnium Virtutū opera charitati tribuens: *Charitas enim, inquit, patiens est, omnia credit, omnia sustinet, omnia sperat.* Iam percunctor ab Authore; cū opera dilectionis Dei, & proximi propter Deum psalmodiæ præfers, de quibusnam dilectionis operibus loqueris; De operibus dilectionis elicientis

an imperantis? Si de operibus dilectionis elicientis, fateor ea esse præferenda, quia nimirum eliciuntur à charitate, quæ est maxima omnium virtutum. Veruntamen hoc ad rem tuam non facit, quia de ipso actu seu affectu amoris, qui est actus dilectionis elicientis, nusquam loqueris in hac epistola, nunquam te ex illo præfers alijs omnibus Religiosis: sed ex doctrina & prædicatione, quæ opus sunt dilectionis non elicientis, sed imperantis. At cum etiam psalmodia sit opus dilectionis imperantis, & quidem dilectionis tum Dei, tum etiam proximi propter Deum, quomodo opera dilectionis Dei, & proximi propter Deum, dilectionis inquam imperantis, ex hoc ipso quod opera dilectionis sunt, psalmodiæ præfers, teque ex illis omnibus alijs Religiosis, non secus ac si Petro, qui homo est, Paulum quia homo est præferres absurdissimè? Paulus enim quia homo est, equo & leoni, qui homines non sunt, non Petro, qui etiam, non secus ac Paulus, homo est, præferri potest. Rursus diuinas promere laudes ad Christianam pietatem & perfectionem maximè spectat, *memoriam enim abundantie suauitatis diuinæ eructant* Christiani, & Sancti Religiosi, & diuina Iustitia exultant, cum diuinis laudibus per psalmodiam vacant; in quibus adeo assidui & continui & perpetui antiquitus erant Christiani, ut Avicenna cum alijs gentilibus diceret: Nihil aliud maxime agunt Christiani, nisi quod Deum suum Crucifixum die ac noctu laudant. Non ergo facile alia dilectionis opera psalmodiæ præferenda sunt.

Insuper licet omnium virtutum actibus commune sit à charitate imperari; id tamen conuenientissimum præ cæteris est actibus virtutis Religionis, ut indicauit S. Thomas 2. 2. q. 81. & 82. initio contra hanc octauam propositionem citatis, nimirum quia charitas cum sit circa Deum ut proprium obiectum, & Religio sit circa cultum Dei, *Charitas consequenter est Religionis principum,* idque

mi propter Deum dixerimus, quippequæ ex fine tum operantis, tum etiam ipsius operis ad salutem animarum tendit: tamen doctrina, ut in Scholis traditur, non solum Philosophica, sed etiam Theologica, non tam proprie opus dilectionis Dei & proximi propter Deum dici potest. Doctrina enim, quatenus in Scholis traditur, intellectum instruit, ut sciat, non voluntatem promouet, ut operetur: ad veritatem, non ad operationem tendit: ad sciendum, non ad declinandum à malo, & faciendum bonum ordinantur; & si quidem etiam ad operationem tendat, ut practicæ facultates, curat ut bene fiat operatio, non ut ad salutem, sed ut secundum ipsam scientiam, seu artem oportet: non ut sancta, sed ut artificiosa sit operatio. Si autem de philosophia id verum sit, quæ ad sacram Theologiam gradum facit, & conducit, deque ipsamet sacra Theologia, quæ Christianam fidem gignit & roborat, seu defendit, quid porro de Poësi, & Mathematicis? O quantum hæc ad salutem conducunt? O quantæ dilectionis Dei, & proximi propter Deum operationes sunt Poësis, & Mathematicæ doctrina.

Dices: Philosophiæ, & Poëseos, & Mathematices doctrinam ex fine operantis, quatenus scilicet ea intentione iuuandi proximos ad salutem à doctore traditur, operationem esse dilectionis Dei, & proximi propter Deum: fateor non secus etiam, ac artis pingendi, sculpendi, artis etiã sutoriæ, fabrilis, & aliarum omnium siue liberaliù siue mechanicarum, quæ licite exercentur. Hoc modo ex fine operantis propter salutem proximorum tradita doctrina operatio est dilectionis Dei, & proximi propter Deum. Quidni ergo etiam ipsarum omnium artium doctrina ab Authore psalmodiæ præferatur? Neque verò nobis deest ratio præter eas, quæ proximè deductæ sunt, quare psalmodia omni prorsus doctrinæ, quæ ad mentem imbuendam traditur, longè præferatur in ratione operationis

nis dilectionis Dei, & proximi propter Deum, seu in hoc quod charitate imperante tradatur. Deuotio enim, quæ communiter operibus virtutis Religionis, ut propria materia, & pabulo augetur & pinguescit, maximè tamen psalmodia nutritur, augetur, & sanguinatur. Quis enim non videat, quod Deum laudando ac deprecando (quod per psalmodiam præstamus) nos eius famulatur & obsequio magis ac magis addicimus & deuouemus, quæ est ipsa deuotionis operatio? Rursus deuotio ex charitate causatur. Patet enim, quod ex amore aliquis redditur promptus ad seruendum amico. Charitas ergo, quæ nostra ad Deum amicitia est, nos reddit promptos ac deuotos ad seruendum Deo. Denique deuotio charitatem ipsam auget & fouet, sicut & quælibet amicitia conseruatur, & augetur per amicabilium operum exercitium. Igitur deuotio in psalmodia præstat, ut ex charitate promatur, & magis ac magis eam promendo, charitas exardescat. Id quod in traditione doctrinarum, quæ pro fine operis non sanctam operationem, sed veritatem, seu perfectionem intellectus habent, dici non potest, quia deuotionis materia & pabulum non sunt, ut potè ad Religionis virtutem non pertinentes.

Licet verò psalmodia, etiam ut virtutis Religionis opus in Sanctis Religionibus instituta sit: etenim Religiosi, qui in Cœnobitica Communitate sese diuino famulaturi perennuò deuouerunt (de his enim loquor, non de illis Religiosis, qui Anachoreticam vitam ducunt) quidni in aliquo diuino famulatu seu cultu communiter vnaque conueniant? Nunc autem præter psalmodiam nullum in Sacris Religionibus video, nisi forte communem diuinum cultum & famulatum, communem refectiorem, seu recreationem dixeris: maximè tamen psalmodia in Religionibus cœnobiticis ut communis charitatis, seu dilectionis Dei, & proximi propter Deum operatio instituta est.

Constat

Constat enim, tum charitatem finem esse communem omnium Religionum, ad cuius perfectionem assequendam quæque Religio essentialibus votis Obedientia, Castitate, Paupertate, atque omnibus institutis suis Professores ordinat ac disponit; tum paucissimas Regulas de elicitis ac proprijs charitatis actibus in Religionibus institui. Vel ergo dicendum est, omnes Religiones ad charitatis perfectionem assequendam suos Professores per omnium aliarum virtutum, præterquam per proprios charitatis actus ordinare ac disponere; quod est absurdum, cum maxime ex proprijs frequentatis actibus virtutes augeantur; vel sane ab unaquaque Religione psalmodiam potissimum ut charitatis modulationem institui. Et quanquam de aliarum etiam virtutum actibus id dici possit, præ cæteris tamen de psalmodia dicendum est: cum enim diuina excellentia, bonitas, liberalitas, misericordia, iustitia, cæteræque diuinæ perfectiones, diuina beneficia, nostraq; indigentia, vilitas, miseria, summaque à Deo in esse, fieri, conseruari, pieque cogitare, velle, & operari dependentia in psalmodia recollantur & meditentur; consequens est, quod psalmodia sit veluti caminus seu clybanus, in quo igne diuini Amoris Religiosi accendantur. Neque enim psalmodiam ab Oratione mentali seiungimus, quia nemo est qui inficietur, ignem diuini Amoris in nobis accendi; sed cum ipsa oratione mentali, seu meditatione & contemplatione iungimus, non modo quia iuxta Apostolum psallendum spiritu, psallendum & mente, sed etiam quia in omnibus Religionibus una cum psalmodia oratio ipsa merè mentalis, seu meditatio siue contemplatio instituta est, siue quæ præcedat siue quæ sequatur, ut mutuo se iuuent, seruent, ac foueant. Est ergo psalmodia in Religionibus instituta, ut charitatis modulatio. Non ergo operatio dilectionis Dei & proximi propter Deum contra psalmodiam distinguenda est, aut illi præferenda, cum etiam ipsa psalmodia sit

sanctis inspirationibus, ut magis ardeat; legunt flores ac fructus honoris & honestatis, in odorem & saporem suauitatis; curant ne euigilare quis faciat dilectam, donec ipsa velit. Sed calculum hunc nouit, qui accipit. Nouerat S. P. Augustinus, qui flebat vberissime in Hymnis & Canticis, suauis sonantis Ecclesiæ vocibus vehementer affectus. Nouit Sanctus Dominicus, Prædicatorum Pater & Princeps, qui nocturnas horas in mediam noctem incidentes, ab initio noctis priuatis precibus præueniebat, quas ad diluculum usque producebat, nocte Cæli perlustrans limina, die Terris dans verbi semina. Nouerunt eius posteri, eius vitam æmulati. Nouit potissimum S. Hyacinthus, qui Poloniam ac Germaniam semine diuini verbi repleuit, & vberimos fructus legit, qui migraturus in Cælum die Assumptioni Deiparæ Virginis sacro, in Chorum se deferri iussit, vnde Canonicis precibus recitatis solutus carne sponsum complexus est. Quid plura; Quid moror in re clarissima; Tantum non nouit, qui pluris facit eo carere quam eum accipere, quique eius carentia alijs se præfert & gloriatur.

Plura in hanc sententiam propositione 56. & 59.

PROPOSITIO IX.

Virtute Religionis ex qua deuotionis opera promanant longe perfectior est virtus charitatis, ut expresse docet S. Th. 2. 2. q. 81. ar. 5. & loco paulò ante citato.

HÆC Propositio est vera quantum ad hoc, quod virtute Religionis sit perfectior virtus charitatis, & quod hoc doceat S. Thomas ab Auctore loco paulò ante citato, videlicet 2. 2. q. 23. ar. 6. Sed est falsa quantum ad hoc, quod id expresse doceat S. Thomas 2. 2. q. 81. art. 5. Aliud enim est expresse docere, Aliud verò colligere aliquid

sint opera dilectionis Dei, & proximi propter Deum. Certè potius debuisset dicere, Deum magis glorificari per opera pœnitentiæ simul & per opera dilectionis Dei, & proximi propter Deum, quàm tantùm per opera dilectionis Dei: quia operibus plurium virtutum magis glorificatur Deus, quàm operibus vnius virtutis, vt supra in simili dictum est.

PROPOSITIO XI.

Quin etiam S. Thomas in 4. dist. 15. ar. 2. & c. asserit Eleemosynam plus esse satisfactoriam pro peccatis, quàm ieiunium, & orationem.

HÆC Propositio continet malam citationem S. Thomæ. Distinctio enim citata continet Quæstiones 4. & articulus non coninet Quæstiones, sed quæstunculas. Author autem non citat in qua Quæstione id doceat S. Thomas. Debuisset ergo sic citare: *S. Thomas in 4. dist. 15. Q. 2. art. 2. quæstuncula 2. asserit, Eleemosynam plus esse satisfactoriam pro peccatis, quàm ieiunium & orationem.* Consultò id adducitur, vt appareat an Theologus sit peritus in doctrina S. Thomæ, qui etiam citare eum non bene nouit, & fortassis in citando aliena fide, non sua opera vsus est. Quod ad rem verò ipsam attinet, non miretur Theologus, docuisse S. Thomam, quod eleemosyna sit magis satisfactoria, quàm ieiunium, sed consideret rationem S. Thomæ. *Eleemosyna, inquit, includit in se virtutem & ieiunij dupliciratione. Primo, quia eleemosyna eum constituit, cui datur, debitorem ad orandum & ieiunandum, & alia bona quæ potest, faciendum pro eo qui dedit. Secundo, quia eleemosyna propter*

Deum

Deum data, est quasi quedam oblatio Deo facta. Unde Philosophus etiam dicit in 1. Ethic. cap. 14. Quod bona opera habent aliquid simile Deo sacratis; oblatio autem ipsi Deo facto vim orationis habet. Et similiter in quantum bona exteriora ad corporis conservationem ordinantur, subtractio exteriorum bonorum per eleemosynam, quasi virtute continet ieiunium, quo maceratur corpus. Similiter etiam oratio virtute continet ieiunium, quia extensio intellectus ad Deum, debilitatem corporis parit, ut dictum est. Unde eleemosyna completius habet vim satisfactionis, quam oratio, & oratio, quam ieiunium. Hæc S. Thomas. Non ergo mirum est, quod eleemosyna sit magis satisfactoria pro peccatis, quam ieiunium, & oratio, quia eleemosyna claudit in se ieiunium & orationem. Sicut uon est mirum, quod anima rationalis est præstantior quam sensibilis: & vegetabilis: quia anima rationalis claudit utramque; quod exemplum adducit S. Thomas loco citato Male ergo & friuolè distinguit Théologus eleemosynam, ut, est satisfactoria, contra ieiunium, & orationem.



PROPOSITIO XII.

Imò quod mirabilius est S. Thomas 2. 2. q. 124. art. 3. ad 3. ait: Actum ex charitate docendi & gubernandi subditos esse perfectiorem, quam actum martyrij consideratum secundum propriam speciem actus.

HÆC

HÆC Propositio continet falsissimam citationem. Ibi enim S. Thomas 3. loco obijcit sibi tale argumentum. *Melius esse videtur alijs prodesse, quàm seipsū in bono conservare quia bonum gentis melius est, quàm bonum unius hominis secundum Philosoph. in 1. Ethic. Sed illi qui martyrium sustinet, sibi solū prodest: ille autem qui docet, proficit multis. Ergo actus docendi & gubernandi subditos est perfectior, quàm martyriū.* Respondet ad hoc argumentum S. Thomas non verbis citatis à Theologo, sed alijs. *Dicendum, inquit, quod ratio illa procedit de martyrio secundum propriam speciem actus, ex qua non habet excellentiam inter omnes actus virtutum: sicut nec fortitudo est excellentior inter omnes virtutes.* Hæc. S. Thomas. Sed inde apparet infidelitas maxima Theologi, qui alia verba loco verborū S. Thomæ intrusit; imò & aliū sensum: quia S. Thomas in hac responsione docet, quod actus docendi & gubernandi subditos, secundum suam speciem est perfectior, quàm martyriū secundum propriam speciem actus. Et nihil omnino meminit in hac responsione de actu docendi & gubernandi subditos, ut est ex charitate: alia autem est consideratio actus docendi & gubernandi subditos secundum propriam speciem actus, & alia consideratio secundum quod est ex charitate.

Cæterum quia Theologus non explicando sufficienter doctrinam S. Thomæ potest dare occasionem deceptionis & erroris (quod vitare caute debuit) ut aliquis æstimet, actum docendi absolute esse perfectiorem, quàm martyrium: ideo pensanda est doctrina S. Thomæ quam loco citato in corpore articuli adfert. *De aliquo, inquit, actu virtutis loqui possumus dupliciter. Unde modo secundum*

dum speciem actus ipsius, prout comparatur ad virtutem proximè elicentem ipsum. sic non potest potest esse, quod martyrium, quod consistit in debita tolerantia mortis, sit perfectissimus inter virtutis actus: quia tolerare mortem, non est laudabile secundum se, sed solum secundum quod ordinatur ad aliquod bonum, quod consistit in actu virtutis: puta ad fidem, & ad dilectionem Dei: unde ille actus virtutis cum sit finis, melior est. Alio modo potest considerari actus virtutis, secundum quod comparatur ad primum motuum, quod est amor charitatis. Et ex hac parte precipue aliquis actus habet, quod ad perfectionem vite pertinet: quia ut Apostolus ait ad Coloß. 3. Charitas est vinculum perfectionis. Martyrium autem inter omnes actus virtuosos maximè demonstrat perfectionem charitatis, quia tanto magis ostenditur aliquis aliquam rem amare, quanto pro ea rem magis amatam contemnit, & rem magis odiosam eligit. Manifestum est autem quod inter omnia alia bona presentis vite, maximè amat homo ipsam vitam & e contrario maximè odit ipsam mortem, & precipue cum doloribus corporalium tormentorum, quorum metu etiam bruta animalia à maximis voluptatibus abstrahuntur, ut Augustinus dicit in lib. 83. Q. Et secundum hoc patet, quod martyrium inter ceteros actus humanos est perfectior secundum suum genus, quasi maxima charitatis signum secundum illud Ioann. 15. Maiorem charitatem nemo habet, quam ut animam suam ponat quis pro amicis

amicis suis. Hæc S. Thomas. Actus ergo martyrii ex charitate est perfectior secundum suum genus, quam actus docendi & gubernandi subditos ex charitate : quam veritatem inuoluit, & non explicuit Theologus

PROPOSITIO XII.

Unde sequitur tertio Illustris. Domine, te ad tales personas & opera, debere tuas facultates, & nepotem conuertere, quæ magis versentur circa dilectionem Dei & proximi, quam circa Psalmodias, & corporis macerationes.

HÆC Propositio est multipliciter deceptoria & friuola. Primò quidem quia si secundum statum Religionum loquitur, falsissimum est, quod quædam Religiones magis versentur circa dilectionem Dei, & proximi, quædam verò minus. Non enim sumenda est distinctio Religionum ex eo, in quo omnes Religiones conueniunt. Quia, ut bene inquit S. Thomas 2. 2. q. 184. art. 8. *Comparatio supereminentia non habet locum inter aliquos ex ea parte, in qua conueniunt: sed ex ea parte, in qua differunt.* Et in eadem 2. 2. q. 188, art. 6. inquit. *Non potest quid dici altero potius, nisi secundum id, in quo ab eo differt.* Cum ergo omnes Religiones conueniant in Vno fine remoto & mediato, qui est dilectio Dei & proximi, non sub certo aliquo & determinato gradu, sed maior illa quæ potest in hac vita haberi. neque enim assignandus est terminus dilectionis Dei, videlicet tantus modus seu gradus dilectionis illius, ut ad maiorem Religiosi non debeant contendere, sed ut S. Bernardus ait libro de diligendo Deum : Modus diligendi Deum est sine modo diligere : utique non potest

institui comparatio inter Religiones penes charitatem quasi maior & altior charitas non sit de ratione instituti alicuius Religionis. Non igitur potest dici, quasdam Religiones secundum suum statum magis versari circa dilectionem Dei: & proximi propter Deum, quasdam verò minus, (nam etiam dilectio proximi propter Deum est finis omnium Religionum, ut Theologi docent, imò eadem est charitas, qua diligitur Deus, & proximus propter Deum, & in eo etiam perfectio consistit iuxta doctrinam eorundem Theologorum.) Quod si dicas secundum Theologos attendi præminentiam vnius Religionis ad aliam secundum finem; id quidem verum est secundum finem proprium & specialem proximum & immediatū vniuscuiusque Religionis, non autem secundum finem communem, & vniuersalem, remotum & mediatum, in quo omnes conueniunt, qui est charitas.

Secundò propositio illa est deceptorica & friuola, quia si sumat dilectionem Dei & proximi secundum actuale exercitium eius: tunc adhuc debet distinguere Propositionem, nempe debere illustrissimum Dominum, nepotem suum (nam de facultatibus terrenis, quarum ubique, & primo quidem loco meminit Theologus, non est curandum) conuertere ad tales personas, quæ magis versentur circa dilectionem Dei, & proximi, quæ est perfectio. Non enim omnis dilectio Dei & proximi est perfectio, ut supra dictum est. Quod si velis omnem dilectionem Dei & proximi dicere perfectionem, nota ex S. Thoma 2. 2. q. 24. art. 8. *quod quando aliquis studium suum deputat ad vacandum Deo, & rebus diuinis, prætermittis alijs, nisi quantum necessitas presentis vitæ requirit, ista est perfectio charitatis, quæ est possibilis in via, non tamen est communis omnibus charitatem habentibus. Quando verò habitualiter aliquis totum cor suum ponit in Deo,*

ita

ita scilicet quod nihil cogitet, vel velit, quod diuinæ dilectioni sit contrarium, hac perfectio communis est omnibus charitatem habentibus. Sunt enim tres gradus charitatis, scilicet alia est incipiens, alia proficiens, alia perfecta, vt docet idem S. Thomas art. immediatè sequenti. Quando autem homo ad hoc principaliter intendit (inquit S. Thomas) vt Deo inhereat, & eo fruatur, hoc pertinet ad perfectos, qui cupiunt dissolui, & esse cum Christo. Et in eadem 2. 2. q. 184. art. 2. dicit, quod est perfectio quantum ad hoc, quod excludantur ea, quæ repugnant motui dilectionis in Deum. sicut Augustinus dicit in lib. 83. q. quod venenum charitatis est cupiditas; perfectio nulla cupiditas. Et talis perfectio potest in hac vita haberi; & hoc dupliciter. Uno modo in quantum ab affectu hominis excluditur omne illud quod contrariatur charitati, sicut est peccatum mortale; & sine tali perfectione charitas esse non potest, unde est de necessitate salutis. Alio modo in quantum ab affectu hominis excluditur, non solum illud, quod est charitati contrarium, sed etiam omne illud, quod impedit ne affectus mentis totaliter dirigatur in Deum; sine qua perfectione charitas esse potest; puta, in incipientibus & proficientibus. Clarius autem Opusc. 18. distinguit quod perfectio charitatis pro statu viæ est duplex. Alia quæ cadit sub præcepto, & est de necessitate salutis. Alia quæ cadit sub consilio; & quæ non est de necessitate salutis. Et hanc distinctionem ponit tam in dilectione Dei, quàm in dilectione proximi, & eam explicat multis capitibus. Per-

fectio

fectio autem dilectionis Dei, quæ cadit sub consilio secundum S. Thomam consistit in hoc, ut emulemur perfectionem comprehensorum, & in similitudinem perfectionis illius, quantum possibile est, nos trahamus. Colligit id ex verbis Apostoli : Non quod iam comprehenderim aut perfectus sim; sequor autem si quò modo comprehendam. Postmodum verò subdit : Quicumque ergo perfecti sumus, hoc sentiamus. Et quia (inquit S. Thomas) humanum cor tantò intensius in aliquid unum fertur, quantò magis à multis reuocatur: sic igitur tantò perfectius animus hominis ad Deum diligendum fertur, quantò magis ab affectu corporalium reuocatur. Omnia autem consilia, quibus ad perfectionem inuitamur, ad hoc, pertinent, ut animus hominis ab affectu rerum temporalium auertatur, ut sic liberius mens tendat in Deum, contemplando, amando, & eius voluntatem implendo. Perfectio autem dilectionis proximi prout cadit sub consilio, secundum tria attenditur. Primo quidem secundum affectus extensionem. Secundo secundum affectus intensionem. Tertio secundum ipsum etià affectu. Hæc omnia S. Thomas. Secundum quæ limitando seu explicando Propositionem Theologi, talis debet formari. Illustrissime Domine, ad tales personas debes nepotem tuum conuertere, quæ magis versantur circa dilectionem DEI, & proximi, quæ est Perfectio propria Religiosorum, & cadit sub consilio, scilicet ad personas, quæ suum studium deputarunt ad vacandum Deo, & rebus diuinis, prætermis alijs, nisi in quantum necessitas præsentis vitæ requirit: quæ ad hoc principaliter intendunt, ut Deo inhaereant

&

& eo fruuntur. & cupiunt dissolui, & esse cum CHRISTO: quæ excludunt ea, quæ repugnant motui dilectionis in DEVM, non solum ea quæ sunt charitati contraria, scilicet peccata mortalia, sed etiam omnia illa, quæ impediunt, ne affectus mentis totaliter dirigatur in DEVM: in quibus nulla est cupiditas: quæ æmulantur perfectionem comprehensorum, & in similitudinem perfectionis patriæ, quantum est possibile, se trahunt: & ideo ab affectu rerum temporalium se auertunt & reuocant, vt sic liberius mens eorum tendat in DEVM, contemplando, amando, & eius voluntatem implendo: demum, quæ affectu extenso, & intenso, & efficaci amant proximum. Dequo S. Thomas opusc. 18. cap. 14.

Tertiò, Propositio dicta est friuola & deceptoria propter hoc, quia deberet distingui; ad tales scilicet personas conuertendum esse nepotem, quæ magis versantur circa dilectionem Dei extensam ad dilectionem proximi, cui tamen incumbant sine detrimento, non dico salutis, sed etiam perfectionis Religiosæ. Vt enim ait S. Thomas quòdlib. 3. q. 6. art. 17. ad 6. *Et si procurare salutem aliorum sit maius, quàm intendere sibi soli, loquendo in genere: tamen non quocunque modo intendere salutem aliorum, præferitur ei, quod est quocunque modo intendere suæ salutis.* Si enim aliquis totaliter & perfectè intendit suæ salutis, multò maius est, quàm si aliquis multa particularia opera agat ad salutem aliorum: salutis propriæ etsi sufficienter, non tamen perfectè intendat. Hæc S. Thomas. Conformiter ad hanc doctrinā 2. 2. q. 182. art. 2. ad 1. ait: *Labor exterior toleratus propter Christum, est quoddam signum charitatis.* Sed multò expressius eius signum est, quod ali-

quis

quis prætermiſſis omnibus, quæ ad hanc vitam pertinent ſoli diuinæ contemplationi vacare delectetur. Hæcibi.

Tanti ergo eſt perfectio propria vniuſcuſque, quod maius æſtimatur ſibi perfecte attendere, quàm multa circa ſalutem animarum laborare, cum ſufficientia ſuæ ſalutis, ſed non cum totali perfectione. Ad illas ergo perſonas conuertendus nepos, quæ magis verſantur circa dilectionem proximi ſine detrimento, non dico ſalutis, ſed perfectionis propriæ.

Quartò, eſt friuola & deceptoria dicta Propoſitio: eo quod diſtinguit dilectionem Dei & proximi, contra pſalmodias & corporis macerationes, quaſi pſalmodiæ & corporis macerationes, non ſint actus dilectionis Dei & proximi. De quo iam circa præcedentes Propoſitiones dictum eſt. Propoſitio quoque dicta continet inſignem calumniam contra Religiones. Nam imputat, quod ſint quædam Religiones, quæ magis verſantur circa Pſalmodias & corporis macerationes, quàm circa dilectionem Dei & proximi: cum tamen dilectio Dei & proximi ſit finis omniũ Religionum, & ei fini omnes Religiones incumbant. Et omnes Religiones magis æſtimant dilectionem Dei & proximi, quàm Pſalmodias & corporis macerationes; imò non aliter exercent Pſalmodias & corporis macerationes, niſi quia Pſalmodiæ & corporis macerationes ſunt actus dilectionis Dei, & proximi. Hanc ob rem huiusmodi Epiſtola non eſt digna Catholico Authore, qui omnes Religiones deberet reuerenter ſuſpicere, ſed potiùs videtur à nequiſſimo ſpiritu præſumptionis, & odij profecta. Dum enim Theologus hic Religionem conformem ſuo palato exaltat, multas Religiones deprimit, primò verò omnes deprimit, ut poſteà clarum fiet.

Quintò, Propoſitio dicta eſt friuola & deceptoria in hoc, quia ſupponit proximum non iuuari, ſed non exerceri dilectionem proximi per Pſalmodias & corporis macerationes,
quod

quod omnino falsissimū est. In primis enim S. Thomas 2. 2. q. 91. art. 1. ait: *Prodest etiam laus oris ad hoc, quod aliorum affectus prouocetur in Deum. Vnde dicitur in Psal. 33. Semper laus eius in ore meo. Et postea subditur: Audiant mansueti & latentur. Magnificate Dominum mecum.* Et S. Augustinus lib. 9. Confess. c. 6. de se ipso testatur: *Quantum, inquit, fleui in hymnis & canticis tuis suauē sonantis Ecclesie tue vocibus commotus acriter. Voces illa influebant auribus meis, & eliquabatur veritas tua in cor meum, & ex ea astuabat affectus pietatis, & currebant lachrymæ, & benè mihi erat cum eis.* Et lib. 10. cap. 33. sic ait: *Cum reminiscor lachrymas meas, quas fudi ad cantus Ecclesie tue in primordiis recuperata fidei mee, & nunc ipso commoueor, non cantu, sed rebus, quæ cantantur, cum liquida voce, & conuenientissima modulatione cantantur, magnam instituti huius utilitatem rursus agnosco.* Et in Epist. 119. cap. 18. *Sine dubitatione, inquit, faciendum est, maximè illud, quod etiam de Scripturis defendi potest, sicut de Hymnis & Psalmis canendis, cum & ipsius Domini & Apostolorū habeamus documenta, & exempla, & præcepta. De hac re tam utili ad mouendum pie animum, & accendendum diuine dilectionis affectum, varia consuetudo est.* Hæc Augustinus Inter opera verò Iustini in, lib. Responſionum ad Orthodoxos resp. ad q. 107. sic habetur: *Excitat, inquit, Cantus (scilicet Ecclesiasticus) cum voluptate quadam animum, ad fla-*
grans

grans eius, quod carmine celebratur, desiderium affectiones & concupiscentias carnis sedat, cogitationes malas inimicorum, quos cernere non est, suggestionem oborientes amolitur. Mentem ad fructificationem diuinorum operum rigat. Piesatis decertatores generosos, & fortes per constantiam in rebus aduersis efficit. Omnium rerum, quæ in vita tristes & luctuose accidunt, pijs affert medicinam. Gladium spiritus hoc Paulus appellat in armamentario; ubi contra inuisibiles aduersarios, milites vera pietatis suis instruit armis. Verbum namque Dei est & id quod animi cogitatione, quod carminis praludio, quod carmine ipso celebratur ac demones fugat, depellitque. Et in rebus denique omnibus, quæ pijs eueniunt, animus vera pietatis virtutibus per carmina Ecclesiastica perficitur. Hæc ibi. Psalmidia ergo valet ad excitandos proximorum affectus. Quod verò operibus pœnitentiæ iuuetur proximus, & per ea exerceatur dilectio erga ipsum, est vniuersorum Theologorum consensus docentium, quod opera pœnitentiæ possunt esse satisfactoria pro alijs. Docent id Sancti suo exemplo, qui semurum ponebant inter Deum & peccatores, & sui corporis miserabilibus excruciationibus Dei iram placabant, homines Deo coniungebant, & ad ipsum conuertebant. Huius rei speculum viuum S. Dominicus gloriosissimus Patriarcha incliti Ordinis Prædicatorum; qui singulis noctibus ter catena ferrea acriter se flagellabat: primò pro seipso, deinde pro peccatoribus in mundo degentibus, & demùm pro animabus Purgatorij. Quod verò magis mirandum est, multæ feminæ pœnitentijs conuerterunt plurimos peccatores ad Deum, ut palam loquuntur Historiæ S. Lorgardis, & S. CHRISTINÆ mirabilis, & aliarum

aliam. In ordine ad quem finem & S. MATER nostra Theresia fundauit Ordinem Discalceatarum Monialium, vt macerationibus & orationibus prodesse salutem animarum, quam iardenter expetebat. Discant Prædicatores verbi DEI, non solum verbo, sed etiam mortificationibus externis conuertere peccatores; & si ipsi non indigere se arbitrantur poenitentia exteriori, saltem in suo corpore aliena peccata castigant.

Sexto, est friuola & deceptoria Propositio in hoc, quod distinguit dilectionem DEI & proximi contra psalmodias, & corporis macerationes, quasi hæc omnia simul non possint esse: vt de facto videmus, ea omnia reperiri in sanctis finis Religionibus. Quod si secundum Authorem illa Religio est perfectior, quæ magis versatur circa dilectionem DEI & proximi, quàm circa Psalmodias & corporis macerationes: quantò magis perfectior erit illa Religio, quæ omnia ista complectitur; scilicet dilectionem DEI & proximi, Psalmodias, & corporis macerationes? Perfectior enim Religio est, quæ plura opera perfecta exercet, quàm illa, quæ pauciora. Si dicatur Psalmodiam impedire opera dilectionis erga proximum; hoc infra discutietur.

Denique dicta Propositio est subuersiua iuuentutis. nam per eam auocantur animi eorum, ne tradant se Religionibus, in quibus sunt Psalmodiæ, & corporis macerationes.

PROPOSITIO XIV.

*Bene ait S. Gregorius Papa lib. 6. c. 2. in lib. Regum.
Longè altioris est meriti, propriam voluntatem alienæ semper voluntati submittere, quàm magnis ieiunijs corpus atterere, aut per compunctionem se in se-
cretiori sacrificio martare,*

C

HÆC

HÆC authoritas impertinenter est adducta à Theologo. DVM enim suadet Illustrissimo, vsu-
as facultates, & nepotem suum conuertat ad tales
personas, quæ magis versantur circa dilectionem
DEI, & proximi, quàm circa psalmodias, & corporis ma-
cerationes, suadet id inde, quia Obedientia melior est,
quàm ieiunium & compunctio. Quæ enim est hæc
illatio? Agitur de dilectione DEI & proximi; probatio
verò adfertur de obedientia. Quod si dicatur, inde colligi
posse principale intentum; utique id debuit fecisse Theolo-
gus, & non fecit. Sed & frustra laborat, & aerem (ut di-
citur) verberat; nullus enim charitati præfert aliquam vir-
tutem: neque aliquis dicet, Religiones aliquas profiteri
psalmodias, & pænitentias, exclusa obedientia. Verum
& hæ Religiones, quæ simul vacant Psalmodiæ, pœni-
tentijs, & obedientiæ, utique loquendo ad hominem, per-
fectiores erunt, quàm illæ Religiones, quæ profitentur O-
bedientiam, non item Psalmodias & pœnitentias, quia ope-
ra plurium virtutum, & consequenter plura ad perfectio-
nem assequendam auxilia habent; in quo etiam ponit The-
ologus perfectionem Religionis, ut infra videbitur.

PROPOSITO XV.

*Considera & hoc Illustrissime Domine, si inueneris plu-
res hominum piorum Ordines & Congregationes,
quæ tibi viderentur bonæ & perfectæ, debere te potius
ijs bona tua cum nepote tuo offerre, qui sequuntur
perfectius viuendi institutum, & in eo modum vi-
uendi perfectiorem.*

HÆC Propositio est inepta, & imprudens consili-
um continet. Non enim unicuique expedit per-
fectior religio: & ita non sequitur, debere Illu-
strissi-

strictissimum offerre nepotem perfectiori Religioni. Inter alias enim causas, propter quas Spiritus sanctus ornauit Sponsam suam Ecclesiam varietate Ordinum, est ista: quia non omnes uni Religioni, etiamsi perfectissimæ, apti sunt. Varia enim sunt hominum ingenia, variae conditiones, variae naturæ propensiones, & affectiones. Alij enim magis ad contemplandum, alij vero magis ad operandum apti: alij Mariæ otium & solitudinem, alij Marthæ negotium & sollicitudinem quærunt: alij Cœnobiticam vitam in societate viuentium, alij solitariam affectant: alij strictiori & asperiori vitæ sunt idonei, alij verò minimè, etiamsi ad id aspirent. Vnde multoties contingit, quod aliquis non benè discussis rebus indiscriminatum ad quamcūq; Religionem intrando, à spirituali profectus retardetur, & multa incommoda sustineat. Ad quod propositū est illud quod dicit S. Gregorius lib. 6. Moral. c. 17.

Magno opere sciendum est, quia valde inter se diuersæ sunt conspersiones animarum. Nonnulli enim hominum ita otiosa mentis sunt, ut si eos labor occupationis excipiat, in ipsa operis inchoatione succumbant. Et nonnulli ita inquieti sunt, ut si vacationē laboris habuerint, grauius laborent, tanto deteriores cordis tumultus tolerant, quanto eis licentiùs ad cogitationes vacat. Unde necesse est, ut nec quieta mens ad exercitationem se immoderati operis dilatat, nec inquieta ad studium contemplationis angustet. Sæpè enim qui contemplari Deum quieti poterant, occupationibus pressi ceciderunt: & sæpè qui occupati, benè humanis vsibus viuerent, gladio suæ quietis extincti sunt. Hinc namque est, quòd nonnulli inquieti spiritus, dum plus exquirunt contemplando, quàm capiunt, usque ad peruersa dogmata erumpunt: & dum veritatis discipuli esse humili-

ter negligunt. magistri errorum sunt. Hinc per semetipsum Veritas dicit: Si oculus tuus dexter scandalizat te, erue eum, & projice abste. Bonum est tibi cum uno oculo in vitam intrare, quam duos oculos habentem mitti in gehennam ignis. Dua quippe vita, actiua videlicet & contemplatiua, cum conseruantur in mente, quasi duo oculi habentur in facie. Dexter namque oculus vita contemplatiua est, sinister actiua. Sed sunt nonnulli, ut diximus, qui discrete intueri summa & spiritalia nequaquam possunt, & tamen alta econtemplationis assumunt, atque idcirco in perfidia foveam, intellectus prauo errore delabuntur. Hos itaque contemplatiua vita, ultra vires assumpta, cogit à veritate cadere, quos in statu sua rectitudinis humiliter poterat sola actiua custodire. Quibus rectè hoc, quod prefati sumus, Veritas dicit: Si oculus tuus dexter scandalizat te, erue eum, & projice abste. Bonum tibi est, cum uno oculo in vitam intrare, quam duos oculos habentem mitti in gehennam ignis. Ac si aperte diceret, cum ad contemplatiuam vitam idonea discretione non sufficis, solam securius actiuam tene. Cumque in hoc, quod pro magno eligis, deficis, eo contentus esto, quod pro minimo attendis, ut si per contemplatiuam vitam à veritatis agnitione compelleris, regnum cælorum per solam actiuam valeas saltem luscus intrare. Hæc Gregorius, & plura alia ad idem spectantia. Inspiciens igitur dedite consilium Theologus Illustrissimo, quatenus suum nepotem offeret Ordini, vel Congregationi, quæ sequitur perfectius viuendi institutum; quandoquidem non quiuis Religione alioris instituti aptus reperitur.

PROPO.

PROPOSITIO XVI.

*Porro ut agnoscas, quod vite institutum, & quis in eo
vivendi modus sit perfectior, has regulas accipe, ex-
cerptas potissimum ex recepta ab omnibus S. Thomæ
Doctores Angelici doctrina.*

HÆC Propositio infidelitatem, & fallaciam Au-
thoris ostendit. Infidelitatem quidem, quia
minimè doctrinam S. Thomæ secutus est in hac
Epistola, contra suum promissum, ut patuit, &
amplius patebit. Omnino enim aliam Religionem perfe-
ctissimam S. Thomas agnovit, quàm ille depinxit. Sed
bonum est, quod suo se gladio iugulet. Fallaciam verò;
quia sub pallio doctrinæ S. Thomæ Angelici Doctores,
suam doctrinam proposuit, & toti mundo imponere vo-
luit: sed radijs solis eiusdem fulgentissimi tenebræ eius, Dei
adiutorio, discusse manebunt.

PROPOSITIO XVII.

Primò docet S. Thomas 2. 2. quæst 188. art. 6. *Il-
lam Religionem alteri præferri, quæ ordinatur ad fi-
nem absolute potiore; vel quia est magis bonum;
vel quia ad plura bona ordinatur. Si verò sit finis
idem, secundario attenditur præminentia Religio-
nis, non secundum quantitatem exercitij, sed secun-
dum proportionem eius ad finem intentum. Unde
& in Collationibus patrum introducitur Sententia
B. Antony (Collat. 2. cap. 3.) qui discretionem,
per quam aliquis omnia moderatur, prætulit ieiun-
ijs, & vigilijs, & omnibus huiusmodi observantijs*

Et infra : Sicut maius est illuminare, quàm lucere solum, ita maius est contemplata alijs tradere, quàm solum contemplari. Ergo summum gradum in Religionibus tenent, quæ ordinantur ad docendum & prædicandum, quæ & propinquissimæ sunt perfectioni Episcoporum, sicut & in alijs rebus fines primorum coniunguntur principijs secundorum, ut S. Dionysius dicit 7. cap. de diuin. nomin. Secundum autem gradum tenent illæ Religiones, quæ ordinantur ad contemplationem. Tertium est earum, quæ occupantur circa exteriores actiones. In singulis autem horum graduum potest attendi præ eminentia, secundum quòd una Religio ordinatur ad altiorem actum in eodem genere : sicut inter opera actiue vite, potius est redimere captiuos, quàm recipere hospites. Et in operibus vite contemplatiue potior est Oratio, quàm Lectio. Potest ergo attendi præ eminentia, si una earum ad plura horum ordinetur, quàm alia; vel si conuenientiora statuta habeat, ad finem propositum consequendum. Hæc omnia S. Thomas.

HÆC Propositio continet summam infidelitatem, & fallaciam Authoris in citando S. Thoma. Ea enim quæ sunt substantialia doctrinæ S. Thomæ, & ad rem multum facientia omisit, quod ut pateat, producendus est in primis textus integer S. Thomæ, ut quilibet collatione facta aduertat, quàm mala fide egerit Theologus. Sic ergo habet S. Thomas loco citato : *Discendum, quòd sicut supra dictum est, differentia unius Religionis ad aliam, principaliter quidem attenditur*

ex parte finis, secundo autem ex parte exercitij. Et quia non potest quid dici altero potius, nisi secundum id, in quo ab eo differt, ideo excellentia unius Religionis super aliam principaliter quidem attenditur secundum Religionis finem; secundo autem secundum exercitium. Diversimode tamen utraque comparatio attenditur. Nam comparatio quae est secundum finem, est absoluta; eo quod finis propter se queritur. Comparatio autem, quae est secundum exercitium, est respectiva, quia exercitium non queritur propter se, sed propter finem: Et ideo illa Religio alteri praefertur, quae ordinatur ad finem absolute potiore, vel quia est maius bonum, vel quia ad plura bona ordinatur. Si vero sit finis idem, secundo attenditur praerogativa Religionis, non secundum quantitatem exercitij, sed secundum proportionem eius ad finem intentum. Unde & in Collationibus Patrum inducitur sententia B. Antony, qui praeulit discretionem, per quam aliquis omnia moderatur, & ieiunijs & vigilijs, & omnibus huiusmodi observantijs. Sic ergo dicendum est quod opus vitae actus est duplex. Unum quidem, quod ex plenitudine contemplationis derivatur, sicut doctrina & predicatio. Unde & Gregorius dicit in 5. Homil. super Ezech, quod de perfectis viris post contemplationem suam redeuntibus dicitur Psal. 144. Memoriam suavitatis tuae eructabunt: & hoc praefertur simplici contemplationi. Sicut enim maius est illuminare, quam lucere solum, ita maius est contemplata alijs tradere, quam solum contemplari. Aliud autem opus est actus vitae, quod

totaliter consistit in occupatione exteriori, sicut eleemosynas dare, hospites recipere; & alia huiusmodi, quae sunt minora operibus contemplativis, nisi forte in casu necessitatis, ut ex supra dictis patet. Sic ergo summum gradum in Religionibus tenent, quae ordinantur ad docendum & prædicandum, quae & propinquissima sunt perfectioni Episcoporum: sicut & alijs rebus fines primorum coniunguntur principijs secundorum, ut Dionysius dicit 7. cap. de divinis nominibus. Secundum autem gradum tenent ille, quae ordinantur ad contemplationem. Tertius est earum, quae occupantur circa exteriores actiones. In singulis autem horum graduum potest attendi præ eminentia, secundum quod una Religio ordinatur ad altiorem actum in eodem genere: sicut inter opera activa vitae potius est redimere captivos, quam recipere hospites; & in operibus vitae contemplativa, potior est Oratio, quam Lectio. Potest enim attendi præ eminentia, si una earum ad plura horum ordinetur, quam alia, vel si convenientiora statuta habeat ad finem propositum consequendum. Hæc S. Thomas. Unde patet, quamnam Theologus intermiserit: Illud verò ante omnia, quod maximi momenti est, posthabuit. Nimirum Doctrinam & Prædicationem ex plenitudine contemplationis derivari, & hoc opus vitae activæ præferri simplici contemplationi. Quibus clarè docetur, Religionem illam præferri, quae ordinatur ad docendum & prædicandum sic, quòd doctrina & prædicatio deriveretur ex plenitudine contemplationis, & secundum Gregorium perfecti viri, post contemplationem redeant

redeant ad docendum & prædicandum. Ideò notanter dixit: *tale opus vita actiua præferri simplici contemplationi*, quia nimirum tale opus præsupponit contemplationem. Mens etiam S. Thomæ potest constare aliunde. SANCTVS enim Thomas in eadem 2. 2. q. 182. art. 1. docet, quòd *vita contemplatiua simpliciter melior est, quàm actiua*. Quando ergo S. Thomas docet, doctrinam & prædicationem præferri simplici contemplationi, omninò intelligendus est (nisi eum sibi contradixisse dicamus, quod absit) quòd doctrina deriuata ex contemplatione præfertur simplici contemplationi. Et certè rei veritas ipsa sic habet. Vita enim mixta, hoc est contemplatiua simul & actiua, præstantior est, vita tantum contemplatiua, vel vita tantum actiua. Quod vel inde patet: quia vita Christi, Sanctissimæ Virginis, & Apostolorum, quæ absque dubio erat perfectissima, imò exemplar perfectionis, fuit mixta, ut postea dicetur. Prolixum autem esset, & terminos huius tractationis, excedens, Doctorum Scholasticorum turbam in medium adferre, qui vitam mixtam, super alias partes vitæ spiritualis extollunt. Credo quòd non diffitebitur Theologus. Quod si ita est, illæ sanè Religiones secundum mentem Angelici Doctoris & aliorum Theologorum summum gradum tenent, quæ profitentur vitam mixtam, id est simul actiuam & contemplatiuam.

Ne autem faciliè credas quamcunque Religionem posse dici simpliciter contemplatiuam, & ut scias, vnde debeat dici simpliciter contemplatiua; nota diligenter ea, quæ docet S. Thomas loco iam adducto, & applicando doctrinam huic proposito; Aduertas primò, quòd Religio potest dici contemplatiua, vel ex parte finis, vel ex parte exercitij. Aduertas secundò, quòd Religio contemplatiua principaliter dicitur secundum finem, secundariò autem secundum exercitium. Aduerte tertio, quòd Religio absolute & simpliciter dicitur contemplatiua secundum fi-

nem, ratione verò exercitiorum secundum quid dicitur contemplatiua. Ratio huius dicti petenda est ex doctrina S. Thomæ citata. *Comparatio, inquit, secundum finem est absoluta, eo quod finis propter se queritur. Comparatio autem, quæ est secundum exercitium, est respectiua, quia exercitium non queritur propter se, sed propter finem.* Ex his collige, quod absolute & simpliciter illa est Religio contemplatiua, cuius finis est Contemplatio. Nam hoc modo (vt ait S. Thom. 2. 2. q. 181. art. 1. in corp.) *vita actiua & contēplatiua distinguuntur secundum diuersa studia hominum intendentium ad diuersos fines, quorum vnum est consideratio veritatis, quæ est finis vite contemplatiuæ: aliud autem est exterior operatio, ad quam ordinatur vita actiua.* Quæ autem Religio non habet pro fine contemplationem, sed tamen vititur exercitijs contemplatiuis, v. g. oratione, meditatione, examine conscientiæ, memoria Præsentia Dei, recollectione per aliquot dies, & his similibus: ista potest quidem dici secundum quid contemplatiua, sed non absolute contemplatiua. Ratio huius dicti est ex præcedentibus. Religio enim talis absolute dicitur secundum finem, secundum autem exercitia respectiue. Ergo si Religio non habeat pro fine contemplationem, quamuis habeat exercitia contemplatiua, non erit absolute contemplatiua. Alia ratio huius est; Sunt enim in Ecclesia Dei Religiones, quas Theologi iudicant merè esse actiuas, vt Equestres seu Militares, Ministrantium infirmis, Redimentium captiuos, & c. tamen vtuntur exercitijs contemplatiuis, vt oratione, examine conscientiæ, recollectione ad tempus, & c. Ergo non continuo Religio iudicanda est omnino contemplatiua, quia vititur exercitijs contemplatiuis. Extenditur magis hæc ratio

ratio. Nam sæculares etiam coniugati, etiam mercatores, etiam officiales, vtuntur his exercitijs contemplatiuis, videlicet meditatione, exāmine conscientiae, & alijs, quæ communiter dicuntur Exercitia: & tamen vita eorum non æstimatur contemplatiua. Ergo non est dicenda Religio contemplatiua ex solo vsu exercitiorum contemplatiuorum. *Contemplatiui enim (vt ait S. Thom. 2. 2. quæst. 81. art. 1. ad 5.) dicuntur non qui contemplantur, sed qui contemplationi totam vitam suam deputant.* Imò si exercitia contemplatiua, vt oratio, meditatio, relectio ad tempus, &c. ordinentur ad finem, qui est actio, eo ipso comprehenduntur sub vita actiua. Patet id ex S. Thoma 2. 2. q. 2. 181. art. ad 3. vbi sic ait: *Sicut virtus, quæ ordinatur in finem alterius virtutis, transit quodam modo in speciem eius: ita etiam quando aliquis vititur his, quæ sunt vite actiue, solū prout disponunt ad contemplationem, comprehenduntur sub vita contemplatiua.* Hæc S. Thomas. Et meritò: Plurimæ enim Religiones Ecclesiæ DEI recensentur à Theologis inter merè tantum contemplatiuas, quæ tamen vtuntur exercitijs actiue vite, vt exercitia virtutum moralium (nam virtutes morales essentialiter pertinent ad actiuam vitam, vt docet S. Th. 2. 2. q. 181. arr. 1. in corp.) labore manuum, &c. sed ideo tantum dicuntur contemplatiuæ, quia vtuntur exercitijs vite actiue, prout disponunt ad contemplationem, & propterea etiam huiusmodi exercitia clauduntur sub vita contemplatiua. Ergo è contrariò, quando aliquis vititur his, quæ sunt vite contemplatiuæ, prout disponunt ad actionem, ea comprehenduntur sub Vita actiua. Ex his vltèrius nota, quæ Religio absolutè dicatur profiteri vitam mistam: nimirum ea, quæ habet finem mistum, hoc est, habet pro fine contemplationem simul & actionem. Quod si Religio habet pro fine tantum actionem, exercitia verò contemplatiua; simpliciter quidè erit actiua, secundum quid verò contemplatiua; siue principaliter

cipaliter actiua, secundario verò contemplatiua, quia Religio talis dicitur, primario quidem secundum finem, secundario vero secundum exercitia; siue talis Religio erit merè actiua, quia cum exercitia eius contemplatiua ad actionem ordinentur, comprehenduntur quoque sub vita actiua: & ita consequenter talis Religio non erit simpliciter mista, sed secundum quid, & imperfectè. Id totū manifestè inferitur ex dictis, & præcipuè ex loco citato S. Thomæ. Sed his pensatis iudica quæso, an Theologus non nequiter & friuolè se gesserit, tum truncando textum S. Thomæ, tum eius mentem grauitè non exponendo, sed ad suum genium derorquando. Cur enim obsecro non meminit eius, quod doctrina & prædicatio deriuatur ex plenitudine contemplationis: sed id ex medio textu S. Thomæ in sua Epistola sustulit? Cur nusquam in hac eadem sua Epistola expressè docuit, Religionem illam esse perfectiorem, quæ proficitur vitam mistam; hoc est, habet pro fine contemplationem & actionem, sed semper tantum inculcat actionem, prætermittit potiùs & magis meritoria ex suo genere parte perfectionis, videlicet contemplatione? Sed quilibet agnoscat ex vngue leonem.

PROPOSITIO XVIII.

*Illustrissime Domine, circumspecte Religiosos Ordines,
eumque tuis & bonis, & nepos orna.*

HÆC Propositio imprudens dictum continet. Ornatus enim Religionis Paupertas est, non bona temporalia, & diuitiæ nam & CHRISTVS hunc decorem indutus erat. Gloria Religionis est, pati incommoditates, non abundare possessionibus. Paupertatem enim Religiosi vouerunt, non bonorum acquisitionem & retentionem. Insipienter quoque poscitur nepos pro

pro ornatu Religionis. ipse enim potius debet ornari à Religione, non illam ornare, quia nepos Illustrissimi tunc ornabit Religionem, quando factus religiosus, sanctus erit & perfectus. Væ Religiosis, si quærunt ornatum Religionis ex nobilitate profitentium Ordinem. In Chronicis Minorum, ubi fit mentio de celebri illo Capitulo, quod à Storeis cognominatum est (eo quod cubicula fratrum in agris constructa, & storeis ab inuicem separata, singula essent) ad quod quinque propè fratrum millia conuenère, & cui item S. Dominicus interfuit, legimus, tantum tunc temporis Sanctorum illorum Religiosorum feruorem & pœnitentiæ studium fuisse, vt non tam calcaribus, quàm franis opus haberent. Nam cum S. Franciscus intellexisset multos eorum thoraces & loricas squammatas, & circulos ferreos ad nudam carnem gestare, atque inde non paucos morbum contraxisse, sciretquè id asperitatis genus impedimento esse, quominus prout oportebat, orationi insistere, & ministeria religiosa obire possent, atque adeo nonnullos inde emori, in virtute sanctæ obedientiæ mandauit, vt quotquot thoraces & orbes illos ferratos gestarent depositos eos ad se deferrent, & ecce quingentæ tam loriciæ quàm circuli ferrei, inuentæ sunt. Cum ergo hoc in feruore Ordo in dies procederet, & fratres eius Capitulo indistincto de illius boni conseruatione ac progressu tractarent, cœlitus fuit B. Francisco reuelatum, cacodæmones aliam in eius ruinam, quodam in nosodochio, quod inter Portiunculam & Assisium situm erat, congregationem celebrare, ad quam vnde viginti dæmonum, millia & amplius conuenerant. In qua cum varij varias, tum S. Patri Francisco, tum eius Ordini, & sequacibus oppugnandis atque expugnandis artes & consilia proponerent, tandem quidam de turba dæmon ceteris vafrior & generosior tale consilium dedit: Sanctus hic Pater Franciscus, eiusque sectatores tanto feruore mundum fugiunt & abominantur, tamque contentè, ardentè.

que

quæ Deum cæli diligunt, orationi vacant; corpora atterunt,
 ut in præsens parû, aut nihil omnia contra eos vestra yalitu-
 ra sint molimina: quare author vobis sum, ut ne nunc adeo
 casso vos labore fatuetis, sed patienter expectemus, donec
 Francisco ex hac vita sublato, maior fratrum sit numerus.
 Tunc namque adolescentes quosdam, nullo perfectionis
 zelo succensos, senes honoribus conspicuos, nobiles deli-
 catulos, Doctores ob doctrinam arrogantes, atque alios de-
 bilioris valetudinis in eum ingredi faciemus. Hi deinde ad
 Religionis nomen & honorem conseruandum, eumquæ ad-
 augendum, passim quoslibet admittent. Hac demum via eos
 ad sui ipsorum, & rerum mundanarû amorem, ad scientia-
 rum desiderium & ambitionem pertrahemus: tuncquæ di-
 latam vindictam de ijs sumere fas erit, multos eorum sub po-
 testatem & ius nostrum redigendo. Placuit omnibus vastrum
 hocce & astutum consiliû, & expectare aliquantulum satius
 visum fuit, quàm modò inani, cum incerta spe fructus, la-
 bore sudare. Audiant ergo Religiosi, quantum periculum eis
 immineat, si nepotes Illustrissimorum cum bonis tam au-
 dè quærant, si per aggregationem nobilium, Religionis
 nomen & honorem, & ornatum conseruare & adaugere
 prætendant. Perpendat Theologus, quàm ineptè & peri-
 culosè consilium dederit, quærendo ornatum Religionis
 ex nepote Illustrissimi, & in ipso non alias qualitates,
 sed nobilitatem considerando: & fortassis
 magis ad bona Illustrissimi
 attendendo.



PROPOSITIO XIX.

Illustrissime Domine, circumspice Religiosos Ordines, cumque tuis & bonis, & nepotè orna, quem præ cæteris videris proximè accedere ad Episcopalem statum, docendo & prædicando, & alias Ecclesiasticas functiones obeundo, pro dilatanda diuina gloria, & S. Ecclesia incremento.

HAEC Propositio insufficiens est, & genium Authoris parum propensi ad contemplationem ostendit. Religio enim illa est perfectior, quæ proximè accedit ad Episcopalem statum, non solum docendo & prædicando, sed etiam contemplando; imò prius conemplando, & deinde contemplata tradendo. Episcopus enim ex vi sui status debet ducere vitam mistam, id est contemplatiuam simul & actiuam. Quod egregiè monstrat S. Gregorius 2. Past. cap. 1. *Tantum, inquit, debet actionem populi actio transcendere Presulis, quantum distare solet à grege vita Pastoris. Oportet namque ut metiri se sollicitè studeat, quanta tenenda rectitudinis necessitate constringitur, sub cuius estimatione populus grex vocatur. Sic ergo necesse est cogitatione mundus, actione præcipuus, discretus in silentio, utilis in verbo, singulis compassione proximus, præ cunctis contemplatione suspensus, bene agentibus per humilitatem socius, contra delinquentium vicia per zelum iustitiæ erectus, interiorum curam in exteriorum occupatione non minuens, exteriorum providentiam in interiorum sollicitudine non relinquens.* Idem cū Gregorio sentit

D. Tho-

D. Thomas 2. 2. qu. 184. art. 7. ad 3. Cum enim proposuisset sibi argumentum in contrarium huiusmodi: *Status Religiosorum ordinantur ad vitam contemplativam, quae potior est, quam vita activa, ad quam ordinatur status Episcoporum.* Dicit enim Gregorius in Pastor: *Quod per vitam activam prodesse proximis cupiens Isaias, officium praedicationis appetijt. Per contemplativam vero Ieremias amoris conditoris sedulo inherere desiderans, ne mitti ad praedicandum debeat, contradicit.* Ergo videtur quod status Religiosorum superfectior, quam status Episcoporum. Ad hoc argumentum respondet sic: *Ad tertium dicendum, quod sicut Gregorius dicit in Pastor. Sit Praeful actione praecipuus, praecunctis contemplatione suspensus: quia ad ipsos pertinet, non solum propter seipsos, sed propter instructionem aliorum contemplari.* Unde Gregorius dicit super Ezechielem: quod de perfectis viris post contemplationem suam redeuntibus dicitur *Psal. 144. Memoriam suavitatis tuae eructabunt.* Idem clarius habet in eadem 2. 2. q. 182. art. 1. ad 1. *Ad Praelatos, inquit, non solum pertinet vita activa, sed etiam debent esse excellentes in vita contemplativa.* Unde Gregorius dicit in Pastoralis: *Sit rector actione praecipuus, praecunctis in contemplatione suspensus.* Idem habet opusc. 18. c. 18. Cum, inquit, Episcopus mediator inter Deum & homines constituatur, oportet ipsum & in actione praecellere, in quantum minister hominum constituitur, & in contemplatione praecipuum

cupuum esse, ut ex Deo hauriat quod hominibus tradat.

Hæc S. Thomas Religio ergo perfectior debet accedere ad Episcopalem statum, non solum docendo & prædicando, sed etiam contemplando, quod debuit Theologus exprimere, & non fecit. Inde patet, quod illa Religio proximè accedit ad statum Episcopalem, quæ præfitetur vitam mistam. Hoc est contemplatiuam simul & actiuam: siquidem Episcopus ex vi sui status tenetur ad vitam mistam. Et profectò si vita mista perfectissima est, & si status Episcoporum perfectissimus est, utique statui Episcoporum debetur vita mista, & consequenter Religionibus accedentibus proximè ad statum Episcopalem.

Sed præterire non possum, quin magna admiratione prosequar laborem Theologi vanum & cassum. DVM enim imprudens suum consilium vult stabilire, magis illud destruit. Persuadet enim Illustrissimo, ut ei Religioni nepotem suum offerat, quam præ cæteris viderit proximè accedere ad statum Episcopalem. Vndè facilimè poterit suboriri cogitatio Illustrissimo, & non sine fundamento, ut potius suum nepotem addicat Episcopatui. Si enim perfectior Religio est, quia accedit propius ad statum Episcopalem; & si Religio diligenda & eligenda, quæ proximè accedit ad statum Episcopalem: multò magis diligendus & eligendus ipsemet Episcopatus. Iuxta illud pronunciatum Philosophicum: *Propter quod unum quodque tale, & illud magis.* Quod si Illustrissimus discursu Theologi illectus, suum nepotem potius ministerio Episcopali deputauerit, profectò ipsius labor inanis & irritus erit.



PROPOSITIO XX.

*Religio quæ Episcoporum statui propinquior est,
perfectior est.*

HAEC Propositio si nudè vt sonat accipiat, verissima est: Si autem secundum sensum authoris quem intendit, falsissima in vniuersum & absolute loquendo. Ea autem mens est Theologi, vt patet ex præcedenti propositione: quòd Religio quæ Episcoporum statui propinquior est per institutum docendi & prædicandi, ea perfectior est. Quod simpliciter dictum, falsum est: Religio enim Eremitarum perfectior est, quàm quæcunque Religio, etià destinata doctrinæ & prædicationi, Sanè vita Eremitica est culmen & fastigium vitæ Religiosæ; nam omnes ferè patres docent, ad vitam Eremiticam non debere quemquam transire, nisi prius diligenter in Cœnobio se exercuerit; propter quòd Eremus non adferat perfectionem, sed præsupponat: vt asserunt B. Hieronymus in Epistol. Ad Rusticum, Cassianus Collat. 19. c. 10. Augustinus lib. 1. de moribus Ecclesiæ cap. 31. Benedictus in Reg. cap. 1. Bernardus form. 3. de Circumcis. Sed quia Theologus fidem sibi conciliare voluit auctoritate S. Thomæ, audiat ipsum docentem in 2. 2. q. 188. art. 18. *Considerandum est, inquit, quòd id quod est solitarium debet esse sibi per se sufficiens. Hoc autem est, cui nihil deest, quod pertinet ad rationem perfecti. Et ideo solitudo competit contemplanti, qui iam ad perfectum peruenit. Quod quidem contingit dupliciter. Uno modo ex solo diuino munere; sicut patet de Ioanne Baptista qui fuit repletus Spiritu Sancto, adhuc ex utero matris suæ: Vnde cum adhuc esset puer, erat in desertis,*

ut dicitur Luc. 1. *Alio modo per exercitium virtuosi actus, secundum illud ad Hebr. 5. Perfectionum est solidus cibus eorum, qui pro consuetudine exercitatos habent sensus ad discretionem boni ac mali. Ad exercitium autem huiusmodi inuatur homo ex aliorum societate dupliciter. Vno modo, quantum ad intellectum, ut instruatur in his, quae sunt contemplanda. Unde Hieronymus dicit ad Rusticum Monachum: Mihi placet ut habeas Sanctorum contubernium, nec ipse te doceas. Secundo, quantum ad affectum; ut scilicet noxia affectiones hominis reprimantur exemplo & correctione aliorum. Quia, ut dicit Gregorius, 30. Moral. Super illud: Cui dedi in solitudine domum. Quid prodest corporis, si solitudo defuerit cordis? Et ideo vita socialis necessaria est ad exercitium perfectionis. Solitudo autem competit iam perfectis. Unde Hieronymus dicit ad Rusticum Monachum: Solitariam vitam reprehendimus minime: quippe quam saepe laudauimus. Sed de nido monasteriorum huiusmodi volumus egredi milites, quos Eremita dura rudimenta non terreant qui specimen conseruationis suae multo tempore didicerunt. Sicut ergo id quod iam perfectum est, praeminet ei, quod ad perfectionem exercetur, ita vita solitiorum si debite assumatur, praeminet vitae sociali. Haec Sanctus Thomas. Ex quibus clare habetur, statum solitiorum esse statum perfectorum. Sed inde sic arguere licet. Id quod perfectum est, praeminet ei, quod ad perfectionem exercetur. Sed solitudo competit perfectis. Vita vero socialis necessaria est ad exercitium perfectionis?*

Ergo vita solitariorum præminet vitæ sociali. Hæc omnia & singula S. Thomas habet. Sed si adhuc Theologus renitetur huic veritati, perpendat sua dicta. Nam ex his facillimè colligitur, Religionem solitariorum esse perfectiorem præ cæteris. In primis enim dicit, potiorem & perfectiorem esse statum in Episcopis, quàm in Religiosis, quia status Episcoporum, est status perfectorum, status verò Religiosorum, est status tendentium ad perfectionem; Sed etiam status solitariorum est status perfectorum; status verò aliorum Religiosorum est status tendentium ad perfectionem. Ergo status solitariorum est potior & perfectior, quàm status aliorum Religiosorum. Deinde verò dicit, quòd Religio quæ Episcoporum statui propinquior est, perfectior est; Sed Religio Eremitarum statui Episcoporum propinquior est. Ergo Religio Eremitarum perfectior est. Minor huius argumenti patet inde, quia status Episcoporum est status perfectorum. Status quoque Eremitarum est status perfectorum. Magis ergo accedit ad statum Episcoporum status Eremitarum, quàm status Religiosorum tendentium ad perfectionem.

Sed argues Theologe ad hominem. Suprà enim dixi, vitam mistam, id est contemplatiuam simul & actiuam, esse perfectiorem vitâ tantùm contemplatiuâ, & quòd summum gradum in Religionibus tenent (etiam secum dùm S. Thomà) Religiones illæ, quæ tenent vitam mistam. Non ergò perfectior Religio Eremitarum est, sed perfectiores Religiones sunt, quæ attendunt simul contemplationi & actioni. Verùm hæc obiectio diluenda est ab ipso met Theologo, qui potissimùm in sui defensionem assumpsit doctrinam S. Thomæ receptam (vt ait) ab omnibus. Vtrumque enim S. Thomas docuit in eadem 2. 2. q. 188. Nimirum in articulo 6. docuit; quòd *summum gradum in Religionibus tenent quæ ordinantur ad docendum & prædicandum*. In art. verò 8, docuit, quòd *sicut perfectum*

perfectum præeminet ei, quod ad perfectionem exercetur: ita vita solitariorum, si debuit assumatur, præeminet vitæ sociali. Si hæc Theologus iudicabit opposita & repugnantia; omnino necesse est, quod iudicet S. Thomam sibi ipsi esse contrarium. Quod si nefas iudicauerit dicere, S. Thomam in eadem *Q. 1. 1. 1.* Apertè sibi contradixisse, necesse est quod dicat, hæc duo non esse sibi repugnàtia, videlicet quòd summum gradum in Religionibus teneant, quæ sunt ordinatæ ad prædicandum & docendum, & quòd vita solitariorum præeminet vitæ sociali, sicut id quod perfectum est, præeminet ei, quod ad perfectionem exercetur. Sed quia hæc prima facie videntur sibi aduersari: ideò omnino concilianda sunt: nam vtrumque debet esse verum, quod ab interprete diuinæ voluntatis prolatum est. Illud tamen aduertat Theologus, non maiorem in verbis meis apparere oppositionem, quàm in verbis S. Thomæ, quia verba mea non sunt mea; sed S. Thomæ. Vt ergo dicta S. Thomæ & mea concordem, Notandum est quòd status est duplex. Alius est perfectiorum. Alius est tendentium ad perfectionem. Ex his status perfectiorum ex suo genere perfectior & excellentior est, quàm status tendentium ad perfectionem, vt per se patet. Vnusquisque verò horum statuum diuiditur per statum contemplatiuorum, & actiuorum, v. g. Status perfectiorum duplex est: alius est status perfectiorum profitentium vitam mixtam, id est contemplatiuam simul & actiuam; sicut est status Episcoporum. Alius verò est status perfectiorum, profitentium tantum vitam contemplatiuam, sicut est status Eremitarum. Rursus status tendentium ad Perfectionem alius est tendentium ad perfectionem vitæ mixtæ, id est contemplatiuæ simul & actiuæ: alius verò tendentium ad perfectionem tantum contemplatiuæ. Dupliciter ergo potest institui comparatio Religionum, vel Religionum vnus generis, ad Religiones alterius generis; vel certè Religionum intra

Idem genus differentium specie. Si fiat comparatio vnus Religionis ad aliam Religionem secundum diuersum genus; tunc illa Religio erit perfectior, cuius genus est potius & dignius. Et sic Religio Eremitarum est præstantior, quàm quæcunque Religio tendentium ad perfectionem, quia status perfectorum ex suo genere est potior, quàm status exercentium se ad perfectionem. Si verò fiat comparatio intrà idem genus secundum diuersas species: tunc illa Religio erit perfectior, cuius species est excellentior. Et sic intrà genus Religionum tendentium ad perfectionem, est perfectior Religio, quæ tendit ad perfectionem vitæ mixtæ, contemplatiuæ scilicet & actiuæ, quàm illa Religio, quæ tendit ad perfectionem vitæ tantum contemplatiuæ. Is ergo est Ordo perfectionis statuum in Ecclesia DEI. Supremum gradum tenet status perfectorum: & ex hoc statu potissimum gradum tenet status perfectorum contemplatiuorum & actiuorum; qui est status Episcoporum. Secundum verò gradum tenet status perfectorum contemplatiuorum; qui est status Eremitarum. Deinde hos status sequitur status tendentium ad perfectionem. In quo genere primum locum tenet status tendentium ad perfectionem vitæ mixtæ, id est contemplatiuæ, simul & actiuæ: secundum verò locum tenet status tendentium ad perfectionem vitæ tantum contemplatiuæ. Quando ergo S. Thomas dixit, & ego ei assensi, quòd vita solitiorum præminet vitæ sociali, fecit comparisonem generis ad genus, quia vt dictum est, ex suo genere status perfectorum est præstantior, quàm status exercentium se ad perfectionem. Quando verò dixit, quòd summum gradum in Religionibus tenent quæ ordinatæ sunt ad docendum, & prædicandum, siue (vt ipse se explicauit in 2. 2. q. 188. artic. 7. in corp.) *quæ sunt instituta ad contemplandum, & contemplata alijs tradendum*, locutus est in eodem genere; quasi dixisset: In Religionibus tendentibus ad perfectionem

perfectiōnem, supremum gradum tenent, quæ ordinatæ sunt ad perfectiōnem vitæ mixtæ. Et ita omnino oportet dicere, nisi velit asserere Theologus, Sanctum Thomam in eadem quæst. sui oblitum; docuisse aduersantia sibi. Quod utique putō non dicet, nam auctoritati doctrinæ Angelicæ se submisit.

Sed libet secundò respondere ad positam obiectionem sic: Eremitæ quamvis in actuali exercitio profiteantur vitam tantum contemplatiuam, tamen in præparatione animi habent etiam vitam actiuam. Colligitur id ex S. Thoma 2. 2. q. 182. art. 1. ad 3. ubi ait: *Quod ad opera vite actiue interdum aliquis à contemplatione auocatur, propter aliquam necessitatē presentis vite: non tamen hoc modo, quod cogatur aliquis totaliter contemplationem deferere. Vnde Augustinus 19. de Ciuit: Dei. Otium sanctum querit charitas veritatis, negotium iustum, scilicet actiue vite, suscipit necessitas charitatis. Quam sarcinam si nullus imponit, percipiende atque intuen- da vacandum est veritati, si autem imponitur, suscipienda est propter charitatis necessitatem. Sed nec sic omnino veruatis delectatio, deferenda est, ne subtrahatur illa siuinitas, & opprimat ista necessitas. Et sic patet, quod cum aliquis à contemplatiua vita ad actiuam vocatur, non hoc fit per modum subtractionis, sed per modum additionis.* Et in eadem 2. 2. q. 188. art. 8. in resp. ad 4. art. *Quod sicut Augustinus dicit in 19. de Ciuit Dei. A studio cognoscende veritatis nemo prohibetur: quod ad laudabile pertinet otium, Quod autem aliquis super candelabrum ponatur, non pertinet ad ipsum, sed ad eius Superiores. Quæ sarcina si non imponatur, ut*

Augustinus ibidem subdit, contemplanda veritati vacandum est, ad quam plurimum valet solitudo. Hæc S. Thomas in quibus clarè habetur quod negotium vitæ actiue suscipit necessitas charitatis, & quòd si hæc sarcina non imponitur, vacandum est contemplationi; imponere autè pertinet ad Superiores. Eremitæ ergo habēt indispositione animi vitam actiuam, si vrgeat necessitas charitatis, & si iubeant Superiores: quia vt ait S. Thomas 2. 2. q. 188. art. 8. ad 3. *Habent obedientiam in preparatione animi.* & ita de facto Eremitæ necessitate charitatis virgente è latebris profiliebant. Sic de magno Antonio memoriæ proditum est, quod inualecente pessimâ sectâ Arrianorum, relicta solitudine Alexandriam veniens, breuissimo temporis spatio, miram Arrianis intulerit cladem. Simile quid de Acepsema Eremita fertur, qui cum sexaginta annis maneret reclusus, nullumquè mortalium videret, tandem dum periclitaretur salus proximorum, relicta illâ tam strictâ solitudine, cucurrit ad iuandos illos. De Abbate Apollonio, qui Thebaidem incolebat, refert Nicephorus lib. 9. cap. 14. & Palladius, quòd relicta solitudine, persecutionis tempore curam suscepit confirmandi animos CHRISTI Confessorum eosque multùm iuuit ad martyrij coronam. De S. Romualdo vitæ Eremiticæ authore, eius præclara gesta testantur, quanto ardore salutis animarum flagrauit: à quo similiter zelo salutis animarum, & discipuli eius, eiusdemquè instituti eremitici sectatores minimè degenerârunt. Cuius vel vnicum saltem exemplum hoc loco producam, de quodam Bonifacio Camaldulensi Eremita, qui vehementi desiderio conuersionis animarum inflammatus, cum à Romano pontifice consecratus fuisset prius Archiepiscopus suæ nationis, magnam deinde partem suæ gentis, & ipsum denique Regem, cum grandi miraculo conuertit ad fidem Christi: quæ omnia luculenter nouissimè Fridericus Fornerus in Palma Triumph. lib. 1. cap. 7. refert. De Aphra-

ate

ate quoque viro sanctissimo scribit Theodoretus lib. 4. cap. 24. quod quando Valens Imperator aduersus Ecclesiam fureret, ipse ex spelunca sua, pallio vili ac sordido indutus, prodijt in publicum, vt causam salutis proximorum ageret. *Ac cum quidam dixisset, inquit Theodoretus, Hic est ille Aphraates, ex cuius nutu pendet ciuitas vniuersa.* Ibi tum Imperator, Cedo, inquit, quote conferas. Ille tum sapienter sanè & appositè: Protuo, inquit; regno precaturus. Tum Imperator: At domi, inquit, tibi manendum est, & intra cellam, vti lex monastica postulat, orandum. Cui diuinus ille vir: Preclare admodum, inquit, dicis, ò Imperator, istud sanè mihi faciendum est, & hæcenus feci, dum oves Seruatoris pace fruerentur. Verùm quoniam iam magnoperè conturbantur, & multum eis impendet periculi, necesse est omnes vias persequi, non modo ne a feris capiantur, sed etiam vt conseruentur incolumes. Nam dicito mihi quæso, ò Imperator, si filia alicuius essem, & sederem in conclau, vti ades curarem, atque deinde cernerem, flammæ in eas incidisse, adesque paternas iam conflagrare: dicito mihi, inquam, quid me facere oporteret, intusne manere, & ades incensis negligere, expectareque donec flamma impetus longius peruaderet: an relicto conclau, sursum deorsumque cursitare, & aquam affere, quâ flammam extinguerem? Hoc certè te responsurum constat. Nam hæc sunt partes filie prudentis, & provide. Atque hoc ipsum nos agimus, ò Imperator. Etenim cum tu iam in Pairis nostri ades flammam inieceris, his circumcursua-

D 5

mus,

mus quò eam maturius possimus extinguere. Hæc sunt exempla, quæ probant, qualiter viri solitarij, in iuuanda proximorum salute, sua opera non defuerint. Denique aliquos etiam ex Eremo constat fuisse assumptos ad Episcopale munus obeundum, & ad curam animarum suscipiendum: ex quibus multos commemorat Athanasius in epistola ad Dracont Monach. Quem cum ad ministerium animarum acceptandum, plurimum reluctantem confirmare vellet, hos in exemplum ei adducebat. *Neque enim, inquit, tu solus ex Monachis es constitutus, neque solus à Monachis dilectus. Nosti enim Serapionem monachum esse, & quot Monachorum fuerit Praefectus. Neque à te ignoratur quot Monachorum Pater fuerit Apollonius. Neque ignotum habes Aristhonem. Memor es Ammonij cum Serapione peregrè profecti. Fortassis etiam audisti de Mute in superiore Thebaide. Poteris item rescire de Paulo, qui est apud Laros, & de alijs multis. Et tamen isti Episcopi constituti non contradixerunt: sed habentes pro exemplari Eliseum, & consocij quid Elias, & eruditi quid discipuli Christi, Apostolique fecerint, susceperunt hanc curam, neque ministerium hoc aspernati sunt: neque propterea seipsis deteriores facti sunt, Sed & laboris mercedem expectat, proficientes ipsi, aliosq; proficere cohortantes. Quot ab idolis cōuerterūt, quot à furiosa & demoniaca consuetudine suis admonitionibus conpescuerūt, quot adduxerūt Christo seruos adeò ut qui ista signa cōspiciāt admirētur.* Hæc ibi. Ex his itaque patet quod non est alienum ab instituto eremitico præcipue in casu necessitatis, saluti proximo-

rum

rum etiam externis remedijs providere, quinimò maxime conueniens, quemadmodum etiam hoc fufius probat & explicat R. P. F. Nofter Thomas à Iefu Carmelita Difcalceatus in opere de procuranda falute omnium gentium, lib. 2. c. 5.

Tandem tertio refpondetur ad eandem obiectionem. Quod Eremitæ etiam de facto incumbunt faluti animarum. Colligitur hoc ex S. Thoma 2. 2. quæft. 188. ait. 8. ad 4. vbi ait: *Illi qui folitariam vitam agunt multum utiles funt generi humano. Vnde Auguftinus dicit in lib. de Mor. Ecclefæ de his loquens: Pane folo, qui eis per certa interualla temporum adfertur, & aqua contenti, defertiffimas terras incolunt, perfruentes colloquio Dei, cui puris mentibus inhaferunt, Videntur autem nonnullis res humanas, plusquam oporteret, deferuiffe, non intelligentibus, quantum nobis eorū animus in orationibus profic, & vita ad exemplū quorū corpora videre non finimur.* Hæc S. Thomas. Ecce quis dixerit fanctiffimos Eremiti cultores, ex eo quod à communi hominum confortio fe fubtraxerunt, protinus eorum falutem neglexiffe, & dilectionem non retinere? profectò vita folitaria, quæ eft perfectorum & confummatorum, non excludit dilectionem proximi. Quanto enim magis crefcit dilectio Dei, tanto crefcit magis dilectio proximi. Cùm ergo Eremitæ præfupponantur pertigiffe ad talem dilectionem Dei, ad qualem Cœnobitæ tendunt: utique oportet eos habere maiorem dilectionem proximi, quàm Cœnobitas, & tanto ardentiori amore alios profequi, quanto eminentiori. Ecce enim illi qui in occulta & fecreta fedent eremo hominibus incogniti, foli Deo noti, quomodo putamus totius Mundi peccata fufinent? quomodo Deum continuis gemitibus placant? quomodo iram & furorem eius reprimunt? quanta bona hominibus impetrant? quantum Ecclefiam Dei fuis precibus promouent, & eius tranquillitatem procurant

&

& mille alia bona hominibus præstant? Vt meritò Iustinianus Nouel. Authentic. Constit. 133. dixerit: *Solitaria uita atque in ea contemplatio, res plana sacra est, & quæ suapte natura animas ad Deum adducat, neque ijs tantum, qui eas incolunt, commodet sed etiam omnibus alijs; puritate sua, & apud Deum interpellatione competentem de se utilitatem præbeant.* Et rursus propè finem de eisdem: *Si enim illi puris nudisque manibus pro Republica preces Deo obtulerint; manifestum sane est quòd res militaris pulchrè se habebit, & ciuitates in bono statu erunt.* Deo item propitio ac beneuolo constituto, quomodo non omnia in summa pace & recta legum moderatione uigebunt; Terra quoque nobis fructum feret, & celerius bona sua cedit, per Dei beneuolentiam precibus illorum uniuersam Rempub. ~~•~~ unum colligentibus. Sed & communis hominum figura venerabilis erit, quarentque quod præstantius est, illorum puritatem reueriti. Hæc ibi. Non ergo ex hoc, quòd Eremitæ, non exercent externa opera uitæ actiuæ, valet inde colligere, eos negligere salutem aliorum; & dilectionem proximi prorsus exclusisse; alioqui pari ratione dicere liceret, Beatos in cœlis non iam amplius nos diligere, aut non iam amplius nostri memores esse, quoniam ministeria sua nobis visibilibus non exhibent. At sicut dilectio eorum & sollicitudo circà nos maior est, quamuis eam nobis cernere non libeat; ita & dilectio eorum, qui vitam Eremiticam profitentur, & sollicitudo circà salutem hominum, multo præstantior est, multoquè ardentior quàm sit eorum, qui visibilibus laborant.

PROPOSITIO XXI.

Pondera, illum Ordinem qui accedit proximè ad statum Episcoporum accedere etiam proximè ad illum viuendi modum, quem Christus Dominus, & eius Apostoli sectati sunt, qui procul dubio fuit omnium perfectissimus,

HAEC Propositio absolutè est falsa & deceptoria. Pro cuius declaratione sciendum est, quòd aliud est viuendi institutum, aliud verò modus viuendi: quæ duo etiam ipsemet Theologus distinxit Consideratione 4. suæ Epist. Vt patuit in Propositione xv. Quamuis ergo status Episcoporum proximè accedat ad statum vitæ Christi & Apostolorum; & ideò est perfectissimus status, post statum Christi & Apostolorum: tamen modus viuendi Episcoporum non accedit proximè ad modum viuendi Christi & Apostolorum; & ideò non sequitur, quòd Ordo ille, qui accedit proximè ad statum Episcoporum, accedat etiam proximè ad illum viuendi modum, quem Christus Dominus, & eius Apostoli sectati sunt. Quòd autem modus viuendi Episcoporum non accedat proximè ad modum viuendi Christi & Apostolorum, patet ex inductione modi viuendi Christi, & Apostolorum.

Vt ergo prius loquamur de Christo capite, hic certè pauperrimam vitam duxit. Apostolus enim 2. ad Corint. cap. 8 Scitis inquit, gratiam Domini nostri Iesu Christi, quoniam propter vos egenus factus est, cum esset dives. Supra quem locum dicit Glossa: Respice pauperrimum habitaculum eius, qui dirat cælum. Vide præsepe sedentis super Cherubim. Vide pannus obsitum eum, qui pelagus arena iunxit. Vide deorsum paupertatem diuitias

diuitias eius sursum considerans. In progressu etiam vitæ Christus pauper fuit, Matth. 8. dixit: Vulpes foucas habent, & volucres cæli nidos, filius autem hominis non habet ubi caput reclinet. Quasi diceret secundum Hieronymum Quid me propter diuitias & sæculi lucra cupis sequi, cum tanta sim paupertatis, ut ne hospitium quidem habeam, & tecto non utar meo? Vel secundum Chrysost. Hom. 28. in Matth. quasi vellet dicere. Quid pecunias credis collecturum si me sequaris? Nonne vides, nec diuersorium mihi esse, nec tantum quidem, quantum auiibus? Matth. verò 17. habetur, quod cū peteretur ab eo, ut solueret didrachma, dixit Petro: Vade ad mare, & mitte hamum & eum piscem, qui primus ascenderit, tolle, & apertò ore eius, inuenies staterem: illum sumens da eis pro me & te. Suprà quem locū Glossa dicit: Dominus, tanta paupertatis fuit, ut unde tributa solueret non haberet. Id ipsum etiam colligitur ex eo, quod Christus paupertatem commendauit, & Apostolis iniunxit. Scriptum est autem Act. 1. Cœpit Iesus facere, & docere, quia horum quæ docuit, in se exemplum præbuit. Singulare autem paupertatis testimonium Christus in passione monstrauit, quando omnibus rebus exterioribus priuatus, in cruce pependit. Quam totius vitæ Christi paupertatem pulcherrimè complexus est Sanctus Anselmus lib. de diuer. Sacram. Pauper, inquit, ita fuit Christus, ut veniens in mundum non in sua sed in aliena domo nasceretur, & natus propter inopiam loci, in præsepio brutorum animalium poneretur, & viuens in mundo non haberet ubi caput suum reclinaret, nec moriens, unde nuditatem suam te geret

tegeret; nec mortuus, unde inuolueretur, nec sepulchrum, aut locum, ubi corpus mortuum locaretur.

Hæc Anselmus. Christus ergo pauperem vitam duxit. Et quia Theologus in primis doctrinæ S. Thomæ vult inhærere, ideo adiungo, quod ex sententia S. Thomæ Christus fuit pauper, non solum in particulari, sed etiam in communi, hoc est, taliter à se rerum omnium dominium abdicauerat, ut nullius rei proprietatem, non modò in particulari, sed neque in communi habuerit, sed tantummodo simplicem rerum usum retinuerit. Ita Opusc. 19. cap. 6. ait: *Primordium perfectionis in Christo & in Apostolis fuit: sed ipsi non leguntur sua relinquentes aliquas possessiones habuisse in communi, imò potius legitur, quòd nec etiam domos habebant ad manendum. Ergo perfectio paupertatis non requirit aliquas possessiones communes.*

Vide si placet eundem S. Thomam Opusc. 17 cap. 15. Et S. Bonau. latissime Opusc. de Paupertate Christi, & in Apologia Pauperum, tractantem hanc sententiam. Sed quod caput est, Nicolaus IV. in cap. Exijt. de verborum significatione in 6. definiuit, Christum verbo & exemplo docuisse perfectam paupertatem, quæ consistit in abdicatione omnium rerum, nullo sibi dominio relicto, nec in particulari, nec in communi; ac proinde talem paupertatem esse sanctam & meritoriam. Et quamuis hoc falsum esse & hæreticum docuerit Ioann. xxij. in Extrauag. Cum inter nonnullos, tamen ut docet Bellarm. lib. 4. de Romano Pontifice cap. 14. non dissentiant Nicolaus & Ioannes. Nam Nicolaus IV. dicit: Christum aliquando perfectissimam illam paupertatem verbo & exemplo docuisse: aliquando autem paupertatem minùs rigidam exemplo demonstrasse, tanquam communem omnium Patrem & Doctorem. Ioannes autem definiit, esse hæreticum asserere, Christum nihil unquam hic in terris habuisse proprii, saltem

saltem in communi, sed negat semper talem vitam Christum egisse. Ioannes quoque non negat Christum aliquando nihil habuisse proprii, nec in speciali, nec in communi, sed negat semper talem vitam Christum egisse.

Denique Christus ad eò pauperem vitam duxit, quòd etiam ex tali paupertate ad mendicandum descenderit. Proferam testimoniũ S. Thomæ, quia Theologus vult doctrinã excerptã ex S. Thoma. Hic ergo in Opusc. 19. c. 7. ait: *Nunc tertio restat ostendere, quod predicti non solum vivere possint de elemosynis sponte oblatis, sed etiam eas petere mendicando. Quod probatur exemplo Christi, in cuius persona in Psal. 33. dicitur: ego autem mendicus sum, & pauper. Glo. hoc dicit Christus de se, ex forma serui. Et infra. Mendicus est qui ab alio petit, & pauper, qui sibi non sufficit. Item in alio Psal. 69. Ego verò egenus & pauper sum. Glo. Sum egenus, id est, petens: & pauper sum, id est, insufficiens mihi: quia & mundanas copias non habet, & intus ubi est diues, semper ambit, desiderat, accipit. Item in alio Psal. 108. Persecutus est hominem inopem & mendicum. Glo: scilicet Christum. Et alia Glo. Pauperes insequi sola sanctia est: alij pro diuitijs & honoribus interdum huiusmodi patiuntur. Iste dua vltima glossa ostendunt manifesta, quod de mendicitate rerum temporalium predicta verba intelligere oportet. Item 2. Corint. 8. Scitis gratiam Domini nostri Iesu Christi, quoniam propter vos egenus factus est: Glo. in mundo. Et quòd in hoc Christus sit imitandus, patet per Glo. quæ ibidem dicit: Nemo se contemnat, pauper in*

in cella, diues in conscientia, securior dormit in terra, quam cum auro diues in purpura. Non ergo expauescas cum tua mendicitate ad eum accedere, qui indutus est nostra paupertate. Item quod Dominus victum petierit, expresse habetur Luc. 19. ubi Dominus dixit ad Zachaeum: Zachae festinans descende, quia hodie in domo tua oportet me manere. Glossa: Non inuitatus inuitat, quia etsi nondum audierat vocem inuitantis, audierat tamen affectum. Item Marci 11. Circumspectis omnibus, cum iam vespere esset, &c. Glossa. Circumspectis omnibus, si quis eum hospitio susciperet. Tantæ enim paupertatis fuit, & ita nullis adulatus, ut in tanta urbe nullum hospitium inueniret. Ex quo patet quod Christus ita pauper erat, quod hospitium conducere non posset: sed ab alijs hospitium petebat, & expectabat. Hæc S. Thomas. Vide si placet Thomam VValdensem lib. 4. Doctrin. Fidei, ubi acerrimè contra hæreticos quosdā, qui ut mendicitatem damnarent, Christum mendicasse negabant, defendit Christum actualiter, personaliter, & vocaliter mendicasse. Et hæc quidem de Christo.

De Apostolis autem certum est in primis, eos paupertatem coluisse, ut colligunt SS. Patres & Theologi ex illis verbis: Ecce nos reliquimus omnia. Et iterum Matth. 10. dicitur: Nolite possidere aurū, neq. argentū neq. pecuniam in zonis vestris, neq. virgam. Et Marc. 6. Præcepit eis, ne quid tollerent in via, &c. Et Luc. 9. Nihil tuleritis in via, neque virgam, neque peram, neq. panem, neque pecuniam, neque duas tunicas habeatis. Paulus verò 2. ad Corinth. 6. ait: Sicut egentes, multos autem locupletantes,

E *pletantes,*

pletantes, tanquam nihil habentes, & omnia possidentes. Supra quem locum Ambrosius inquit: *Quantum ad presentem vitam pertinet pauperes videbanur, sed spirituales diuitias credentibus largiebantur. Egeni in terris, in caelis diuites.* S. verò Thomas lect. 2. supra idem caput dicit: *In his temporalibus sumus sicut egentes, id est ab alijs accipientes: sed tamen quantum ad spiritualia, sumus multos locupletantes.* Et post pauca: *Tanquam nihil habentes, scilicet in temporalibus, quia omnia dimiserunt propter Christum. Matth. 19. Si vis perfectus esse, vade, & vende omnia, quae habes, &c. Sed interius & in spiritualibus omnia possidentes, scilicet per interiorem magnitudinem cordis.* Et hoc ideo est, quia ipsi vivebant non sibi, sed Christo, & ideo omnia quae sunt Christi, reputabant ut sua. Vnde cum Christo omnia sint subiecta, omnia possidebant, & omnia tendebant in eorum gloriam. Idem quoque Apostolus 1. ad Corint 4. ait: *Puto enim quod Deus nos Apostolos nouissimos ostendit, tanquam morti destinatos, quia spectaculum facti sumus mundo & Angelis, & hominibus. Nos stulti propter Christum, vos autem prudentes in Christo. Nos infirmi, vos autem fortes. Vos nobiles, nos autem ignobiles.* Et demùm subdit: *Vsque in hanc horam & esurimus, & sitimus, & nudi sumus.* Pauperes ergo fuerunt Apostoli. Imò quod plus est, paupertatem suam voto firmarunt, vt docent S. S. Patres & Theologi. Ex his S. Augustinus lib, 17. cap. 4. de Ciuit. Dei sic ait: *Dixerant*

rant enim potentes illi: Ecce nos reliquimus omnia, & secuti sumus te. Hoc votum potentissimi voverant. Sed unde hoc eis, nisi ab illo, de quo hic continuo dictum est: Dans votum vouenti? Alioquin ex illis essent potentibus, quorū infirmatus est arcus. Dans, inquit, votum vouenti. Non enim Domino quisquam quicquam ratum voveret; nisi qui ab illo acciperet, quod voveret. Et quia Theologus vult S. Thomam audire, profero ipsum loquentem 2. 2. q. 88. art. 4. ad 3. Apostoli, inquit, intelliguntur vovisse pertinentia ad perfectionis statum, quando Christū relictis omnibus sunt secuti: Imò necesse est, quod Theologus dicat secundum mentem S. Thomæ, quod Apostoli duxerunt vitam pauperem, non solum in particulari, sed etiam in communi: quia id docuit Opusc. 17. cap. 15. & Opusc. 19. c. 6. Verba ipsius suprà citata sunt. Hic adducam dumtaxat verba ex Opusc. 17. cap. 15. Manifestum, inquit, secundum expositiones præmissas Apostolis interdictum fuisse, ne agros, vel vineas, vel alia huiusmodi bona immobilia possiderent. Vide etiam si placet Bonavent. in Apologia paup. Tandem debet docere Theologus, secundum mentem S. Thomæ, Apostolos mendicasse. Opusc. enim 19. cap. 7. sic ait; Item hoc probatur exemplo Apostolorum qui iussi sunt à Domino necessaria ad victum in via non ferre, ut patet Matth. 10. Mar. 6. Constat autem quod ipsi imperiose non poterant accipere. Ergo satis evidens est, quod necessaria victus humiliter petebant, quod est mendicare. Item hoc etiam patet de discipulis Apostolorum, post resurrectionem Christi. Dicitur enim

in 3. c. Ioan. Pro nomine eius profecti sunt. Gloss. Pro nomine CHRISTI ampliando profecti sunt. Gloss. Alienati à rebus proprijs, ergo sine necessarijs viabant: ex quo patet, quòd necesse habebant petere. Hæc S. Thomas de Apostolis. Ex quibus omnibus patet, qualis fuerit modus viuendi Christi & Apostolorum.

Iam vero de Episcopis certum est, eos non colere, neque profiteri paupertatem, & eam non habere annexam suo statui: tantum abest, quod debeant eam vouere, vel exercere etiam in communi, aut mendicatio pane viuere. Non ergo modus viuendi Episcoporum accedit proximè ad modum viuendi Christi & Apostolorum. Ideo & S. Thomas docet (vt infra videbitur) quod Episcopi habent possessiones non ex vi institutionis suæ à Christo, sed per dispensationem Ecclesiæ. Falsum ergo est, quod supposuit Theologus in sua Propositione, nempe modum viuendi Episcoporum accedere proximè ad illum viuendi modum, quem Christus Dominus, & eius Apostoli sectati sunt.

Denique hæc Propositio hæresim redolere videtur. Quia enim Christum & Apostolos paupertatem seruasse & coluisse, de fide est, & traditum in Decretis Pontificum: & quia manifestum est, Episcopos paupertatem non seruare: inde ex propositione certa de fide, & assumptione certa naturaliter inferitur Conclusio Theologicè scientifica, quæ aliquo modo pertinet ad fidem, quod videlicet modus viuendi Episcoporum non accedit proximè ad modum viuendi Christi & Apostolorum: Cuius contrariū quia supposuit Theologus in sua Propositione, contrà fidem indirectè docuisse videtur.

Vltimò aduertat Theologus, quòd dicit, modum viuendi Christi & Apostolorum proculdubio fuisse omnium perfectissimum. Quia enim monstratum est ex S. Thoma, modum viuendi Christi & Apostolorum fuisse in paupertate, non solum in particulari, sed etiam in communi:

con.

consequens est quòd debet fateri secundum mentem S. Thomæ, modum viuendi in paupertate tam in particulari, quàm in communi, esse perfectissimum: quod & S. Thomas disertis verbis docuit, vt postea monstrabitur. Non diffiteberis Theologe, si te doctrina S. Thomæ tuam Epistolam munuisse non pœniteat.

At inde ego sic vltcrius arguo. Religioni perfectissimæ conuenit modus viuendi perfectissimus, vt patet ex tua Consideratione 4. vbi coniungis perfectius viuendi institutum, cum modo viuendi perfectiore, vt visum est Propositione xv. Sed modus viuendi perfectissimus ex S. Thoma est viuere in paupertate, tam in particulari quàm in communi: quia is fuit modus viuendi Christi & Apostolorum, qui proculdubio fuit omnium perfectissimus. Ergo modus viuendi in paupertate, tam in particulari, quàm in communi, competit Religioni perfectissimæ. Quid ais Theologe? negas, an cōcedis? At necesse est quòd concedas tum propter dicta, tum quia S. Thomas Opusc. 17. c. 15. ait: *Summa paupertatis est perfectio, vt ad exemplum Christi aliqui homines possessionibus careant.* Cap. verò 16. ait: *Possessiones communes expedit possidere propter eos, qui non sunt summa perfectionis capaces, qualis in primis credentibus fuit, qui tamen imperfectiores omnino negligendi non erant: unde & apud illos, qui summam perfectionem sectabantur, possessiones non erant: sicut etiam Dominus, cui Angeli ministrabant, loculos habuit propter necessitatem aliorum, quia scilicet eius Ecclesia loculos habitura erat: sicut Augustinus dicit super Iohan. Vnde si qua sit Congregatio, in qua omnes ad maiorem perfectionem tendant, expedit eis communes possessiones non habere.*

Hæc S. Thomas. Sed tu Theologe vel inuitus concedas, quòd perfectissimæ Religioni competit modus viuendi in paupertate tam in particulari, quàm in communi. Iterum à te peto Theologe quid dicis? Negas, vel concedis? Negare non potes, quia secundum formam benè inferitur consequentia, & inferitur ex tuis dictis, & ex dictis S. Thomæ, quibus te voluntariè alligasti. Si verò concedis: quomodo docuisti in hac Epistola, quòd Religionibus ordinatis ad prædicandum & docendum competit & expedit habere possessiones & redditus? Inunc Theologe, & primùm discas regulas ex doctrina S. Thomæ excerpere, antequam præsumas Theologorum, præcipuè verò Thomistarum lectioni eas præsentare.

PROPOSITIO XXII.

*In quo clarè expressus est finis salutis animarum
quàm plurimarum.*

HÆC Propositio est insufficiens. In vita enim CHRISTI & Apostolorum non solum refulcet finis salutis animarum, sed etiam Contemplatio. CHRISTVS enim Dominus vitam mistam, id est contemplatiuam simul & actiuam duxit, vt docet S. Thomas 3. p. q. 40. art. 1. ad 2. *Vita, inquit, contemplatiua simpliciter est melior, quam actiua, qua occupatur circa corporales actus: sed vita actiua, secundum quam aliquis prædicando & docendo contemplatiua alijs tradit, est perfectior, quàm vita, qua solum contemplatur, quia talis vita præsupponit abundantiam contemplationis; & ideo CHRISTVS talem vitam elegit.* Hæc Sanctus Thomas. Et quidem quòd CHRISTVS duxerit vitam contemplatiuam, manifestum est. Triginta
namque

namque annos priusquam prædicare cœpit, in silentio & contemplatione tranlegit. Sed quid dico triginta annos? quandoquidem omnes Theologum S. Thoma 3. p. q. 9. art. 2. & tota ferè quæst. 10. docent, Sanctissimam animam CHRISTI à primo instanti conceptionis, & deinceps continuò, habuisse scientiam beatorum, seu comprehensorum, quæ in clara DEI visione consistit. Baptizatus verò à Ioanne in desertum recessit, & in eo quadraginta diebus manens ieiunauit. Postmodum verò Euangelium prædicare cœpit, ita tamen quod sæpius in desertum secedebat, sæpius in montem ascendebat, sæpius in oratione DEI pernoctabat. Et quemadmodum Sol per diem nos illuminat, & radijs lucis suæ ac calore huius hemisphærij corpora fouet: nocte autem discedit, seque à nobis abscondit, non vt ociosus maneat, sed vt in alio mundi tractu viuentibus splendeat: Ita CHRISTVS verus iustitiæ Sol in die hominibus doctrinæ suæ splendore lucebat, & eos beneficiorum calore fouebat; noctu verò in montibus & locis solitarijs delitescens, à mortalibus se subtrahebat, vt cum æterno PATRE nostra negotia perageret. Id autem eo fine fecit, quæ S. Gregorius lib. 6. Moral. c. 17. notauit. *Humani, inquit, generis Redemptor per diem miracula in urbibus exhibet, & ad orationis studium in monte pernoctat, vt perfectis videlicet predicatoribus innuat, quatenus nec actiuam vitam amore speculationis funditus deserant, nec contemplationis gaudia penitus operationis nimietate contemnunt; sed quieti contemplantes sorbeant, quod occupati erga proximos loquentes refundant.* Hæc Gregor. Quod verò Apostoli duxerint vitam contemplatiuam, patet ex hoc, quia ad Rom. 8. dicitur, *Primitias spiritus habentes.* Vndè colligunt Theologi, eos septem dona Spiritus sancti habuisse in eminentissimo gradu, nō solum

secundum habitum, sed etiam secundum actum. Actus autem
 doni sapientiae est contemplatio. Ad Phil. quoque 3. dicitur:
Nostra autem conuersatio in caelis est. Vtique per con-
 templationem, ut notat S. Thomas supra hunc locum.
 Philo vero Iudeus antiquissimus scriptor in lib. De Con-
 templatiua vita, siue de supplit. Virtut. hoc testimonium
 perhibet de Apostolis, atque de illorum etiam sectatoribus,
 quod eo usque fuerint diuinarum rerum contemplationi
 dediti, ut abiēcisse curam carnis omnem, ac reficiendi eti-
 am corpusculi per continuos dies aliquot obliui prorsus esse
 viderentur, vix ut quandoque sexto aut septimo die cibum
 caperent. Dictum quoque Philonis approbat Illustriss.
 Cardinalis Hosius, lumen nostrae Poloniae Tom. I. suo-
 rum eruditissimorum operum cap. 74. et subiungit:
*Et quidem ita eos decebat, quos Christus lumina mū-
 di constituerat, quiq; vniuersum orbem diuina sapien-
 tia sale condire debebant.* Et rursus: *Neque ve-
 rò, inquit, ipsi soli fuere diuinitatis contemplato-
 res, sed quos in fide Christi instituerant, eos quo-
 que spiritualium bonorum speculatores esse cupiebant.*
 Hæc ille. Non minus illustre alterius Cardinalis Roberti
 Bellarmini testimonium in hac eadem materia placet adfer-
 re. Ipse enim tomo 4. suarum Disp. lib. I. de bonis Ope-
 rib. in partic. cap. 19. sic inquit: *In testamento
 nouo Apostoli primi fuerunt, qui relicta cura tempo-
 ralium rerum, munus suum proprium esse duxerunt,
 verbo Dei, & orationi sine intermissione instare. Nos,
 inquit Actor. 6. orationi & verbo Dei instātes erimus.*
 Constat autem, quod oratio maximè spectat ad Contem-
 plationem, vnde cum Apostoli sine intermissione orationi
 instantes esse dicuntur, quasi continuò contemplatiui esse
 intelliguntur. Vnde & de S. Iacobo fratre Domini nostri
 testatur

testatur Egippus lib. 5. suæ Historiæ, vt refert Baronius Tomo primo Annalium circa annum Christi 63 quod videlicet solus in templum intrare solitus erat, atque ibi genibus humi positus, assiduò in oratione persistebat, adeò quidem quod etiam genua eius Cameli instar, tuberculis contractis, obduruerant. Sanctus verò Chrysostomus apud eundem Baron. ibidem addit etiam, non tantum eius genua, sed & frontem, ob iugem in pauimento prostrationem, callo obductam fuisse. Non solum autem Apostoli contemplabantur, sed etiam Saluator solitus erat sæpius eos à turbis seorsum subducere in deserta, vt constat ex Euangelistis. Imò & antepassionem suam egressus fuit cum discipulis suis trans torrentem Cedron, vbierat hortus. Ioannis verò 18. dicitur: *Sciebat autem & Iudas locum, quia frequenter Iesus conuenerat illuc cum discipulis suis.* Lucæ verò 22. dicitur. *Et egressus ibat secundum consuetudinem in montem oliuarum. Secuti sunt autem illum & discipuli.* Duxerunt ergo Apostoli vitam contemplatiuam. Quod autem simul & actiuam, res ipsa, vocatio videlicet nostra ex gentibus, & adoptio in libertatem filiorum DEI loquitur.

Disce hinc Theologe, à Religione ad docendum & prædipum destinata, ac verè Apostolicam vitam profitente, non esse alienum, aliquando in deserta secedere, longa contemplationi tempora tradere, noctes in somnes in oratione ducere, vel saltem noctis silentia surgendo ad laudandum Deum, & orandum pro proximis rumpere. Talis enim modus viuendi fuit Christi & Apostolorum.

PROPOSITIO XXIII.

Ordines Ecclesiastici, & eorum variae functiones per conciones, confessiones, lectiones, &c.

NON possum non admirari, quòd Theologus inter actus & functiones Prædicatorum verbi DEI non meminerit præcipuarum conditionum viri Apostolici, vt scilicet inuuet proximos, maximè bono exemplo, & feruenti oratione pro eis fusa. Sanè potissima & prima functio attendentis salutem animarum, est bona & sancta vita prælucere. *Cæpit*, inquit S. Lucas Act. I. *IESVS facere & docere*: Triginta annis fecit, vt triennio doceret; sed & in ipsomet triennio fecit. Ioannes quoque vt Christum prædicaret secessit in desertum, & adeò duram (vt notum est) vitam egit: ideoque erat lucerna ardens, & lucens; ardens sibi, lucens proximo. Tritum est illud Senecæ dictum: *Longum iter est per præcepta, breue & efficax per exempla: quia homines amplius oculis quam auribus credunt*. Sanctus verò Bernardus serm. de S. Benedicto ait: *Sermo viuus & efficax, exemplum operis est; plurimum faciens suadibile, quod monstratur factibile*. Certè Euangelicus Doctor & Prædicator talis esse debet, vt possit confidenter dicere, *Imitatores mei estote, sicut & ego Christi*. I. Cor. 4. Aliàs si vita à doctrina discrepat, prædicator histrionem agit, qui Regis personam repræsentat, Rex tamen non est. Si scitè repræsentat humilitatem, nec tamen est humilis: si honoris contemptum prædicat, quem nondum spreuit: si silentium & relectionem commendat, est tamen garrulus & vagus: si ad poenitentiam inuitat, quam minime præsefert, aut facit: histrio est, & mimus, nō prædicator Euangelicus. Est sicut pictor, qui licet sit deformis, egregiè tamē alterius pulchritudinē in tabula delineat. Est sicut terminus saxeus, qui in agro defixus viam demonstrat, ipse nihilomin⁹

fixus

fixus suo loco manet. Est sicut cymbalum tinniens, quod alios ad templum conuocat, ipsum verò minimè intrat. Talis Prædicator vna manu animas aduocat, alia quocat; vna impellit, altera repellit; vna extruit, altera destruit. Væ illis qui dicunt, & non faciunt. *Qui autem fecerit & docuerit, hic magnus vocabitur in regno cælorum.* Matth. 5. Ideo & Apostolus. 1. Corint. 2. ait: *Sermo meus & prædicatio non in persuasibilibus humana sapientie verbis, sed in ostensione spiritus & virtutis, ut fides vestra non sit in sapientia hominum, sed in virtute Dei.*

Altera verò conditio pro Christo legatione fungentis est, ut proximum iuuet suis orationibus. Magis certè oratio Moyſis Amalecitas prostrauit, quàm vniuersæ bellatorum hæstæ & gladij. Magis expugnabit dæmones oratio feruens, quàm abundantia verborum. Dixerat DEVS, ut disperderet Israelitas, si non Moyſes electus eius stetit in conſractione in conſpectu eius, & auerteret iram eius, ne disperderet eos. Sapientiæ quoque 18. dicitur: *Sed non diu permansit ira tua. Prope nam enim homo sine querela deprecari pro populis, proferens ſeruitutis ſuæ ſcutum orationem, & per incensum deprecationem allegans, reſtuit ira, & finem impoſuit neceſſitati, ostendens quoniam tuus eſt ſamulus.* Sic prædicator debet eſſe medius inter Deum, & Auditores. Propterea Deus per Ezechielem expoſtulat cap. 22. *Et quaſi uide, ys virum, qui interponeret ſapem, & ſtaret oppoſitus contra me pro terra, ne diſſiparem eam: & non inueni. Et effudi ſuper eos indignationem meam: in igne ira mea conſumpſi eos: viam eorum in caput eorum red-
didi.*

didit, ait Dominus Deus. Et cap 13. inquit: Non ascendistis ex aduerso, neque oppositis murum pro domo Israel. Isaïas quoque cap. 64. conqueritur: Non est qui inuocet nomen tuum, qui consurgat & teneat te. Sic oratio iusti tenet Deum.

Cæterum quātum iusti prosint in medio nationis prauæ & peruersæ, clarissimè demonstrat illud colloquium Dei & Abraham, quod habetur Genesis 18. *Nunquid, inquit Abraham, perdes iustum cum impio? Si fuerint quinquaginta iusti in ciuitate, peribunt simul? & non parces loco illi propter quinquaginta iustos, si fuerint in eo? Absit à te ut rem hanc facias, & occidas iustum cum impio, fiatq; iustus sicut impius, non est hoc tuum: qui iudicas omnem terram. Nequaquam facies iudicium hoc. Dixitq; Dominus ad eum: Si inuenero Sodomis quinquaginta iustos in medio ciuitatis, dimittam omni loco propter eos. Respondensq; Abraham ait: Quia semel capi, loquar ad Dominum meum, cum sim puluis & cinis. Quid si minus quinquaginta iustis, quinq; fuerint? delebis propter quadraginta quinq; uniuersam urbem? Et ait; Non delebo, si inuenero ibi quadraginta quinq;. Rursumq; locutus est ad eum: Sin autem quadraginta ibi inuenti fuerint, quid facies? Ait: Non percutiam propter quadraginta. Ne queso, inquit, indigneris Domine si loquar: Quid si ibi inuenti fuerint triginta? Respondit: Non faciam, si inuencro ibi triginta. Quia semel, ait: capi, loquar ad Dominum meum; Quid si ibi inuenti fuerint vigin-*
ti?

ti? Ait: Non interficiam propter viginti. Obsecro, inquit, ne irascaris Domine, si loquar adhuc semel: Quid si inuenti fuerint ibi decem? Et dixit, non delebo propter decem. Sed mirabilius est, quod Dominus per Ieremiam cap. 5. ait: Circuite vias Ierusalem, & aspiciate, & considerate, & querite in plateis eius, an inueniatis virum facientem iudicium, & querentem fidem & propitius ero ei. Suprà quem locum exclamat S. Hieronymus. Grandis, inquit, amor iustitia, vni quaquam iuxta interrogationem Abrahae, & responsionem Dei pro decem viris iustis, Deus liberauit ciuitatem; sed si unum inuenerit, iam iamque peritura Hierusalem, qui faciat iudiciũ, & querat fidem, siue, ut Symmachus transtulit, veritatẽ, tamen Deus misereatur Hierusalem. Quanti interest, vt in Republica aliqua sint iusti? Ideo & Religiosi reclusi, atque è claustris & cella sua non egredientes, ideo & Eremitæ æstimandi sunt. Nam in illo etiam angulo latentes maxime profunt Reipublicæ, quam Deus Opt. Max. ob paucos illos tolerat. Sini enim zizania & triticum crescere vsque ad messẽ, ne fortè colligendo zizania, eradicetur simul cum eis triticum. Horum orationes reddunt efficaces labores aliorum concionatorum & confessorum. Sæpè æstimabit Predicator, se fructum facere, sed non ipse fecit; at is qui feruidas preces Deo obtulit. Quam plures spirituales filios viri abstracti sibi vendicabunt præ multis ministris verbi DEI? Hos quidem isti suos esse putant, sed in die iudicii apparebit non esse ipsorum, sed aliorum: & Ioseph verum pueri patrem non esse, sed tantum putatiuum. (Et putabatur filius Ioseph. Luc. 3.) Tunc apparebit, quod sterilis peperit plurimos, & quæ multos habebat filios infirmata est. Tunc dicetur: Lætare sterilis,

Eremitica

Eremitica Religio, quæ non paris: erumpe, & clama, quæ non parturis, quia multi filij desertæ magis, quàm eius, quæ habet virum, quæ nupsit ætiam vitam contemplatiuæ. Tunc videbis te, ò sacra Eremitus, manipulis filiorum & corona prolis vallari. Et dices in corde tuo: Quis genuit mihi istos? Ego sterilis & non pariens. Ego non prædicationi, non administrationi Sacramentorum in sisto: & isto quis enutriuit? Dicam: Orationes, suspiria, lachrymæ, gemitus vestri, ò Angeli terrestres, imò cælestes, ò Eremitæ. Desiderium pauperum exaudiuit Dominus. Oratio humilis vestra penetrauit cælos. Deus voluntatem timentium se fecit, & deprecationem eorum exaudiuit. Non ergo se extollant Religiones ætiam vitam profitentes, quod maximum fructum in Ecclesia DEI faciunt. Nam sæpè non suis impensis, sed aliena industria interueniente, eum faciunt. Nam neque qui plantat est aliquid, neque qui rigat, sed qui incrementum dat Deus. Vt autem det incrementum, orationes Sanctorum faciunt. Tu verò, ò Theologè, disce deinceps viris Apostolicis sanctam vitam, & exemplarem, indefessum & iuge orationis studium inculcare, & inter potiores functiones incumbendum conuersioni animarum numerare.

PROPOSITIO XXIV.

Perfectio vite Christi, & Apostolorum agnoscitur potest, tum ex fine omnium operum eius, qui erat gloriam Dei dilatare, abstrahendo homines ab infidelitate & falsa fide ad rectam fidem, & à vita impia ad piam, & ita salutem eorum procurare.

HÆC Propositio in duobus deficit, Primò quidem, quia finis operum Christi primarius erat dilectio DEI; secundarius verò salus animarum. Deinde etiam, quia Christus non tantum intendebat

bat conuersionem à fide falsa & impia vita, sed etiam perfectum, imò & perfectionem ipsorum. Magis quippe gloria DEI dilatatur procurando perfectionem paucorum, quàm conuersionem multorum. De quo suprà dictum est.

PROPOSITIO XXV.

*Perfectio vitæ Christi & Apostolorum agnosci potest
tum ex medijs, quibus usus est cum Apostolis ad
salutem humanam procurandam, & fructum me-
ritorum suorum ijs communicandum, scilicet per
predicationes, disputationes cum Phariseis, per Sa-
cramenta, &c.*

HÆC propositio redolet eundem spiritum, quem
Propositio xxiiij. Cur enim Theologus non
meminit Passionis Christi, quæ potissimum me-
dium, quo usus est Christus ad salutem humanam
procurandam, virtute cuius alia media efficaciam habent?
Inter alios enim fines incarnationis Christi, erat iste (ut
ait S. Thomas 3. p. q. 1. art. 2. in corp.) *ut nobis ex-
emplum se præberet.* Vnde Augustinus dicit in quo-
dam sermone de Natiuitate Domini: *Homo se-
quendus non erat, qui videri poterat, Deus sequendus
erat, qui videri non poterat. Ut ergò exhibe-
retur homini, & qui videretur ab homi-
ne, & quem homo sequeretur,
Deus factus est homo.*



PRO-

PROPOSITIO XXVI.

*Perfectio vitæ Christi. & Apostolorum agnoscitur potest
tum ex ratione viuendi, quam in persona sui tenuit
communem in victu & vestitu cum honestis homi-
nibus.*

HÆC propositio monstrat Theologum delicatum. Quare enim non dixit, Perfectionem vitæ Christi agnoscitur ex ratione viuendi, quam in sua persona tenuit pauperrimam, vt ostensum est: sed potius communem in victu & vestitu cum honestis hominibus perpendit? Cur non meminit ieiunij quadragenarij, secessus in desertum, pernoctationis in oratione, fatigationis itinerum, eius quod non habebat vbi reclinaret caput, non habebat vbi nasceretur, vilitatis pannorum, atrocitatis flagellorum, asperitatis spinarum, acerbitalis denique crucis? Sed potius id aduertit, quod aduerterunt & Pharisei: *Eccè Magister vester manducat cum peccatoribus.* O Pharisei, cur non dicitis: Eccè Magister vester circuit castella & regiones? Eccè Magister vester ascendit in montem dimissis turbis solus orare? Eccè Magister vester fugit in montem? Cognouerat enim quòd venturi essent, vt facerent eum Regem? Eccè Magister vester ieiunans, non vult facere ex lapidibus panes? Eccè Magister vester fatigatus ex itinere, sedebat sic supra fontem? Eccè Magister vester sitit? Eccè Magister vester quærit fructum in ficulnea, & non inuenit? Vobis autem tantum admirationi est, quod manducat. Ex horum numero est Theologus, qui manducationi Christi attendit, cruci verò minimè; carnem vult, non ossa dura tangere. Est ex his multis, qui volunt sequi Christum ad fractionem panis. Non ex his paucis, qui sequebantur ad calicem passionis. Sed qua ratione Theolo-

gus

gus perfectionem in ratione viuendi communi, quoad
 victum & vestitum ponit. Vt enim notat S. Bonauentura
 in Apolog. Paup. Resp. 1. *Refulgent à Christo tan-*
quam à totius nostræ salutis exemplari, & originali
principio, actus multiformes. Nam quidam actus
in ipso respiciunt sublimitatem potentia, quidam sapien-
tialucem, quidam seueritatem iudicii, quidam officij
dignitatem, quidam condescensionem miseria, quidam
informationem vitæ perfectæ, ut paupertatem seruare,
virginitatem custodire, Deo & hominibus seipsum sub-
ijcere, noctes in oratione peruigiles ducere, pro cruci-
fixoribus exorare, & morti se summa charitate, etiam
pro inimicis offerre. Cum igitur sex sint huiusmodi
actuum varietates, in his ultimis dumtaxat ipsum
imitari est perfectum. Nam in istis quæ sunt excel-
lentia singularis, est impium & Luciferianum, nisi fue-
rit alicui singulari dono concessum. In his autem quæ
sunt seueritatis & dignitatis, est presidentium & præ-
latorum. In his quæ condescensionis, est infirmorum,
in quantum loquimur ad actum extrinsecum. Ne-
quaquam igitur, ut dogmatizat, summa Christiana
perfectio consistit in vniuersali imitatione actuum
Christi; sed tantum illorum, qui vitæ perfectæ imitati-
onem respiciunt. Ex quo apparet, quod huiusmodi
veritatis ignorantia, prima fuit in eo causa erroris.
 Hæc S. Bonauent. Vide Thèologe quàm graui censura à
 S. Bonau. perstringaris; nimirum te errasse asserit; quia docu-
 isti, perfectionem Christianæ vitæ consistere in imitatione
 actuum Christi; eorum qui condescensionem ipsius respi-

ciunt: cū tantū imitari in ijs, quæ ad informationem vitæ perfectæ pertinent, sit perfectum. Sed persistis in tua sententia & ais, manducationem & potum Christi esse opera informationem perfectæ vitæ respicientia: nam hoc est quod dixisti: *Perfectionem vitæ Christi agnosci ex ratione viuendi, quam tenuit communem in victu.* At idem S. Bonauentura te condemnat in eadem Apolog. Paup. auctoritate S. Chrysostomi super Math. hom. 27. *Vides, ait, quanta est Christi in condescensione diligentia: sicut cum comedat & bibat; cum videatur ex aduerso Ioanni faciens; & hec Iudaorum gratia salutis facit, magis autem orbis terrarum vniuersi. Quid his clarius (subiungit Bonauentura) dici potest? In quibus asserit Christum condescendisse in cibo & potu Iudais, qui utique infirmi erant, non tam carne quàm mente. Nam & infirmitatem carnis ipse Ioannes habebat.* Ex mente igitur Chrysostomi & Bonauenturæ victus Christi, scilicet cibus & potus, opus condescensionis erat. Non ergo imitari Christum in victu perfectum est. Falsum ergo dicit Theologus, imò errauit, quod perfectio vitæ Christi agnosci possit ex ratione communi viuendi, quam tenuit communem in victu. Sed iam descendamus ad singula puncta huius Propositionis: & causa distinctionis & caritatis, eam diuidamus per aliquot Propositiones.

PROPOSITIO XXVII.

Christus rationem viuendi in persona sua tenuit communem

QUAMVIS Theologus non dixerit absolute, Christum tenuisse rationem communem viuendi; sed cum limitatione, scilicet in victu & vestitu: quia tamen aliqui Authores absoluerunt scriptum

scriptum reliquerunt, quod Christus communem vitam duxerit; & hæc vox aliquibus potest esse occasio erroris: ideo Propositio hæc tutanda est. Nam in primis Christus, non solum vt D^evs, sed etiam vt homo, erat verè Rex Regum, & Dominus Dominantium: siue (vt Theologi docent) etiam secundum humanitatem, habebat dominium verum & directū omnium rerum, imò totius vniuersi. *Postula, inquit Psal. 2. à me, & dabo tibi gentes hereditatem tuā, & possessionem tuam terminos terra. Reges eos in virga ferrea, & tanquam vas figuli confriges eos. Ee nunc Reges intelligite, erudimini qui iudicatis terram. Seruite Domino in timore, & exultate ei cum tremore. Apprehendite disciplinā, alij legūt: Osculamini filium.* Ideo adduxit D^evs Reges ad præsepe infantis, vt filium oscularentur & adorarent. Sed nunquid Christus communem vitam egit cum Regibus? Veritas ipsa rei clare loquitur. Princeps erat, quare non duxit communem vitam cum Principibus? Summus Sacerdos erat, quare non duxit communem vitam cum Summis Sacerdotibus? Sed nec cum hominibus honestis vitam duxit communem; cum ijs dico, qui non sunt principes, nec tamen sunt pauperes. In mundum enim veniens pauperrimam Matrem elegit, pauperem nutriceum adhibuit, in summa paupertate nasci voluit; quod & stabulum & præsepe ab ipsis bestiis mutatum, & comitatus earundem bestiarum, & panniculi, & visitatio pastorum, vilium vtique personarum, abundè testantur: Sæuitiam quoque Herodis fugiendo, non resistendo, vt pauper declinauit. Sustentabatur laboribus & opera patris sui putatiui, vtique pauperis. Forasan etiam, vt aliqui Doctores existimant, arte fabrilis stipem sibi parabat. Nam propterea videtur vocatus Faber. Mar. 6. *Nonne hic est faber, filius Maria?* Postmodum duxit vitam pauperrimam, vt supra probatum; & non solum in

particulari, sed etiam in communi, ut docet S. Thomas. idè necesse habebat mendicare, & ex elemosynis viuere, ut idem S. Doctor asserit, & suprà dictum est. Virginitatem quoque coluit, quam Pharisei, Saducæi, Sacerdotes, non seruabant. Si autem Christus communem vitam duxit, maximè debuit illam ducere communem cum Sacerdotibus, Legis peritis, Scribis, Doctoribus, Phariseis. Erat enim Sacerdos in æternum secundum ordinem Melchisedech: & Sacerdoti iudicatur congruum, conformitatem vitæ habere cum alijs Sacerdotibus; & ij maximè possunt intelligi nomine honestorum hominum, dum agitur de Prædicatorum verbi diuini qualitatibus. Sed & ab eisdem Sacerdotibus plurimum se disceuerat paupertate. In deserto quoque sæpius secedebat, quod non faciebant Pharisei & Sacerdotes. Ieiunauit quoque quadraginta diebus & noctibus, qui ieiunij modus non erat communis. Et præter illa ieiunia, quæ in veteri lege Iudæis communia fuere, quæ quoque Christus seruauit, ut Doctores docent, *quia non venerat soluere legem, sed adimplere*, Matth. 5. Arbitratur quoque Abulen. suprà Matth. cap. 4. Q. 14. quod interdum aliqua alia, quamuis breuiora, quam fuerit illud quadragesimale, supererogatoria obseruauit. Quod quamuis scriptum non sit, sicut nec de obseruatione illorum ieiuniorum, quæ erant ex lege cunctis Iudæis communia: id tamen nil ob stare, quominus aliquis teneat à Christo obseruata fuisse, probat Abulen. Christus quoque non est usus pretiosis vestibus, quod apertè docet S. Thomas Opusc. 19. cōtra Impugnantes Religionem cap. 8. *Non est credibile*, inquit, *quòd Dominus Iesus Christus pretiosis vestibus indueretur, qui Ioannem commendabilem ostendit, quòd non erat mollibus indutus: Alioquin Pharisei, qui exteriorem sanctitatem ostentabant, sicut de eo dicebant, quòd erat*

erat

erat vorax, & potator vini, & publicanorum amator, ita & de eo dixissent, quod esset mollibus indutus. Milites etiam, qui ei illudebant, non eam veste purpurea induissent, in signum regia dignitatis, si tunica inconsutilis, auro & serico contexta fuisset. Sed quod tunicam eius milites diuidere noluerunt, hoc non fuit propter pretiositatem vestis, sed propter numerum; quia quatuor partibus superfuerat, quas milites de vestibus Christi fecerunt. Et si diuisa fuisset, omnino fuisset inutilis: in quo manifestè apparet, quod non erat de pretiosa materia. Hæc S. Thomas. Non solum autem vestis Christi pretiosa non erat, sed etiam vilis fuit, sicut pauperum. Qui enim natus, vilibus pannis fuit inuolutus, non potuit postea indui nisi vili veste; ne dissonantem à natiuitate vitam institueret: qui pauperem vitam duxit, utique pauperum veste tegi debuit. Non est etiam Christus vsus mutatorij vestibus, ut apertè colligitur ex Magistro Historiarum super Euangelia; cum quo etiam multialij concordant, inter quos est Vualdensis lib. 3. Doctri. Antiq. Fid. cap. 27. Hi dicunt de veste inconsutibili Christi, quod eam nunquam dimiserit, ex quo adhuc puero sibi proprijs manibus mater sua, Regina generosa eam texuit; sed semper eo crescente, creuit & ipsa.

Denique Christus non adhibuit multipliciter vestium. Censet enim Euthymius super Ioann. 13. & 19. Et Matth. 27. Non nisi tres vestes Christum habuisse, nimirum interiorem tunicam, siue subuculam, & aliud vestimentum quod super hanc gestari solet, & pallium, quod est extremum operimentum aliarum vestium. In hoc tamen non egisse Christum contra consilium, quod dederat Apostolis Matth. 10. *ne duas tunicas haberent*: hoc enim intellexit de pluribus vestibus mutatorij eiusdem rationis;

& non de pluribus vestibus diuersarum rationum, quæ vel
 luti vnum indumentum constituunt, quo homo integrè
 & decenter vestiatur. Cæterum erat tale tempus, quando
 Christus non solum omni multiplicitate carebat vestium,
 sed neque unicum habebat vestimentum, dum scilicet ipso
 in cruce nudo pendente; vestimenta eius inter se milites
 diuiserunt. In qua diuisione non spectarunt vtilitatem su-
 am, & vt vult S. Chrysostomus, non tam ex avaritia, nec
 propter vestium æstimationem, moti fuerunt ad diuiden-
 das vel sortiendas eas (alioqui idem fecissent de vestibus la-
 tronum, quæ pretiosi ores fuerunt, iuxta Euthymium supra
 citatum. *Indumenta, inquit, Christi viliora fue-
 runt, quàm latronum, qui cum ipso crucifixi erant*)
 sed id fecisse eos in nouam irrisiōem Christi, ipsum nimi-
 rum subsannando; ac sic ea vestimenta essent eo digna, qui se
 Regem prædicauerat. Quod similiter & Theoph. in cap.
 15. Marci sentit. Magis hoc ad opprobrium, & ex quadam
 lasciuia fecisse illos, quasi subsannatiuè dicerent: Quia is
 dixit se Regem, habeamus singuli aliquid de regalibus vesti-
 mentis eius. Vel certè dicendum est, fecisse hoc illos (vt
 alij tradunt) quia CHRISTVS totaliter omnibus fortunæ
 bonis in cruce spoliatus, voluit perfectissimæ paupertatis
 exemplum proponere, & loco testamenti suis imitatoribus
 relinquere. Non ergo CHRISTVS communem vitam du-
 xit quo ad vestitum. Ad quod etiam pertinet, quòd CHRIS-
 TVS Dominus nudis pedibus incesse, & calceamentis non
 est vsus, sed tantum sandalijs, quod multi SS. Patres docu-
 erunt, & ex professo ac fusè probat S. Bonuentura in
 Consilio, in quo ostendit, CHRISTVM & Apostolos inces-
 sisse discalceatos, vbi inter alia citat verba S. Gregorij Nazi-
 anzeni: *Optabam, inquit, homines videre, qui viue-
 rent ad exemplum prædicatoris Euangelij Christi nudis
 pedibus incedentes propter regnum pauperes, propter*
pauper-

paupertatem reges. In eodem Opusculo ea quæ videntur esse in contrarium, sufficientissimè soluit.

Christus quoque nec domicilium proprium habuit, ut patet ex eo, quòd non in sua domo natus, imò nascenti *non erat locus in diuersorio*: ab alijs etiam sæpè emendicauit hœspitium, ut à Zachæo, Martha, & ab eo apud quem celebraturus erat Pascha cum discipulis. Denique proprio sepulchro caruit. Sed magis id exprimunt verba ipsius Saluatoris nostri Matth. 8. *Vulpes foveas habent, & volucres cœli nidos: filius autem hominis non habet ubi caput reclinet.* Non dixit: Homines huius sæculi habent sua prædia, possessiones, & domos: ego verò nequaquam. Sed bestias produxit, ut ostenderet, se etiam hac re illis inferiorem: neque magnas bestias, ut leones, elephantes, boues, & equos, & alia huiusmodi attulit; sed minores, scilicet vulpeculas, & aues cœli. Tam arctam paupertatem monstrauit Dominus mundi: ut non putem posse remanere locum ambigendi apud aliquem, an Christus habuerit possessiones, prædia, cæteraue huiusmodi bona immobilia, posteaquam ipsemet tam Illustre testimonium de se perhibuit; scilicet se nec habere ubi caput suum reclinaret.

Christus etiam quamuis cum hominibus cōuersatus fuerit, tamen frequenter in loca secretiora se recipiebat, & à confortio illorum sæpius se subtrahebat: & hoc quidem ipso etiam tempore prædicationis. Ut plurimum quoque cum pauperrimis & simplicibus conuersabatur, secundum illud Prouerb. 3. *Cum simplicibus sermocinatio eius.* Idèoque discipulos pauperes & simplices, non diuites & nobiles, in suum collegium assumpsit, & cum illis ordinariè conuersatus est: Nonnunquam etiam cum peccatoribus & publicanis, quorum (ut ait Chrys. Hom. 38. in Matth.) *Mensas elegit, ut publicanos & peccatores saluaret.* Cæterum in aulis diuitum, aut Regum, ut minimum commoratus

fuit. Et inuitatus à Regulo Ioan. 4. vt descenderet in domum suam, & sanaret filium suum, ire noluit. Sed & tempore passionis nullum signum coram Herode ostendere voluit, nec aliquam prædicationem instituere. Vnde pulcherrimè quidam author inquit: *Cur silet verbum Dei in aula Herodis Tetrarchæ, quod in desertis locis turbas docet, & iuxta mare ex nauis Petri? O Domine, eximiam nobilemque habes Auditorum copiam in hac aula. Regem habes Herodem, Sacerdotum Principes, Herodis exercitum. Rex ipse te rogat; Diuinum os aperi, rerum diuinarum imperitos Auditores doce. Tacet verbum Dei, nil respondet Herodi interroganti. Noluit Christus respondere, & miraculum facere coram Rege, eiusque nobilibus, vt exemplum nobis præberet fugiendi ostentationem coram Magnatibus. Utinam concionatores iactantiam declinent, utinam pauperibus cupiant euangelizare (ceteris paribus) potius quàm Regibus. Hæc ille. Sic igitur patet, quomodo Christus minimè se familiarem exhibuerit Regibus & Magnatibus huius sæculi. Vnde & ipsemet de Ioanne loquens Matth. 11. inquit: *Eccè qui mollibus vestiuntur, in domibus Regum sunt; seu vt Lucæ 7. habetur: Eccè qui in veste pretiosa sunt, & in delitijs, in domibus Regum sunt.* Quibus verbis indicabat, non decere eos in aulis Regum morari; qui mollibus & pretiosis non vestiuntur, & in delitijs non sunt. Certè Christus nunquam locum in aula habere potuit, in qua veritas locum non habet, vt videre est ex illo, quòd cum Pilatus quæsiisset à Christo, *Quid est veritas?* responsum tamen veritatis de veritate minimè expectare voluit. Et sanè Christus vt plurimum in aulis Regum & Magnatum male tractatur. Ibi deridetur, ibi contemnitur, ibi exsugillatur,*

tur, & inde turpiter eiecitur: quemadmodum hæc Christo contigisse tempore passionis legimus, & modò spiritualiter contingere videmus. Merito Christus declinabat aulas Regum, & Magnatum, & Principum, vbi sua doctrina exulare cogebatur, ac proinde cum pauperibus magis conuersatus est, eisque Euangelium prædicauit, secundum illud quod de seipso in synagoga, ex Isaia legit, vt habetur Luc. 4. *Spiritus Domini super me: propter quod unxit me, euangelizare pauperibus misit me.* Non enim diuites quæsiuit, aut potentes, quibus lætissimum Euangelij nuntium promulgaret, sed plebem. Ideò & Principes plebis Iudæorum potius eius predicationi resisterunt, & tandem cruci eum addixerunt. Quare & pauperes elegit Prædicatores iuxta illud Matthæi 11. *Cæci vident, claudi ambulant, leprosi mundantur, surdi audiunt, mortui resurgunt, pauperes euangelizantur.* Ecce inter alia signa, quòd ipse esset verus Christus, posuit pauperum prædicationem (per hoc enim quod dicit, *pauperes euangelizantur*, intelligit Theophylactus, ipsos Apostolos prædicantes) prædicatores nempe Christi pauperes esse debent, & inde gaudere, quòd à Regibus & principibus contemnuntur & exsugillantur.

Illud etiam notandum est, quòd Christus quamuis cum hominibus conuersatus fuerit, non tamen negotijs secularibus se implicauerit. Quòd clarè colligitur ex historia Evangelica. Vt enim habetur Lucæ 12. *Quidam de turba dixit ei: Magister, dic fratri meo, vt diuidat tecum hereditatem.* At ille dixit illi: *Homo, quis me constituit iudicem, aut diuisorem super vos? Dixitq; ad illos: Videte, & cauete ab omni auaritia: quia non in abundantia cuiusquam vita eius est, ex his que possidet.* Vbi duo singulariter aduertenda sunt. Primum est,

F

quod

quod à Christo requisitum fuit, non ut diuideret hæreditatem, sed ut diceret fratri, ut diuideret hæreditatem: quod non videbatur esse alienum à prædicatione Euangelij; ut quamuis ipsimet diuisioni non se immiscuisset, tamen consilium de ea facienda suggessisset: quod tamen reuult. Aliud est, quod statim subiunxit: ut caueamus ab omni auaritia: quia facile nota & suspicio auaritiæ cadit in eos, qui consilijs dandis, de substantiarum distributione se ingerunt. Quod debuit cauere Theologus scriptor huius Epistolæ, ne hæc nota caderet in illum, sed potius Illustrissimo sciscitanti, quomodo posset bona sua distribuere, respondere cum Christo potuit, ne dicam debuit: *Homo, quis me constituit iudicem, aut diuisorem?* eò magis quia Christus voluit, ut sui imitatores non se intricarent curis mundanis. Quod potest patere ex eo, quod habetur Lucæ 9. Dixerat enim Dominus ad quendam: *Sequere me: ille autem dixit: Domine permitte mihi primùm ire, & sepelire patrem meum.* Dixitq; ei Iesus: *Sine ut mortui sepe- liant mortuos suos: tu autem vade, & annuntia regnum Dei.* Et ait alter: *Sequar te Domine, sed permitte mihi primùm renuntiare his, qui domi sunt.* Ait ad illum Iesus: *Nemo mittens manum suam ad aratrum, & respiciens retrò, aptus est regno Dei.* Vnde & ex hoc fonte hausit, quod deinde eructauit Paulus 2. ad Timoth. 2. *Nemo militans Deo implicat se secularibus negotijs.* Non ergo Christus communem vitam duxit quoad negotiorum transactionem.

Sed tandem quomodo omninò communem vitam duxit, etiam quoad exteriorem hominem, qui nequaquam communi morte, ut est res clarissima, mortuus est, & (ut suprà dictum est) non communem natiuitatem elegit? nisi aliquis dicat, quod progressus vite ipsius dissonabat à principio,

cipio, & fine : quod asserere nescio si audeat aliquis Christianus, ne dicam Catholicus. Vêrendum est ergo, ne detur occasio errori, pronuntiando absolutè Christum communem vitam duxisse, quoad exteriorem conuersationem. Sed si placet alicui, quòd Christus communem vitam duxerit (quod etiam aliqui scriptum reliquerunt) intelligat Christum communem vitam duxisse cum pauperibus : vt patet ex tota serie eius vitæ, & est definitum in decretis Pontificum : Christum pauperem vitam duxisse. Conforme est id Sancto Thomæ 3. p. q. 40. art. 3. ad 2. vt infra citabitur. Sed quia Theologus cum limitatione protulit dictam Propositionem, ideo rursùm expendenda est.

PROPOSITIO XXVIII.

Christus rationem viuendi in persona sua tenuit communem in victu & vestitu, cum honestis hominibus.

HÆC Propositio, videndum est ne sit occasio deceptionis. Nomine enim honestorum hominum, non intelliguntur pauperes, sed homines mediocres, siue medij inter diuites & pauperes : quàmuis & huiusmodi conditionis homines, scilicet qui videntur ex suo statu esse mediocris fortunæ, aliquando soleant esse diuites, vt patet in artificibus : siue ducant vitam indifferentem ad paupertatem & diuitias, hoc est, cui coniungi possint & diuitiæ, & paupertas. De fide autem est, quòd Christus pauperem vitam duxerit : & consequenter dicendum, quòd vitam communem duxerit in victu & vestitu cum pauperibus. Maxime enim paupertas exterior apparet in victu & vestitu. Non ergo Christus duxit communem vitam in victu & vestitu cum mediocribus hominibus, siue cum his quorum status est indifferens ad diuitias & paupertatem. Quòd si Theologus attendat ad mentem

S. Thomæ :

S. Thomæ: iam quòd secundum ipsum (ut visum est) Christus Dominus fuit pauper, non solum in particulari, sed etiam in communi; multò magis inde inferitur, quòd Christus non duxerit vitam communem in victu & vestitu cum mediocribus hominibus, qui nomine honestorum hominum videntur intelligi, sed duxit communem vitam cum pauperibus. Ita expressè S. Thomas 3. p. q. 40. art. 3. ad 2. *Communi, inquit, vita uti quantum ad victum & vestitum, potest aliquis, non solum diuitias possidendo, sed etiam à mulieribus & diuitibus necessaria accipiendo, quod etiam circa Christum factum est. Dicitur enim Luca 8. Quòd mulieres quædam sequebantur Christum, quæ ministrabant ei de facultatibus suis.* Sed placet adhuc diuisam per membra trutinare Propositionem Theologi.

PROPOSITIO XXIX.

Christus rationem viuendi in persona sua tenuit communem in victu cum honestis hominibus.

HÆC Propositio eodem modo expendenda est ut prius. Nam ut omittamus ieiunia Christi, esuriam, & sitim ipsius, certe quando legitur non ad mensas diuitum, sed cum discipulis manducasse, fit mentio de cibis vilibus, ut panibus hordeaceis, piscibus, melle. Et id debet attendi, ut æquum iudicium feratur, an Christus communem vitam duxerit in victu cum alijs. Quando enim vescebatur ad mensas aliorum, non mirum est, quòd ille qui dixit: *manducate quæ apponuntur vobis*, id ipsum perficeret, & quòd more pauperum mendicantium quæcunque oblata sibi manducaret. Eo igitur modo diceretur Christum communem vitam duxisse in victu.

viſtu cum honeſtis hominibus, quo diceretur pauperem ex eleemoſyna viuentem, communem vitam in viſtu cum Rege ducere, quando oblatum ſibi cibum de menſa Regis manducat, vel communem vitam in viſtu cum quibuſuis diuicibus, quia de menſa quorumcunque diuitum ſibi cibum offerentium epulatur. Chriſtus autem, (vt ſuprà dictum eſt) ex eleemoſynis & mendicato pane vivebat.

PROPOSITIO XXX.

Chriſtus rationem viuendi in perſona ſua tenuit communem in veſtitu cum honeſtis hominibus.

HÆC Propoſitio trutinanda eſt eo modo, quo & præcedens. Chryſoſtomus enim Hom. 84. in Ioannem de tunica Chriſti contexta deſuper per totū ait: *In Palaſtina ex duobus pannis veſtes contextæ: quod ſignificans Ioannes inquit, Deſuper contexta. Quod mihi dicere videtur, vt veſtimentorum vilitatem oſtenderet. Nam quemadmodum in alijs omnibus, ita in habitu vilem ſpeciem præferebat. Euty- mius etiam ſuprà citatus cenſet, indumenta Chriſti viliora fuiſſe, quàm latronum, qui cum ipſo crucifixi erant. Sed audiamus S. Iſidorum Peluſiotam lib. 1. Epiſt. 74. ad Cro- tonem Monachum hac de re loquentem: *Quod veſtitus mollities, & ſubtilitas, colorq; elegans, religioſe ac Deo grata exercitationis regulam minime ſeruent, Theologum Ioannem interroga Domini tunicam deſcriben- tem; ac tibi dicet. Erat autem tunica eius inconfuti- lis deſuper contexta per totum. Quis autem veſtis illius vilitatem ignorat? vt qua Galilæorum pauperes utan- tur; apud quos etiam maxime huiusmodi veſtis genus fieri**

fieri solet, arte quadam, ut pectoralia, retractim consutum. Audi etiam Mattheum cum de Ioanne Baptista verba facit, ac tibi dicit: Ipse autem Ioannes habebat vestimentum ex pilis camelorum. Vide item illum animi magnitudine praeitum, ac diuino spiritu afflatum Lucam, Herodis fastum narrantem, atq; eam, qua indutus erat, vestem traducentem, eosq; qui mollia indumenta gerunt, in Regum domibus versari dicentem. At huiusmodi vestimenta spiritali illo thalamo fulguris in modum rutilante minimè digna sunt. Quamobrem si huius desiderio teneris, vilem Dei nostri IESV vestitum imitare. Nam mollities praesentis laesio est, non caelestis splendoris. Hæc ille Eccè clarissimè vilem Christi vestitū & communem pauperibus asserit.

PROPOSITIO XXXI.

Ut ponderat S. Thomas 3. p. q. 40. art. 2. ubi querit: Utrum Christus austeram vitam in hoc mundo ducere debuerit? Et respondet, Conuenientissimum fuisse, ut se Christus in conuersatione hominibus conformaret, secundum illud Apostoli I. ad Corinth. 9. Omnibus omnia factus sum, ut omnes lucrifaciam. Ideoq; congruum fuisse, ut Christus in cibo potuque communiter se sicut alij haberet. Idq; probat verbis Christi Matt. 11. Venit Ioannes non manducans, neq; bibens. Venit filius hominis manducans & bibens; & dicunt: Eccè homo vorax, & potator vini.

HÆC

HÆC Propositio falsè & incongruè assumit auctoritatem S. Thomæ ad probationem intenti. Theologus enim dicit, quòd Christus Dominus rationem viuendi in persona sua tenuerit communem in victu & vestitu. Sanctus autem Thomas nihil meminit de vestitu, sed tantum de cibo & potu, vt legent constabit. Theologus vult, quòd Christus Dominus rationem viuendi in persona sua tenuerit communem in victu, & vestitu, cum honestis hominibus. B. autem Thomas docet Christum in, cibo potuque communiter se sicut alios habuisse. Quod non est alienum à statu pauperum. Rectè enim pauperes dicuntur, communiter se habere in cibo potuque sicut alij, qui manducant de cibis sibi oblatis à quibuscunque. Et certè si in hoc sensu diceret aliquis Christum communem vitam in victu duxisse cum alijs, quia manducabat sibi oblata à quicunque, & ex eleemosynis quorumcunque victitabat, non est alienum à modo loquendi S. Thomæ, & à mente ipsius, vt vitum est.

PROPOSITIO XXXII.

Ex quo loco colligunt alij quoq; SS. Patres, consultò instituisse Christum vitam minus seueram ac rigidam quàm Ioannem, vt facilius omnes lucrificeret.

HÆC Propositio vera quidem est cum aliquibus limitationibus: potest tamen simplicibus præbere occasionem erroris, vt æstiment Christum non duxisse vitam seueram & rigidam. Absolute enim loquendo falsum est, Christum non duxisse vitam austeram, & rigidam: comparatiuè tamen loquendo, verum est quòd Christus minus seueram & rigidam vitam instituit, quàm Ioannes: non quidem pro toto tempore vitæ suæ, sed pro tempore prædicationis: neque quo ad omnes austeritates,

ritates, sed quoad aliquas, ut ieiunium, abstractiones ab hominibus, & similes: & hoc quoad exteriorem apparentiam, non quoad afflictiones carnis, quæ passim non videntur ab alijs, ut ponderant aliqui pii Theologi. Porro quod absolute loquendo Christus duxerit vitam austeram, demonstrat ipsius natiuitas in paupertate, in incommoditate, frigore; durissima lex circumcisionis, fuga in Aegyptum, & exilium, ieiunium quadragenarium, summa paupertas, scilicet cum abdicatione omnium, tam in particulari, quam in communi, nuditas pedum, peregrinatio tot regionum sine ullo vehiculo, frequens fatigatio, tolerantia famis & sitis, prolixitas vigiliarum, siue pernoctatio in oratione, cubatio in nuda humo, priuatio domicilij proprii, denique clarissime ipsa mors & crux, cuius dolores adeo intensi fuerunt, ut non desit opinio aliquorum existimantium eos excessisse intensiue omnes dolores omnium martyrum collectiue sumptos. S. autem Thomas 3. p. qu. 46. art. 6. ait: *Uterq; dolor in Christo (scilicet & dolor sensibilis & dolor interior) fuit maximus inter dolores presentis vite.* Sed quis dubitet, tormenta & supplicia Christi fuisse horrenda & atrocissima, ac mortem acerbissimam? Denique Saluator noster initium prædicationis suæ fecit de poenitentia agenda. Matth. 4. *Exinde Iesus cepit prædicare, & dicere: Poenitentiam agite.* Constat autem quod Christus prius faciebat, quam docebat. Prius ergo poenitentiae exemplum alijs præbuit, per quam non propria, sed aliena exolvebat peccata. Hinc est quod aliqui Theologi æstimant Christum non solum austeritate, quæ est manifesta, respectu hominum usum fuisse, sed etiam secretis & occultis corporis castigationibus & afflictionibus: hoc enim non indecens, neque incredibile esse videtur, imo conuenientissimum ardori, quo tenebatur salutis & redemptionis nostræ, desiderio satisfaciendi abundantissime pro peccatis nostris. Si enim quam-

uis

uis gutta vna sanguinis eius sufficientissima ac efficacissima fuit ad redemptionem generis humani, tamen totum sanguinem profudit, ita quamuis exterior vitæ austeritas nota hominibus, abundantissimè sufficeret ad satisfactionem pro peccatis nostris, tamen verisimile est, quòd amor extorserit ab illo secretas macerationes corporis. Illud etiam aduertendum est ex S. Thoma loco citato, quod ea quæ erant afflictiva corporis Christi, etsi minora quo ad apparentiam, quam rigores Ioannis Baptistæ videbantur, ex alio tamen capite plurimum præponderabant. Sanctissimum enim Saluatoris nostri corpus, quia erat optimæ ac subtilissimæ complexionis, ac tactus perceptibilissimi (vtpotè quod formatum fuerat miraculosè operatione Spiritus sancti) omnes totius vitæ molestias, omnes fatigationes, omnes afflictiones, omnes cruciatus, tantò acrius sensit, tantòque vehementius pertulit, quam alius quiuus ex hominibus, quantò constitutio corporis illius excellebat, & præminèbat cuiusvis alterius complexionis. Quod ergo ex vna parte videbatur deesse austeritati, ex alia supplebatur.

Sed quia Theologus dicit, aliquos SS. Patres docuisse, quòd Christus minus seueram vitam instituit, quam Ioannes Baptista: sciendum est, quòd hoc in Christo fuit condescensionis & coniuuentiæ, propter infirmitatem quorundam non tam corporis quam mentis, qui Christum in arduis non possunt imitari. Hanc rationem dat S. Bonaventura loco citato suprà, circa propositionem xxvj. Et Abulen. in Matth. cap. 11. Q. 43. & suprà cap. 4. eiusdem Matth. qu. 13., *Quia inquit, plures hominum futuri erant mediocris, quam excellentis vitæ & proposui: ideo Christus paucò tempore secutus est vitam arduam, & ab omnibus separatam, reliquo autem tempore mediocritatem tenuit.* Hæc Abulensis. Perfectis ergo vitæ austeræ dedit exemplum, ieiunando quadraginta diebus &

manendo in solitudine; imperfectis autem condescendit, seruando mediocritatem, vt supra dictum est.

Notent hîc Prædicatores, vt antequâ muneri prædicationis se accingant, prius per contemplationem & vitæ austeritatem vitia carnis in se perfectè mortificent. *Hoc enim conuenit vitæ* (vt ait S. Tho. 3 p. q. 40. ar. 2. ad 3.) *secundum quam aliquis contemplata alijs tradit; quam Christus dicitur assumpsisse, vt primò contemplationi vacet, & postea ad publicum actionis descendat alijs conuiuendo.* Quæstione verò 41. ar. 3. ad 1. ait: *Nullus debet assumere prædicationis officium, nisi prius fuerit purgatus, & in virtute perfectus, sicut & de Christo dicitur Actor. 1. Quod caput IESUS facere & docere.* Et ideò Christus statim post baptismum austeritatem vitæ assumpsit, vt doceret, post carnem edomitam oportere alios ad prædicationis officium transire secundum illud Apostoli: *Castigo corpus meum, & in seruitutem redigo, ne fortè cum alijs prædicauero, ipse reprobus efficiar.* Hæc S. Thomas. Imprimant suis cordibus (per viscera Christi oro & obtestor) has tres aureas sententias ab Angelico Doctore exaratas, iuxta prototypum omnis perfectionis Christum. Prima, *Prædicator primò Contemplationi vacet, & postea ad publicum actionis descendat, alijs conuiuendo.* Secunda est, *Nullus debet assumere Prædicationis officium, nisi prius fuerit purgatus, & in virtute perfectus.* Tertia est, *Post carnem edomitam oportere ad prædicationis officium transire.*

PRO-

PROPOSITIO XXXIII.

*Quemadmodum ait S. Chrysost. Hom. 38.
in Matthæum.*

HÆC Propositio falsissimam citationem continet, & magnā infidelitatem Authoris ostendit, ipsiusquē doctrinam potius redarguit, quam defendit. Quod ut pateat, necessarium est in primis producere integrum locum S. Chrysostemi. Sic ergo ille inquit Aniano interpr. Cui autem assimilabo generationem hanc? similis est pueris sedentibus in foro, qui acclamantes sodalibus suis dicunt: Tibi cecinimus vobis, & non saltastis; lamentati sumus, & non planxistis. Hæc rursus, quamvis suspendi separariq; à superioribus videantur, valde tamē illis coniuncta sunt, & ad illū locum pertinent, quo sibi ipsi consona Ioannem facere ostendebat, etiamsi ea quæ fiebant, contraria essent. Probat igitur, nihil spectare ad salutem ipsorum, quod iam diligenter adhibitum non sit, & in medium illud quasi adducit Propheticum: Quid oportebat facere huic vineæ, & non feci? Cui enim, ait, similem existimabo hanc generationem? Similis est pueris sedentibus in foro, qui clamantes cum equalibus dicunt: Cecinimus vobis, & non saltastis: lamentati sumus, & non planxistis. Venit enim Ioannes, neque manducans, neque bibens: & dicunt Daemonium habet. Venit filius hominis man-

G 2

ducans

& bibens: & dicunt, Ecce homo vorax, & vinipota-
 tor, publicanorum amicus, & peccatorum. Huius-
 modi autem est quod dicitur: Oppositis quibusdam
 itineribus ego & Ioannes ad vos venimus, idemque
 fecimus, quod venatores solent facere; qui quando
 fugacissima capiunt, difficillima insectantur animalia,
 non una via, sed diuersis, & non diuersis solum, sed
 per contraria plerumque aggrediuntur, ut si alterum effu-
 gerint, in alterum incidunt. Nam quoniam uniuersum
 penè genus hominum maxime ieiunantes solet ad-
 mirari, & duritiem viuendi nimium approbare; Id-
 circò statim à teneris unguiculis, dispensatione diuina
 duriter vixit Ioannes, ad hoc ut ad credendum verbis
 suis populi ducerentur. Sed cuiusnam rei gratia, in-
 quies, hoc ipse iter viuendi ingressus non est? Imò verò
 hanc quoque viam ipse confecit, cum quadraginta die-
 bus ieiunauerit, & circumierit ita docens, ut non habe-
 ret ubi caput reclinaret. Sed tamen etiam aliter id
 ipsum preparauit, ut facilius omnes lucrifaceret. Idem
 enim erat, aut etiam maius, testimonio eius, qui duris-
 sima disciplina viuendi fuerat usus, approbari, quam
 ipsum ieiunare, atque duriter viuere. Præterea præter
 vitæ sanctimoniam nihil aliud magni Ioannes ostendit.
 Nullum enim, ait, signum Ioannes fecit; Christus ve-
 rò signorum atque miraculorum testimonio claruit,
 illam autem aliam viuendi viam, quæ ieiunio claros
 effecit, Ioanni omnino postea dimisit, ipse verò publica-
 norum atque peccatorum mensas elegit, ut publicanos &
 peccato-

peccatores saluaret. Interrogabimus ergo Iudeos, si ieiunium admirantur atque collaudant: cur Ioanni ieiunanti non crediderunt, cuius verba ad Iesum aperitissime adducebant? Quod si grauis quedam res atque tristis ipsis videtur; cur Iesum comedentem atque bibentem repulerunt? Virâque enim viâ, siue Ioannem siue Iesum recepissent, salutem consequerentur. Illi autem quasi crudelis quadam bestia, contumelijs utrumque lacerarunt. Non erat ergo culpa eorum, quibus non credebatur, sed eorum qui credere volebant. Nemo enim non insanus contraria simul vituperare ac laudare studet. Quod autem dico huiusmodi est: qui remissos letosque homines laudant, hi seueros atque tristes ferre non possunt; & qui seueros laudant, hi letos repudiant. Non enim possumus utrosque simul iudicio nostro approbare. Propterea etiam ipse; Tibia cecinimus vobis, & non saltastis; idest, remissione viuendi disciplina volui vos attrahere, & nolulistis: lamentati sumus, & non planxistis, idest nolulistis attentam Ioanni mentem adhibere, qui durissimâ disciplinâ viuendi ad vos venit. Non enim ad aliud Ioannes, ad aliud ego vos induco: quippe vnum est vtriusque consilium, etiamsi viuendi studia contraria videantur. Quapropter ea quæ ab vtrisque facta sunt, communia sunt. Non enim à discrepantia, sed à summa concordia contrarias vias elegimus, quæ tamen ad vnum exitum omnes perducunt. Quæ igitur excusatione uti poteritis?

Hæc S. Chrysostomus. Quibus perpensis iudicet æquanimis Lector, an S. Ioannes Chrysost. dixerit Christum instituisse vitam minus seueram ac rigidam, quàm Ioannem : ad quod vtrique intentum Theologus citat hanc auctoritatem. Imò verò oppositum S. Chrysostomus expressè asserit, quando ait Christum quoque viam duræ vitæ confecisse, cum quadraginta dies ieiunauit, & circuiuit, ita docens vt non haberet vbi caput reclinaret. Et quamuis asserat, Christum Ioanni dimisisse viam viuendi, quæ ieiunio claros effecit; tamen in altero duritiam vitæ CHRISTI considerat : nempe in circumeundo regiones, ita vt non haberet vbi caput reclinaret. Sic ergo Christus, quamuis in vno austeritatem vitæ Ioannis sectatus non fuerit, in altero tamen excessit. Non est autem necesse asserere, Christum dimisisse omnes austeritates Ioannis: & non est necesse virum cuius austera vita iudicatur, omnes austeritates assumere: sed secundum exigentiam rerum & officiorum, quæ gerit, has assumere, alias intermittere. Videat ergo Theologus, an rectè citauerit S. Chrysostomum: Videat an ex mente Chrysostomi Christus vitam minus seueram & rigidam, quàm Ioannes absolute loquendo, hoc est in omni, instituerit? Imò potius discat ex S. Chrysostomo Christū vitā etiā austeram duxisse: & si placet ei perfectionem vitæ Christi ponere in ratione viuendi communi, ponat etiam perfectionē vitæ Christi in ratione viuendi austera: si non est delicatus, non suscipiat vitam tantū Christi communem, sed etiam austeram. Sed video semper blanda prædicat. Sciat deinceps ordinem vitæ, quem debet tenere Prædicator ad imitationem vitæ CHRISTI, vt scilicet ad exemplum ipsius, prius ducat vitam austeram, deinde verò communem. Hoc enim vult S. Thomas citatus 3. p. q. 41. art. 3. ad 1. cuius ipse coloribus depingere studuit suam Epistolam. Statuat ergo hanc Maximam, & hoc primum principium : *Prædicator Euangelij ad exemplum Christi debet prius ducere*

ducere vitam austeram, deinde verò edomita carne communem. Non igitur prædicator Euangelij debet nusquam exercuisse vitam austeram, sed semper tantum communem. Ideò enim Christus, ait Sanctus Thomas (vt non negligatur, quod non frequenter inculcatur) statim post baptismum austeritatem vitæ assumpsit, vt doceret post carnem edomitam oportere alios ad prædicationis officium transire.

PROPOSITIO XXXIV.

Illam ergo Religionem perfectissimam ne dubita, quæ est vita & muneri Apostolico simillima.

Propositio equidem verissima & certissima. Sed non est talis Religio vitæ & muneri Apostolico simillima, qualem in hac Epistola depinxit Theologus. Quod vt pateat, necesse est prius inducere, qualis vita fuerit Apostolorum. Deinde verò cum ea, Religionis à Theologo probatæ Idæam Platoniam conferre. In primis ergo certum est, quòd vita Apostolorum fuerit contemplatiua simul & actiua, & taliter disposita, qualiter conuenit vitæ, secundum quam aliquis contemplata alijs tradit, qualem etiam Christus dicitur assumpsisse (vt ait S. Thomas 3. p. q. 40. art. 2. ad 3.) *vt primò contemplationi vacet, & postea ad publicum actionis descendat, alijs conuiuendo.* Vnde & Apostoli longis orationibus se prius occupabant, vt suprà habitum est. Deinde etiam sæpius secretiora loca, & ab hominum consortio abstracta petebant, vt Oecumenius de illis testatur. *Segregata, inquit, ab urbibus loca sectabantur Apostoli, vt potè solitudinis & quietis amici.* Singulariter autem quando onus prædicationis suscep-
cepturi

cepturi erant, & in omnes mundi partes Euangelij seminandigratia mittendi, vacârunt solitudini, manentes in cœnaculo, *perseuerantes unanimiter in oratione cum mulieribus, & Maria Matre Iesu, & fratribus eius,* secundum præceptum Domini. *Sedete hic in ciuitate, donec induamini virtute ex alto.* Noluit quippe CHRISTVS (quemadmodum ait S. Chrysostomus supra hunc locum) discipulos suos ante aduentum Spiritus sancti, tanquàm inermes, & sicut absquè auriga equos prodire in publicum. Vnde & dixit, quòd sederent. Sedere autem est quasi quiescere ab exteriori occupatione, quod maximè solitarijs competit, secundum illud quod dicitur Threnor. 3. *Sedebit solitarius & tacebit.* Apostoli quoque pauperem vitam duxerunt, vt passim SS. Patres & Theologi docent, & etiam supra dictum est. Et si nè si inspicimus testimonia SS. Patrum & Historias de Apostolis, eos summæ paupertatis fuisse, quilibet iudicabit. In primis enim S. Gregorius Nazian. In Oratione de amore Paupertatis, adeo pauperem viuendi normam S. Petrum sibi præscripsisse ait, vt lupinis famem urgentem expelleret, nempe quia aliquid aliud ei deerat, præ inopia summa, quo se reficeret. Sanctus quoque Paulus de seipso ait Act. 20. *Argentum, & aurum, aut vestem nullius concupiui.* Hinc S. Chrysostomus de laudibus Pauli, sic inter alia habet: *Paulus pecuniam non possedit. Nam ipse hoc testatur: Vsq; in hanc horam & esurimus, & sitimus, & nudi sumus, & colaphis cadimur.* Et quid dico pecuniam, cum ipse necessarium sæpè non haberet cibum, nec quo circumdaretur indumentum? Et rursum ibidem: *Iob cum boues & oves haberet innumeras, erat in pauperes liberalis.* Paulus vero nihil aliud

aliud corpore suo possidens de hoc ipso sufficienter indigentibus ministrabat. Sanctus quoque Ambrosius in 2. Corint. cap. II. ait : Cum in ciuitate Diabolus eum occidere non posset, latrones sibi excitabat in via, cum nihil ferret, quod latrones caperent.

Consentit S. Bonauentura in Apol. Paup. Ref. 3. cap. 1. ubi sic de eodem Apostolo inquit : Quomodo ergo dicit habere omnia & abundare? Nec debet, nec potest intelligi, quantum ad opulentiam, siue affluentiam rerum, sed quantum ad sufficientiam mentis. De qua S. August. in lib. de Beata vita: Nullus perfectus aliquo eget & quod videtur corpori necessarium sumet, si affuerit, si non affuerit, istarum rerum non frangetur inopia.

Hæc S. Bonauent. Qui etiam paulò ante in eodem loco testatur de S. Ioanne Euangelista, eandem formulam Paupertatis & ipsum cum discipulis suis tenuisse, ex quibus aliqui, qui magnas reliquerant opes, dum postmodum præ nimia egestate tentarentur, sic eis fertur dixisse, ut in eius legenda habetur : Nunquid non valet manus Domini, ut faciat seruos diuitijs affluentes? Sed in hoc certamen statuit animarum, ut sciant se æternas habiuros diuitias, qui pro eius nomine temporales opes habere noluerint. Quamuis autem dicatur S. hic Euangelista, virginem matrem à Christo in cruce sibi demandatam in sua recepisse; non tamen inde sequitur, ipsum verè pauperem non fuisse, vel aliquid suum possedisse : quemadmodum hoc pulchrè ostendit S. Ambrosius Tomo 1. in lib. Exhort. ad Virg. Quid est in sua inquit, cum reliquerit patrem, & Christum secutus sit? Aut quomodo in sua, cum ipsi Apostoli dixerint : Ecce nos reliquimus omnia, & secuti sumus

te? *Quæ sua habebat Ioannes, qui mundana & secularia non habebat, quia de mundo non erat? Quæ ergo habebat sua, nisi ea, quæ à Christo acceperat? Bonus verbi sapientiæque possessor, bonus receptor gratiæ. Audite quæ Apostoli à Christo acceperint. Accipite, inquit, Spiritum sanctum: quorum remiseritis peccata, remissa erunt: & quorum detinueritis, detenta. Neque enim mater Domini Iesu nisi ad possessorem gratiæ demigraret, ubi Christus habebat habitaculum. Hæc Sanctus Ambrosius. Cui consentit in eandem explicatione VValden. lib. 4. Doct. Fid. Ant. ar. 1. cap. 5. Videte, inquit, confessionem Sancti Ambrosii, quod S. Ioannes vi professionis illius, Ecce reliquimus omnia: nihil sibi reseruaui de mundo, non aurum, nec argentum, non agrum, nec domum, sed omnibus his contemptis pauper & nudus in solum hospitium gratiæ, quod accepit, matrem Domini recollegit, quæ utique ad eum non diuerteret, si quidpiam præter gratiam possideret, quia non est conuentio Dei ad Belial. Hæc Waldensis. Eandem Paupertatis districtiōnem B. Thaddæum Apostolum seruasse ostendit S. Bonauentura ubi suprâ ex Euseb. lib. 1. Eccl. Hist. cap. 13. Cum enim, inquit, post Christi ascensionem Abagarus Rex sanatus à præfato Apostolo, præciperet eidem dari aurum & argentum, ille non accepit, dicens; Si nostra reliquimus, quomodo accipiemus aliena? Et quamuis Eusebius Thaddæum hunc non existimet Apostolum, sed unum ex numero septuaginta discipulorum Christi*

Christi, nihilominus S. Hieronymus in Matth. cap. 10. vnà cum S. Bonauen. hoc loco, eum potius ex duodenario numero Apostolorum fuisse tradit. Vide Baron. Tomo 1. Ecclesiast. Annal. circa annum Domini 43. Demum S. Ambrosius quorundam Apostolorum in speciali commendat paupertatem, lib. 9 in Luc. cap. 20. vbi sic inquit: *Imaginem Cæsaris non habet Petrus, quia dixit, Relinquimus omnia, & secuti sumus te. Imago Cæsaris non reperitur in Iacobo & Ioanne, quia filij tonitrui sunt.* Per imaginem verò Cæsaris apertè intelligit diuitias sæculi, vt patet tum ex præcedentibus verbis illius, tum ex subsequentibus ibidem. Sic enim postea subinfert: *Et si tu vis non esse obnoxius Cæsari, noli habere, quæ mundi sunt. Sed si habes diuitias, obnoxius es Cæsari. Si vis nil Regi debere terreno, relinque omnia, & sequere Christum.* Sanctus quoque Bernardus supra illud, *Ecce nos reliquimus omnia*, sic ait: *Habetur in Euangelio, & perfectionis consilium & infirmitatis remedium. Nolite thesaurizare vobis thesauros in terra. Hæc perfectio est. Si quidem filius hominis vbi caput reclinaret non habebat. Petro & Ioanni nec aurum nec argentum erat. Paulus simplici victu & vestitu contentus, hæc ipsa labore manuum acquirebat.* Hæc igitur omnia satis superque demonstrant, quàm verè pauperes & egeni fuerint Apostoli, vt meritò de eis dixerit S. Hieronym. in Epist. 35. ad Exuper. *Nemo Apostolis pauperior fuit, & nemo tantum pro Domino dereliquit.*

Eo vsque autem Apostoli paupertatem sectati sunt, quod non solum in particulari, sed etiam in communi pauperem vitam duxerunt: Hoc est, ita fuerunt pauperes, quod dominium rerum quibus utebantur, penes ipsos nullatenus remanebat, ut supra probatum est ex S. Thoma. Et sane Christus fuit pauper in particulari & in communi: utique Apostoli, qui Christi vitam maxime imitati sunt, & perfectissimè in se expresserunt, debuerunt esse pauperes, & in particulari, & in communi. Eo magis quod Apostoli fuerunt professores perfectionis excelsæ, atque adeo in summo fastigio perfectionis erant constituti: Vnde meliora semper charismata æmulati sunt, & ea, quæ maioris perfectionis sunt obseruârunt. Maioris autem perfectionis est paupertas illa, quæ est sine possessionibus in communi, quam illa quæ possessiones in communi habet, ut expressè docet S. Thomas Opusc. 19. cap. 6. ubi multoties id repetit & pluribus rationibus probat. Apostoli ergo paupertatem, quæ possessiones in communi excludit, coluerunt: Imò paupertatē voto firmârunt, ut supra dictum est. Mendicârunt etiam, ut probat V Valdensis, lib. 4. Doctr. Fid. art. 1. c. 6. Hoc manifestè colligit Theophylactus ex illo Luc. 9. *Nihil tuleritis in via.* Supra quæ verba sic inquit: *Sic ipsos mendicos mittit, quod neq; panem ipsos portare vult, neq; aliquid aliud, quibus indigent multi.* Et rursus super illud Luc. 10. *In eâdem domo manete.* Vide inquit, *qualiter discipulos mendicare instituit, & pro pretio eos nutrimentum habere noluit.* Sed quia Theologo sufficit auctoritas S. Thomæ ea iam est supra producta ex Opusc. 19. cap. 7.

Paupertatem quoque Apostolorum manifestè commendat victus illorum simplex & tenuis, qualis solet esse Pauperum, & è mendicato comparatus. Talem enim fuisse

col.

colligitur ex eo quod habetur Matth. 12. & Mar. 2. & Luc. 6. Apostolos quadam vice transeuntes per sata, dum esurirent, coepisse vellere spicas, & confricantes eas manibus suis, manducasse crudas segetes. Supra quem locum Matth. 12. Sanctus Hieronymus. *Quod spicas, inquit, segetum manibus confricant, & in ediam consolantur, vite austerioris indicium est. Non preparatas epulas, sed simplicem cibum quarentium.* Et S. Chrysost. in eundem locum: *Tu vero, inquit, abstinentiam discipulorum mecum admirare, admirare inquam, quomodo nullam corporis curam, nullum studium habeat; sine premeditatione aliqua ac preparatione mensam sibi sic constituunt, ut continua fere cogantur in edia premi.* Ad hoc etiam facit, quod quotiescunque discipulos Christi mensas instruxisse legimus in Evangelio, toties ac semper frugalissimi victus mentionem fieri scimus, ut pote solius panis appositionem cum paucis pisciculis, sicut habetur Matth. 14. & 15. & Luc. 9. & etiam Ioan. 21. ubi similiter post resurrectionem leguntur obtulisse Christo ad manducandum partem assi piscis, & fauum mellis. Præterea ad confirmandum adhuc magis frugalitatem mensæ Apostolorum, & tenuitatem victus ipsorum, plurimum facit id, quod de aliquibus eorum in speciali proditum Historijs legimus. Ac in primis de ipso Principe Apostolorum B. Petro constat ex Gregor. Nazianzeno Orat. de Amore Paup. *ipsum lupinis minuto asse veneuntibus famem pellere consuevisse.* Deinde de Iacobo fratre Hegesippus apud Euseb. lib. 2. cap. 22. affirmata, ipsum *nec carnes in cibum, nec vinum in potum, unquam adhibere solitum fuisse.* Quod etiam complures alij conformiter de hoc Apostolo tradunt, De Matthæo etiam

etiam Clemens Alexand. lib. 2. Pædag. c. 1. testatur his verbis: *Mattheus Apostolus, seminibus, bacis, & oleribus, absq^{ue} carnibus utebatur.* Timotheum etiam discipulum Pauli à vino ordinariè abstinnisse, colligunt SS. Doctores, & præcipuè S. Chrysost. ex illis verbis Apostoli 1. ad Tim. 5. *Noli adhuc aquam bibere, sed modico vino utere, propter stomachum tuum & frequentes infirmitates tuas.* Imò & ipsum Apostolum abstemium fuisse scribit Baron. Tom. 1. Annal. Eccl. circa annum Christi 53. Eius verba sunt hæc: *Ex his igitur colligi plane posse videtur, Paulum, qui magna ex necessitate Timotheo languenti stomacho prohibuit aquam bibere, & ut modico vino uteretur præcepit, à vino penitus temperasse; sicquè haud impossibile ei fuisse (quod abstemius semper esse soleret) Nazaraorum in templo munus explere.* Demùm idem Apostolus ad Rom. 14. maximè commendat ciborum delectum, dicens: *Bonum est non manducare carnem, & non bibere vinum, nequè in quo frater tuus offenditur, aut scandalizatur, aut infirmatur.* Vnde credibile est, quod hic Apostolus sanctus id quod adeo comendabat alijs, ipsemet quoque observauerit. Quemadmodum hoc etiam haud obscure colligere licet ex illo 1. Corinth. 8. ubi sic ait: *Quapropter si esca scandalizat fratrem meum, non manducabo carnem in aeternum, ne fratrem meum scandalizem.* Supra què locum S. Thomas scribens, ait: *Proponit se in exemplum absti-*

abſtinentia, ubi primo implicat ſcandalū: ſecūdo ex hoc explicat abſtinentia propoſitiū. ibi: Non māducabo, &c.

Denique communiter tradunt antiquiſſimi Hiſtorici, & plures ex Sanctis Doctōribus, familiare admodum fuiſſe Chriſtianis, in illa florentiſſima Eccleſia primitiua, nec carnes manducare, nec vinum bibere, quantumlibet his legitime vti poſſent: quod ſanè non niſi ex inſtitutione Apoſtolorum, & ab eis ſumpto exemplo ipſos feciſſe putandum eſt. Et ſic de illis primis Chriſtianis, qui in Alexandria à S. Marco erudiebantur, referunt Eusebius lib. 2. Hiſtor. cap. 17. S. Hieronymus in lib. de virtis illuſtrib. in Philone, & plures alij citati à Bellarmino Tomo 4. de bonis Operib. lib. 2. cap. 5. quod ad velperam tantum cibum ſumere, & à carnibus ac vino abſtinere ſolebant. S. quoque Epiphanius in compend. Doctr. quæ habetur in fine libri aduerſus hæreſes, teſtatur multos fuiſſe, qui ſpontè abſtinerent à carnibus per totum annum: ſed in hebdomada, quæ S. Paſcha præcedit, totam Eccleſiam perſeuerare ſolitam in eſu ſiccorum; & idem plures alij S. S. Patres tradunt.

Non ſolum autem Apoſtoli viſtu modico reficiebantur, ſed etiam arctiſſima ieiunia coluerunt. Cum enim illi certa quædam ieiunia obſeruari in Eccleſia ſtatuert: conſequenter ipſimet eadem obſervarunt. Sed & vltra ſtatura ieiunia ſæpè etiam fit mentio de alijs ieiunijs Apoſtolorum in Actibus. Imò S. Chryſoſtomus Hom. 71. de ſancto Quadrageſimali ieiunio, inquit, *quod Apoſtoli fermè ſemper ieiunabant.* Rupertus ſimiliter lib. 4. de Diuin. Offic. cap. 9: Tomo 2. in perpetuo luctu & ieiunio ipſos vixiſſe, ſcribit. Gregorius Nazianz. docet S. Petrum Principem Apoſtolorū penè ſemper ieiunaſſe. Idem ſentiendum de alijs Apoſtolis; ipſos videlicet ſummo ieiunio deditos fuiſſe. Ad hoc etiam facit teſtimonium Apoſtoli I, ad Corinth. 4. *Uſque in hanc horam & eſurimus,*

esurimus, & sitimus. S. Thomas suprà hunc locum ait: *Vsq; in hanc horam: idest continuo, & esurimus, & sitimus.* Idem Apostolus læpius in suis Epistolis innuit de ieiunijs multis, quæ sustinebat, præcipuè verò 2. ad Corint. 6. & 11. vbi inter alia quæ perpeffus est, recenset ieiunia multa. Suprà quem locum S. Thomas ait: *In ieiunijs multis, scilicet voluntariè assumptis, & propter exemplum bonum, & propter macerationem carnis.* 1. Corinth. 9. *Castigo corpus meum, &c.* Denique Apostolos ieiunijs fuisse deditos, maximè apparet ex eo quod habetur Matth. 5. Mar. 2. & Luc. 5. Quæsierant enim à Christo discipuli Ioannis, quare discipuli sui non ieiunarent, Respòdit Saluator noster: *Nunquid possunt filij sponsi lugere, quamdiu cum illis est sponsus? Venient autem dies cum auferetur ab eis sponsus, & tunc ieiunabunt.* Non autem arguebantur Apostoli de ieiunijs ex lege statutis, vt aduertit Abulen. suprà Matth. 9. Q: 72. Certum est enim quòd Apostoli, sicut & de Christo suprà dictum est, obseruabant omnia ieiunia necessitatis, quæ à lege, vel aliàs instituta fuerunt, cum & ipsierant quoque Iudæi; & consequenter iidem legibus tenebantur, quibus & alij. Et postea cum adhæserit Christo non est verisimile, eos ab illo fuisse a ieiunijs absolutos, cum & ipse ea seruauerit, & nequaquam se ad soluendum legem, sed ad implendum legem venisse testatus fuerit. Arguebantur ergo Apostoli, quòd non ieiunarent, de ieiunijs supererogatorijs. Consequenter itaque, quando respondit Christus, *quòd venient dies, quando & ipsi ieiunabunt:* intelligendum est de ieiunijs supererogatorijs, quæ facturi erant Apostoli post Christi discessum. Quòd autem Apostoli manente Christo secum corporaliter non ieiunârunt, hoc S. Thomas Opusc. 18. cap. 9. ait dispensationis cuiusdam fuisse. Cui consentiunt alij.

Ad

Ad paupertatem quoque Apostolorum spectat, quòd illi vilibus & abiectis vestibus utebantur, cùm vt Christo Domino & Magistro serui & discipuli conformem habitum gestarent, tùm quia etiam vilis vestis maximè decet prædicatorem, vt glos. super illud Marci 1. *Erat Ioannes vestitus pilis.* inquit *Conueniens vestis Prædicatori* Hanc vililitatem vestium indicare videtur Paulus 1. ad Timoth. 6. his verbis: *Habentes alimenta, & quibus regamur, his contenti sumus.* Quasi diceret; Non sumptuosos cibos quærimus, sed quibus fames tantummodo pellatur, his contenti sumus. Non item pretiosiores vestes conquirimus, sed quibus frigus arceatur, & membra debite tegantur, his contenti sumus. Sed clarè Chrysostomus Hom. 56. ad populum Antiochenum de faccis & cilicijs Monachorum sui temporis loquens, eos talia vestimenta gestasse testatur, non solum ad imitationem Eliæ & Elisæi, & Ioannis Baptistæ, sed etiam Apostolorum. Sic enim inquit: *Vestis autem eis fortitudine digna. Non enim caudatis utentes vestibus iuxta enervatos & molles induuntur, sed iuxta Beatos illos Angelos: Eliam Elisæum, Ioannem, secundum Apostolos: cùm vestimenta sint ipsis parata, his quidem ex caprarum pilis, his autem ex pilis camelorum. Sunt autem & quibus sole sufficiunt pelles, & hæc iam dudum confecta.* Hæc Chry. Si ergo Monachi vilissimis & abiectissimis vestibus, ad exemplum Apostolorum vsi sunt, utique & ipsi Apostoli similibus induebantur. Et sanè hæc erat maior potentia Christi, per homines vilissimos, pauperrimos, & abiectos, quibus nullus mundi ornatus erat, & in quibus maximus contemptus eiusdem resplendebat, attrahere ad se vniuersum orbem terrarum.

Non solum autè Apostoli pretiosis vestibus nō sunt vsi, sed

H

neque

cepturi erant, & in omnes mundi partes Euangelij seminand-
 di gratia mittendi, vacârunt solitudini, manentes in cœna-
 culo, *perseuerantes unanimiter in oratione cum muli-*
eribus, & Maria Matre Iesu, & fratribus eius,
 secundum præceptum Domini. *Sedete hic in ci-*
uitate, donec induamini virtute ex alto. Noluit quippe
 CHRISTVS (quemadmodum ait S. Chrysostomus supra
 hunc locum) discipulos suos ante aduentum Spiritus sancti,
 tanquàm inermes, & sicut absquè auriga equos prodire in
 publicum. Vnde & dixit, quòd sederent. Sedere autem
 est quasi quiescere ab exteriori occupatione, quod maximè
 solitarijs competit, secundum illud quod dicitur Threnor. 3.
Sedebit solitarius & tacebit. Apostoli quoque pauperem
 vitam duxerunt, vt passim SS. Patres & Theologi docent,
 & etiam supra dictum est. Et sanè si inspiciamus testimonia
 SS. Patrum & Historias de Apostolis, eos summæ pauper-
 tatis fuisse, quilibet iudicabit. In primis enim S. Gregorius
 Nazian. In Oratione de amore Paupertatis, adeo paupe-
 rem viuendi normam S. Petrum sibi præscripsisse ait, vt lu-
 pinis famem urgentem expelleret, nempe quia aliquid
 aliud ei deerat, præ inopia summa, quo se refice-
 ret. Sanctus quoque Paulus de seipso ait Act. 20.
Argentum, & aurum, aut vestem nullius concupiui.
 Hinc S. Chrysostomus de laudibus Pauli, sic inter
 alia habet: *Paulus pecuniam non possedit. Nam ipse*
hoc testatur: Vsq; in hanc horam & esurimus, & siti-
mus, & nudi sumus, & colaphis cadimur. Et quid
dico pecuniam, cum ipse necessarium sæpe non haberet
cibum, nec quo circumdaretur indumentum? Et rur-
 sus ibidem: *Iob cum boues & oves haberet innu-*
meras, erat in pauperes liberalis. Paulus vero nihil
aliud

aliud corpore suo possidens de hoc ipso sufficienter indigentibus ministrabat. Sanctus quoque Ambrosius in 2. Corint. cap. 11. ait : *Cum in ciuitate Diabolus eum occidere non posset, latrones sibi excitabat in via, cum nihil ferret, quod latrones caperent.* Consentit S. Bonauentura in Apol. Paup. Ref. 3. cap. 1. ubi sic de eodem Apostolo inquit : *Quomodo ergo dicit habere omnia & abundare? Nec debet, nec potest intelligi, quantum ad opulentiam, siue affluentiam rerum, sed quantum ad sufficientiam mentis.* De qua S. August. in lib. de Beata vita: *Nullus perfectus aliquo eget & quod videtur corpori necessarium sumet, si affuerit, si non affuerit, istarum rerum non frangetur inopia.* Hæc S. Bonauent. Qui etiam paulò ante in eodem loco testatur de S. Ioanne Euangelista, eandem formulam Paupertatis & ipsum cum discipulis suis tenuisse, ex quibus aliqui, qui magnas reliquerant opes, dum postmodum præ nimia egestate tentarentur, sic eis fertur dixisse, ut in eius legenda habetur : *Nunquid non valet manus Domini, ut faciat seruos diuitijs affluentes? Sed in hoc certamen statuit animarum, ut sciant se æternas habiuros diuitias, qui pro eius nomine temporales opes habere noluerint.* Quamuis autè dicatur S. hic Euangelista, virginem matrem à Christo in cruce sibi demandatam in sua recepisse; non tamen inde sequitur, ipsum verè pauperem non fuisse, vel aliquid suum possedisse : quemadmodum hoc pulchrè ostendit S. Ambrosius Tomo 1. in lib. Exhort. ad Virg. *Quid est in sua inquit, cum reliquerit patrem, & Christum securus sit? Aut quomodo in sua, cum ipsi Apostoli dixerint : Ecce nos reliquimus omnia, & secuti sumus*

re? *Quæ sua habebat Ioannes, qui mundana & secularia non habebat, quia de mundo non erat? Quæ ergo habebat sua, nisi ea, quæ à Christo acceperat? Bonus verbi sapientiæque possessor, bonus receptor gratiæ. Audite quæ Apostoli à Christo acceperint. Accipite, inquit, Spiritum sanctum: quorum remiseritis peccata, remissa erunt: & quorum detinueritis, detenta. Neque enim mater Domini Iesu nisi ad possessorem gratiæ demigraret, ubi Christus habebat habitaculum. Hæc Sanctus Ambrosius. Cui consentit in eadem explicatione VValden. lib. 4. Doct. Fid. Ant. ar. 1. cap. 5. Videte, inquit, confessionem Sancti Ambrosii, quod S. Ioannes vi professionis illius, Eccè reliquimus omnia: nihil sibi reseruaui de mundo, non aurum, nec argentum, non agrum, nec domum, sed omnibus his contemptis pauper & nudus in solum hospitium gratiæ, quod accepit, matrem Domini recollegit, quæ utique ad eum non diuerteret, si quidpiam præter gratiam possideret, quia non est conuentio Dei ad Belial. Hæc Waldensis. Eandem Paupertatis districtiōem B. Thaddæum Apostolum seruasse ostendit S. Bonauentura ubi suprâ ex Euseb. lib. 1. Eccl. Hist. cap. 13. Cū enim, inquit, post Christi ascensionem Abagarus Rex sanatus à prefato Apostolo, præciperet eidem dari aurum & argentum, ille non accepit, dicens; Si nostra reliquimus, quomodo accipiemus aliena? Et quamuis Eusebius Thaddæum hunc non existimet Apostolum, sed unum ex numero septuaginta discipulorum Christi*

Christi, nihilominus S. Hieronymus in Matth. cap. 10. vnà cum S. Bonauen. hoc loco, eum potius ex duodenario numero Apostolorum fuisse tradit. Vide Baron. Tomo 1. Ecclesiast. Annal. circa annum Domini 43. Demum S. Ambrosius quorundam Apostolorum in speciali commendat paupertatem, lib. 9 in Luc. cap. 20. vbi sic inquit: *Imaginem Caesaris non habet Petrus, quia dixit, Relinquimus omnia, & secuti sumus te. Imago Caesaris non reperitur in Iacobo & Ioanne, quia filij tonitruj sunt.* Per imaginem verò Cæsaris apertè intelligit diuitias sæculi, vt patet tum ex præcedentibus verbis illius, tum ex subsequētibz ibidem. Sic enim postea subinfert: *Et si tu vis non esse obnoxius Cæsari, noli habere, quæ mundi sunt. Sed si habes diuitias, obnoxius es Cæsari. Si vis nil Regi debere terreno, relinque omnia, & sequere Christum.* Sanctus quoque Bernardus supra illud, *Ecce nos reliquimus omnia*, sic ait: *Habetur in Euangelio, & perfectionis consilium & infirmitatis remedium. Nolite thesaurizare vobis thesauros in terra. Hæc perfectio est. Si quidem filius hominis ubi caput reclinaret non habebat. Petro & Ioanni nec aurum nec argentum erat. Paulus simplici victu & vestitu contentus, hæc ipsa labore manuum acquirebat.* Hæc igitur omnia satis superque demonstrant, quàm verè pauperes & egeni fuerint Apostoli, vt meritò de eis dixerit S. Hieronym. in Epist. 35. ad Exuper. *Nemo Apostolis pauperior fuit, & nemo tantum pro Domino dereliquit.*

Eo

Et vsque autem Apostoli paupertatem sectati sunt, quod non solum in particulari, sed etiam in communi pauperem vitam duxerunt: Hoc est, ita fuerunt pauperes, quod dominium rerum quibus utebantur, penes ipsos nullatenus remanebat, ut supra probatum est ex S. Thoma. Et sanctus Christus fuit pauper in particulari & in communi: utique Apostoli, qui Christi vitam maxime imitati sunt, & perfectissimè in se expresserunt, debuerunt esse pauperes, & in particulari, & in communi. Eo magis quod Apostoli fuerunt professores perfectionis excelsæ, atque adeo in summo fastigio perfectionis erant constituti: Vnde meliora semper charismata æmulari sunt, & ea, quæ maioris perfectionis sunt obseruârunt. Maioris autem perfectionis est paupertas illa, quæ est sine possessionibus in communi, quam illa quæ possessiones in communi habet, ut expressè docet S. Thomas Opusc. 19. cap. 6. ubi multoties id repetit & pluribus rationibus probat. Apostoli ergo paupertatem, quæ possessiones in communi excludit, coluerunt: Imo paupertatē voto firmârunt, ut supra dictum est. Mendicârunt etiam, ut probat V Valdensis, lib. 4. Doctr. Fid. art. 1. c. 6. Hoc manifestè colligit Theophylactus ex illo Luc. 9. *Nihil ruleritis in via.* Supra quæ verba sic inquit: *Sic ipsos mendicos mittit, quod neque panem ipsos portare vult, neque aliquid aliud, quibus indigent multi.* Et rursus super illud Luc. 10. *In eadem domo manete. Vide inquit, qualiter discipulos mendicare instituit, & proprio eos nutrimentum habere noluit.* Sed quia Theologo sufficit auctoritas S. Thomæ ea iam est supra producta ex Opusc. 19. cap. 7.

Paupertatem quoque Apostolorum manifestè commendat victus illorum simplex & tenuis, qualis solet esse Pauperum, & è mendicato comparatus. Talem enim fuisse

col-

colligitur ex eo quod habetur Matth. 12. & Mar. 2. & Luc. 6. Apostolos quadam vice transeuntes per sata, dum esurirent, coepisse vellere spicas, & confricantes eas manibus suis, manducasse crudas segetes. Supra quem locum Matth. 12. Sanctus Hieronymus. *Quod spicas, inquit, segetum manibus confricant, & in ediam consolantur, vite austerioris indicium est. Non preparatas epulas, sed simplicem cibum quarentium.* Et S. Chrysost. in eundem locum: *Tu vero, inquit, abstinentiam discipulorum mecum admirare, admirare inquam, quomodo nullam corporis curam, nullum studium habeat; sine premeditatione aliqua ac preparatione meris fami sic constituunt, ut continua fere cogantur in edia premi.* Ad hoc etiam facit, quod quotiescunque discipulos Christi mensas instruxisse legimus in Euangelio, toties ac semper frugalissimi victus mentionem fieri scimus, ut pote solius panis appositionem cum paucis pisciculis, sicut habetur Matth. 14. & 15. & Luc. 9. & etiam Ioan. 21. vbi similiter post resurrectionem leguntur obtulisse Christo ad manducandum partem assis piscis, & fauum mellis. Præterea ad confirmandum adhuc magis frugalitatem mensæ Apostolorum, & tenuitatem victus ipsorum, plurimum facit id, quod de aliquibus eorum in speciali proditum Historijs legimus. Ac in primis de ipso Principe Apostolorum B. Petro constat ex Gregor. Nazianzeno Orat. de Amore Paup. *ipsum lupinis minuto asse veneuntibus famem pellere consuevisse.* Deinde de Iacobo fratre Hegesippus apud Euseb. lib. 2. cap. 22. affirmata, ipsum *nec carnes in cibum, nec vinum in potum, unquam adhibere solitum fuisse.* Quod etiam complures alij conformiter de hoc Apostolo tradunt. De Matthæo etiam

etiam Clemens Alexand. lib. 2. Pædag. c. 1. testatur his verbis: *Matthæus Apostolus, seminibus, bac-
cis, & oleribus, absq^{ue} carnibus utebatur.* Timotheum etiam discipulum Pauli à vino ordinariè abstinnisse, colligunt SS. Doctores, & præcipuè S. Chrysost. ex illis verbis Apostoli 1. ad Tim. 5. *Noli adhuc aquam bibere, sed modico vino utere, propter stomachum tuum & frequentes infirmitates tuas.* Imò & ipsum Apostolum abstemium fuisse scribit Baron. Tom. 1. Annal. Eccl. circa annum Christi 53. Eius verba sunt hæc: *Ex his igitur colligi plane posse videtur, Paulum, qui magna ex necessitate Timotheo languenti stomacho prohibuit aquam bibere, & ut modico vino uteretur præcepit, à vino penitus temperasse; sicquè haud impossibile ei fuisse (quod abstemius semper esse solet) Nazaraorum in templo munus explere.* Demùm idem Apostolus ad Rom. 14. maximè commendat ciborum delectum, dicens: *Bonum est non manducare carnem, & non bibere vinum, nequè in quo frater tuus offenditur, aut scandalizatur, aut infirmatur.* Vnde credibile est, quod hic Apostolus sanctus id quod adeo comendabat alijs, ipsemet quoque observauerit Quemadmodum hoc etiam haud obscure colligere licet ex illo 1. Corinth. 8. ubi sic ait: *Quapropter si esca scandalizat fratrem meum, non manducabo carnem in aeternum, ne fratrem meum scandalizem.* Supra què locum S. Thomas scribens, ait: *Proponit se in exemplum absti-*

abſtinentia, ubi primo implicat ſcandalū: ſecūdo ex hoc explicat abſtinentia propoſitū. ibi: Non māducabo, &c.

Denique communiter tradunt antiquiſſimi Hiſtorici, & plures ex Sanctis Doctōribus, familiare admodum fuiſſe Chriſtianis, in illa florentiſſima Eccleſia primitiva, nec carnes manducare, nec vinum bibere, quantumlibet his legitime uti poſſent: quod ſanè non niſi ex inſtitutione Apoſtolorum, & ab eis ſumpto exemplo ipſos feciſſe putandum eſt. Et ſic de illis primis Chriſtianis, qui in Alexandria à S. Marco erudiebantur, referunt Eusebius lib. 2. Hiſtor. cap. 17. S. Hieronymus in lib. de viris illuſtrib. in Philone, & plures alij citati à Bellarmino Tomo 4. de bonis Operib. lib. 2. cap. 5. quod ad vesp̄eram tantum cibum ſumere, & à carnibus ac vino abſtinere ſolebant. S. quoque Epiphanius in compend. Doctr. quæ habetur in fine libri aduerſus hæreſes, teſtatur multos fuiſſe, qui ſpontè abſtinerent à carnibus per totum annum: ſed in hebdomada, quæ S. Paſcha præcedit, totam Eccleſiam perſeuerare ſolitam in eſu ſiccorum; & idem plures alij S. S. Patres tradunt.

Non ſolum autem Apoſtoli victu modico reſiciebantur, ſed etiam arctiſſima ieiunia coluerunt. Cum enim illi certa quædam ieiunia obſervari in Eccleſia ſtatuerint: conſequenter ipſimet eadem obſervarunt. Sed & ultra ſtatuta ieiunia ſæpè etiam fit mentio de alijs ieiunijs Apoſtolorum in Actibus. Imò S. Chryſoſtomus Hom. 71. de ſancto Quadrageſimali ieiunio, inquit, *quod Apoſtoli ſem̄e ſemper ieiunabant.* Rupertus ſimiliter lib. 4. de Diuin. Offic. cap. 9: Tomo 2. *in perpetuo luctu & ieiunio ipſos vixiſſe,* ſcribit. Gregorius Nazianz. docet S. Petrum Principem Apoſtolorū penè ſemper ieiunaſſe. Idem ſentiendum de alijs Apoſtolis; ipſos videlicet ſummo ieiunio deditos fuiſſe. Ad hoc etiam facit teſtimonium Apoſtoli 1. ad Corinth. 4. *Uſque in hanc horam & eſurimus,*

Ad paupertatem quoque Apostolorum spectat, quòd illi vilibus & abiectis vestibus utebantur, cum vt Christo Domino & Magistro serui & discipuli conformem habitum gestarent, tùm quia etiam vilis vestis maximè decet prædicatorem, vt glos. super illud Marci 1. *Erat Ioannes vestitus pilis.* inquit *Conueniens vestis Prædicatori* Hanc vililitatem vestium indicare videtur Paulus 1. ad Timoth. 6. his verbis: *Habentes alimenta, & quibus regamur, his contenti sumus.* Quasi diceret; Non sumptuosos cibos quærimus, sed quibus fames tantummodo pellatur, his contenti sumus. Non item pretiosiores vestes conquirimus, sed quibus frigus arceatur, & membra debite tegantur, his contenti sumus. Sed clarè Chrysostomus Hom. 56. ad populum Antiochenum de faccis & cilicijs Monachorum sui temporis loquens, eos talia vestimenta gestasse testatur, non solum ad imitationem Eliæ & Elisæi, & Ioannis Baptistæ, sed etiam Apostolorum. Sic enim inquit: *Vestis autem eis fortitudine digna. Non enim caudatis videntes vestibus iuxta enervatos & molles induuntur, sed iuxta Beatos illos Angelos: Eliam Elisæum, Ioannem, secundum Apostolos: cum vestimenta sint ipsis parata, his quidem ex caprarum pilis, his autem ex pilis camelorum. Sunt autem & quibus sola sufficiunt pelles, & hæc iam dudum confecta.* Hæc Chry. Si ergo Monachi vilissimis & abiectissimis vestibus, ad exemplum Apostolorum vsi sunt, utique & ipsi Apostoli similibus induebantur. Et sanè hæc erat maior potentia Christi, per homines vilissimos, pauperrimos, & abiectos, quibus nullus mundi ornatus erat, & in quibus maximus contemptus eiusdem resplendebat, attrahere ad se vniuersum orbem terrarum.

Non solum autem Apostoli pretiosis vestibus non sunt vsi, sed

H

neque

neque etiam vestibus duplicatis seu mutatorijs eiusdem rationis; quamuis non sit inconueniens, eos vios fuisse pluribus vestibus diuersarum rationum, quæ velut vnicum indumentum constituunt, quo homo integrè & decenter vestiatur, sicut etiam suprà de vestitu Christi dictum est. Hoc enim modo intelligunt Theologi præceptum Domini Matth. 10. Mar. 6. & Luc. 9. Ne Apostoli duas tunicas haberent. Et sanè quis dixerit, Paulum plura vestium genera habuisse, qui sæpius de sua nuditate & frigoris molestia conquestus est? 1. Enim ad Corinth. 4. ait: *Vsq; in hanc horam & esurimus, & sitimus, & nudi sumus.* 2. verò ad Corinth. Cap. 11 inquit: *In frigore & nuditate.* Non ergo habuit vestes duplicatas, cui necessariae defuerant. Hinc Chrysostomus de eodem Paulo ait: *Eum necessarium sæpe non habuisse cibum, nec quo circumdaretur, indumentum.*

Porro de calceamentis Apostolorum non est opus plura fusè dicere; sed sufficit remittere Lectorem ad Opusculum S. Bonauenturæ, quod inscribitur de sandalijs Apostolorum: vbi Seraphicus Doctor ex professo probat, & luculentissimè deducit, Apostolos Domini non habuisse vsum calceamentorum, sed solum sandalijs calceatos incessisse ad exemplū Christi: idque ex multis capitibus ostendit, nempe ex Euangelij contextu, quia præcepit eis Christ' Matth. 10. *Nolite possidere calceamenta.* Et Mar. 6. *Calceatos sandalijs misit eos.* Et rursum: *Nolite portare sacculum, neque peram, neque calceamenta.* Idem quoque Luc. 9. habetur. Deinde vero authoritatibus Sanctorum. S. Chrysostomi supra Matth. aientis: *Apostoli cum vna tūica & discalceati, circuibant totum mūdū & superabant.* S. Hieronymi asserētis, *Apostolos non habuisse*

habuisse caligas in pedibus. Et iterū: *Apostoli sine vinculis pellium, & onere calceamentorū ad prædicationem, noui destinantur Euāgelij.* Tandē S. Augustini & aliorū auctoritatibus, quas longū esset referre. Tertiò ex testimonijs antiquissimarū picturarum, seu cælaturarum, vel etiam nouarū, in quibus Apostoli vel cum soleis, vel cum nudis pedibus exprimuntur. Vnde Bonauentura subdit: *Ridiculosum est valde, quod literatus hoc neget, quod clamant lapides & testantur.* Vltimò ex nonnullis traditionibus; quia nimirum plerisque in locis vsque in hodiernum diem sandalia Apostolorum & Christi discipulorum & præcipuè Romæ S. Petri, & in Hispania in Ciuitate Ouedensi, S. Andree, ad deuotionem fidelium, & eius veritatis ad stipulationem referuantur. Speciatim verò de SS. Petro, Paulo, & Iacobo fratre Domini, eos nudis pedibus incessisse, ostendit S. Bonauentura. At quia Theologus facilius auctoritati S. Thomæ acquiescit, eam adduco. Sanctus ergò Doctor in commentar. suprā Matth. 10. non solum id expressè docet, sed etiam huius duplicem rationem ponit: *Primo quidem inquit, ut apud omnes pauperes reputarentur: secundum illud Apost. 1. Corin. 1. Non multum potentes elegit Deus, ideo voluit quod abiecti essent: pauperes enim in partibus Oriētis vadunt discalceati, utuntur tamen quibusdā, quæ sandalia dicuntur, & sunt de paleis: ideo volebat ut irent sicut pauperes illius patriæ.* Deinde vero etiam inquit: *Ideo præcepit eos ire discalceatos, ut firmaret eos, ut magis robusti essent ad sustinendum, secundum quod etiam Plato docuit, quod homines non multum cooperirent pedes, nec caput.* Hæc S. Thomas. De Platonis verò præcepto habes in S. Hieronymo supra illum Euangelij locum: *Nolite portare calceamen-*

calceamenta; testimonium, vbi sic ait: Vt Plato etiam praecepit illas duas corporis summitates non esse velandas, nec assues fieri debere mollitiei capitis, & pedum: cū enim hac habuerint firmitatē, cetera robustiora sunt.

Ad paupertatem quoque Apostolorum spectat, quod propria domicilia non habuerunt; vt expressè docet S. Bonaventura in Apologia Pauper. In primis verò id colligitur ex eo, quod quando Christus misit eos ad prædicandum, non eos certam aliquam domum habere permisit; Sed in quamcunque ciuitatem seu castellum intrauerint, & quemcunque illic dignum inuenirent, ad quē diuerterent, illic praecepit vt manerent vt habetur Matth. 10. Deinde vero ex eo, quod si Apostoli habuissent certa & propria domicilia, non fuisset necesse Christo, quando vixit cum eis, quærere locum quo diuerteret, neque ab alijs extraneis hospitium mendicare, quemadmodum sæpius eum fecisse constat. Sed neque tantæ paupertatis fuisset Saluator noster, vt neque vbi caput suum reclinarer, haberet, si tales in comitatu suo discipulos teneret, qui domos possiderent. Neque preterea oportuisset sollicitos fuisse Apostolos, vbi pararent Pascha, si interim ipsi suas habuissent domos, vbi commodè possent celebrare illud. Quod enim scriptum est de Ioanne: *Accepit eam in sua*, suprà monstratum est ex S. Ambrosio, qualiter intelligendum sit.

Sed vt in omnibus satisfaciamus Theologo, testimonium S. Thomæ exhibeo, cuius doctrinæ non potest non subscribere, quia eam in sui munimentum assumpsit. Hic ergo Opusc. 19. Cap. 6. *Primordium*, inquit, *perfectiōnis in Christo & in Apostolis fuit. Sed ipsi non leguntur sua relinquentes, aliquas possessiones habuisse in communi; imò potius legitur, quod nec etiam domos habebant ad manendum, vt suprà probatum est. Ergo perfectio*

perfectio paupertatis non requirit aliquas possessiones communes. Hæc S. Thomas.

Ex dictis inferitur, Apostolos duxisse vitam satis austeram & rigidam. Tanta enim paupertas ipsorum, penuria rerum omnium, in victu parcitas, in ieiunijs perpetuitas, in vigilijs diuturnitas, in vestimentis ruditas, in nuditate pedum asperitas, sunt signa vitæ rigide, & à cōsolatione terrena prorsus alienæ. Sane D. Hieronymus suprâ illa verba Matth. 12. *Discipuli esurientes ceperunt vellere spicas & manducare*, sic inquit: *Quod segetum spicas manibus confricant, & in ediam consolantur, vitæ austerioris indicium est, non preparatas epulas, sed cibos simplices querentium.* Hæc omnia prædicta si attentius considerabimus, & præter illa alias quoque corporis macerationes voluntarias, ac varias tribulationes, manifestè videbimus, quam austera fuerit vitâ illorum. Expressit id Paulus 1. ad Cor. 4. dicens: *Puto quod Deus nos Apostolos novissimos ostendit, tanquam morti destinatos: quia spectaculum facti sumus mundo, & Angelis, & hominibus. Usque in hanc horam & esurimus, & sitimus, & colaphis cadimur, & instabiles sumus, & laboramus operantes manibus nostris, maledicimur, & benedicimus, persecutionem patimur, & sustinemus, blasphemamur & obsecramus, tanquam purgamenta huius mundi facti sumus, omnium peripsema usque adhuc.* Supra quem locum S. Thomas ait: *Vsq; in hanc horam, idest continuè à conuersione nostra, vsq; in presens tempus, & esurimus & sitimus, & nudi sumus.* Ad Corinth. quoque 2. cap. 4. ait: *Semper mortificationē Iesu in corpore nostro circumferentes, ut vitæ IESV manifestetur in corpore*

H 3

ribus

corporibus nostris. S. Thomas super hunc locum ait: *Mortificationem circumferentes: id est ubiq³ portantes & sustinentes, quia quocunque eamus, parimur. Et in eadem Epist. 2. ad Corinth. cap. 6. ait: Nemini dantes ullam offensionem, ut non vituperetur ministerium nostrum, sed in omnibus exhibeamus nosmetipsos sicut Dei ministros, in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in ieiuniis. S. Thōas ait: In ieiuniis aliquando voluntariis, aliquando inuoluntariis propter penuriam. 1. verò ad Corinth. 9. de seipso sic inquit: Castigo corpus meum & in servitutem redigo; ne forte cum alijs predicaverim, ipse reprobus efficiar. Supra quem locum S. Thomas dicit: Castigo corpus meum. tangit rationem predictorum utriusq³: ubi primò tangit austeritatem vite &c. Cassianus vero in eadem verba Apostoli lib. 5. de instit. Renunc. cap. 17. Vis audire, inquit, verum athletam Christi legitimo agonis iure certantem? Ego igitur, inquit, sic curro non quasi in incertum: sic pugno non quasi aërem verberans, sed castigo corpus meum, & servituti subycio, ne alijs predicans, ipse reprobus efficiar. Vides ut in seipso, id est, in carne sua colluctationum summam, velut in base quadam firmissima, statuerit, & prouentū pugne in sola castigatiōe carnis, & in subiectiōe sui corporis collocarit: Et cap. 18. cum hæc eadem verba Apostoli iterasset subdit: Quod proprie ad continētia labores, & corporale ieiuni-*

um,

ñ, atq; afflictionem carnis pertinet, per hanc se pugilem quendam strenuum suæ carnis esse describens, nec in vanum aduersus eam ictus continentia exercuisse designans; sed triumphum pugna mortificatione sui corporis acquisisse, quo verberibus continentia castigato, & castibus ieiuniorum eliso, victori spiritui immortalitatis coronam, & incorruptionis contulit palmam. Et paucis interiectis: Sic pugnat, ieiunijs scilicet & afflictione carnali, non quasi aërem verberans, idest in vanum, &c. Sanctus verò Hieronymus eò pertinere hæc verba Apostoli putat, quò illa quæ alibi de seipso scirbit, 2. Corinth. II, *In ieiunijs multis, in vigilijs, in fame & siti, in frigore & nuditate, in laboribus, in carceribus.* Suprà quem etiam locum S. Thomas sic inquit: *Hic consequenter enumerat mala spontè assumpta, quæ sustentantur in domibus. Et enumerat tria mala opposita tribus bonis, quæ sunt necessaria ad vitam domesticam. Primum bonum est requies somni. Secundum est sustentatio cibi. Tertium est fomentum vestis. Requie, ergò somni opponit laborem, & vigilijs &c. Sustentationi verò cibi, opponit duplicem subtractionē cibi: Vnam quæ est ex necessitate. Vnde dicit: in fame, & siti: quia scilicet ad litt. deficiebat sibi aliquando cibus & potus. Aliam quæ est ex voluntate. Vnde dicit in ieiunijs multis, scilicet voluntariè assumtis, propter exemplum bonum, & propter macerationem carnis &c. Fomento vero vestis opponit duo: Vnum ex parte natura.*

Unde dicit: in frigore.

H 4

Aliud

Aliud ex parte inopia. Vnde dicit, & nuditate. Hæc S. Thomas. Austera ergo erat, & rigida vita Apostolorum.

Denique non est omittendum, Apostolos sicut & Christum, Psalmodijs vsos fuisse. Quod in primis patet ex Matth. 26. vbi dicitur: *Et hymno dicto exierunt in montem Oliueti.* Constat autem ex Concilio Toletano 4. cap. 12. hymnum hunc non simpliciter pronuntiatum fuisse, sed verè & propriè à Christo & Apostolis decantatum. Verba Concilij ad hunc scripturæ locum attendentis, sunt hæc: *De hymnis etiam canendis, & Saluatoris & Apostolorum habemus exemplum.* Et aliàs quoque constat, quod Hymnus non potest vocari, nisi canatur. Augustinus enim explicans titulum Psalmi 73. dicit: *Hymni cantus sunt continentes laudes Dei. Si sit laus, & non sit Dei, non est hymnus. Si sit & laus, & Dei laus, & non caneretur, non est hymnus. Oportet ergo vt si sit hymnus, habeat hæc tria: Et laudem, & Dei, & canticum.* Idem S. Augustinus Epist. 119. cap. 18. sic ait: *Sine dubitatione faciendū est maximè illud, quod etiam de scripturis defendi potest. Sicut de hymnis & Psal. canendis, cū & ipsius Domini & Apostolorum habeamus documenta, & exempla & præcepta.* Et profectò Act. 16. habetur, quòd Paulus & Silas media nocte orantes, laudabant Deum. Hilarius, Beda, Historia Scholastica, & nonnulli alij, eos tūc cecinisse, & hymnos decantasse censent; atque adeo clara & elata voce, quod etiam audiebant eos qui in custodia erant, vt ibidem in Act. habetur. Ipse etiam Paulus ad Ephes. 5. & ad Coloss. 3. monet Christianos, vt in Psalmis, hymnis, & canticis spiritualibus se exercent. Vide si placet hac de re fusissimè tractantem Thomam V Valdensen lib. 3. de Sacram. cap. 17. & 18. Ex his ergo omnibus collige, quænam Religio

Religio sit vitæ & muneri Apostolico simillima, videlicet ea, quæ proficetur vitam contemplatiu à simul & actiuam, ita vt primò contemplationi vacet, & postea ad publicum actionis descendat. Ea quæ suos operarios aliquando ad deserta subducit, & à consortio hominum interdum subtrahit. Ea quæ proficetur vitam pauperrimam; non solum in particulari, sed etiam in communi, ita quod non accipiet possessiones. Ea quæ mendicato pane sustentatur, victu tenui & vili vitur, & ieiunijs frequentibus occupatur. Ea quæ vestitum rudem & abiectum præsefert, Ea quæ est rigida, & austera, & cum Apostolo, in vigilijs multis, in fame, & siti, frigore, & nuditate exercetur. Ea denique quæ Psalmodiæ vacat. Talem enim omninò vitam Apostolos duxisse, hæc fusè monstratum est.

At quia Theologus non talem in sua Epistola expressit, vt legenti constat, & vel ex hoc capite manifestissimè apparet, quia vult eam habere reditus ac possessiones, & ob id ab Illustrissimo Nepotem cum bonis ei vindicare conatur, utique sequitur, cum non proposuisse Nepoti Illustrissimi Religionem vitæ & muneri Apostolico simillimam, ac proinde nec Religionem perfectissimam; quod tamen erat suum intentum. Aduerte Lector, ne faciliè fucata vitæ Apostolicæ imagine decipiaris; nam quod Theologus tuo palato exhibet, videtur esse mel, sed reuera est fel; quod oculis tuis obijcit, videtur esse aurum, sed reuera est aurichalcum. Sic Theologus scitè personam impostoris exequitur. Sed benè est, quia sua spe frustratur, intentio eius collabitur, atque artes eius & imposturæ passim discooperiuntur.

PROPOSITIO XXXV.

Illæ Religio est perfectior alijs, quæ ceteris paribus, habet media efficaciora ad consecutionem eius finis, propter quem est instituta.

H ;

Hæc

HAEC Propositio est insufficiens, & satis inuoluta, & ita potest esse deceptorio: quamobrem est explicanda. Perfectio enim Religionis ex medijs attenditur, non simpliciter & absolute, sed tantum respectiue: quia media non quæuntur propter se, sed propter finem. Simpliciter autem & absolute perfectio Religionis attenditur ex fine; quia finis quæritur propter se ipsum. Illa ergo Religio simpliciter perfectior est, quæ ordinatur ad finem perfectiorem. Quæ autem habet media efficaciora ad consecutionem eius finis, propter quem est instituta, secundum quid erit perfectior: quia perfectio Religionis primario attenditur ex fine, secundo ex medijs. Vnde potest esse Religio ordinata ad finem minus perfectum, quæ tamen efficaciora media habeat ad consecutionem sui finis, quam alia, quæ est ordinata ad finem perfectiorem. Non tamen talis Religio dicetur perfectior simpliciter, sed tantum secundum quid. Tota hæc doctrina deducitur ex S. Thoma. 2. 2. q. 188. art. 6. Locus ipsius supra citatus est circa Propos. xxv. Nec excusant illa verba, *Ceteris paribus*, Theologum: debuerat enim singula clarè & enucleatè proponere, non autem inuoluere, & simplicibus implicata & indigesta obtrudere.

Aduerte Theologum sibi ipsi è diametro repugnantem. Infra enim docet, Perfectionem Religionis non metiendam ex vitæ austeritate externa, neque ex paupertate; quæ duo sunt media ad consecutionem finis ordinata: nam Paupertas ordinatur ad perfectionem Charitatis, Austeritas verò vitæ externa ad conseruationem castitatis, quæ etiam est instrumentum perfectionis. Hic verò expressè docet, illam Religionem esse perfectiorem, quæ habet media efficaciora ad consecutionem sui finis. Sed de hoc iterum redibit sermo. Tu verò Theologe, considera, quo Spiritu scripseris, quandoquidem diuisum in te correptum est: nisi velis austeritatem vitæ externam, & paupertatem, non esse media

dia perfectioni assequendę subseruientia; quod sanè non audebis dicere, ne SS. Patrum seueris sententijs delicatum tuum ingenium elidatur.

PROPOSITIO XXXVI.

Illā Religio est perfectior, quæ cæteris paribus non tantum efficaciora media habet ad suum finem perfectissimum, sed etiam plura talia, & magis ordinata.

HÆC sanè regula, mi Teheologe, non est excerpta ex recepta ab omnibus S. Thomę Doctoris Angelici doctrina, ac proinde tuę promissioni non satisfecisti. Quod ut palam videas, en profero textum S. Thomę ex 2. 2. q. 188. art. 6. in corp. ubi sic inquit: *Sis finis idem, secundario attenditur præminentia Religionis, non secundum quantitatem exercitij, sed secundum proportionem eius ad suum intentum.* Hæc S. Thomas. Constat autem, quod pluralitas mediorum pertinet ad quantitatem, ut ipse Aristoteles te docebit. Magis ergo debuisses dicere: *Illā religio est perfectior, quæ cæteris paribus habet media efficaciora, & suo fini magis proportionata.* Sed video, quod in tua epistola magis ad quantitatem, quàm ad proportionem regularum attendisti: & ideo etiam circa quantitatem errasti.

Demum quia Author vitæ communis CHRISTI imitatione, suam alijs omnibus Religionibus præfert, quæcunque illa sit, præsens hic punctus tractandus est, ut eius Achilles penitus cadat, antequam huius puncti tractatio nobis è manibus elabatur. Porro Christum vitam duxisse communem inficari non possumus; affirmat S. Thomas 3. p. q. 40. art. 2. ubi ex hoc, quod decuit ex fine Incarnationis

neque etiam vestibus duplicatis seu mutatorijs eiusdem rationis; quamvis non sit inconueniens, eos vios fuisse pluribus vestibus diuersarum rationum, quæ velut vnicum indumentum constituunt, quo homo integrè & decenter vestiatur, sicut etiam suprà de vestitu Christi dictum est. Hoc enim modo intelligunt Theologi præceptum Domini Matth. 10. Mar. 6. & Luc. 9. Ne Apostoli duas tunicas haberent. Et sanè quis dixerit, Paulum plura vestium genera habuisse, qui sæpius de sua nuditate & frigoris molestia conquestus est? 1. Enim ad Corinch. 4. ait: *Vsq; in hanc horam & esurimus, & sitimus, & nudi sumus.* 2. verò ad Corinch. Cap. 11 inquit: *In frigore & nuditate.* Non ergo habuit vestes duplicatas, cui necessariae defuerant. Hinc Chrysostomus de eodem Paulo ait: *Eum necessarium sæpè non habuisse cibum, nec quo circumdaretur, indumentum.*

Porro de calceamentis Apostolorum non est opus plura fusè dicere, sed sufficit remittere Lectorem ad Opusculum S. Bonauenturæ, quod inscribitur de sandalijs Apostolorum: vbi Seraphicus Doctor ex professo probat, & luculentissimè deducit, Apostolos Domini non habuisse vsum calceamentorum, sed solum sandalijs calceatos incessisse ad exemplū Christi: idque ex multis capitibus ostendit, nempe ex Euangelij contextu, quia præcepit eis Christ⁹ Matth. 10 *Nolite possidere calceamenta.* Et Mar. 6. *Calceatos sandalijs misit eos.* Et rursum: *Nolite portare sacculum, neque peram, neque calceamenta.* Idem quoque Luc. 9. habetur. Deinde vero authoritatibus Sanctorum. S. Chrysostomi supra Matth. aientis: *Apostoli cum vnâ tunica & discalceati, circuibant totum mūdū & superabant.* S. Hieronymi asserētis, *Apostolos non habuisse*

*habuisse caligas in pedibus. Et iterū: Apostoli sine vinculis pellium, & onere calceamentorū ad prædicationem, noui destinatur Euāgelij. Tandē S. Augustini & aliorū auctoritatibus, quas longū esset referre. Tertiò ex testimonijs antiquissimarū picturarum, seu cælaturarum, vel etiam nouarū, in quibus Apostoli vel cum soleis, vel cum nudis pedibus exprimuntur. Vnde Bonauentura subdit: *Ridiculosum est valde, quod literatus hoc neget, quod clamant lapides & testantur.* Vltimò ex nonnullis traditionibus; quia nimirum plerisque in locis vsque in hodiernum diem sandalia Apostolorum & Christi discipulorum & præcipuè Romæ S. Petri, & in Hispania in Ciuitate Ouedensi, S. Andreae, ad deuotionem fidelium, & eius veritatis ad stipulationem reseruantur. Speciatim verò de SS. Petro, Paulo, & Iacobo fratre Domini, eos nudis pedibus incessisse, ostendit S. Bonauentura. At quia Theologus facilius auctoritati S. Thomæ acquiescit, eam adduco. Sanctus ergò Doctor in commentar. suprà Matth. 10. non solum id expressè docet, sed etiam huius duplicem rationem ponit: *Primo quidem inquit, ut apud omnes pauperes reputarentur: secundum illud Apost. 1. Corin. 1. Non multum potentes elegit Deus, ideo voluit quod abiecti essent: pauperes enim in partibus Oriētis vadunt discalceati, ut videntur tamen quibuscūq; sandalia dicuntur, & sunt de paleis: ideo volebat ut irent sicut pauperes illius patriæ.* Deinde vero etiam inquit: *Ideo præcepit eos ire discalceatos, ut firmaret eos, ut magis robusti essent ad sustinendum, secundum quod etiam Plato docuit, quod homines non multum cooperirent pedes, nec caput.* Hæc S. Thomas. De Platonis verò præcepto habes in S. Hieronymo supra illum Euangelij locum: *Nolite portare calceamen-**

calceamenta; testimonium, vbi sic ait: Vt Plato etiam præcepit illas duas corporis summitates non esse velandas, nec assuescieri debere mollietiei capitis, & pedum: cū enim hac habuerint firmitatē, cetera robustiora sunt.

Ad paupertatem quoque Apostolorum spectat, quod propria domicilia non habuerunt; vt expressè docet S. Bonaventura in Apologia Pauper. In primis verò id colligitur ex eo, quod quando Christus misit eos ad prædicandum, non eos certam aliquam domum habere permisit; Sed in quamcunque ciuitatem seu castellum intrauerint, & quemcunque illic dignum inuenirent, ad quē diuerterent, illic præcepit vt manerent vt habetur Matth. 10. Deinde vero ex eo, quod si Apostoli habuissent certa & propria domicilia, non fuisset necessè Christo, quando vixit cum eis, quærere locum quo diuerteret, neque ab alijs extraneis hospitium mendicare, quemadmodum sæpius eum fecisse constat. Sed neque tantæ paupertatis fuisset Saluator noster, vt neque vbi caput suum reclinaret, haberet, si tales in comitatu suo discipulos teneret, qui domos possiderent. Neque preterea oportuisset sollicitos fuisse Apostolos, vbi pararent Pascha, si interim ipsi suas habuissent domos, vbi commodè possent celebrare illud. Quod enim scriptum est de Ioanne: *Accepit eam in sua*, suprà monstratum est ex S. Ambrosio, qualiter intelligendum sit.

Sed vt in omnibus satisfaciamus Theologo, testimonium S. Thomæ exhibeo, cuius doctrine non potest non subscribere, quia eam in sui munimentum assumpsit. Hic ergo Opus. 19. Cap. 6. *Primordium*, inquit, *perfectiōnis in Christo & in Apostolis fuit. Sed ipsi non leguntur sua relinquentes, aliquas possessiones habuisse in communi; imò potius legitur, quod nec etiam domos habebant ad manendum, vt suprà probatum est. Ergo perfectio*

perfectio paupertatis non requirit aliquas possessiones communes. Hæc S. Thomas.

Ex dictis infertur, Apostolos duxisse vitam satis austeram & rigidam. Tanta enim paupertas ipsorum, penuria rerum omnium, in victu parcitas, in ieiunijs perpetuitas, in vigilijs diuturnitas, in vestimentis ruditas, in nuditate pedum asperitas, sunt signa vitę rigide, & à cōsolatione terrena prorsus alienæ. Sane D. Hieronymus suprà illa verba Matth. 12. *Discipuli esurientes ceperunt vellere spicas & manducare*, sic inquit: *Quod segetum spicas manibus confricant, & in ediam consolantur, vita austerioris indicium est, non preparatas epulas, sed cibos simplices querentium.* Hæc omnia prædicta si attentius considerabimus, & præter illa alias quoque corporis macerationes voluntarias, ac varias tribulationes, manifestè videbimus, quam austera fuerit vita illorum. Expressit id Paulus 1. ad Cor. 4. dicens: *Puto quod Deus nos Apostolos nouissimos ostendit, tanquam morti destinatos: quia spectaculum facti sumus mundo, & Angelis, & hominibus. Usque in hanc horam & esurimus, & sitimus, & colaphis cadimur, & instabiles sumus, & laboramus operantes manibus nostris, maledicimur, & benedicimus, persecutionem patimur, & sustinemus, blasphemamur & obsecramus, tanquam purgamenta huius mundi facti sumus, omnium peripsēma usque adhuc.* Supra quem locum S. Thomas ait: *Usq; in hanc horam, idest continuè à conuersione nostra, usq; in presens tempus, & esurimus & sitimus, & nudi sumus.* Ad Corinth. quoque 2. cap. 4. ait: *Semper mortificationē Iesu in corpore nostro circumferentes, ut vita IESV manifestetur in corporibus*

corporibus nostris. S. Thomas super hunc locum ait: *Mortificationem circumferentes: idest ubiq³ portantes & sustinentes, quia quocunque eamus, patimur.* Et in eadem Epist. 2. ad Corinth. cap. 6. ait: *Nemini dantes ullam offensionem, ut non vituperetur ministerium nostrum, sed in omnibus exhibeamus nosmetipsos sicut Dei ministros, in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in ieiuniis.* S. Thōas ait: *In ieiuniis aliquando voluntariis, aliquando inuoluntariis propter penuriam.* I. verò ad Corinth. 9. de seipso sic inquit: *Castigo corpus meum & in servitutem redigo; ne forte cum alijs predicauerim, ipse reprobus efficiar.* Supra quem locum S. Thomas dicit: *Castigo corpus meum. tangit rationem predictorum utriusq³: ubi primò tangit austeritatem vite &c.* Cassianus vero in eadem verba Apostoli lib. 5. de instit. Renunc. cap. 17. *Vis audire, inquit, verum athletam Christi legitimo agonis iure certantem? Ego igitur, inquit, sic curro non quasi in incertum: sic pugno non quasi aërem verberans, sed castigo corpus meum, & servituti subycio, ne alijs predicans, ipse reprobus efficiar.* Vides ut in seipso, idest, in carne sua colluctationum summam, velut in base quadam firmissima, statuerit, & prouentū pugne in sola castigatiōe carnis, & in subiectione sui corporis collocarit: Et cap. 18. cum hæc eadem verba Apostoli iterasset subdit: *Quod proprie ad continētia labores, & corporale ieiuni-*

ñ, atq; afflictionem carnis pertinet, per hanc se pugilem quendam strenuum suæ carnis esse describens, nec in vanum aduersus eam ictus continentiae exercuisse designans; sed triumphum pugnae mortificatione sui corporis acquisisse, quo verberibus continentiae castigato, & castibus ieiuniorum eliso, victori spiritui immortalitatis coronam, & incorruptionis contulit palmam. Et paucis interiectis: Sic pugnat, ieiunijs scilicet & afflictione carnali, non quasi ærem verberans, idest in vanum, &c. Sanctus verò Hieronymus eò pertinere hæc verba Apostoli putat, quò illa quæ alibi de seipso scribit. 2. Corinth. II, *In ieiunijs multis, in vigilijs, in fame & siti, in frigore & nuditate, in laboribus, in carceribus.* Suprà quem etiam locum S. Thomas sic inquit: *Hic consequenter enumerat mala sponte assumpta, quæ sustinentur in domibus. Et enumerat tria mala opposita tribus bonis, quæ sunt necessaria ad vitam domesticam. Primum bonum est requies somni. Secundum est sustentatio cibi. Tertium est fomentum vestis. Requie, ergo somni opponit laborem, & vigilijs &c. Sustentationi verò cibi, opponit duplicem subtractionem cibi: Vnam quæ est ex necessitate. Vnde dicit: in fame, & siti: quia scilicet ad lutt. deficiebat sibi aliquando cibus & potus. Aliam quæ est ex voluntate. Vnde dicit in ieiunijs multis, scilicet voluntariè assumptis, propter exemplum bonum, & propter macerationem carnis &c. Fomento vero vestis opponit duo: Vnum ex parte nature.* Unde dicit: *in frigore.*

H 4

Aliud

Aliud ex parte inopia. Vnde dicit, & nuditate. Hæc S. Thomas. Austera ergo erat, & rigida vita Apostolorum.

Denique non est omittendum, Apostolos sicut & Christum, Psalmodijs vsos fuisse. Quod in primis patet ex Matth. 26. vbi dicitur: *Et hymno dicto exierunt in montem Oliueti.* Constat autem ex Concilio Toletano 4. cap. 12. hymnum hunc non simpliciter pronuntiatum fuisse, sed verè & propriè à Christo & Apostolis decantatum. Verba Concilij ad hunc scripturæ locum attendentis, sunt hæc: *De hymnis etiam canendis, & Saluatoris & Apostolorum habemus exemplum.* Et aliàs quoque constat, quod Hymnus non potest vocari, nisi canatur. Augustinus enim explicans titulum Psalmi 73. dicit: *Hymni cantus sunt continentes laudes Dei. Si sit laus, & non sit Dei, non est hymnus. Si sit & laus, & Dei laus, & non canetur, non est hymnus. Oportet ergo ut si sit hymnus, habeat hæc tria: Et laudem, & Dei, & canticum.* Idem S. Augustinus Epist. 119. cap. 18. sic ait: *Sine dubitatione faciendū est maxime illud, quod etiam de scripturis defendi potest. Sicut de hymnis & Psal. canendis, cū & ipsius Domini & Apostolorum habeamus documenta, & exempla & præcepta.* Et profectò Act. 16. habetur, quod Paulus & Silas media nocte orantes, laudabant Deum. Hilarius, Beda, Historia Scholastica, & nonnulli alij, eos tūc cecinisse, & hymnos decantasse censent; atque adeo clara & elata voce, quod etiam audiebant eos qui in custodia erant, ut ibidem in Act. habetur. Ipse etiam Paulus ad Ephes. 5. & ad Coloss. 3. monet Christianos, ut in Psalmis, hymnis, & canticis spiritualibus se exercent. Vide si placet hac de re fusillimè tractantem Thomam VValdensen lib. 3. de Sacram. cap. 17. & 18. Ex his ergo omnibus collige, quænam Religio

Religio sit vitæ & muneri Apostolico simillima, videlicet ea, quæ proficitur vitam contemplatiu à simul & actiuam, ita vt primò contemplationi vacet, & postea ad publicum actionis descendat. Ea quæ suos operarios aliquando ad deserta subducit, & à consortio hominum interdum subtrahit. Ea quæ proficitur vitam pauperrimam; non solum in particulari, sed etiam in communi, ita quod non accipiet possessiones. Ea quæ mendicato pane sustentatur, victu tenui & vili vitur, & ieiunijs frequentibus occupatur. Ea quæ vestitum rudem & abiectum præferet, Ea quæ est rigida, & austerâ, & cum Apostolo, in vigilijs multis, in fame, & siti, frigore, & nuditate exercetur. Ea denique quæ Psalmodiæ vacat. Talem enim omninò vitam Apostolos duxisse, iam fusè monstratum est.

At quia Theologus non talem in sua Epistola expressit, vt legenti constât, & vel ex hoc capite manifestissimè apparet, quia vult eam habere redditus ac possessiones, & ob id ab Illustrissimo Nepotem cum bonis ei vindicare conatur, vti que sequitur, cum non proposuisse Nepoti Illustrissimi Religionem vitæ & muneri Apostolico simillimam, ac proinde nec Religionem perfectissimam; quod tamen erat suum intentum. Aduerte Lector, ne faciliè fucata vitæ Apostolicæ imagine decipiaris; nam quod Theologus tuo palato exhibet, videtur esse mel, sed reuera est fel; quod oculis tuis obijcit, videtur esse aurum, sed reuera est aurichalcum. Sic Theologus scitè personam impostoris exequitur. Sed benè est, quia sua spe frustratur, intentio eius collabitur, atque artes eius & imposturæ passim discooperiuntur.

PROPOSITIO XXXV.

*Illâ Religio est perfectior alijs, quâ ceteris paribus, habet
media efficaciora ad consecutionem eius finis,
propter quem est instituta.*

H,

Hæc

dia perfectioni assequendę subseruientia; quod sanę non audebis dicere, ne SS. Patrum seueris sententijs delicatum tuum ingenium elidatur.

PROPOSITIO XXXVI.

Illā Religio est perfectior, quā ceteris paribus non tantum efficaciora media habet ad suum finem perfectissimum, sed etiam plura talia, & magis ordinata.

HÆC sanę regula, mi Theologe, non est excerpta ex recepta ab omnibus S. Thomę Doctoris Angelici doctrina, ac proinde tuę promissioni non factis fecisti. Quod vt palam videas, en profero textum S. Thomę ex 2. 2. q. 188. art. 6. in corp. vbi sic inquit: *Sis finis idem, secundario attenditur præminētia Religionis, non secundum quantitatem exercitij, sed sed secundum proportionem eius ad finem intentum.* Hęc S. Thomas. Constat autem, quod pluralitas mediorum pertinet ad quantitatem, vt ipse Aristoteles te docebit. Magis ergo debuisses dicere: *Illā religio est perfectior, quā ceteris paribus habet media efficaciora, & suo fini magis proportionata.* Sed video, quod in tua epistola magis ad quantitatem, quā ad proportionem regularum attendisti: & ideo etiam circā quantitatem errasti.

Demum quia Author vitę communis CHRISTI imitatione, suam alijs omnibus Religionibus præfert, quęcunque illa sit, præsens hic punctus tractandus est, vt eius Achilles penitus cadat, antequam huius puncti tractatio nobis è manibus elabatur. Porro Christum vitam duxisse communem inficiari non possumus; affirmat S. Thomas 3. p. q. 40. art. 2. vbi ex hoc, quod decuit ex fine Incarnatio-

nis

nis Christum cum hominibus conuersari, conuenientissimū fuisse deducit, vt se eis in cōuersatione conformaret, secundū illud Apostoli. 1. Cor. 9. *Omnibus omnia factus sum.* Et hinc vltcrius infert, conuenientissimum fuisse, vt CHRISTVS in cibo & potu communiter se sicut alij haberet, id quod S. Augustinus l.b. 16. contra Faustum c. 30. probat ex eo quod de se, ac de Ioanne Dōinus dicit; quia enī Ioannes non vtebatur illo cibo, quo vtebantur Iudæi dicit: *Venit Ioannes non manducans, neq; bibens:* cum ergo de seipso dicat, *Venit filius hominis manducans & bibens,* consequens est, quod eo cibo vteretur, quo communiter vtebantur Iudæi. Cæterum vt huius sententiæ malum intellectum, ex quo delicatulus Theologus alijs omnibus Religiosis austeriorem vitam ducentibus se vnum præfert, funditus euertamus, ea quæ sequuntur in communem vitam Christi adnotanda sunt.

Primò, vitam communem duxisse Christum post austeram. Nam illicò post baptismum secessit in desertum, ibique ieiunauit quadraginta diebus, & quadraginta noctibus non manducans, neque bibens, non vt Ioannes, quod non vteretur cibo, quo communiter Iudæi vtebantur, sed nullum prorsus cibum, nullum potum capiens. Ratio autem, quare sic ieiunauit, altera est, vt ait Chrysostomus in Matt. Hom. 13. *vt nos instrueret, quàm magnum bonum est ieiunium, & qualiter est scutum aduersus Diabolum, & quomodo post baptismum non lasciuia, sed ieiunio intendere oportet. Non ultra autem processit ieiunando, quàm Moyses, & Elias, ne incredibilis videretur carnis assumptio:* altera, vt nos instrueret, quod nullus debet assumere predicationis officium, nisi prius fuerit purgatus, & in virtute perfectus, sicut dicitur de Christo Actuum 1. *Cœpit Iesus facere & docere,*

&

& quod post edomitam carnem oportet alios ad prædicationis officium transire, quod Diuus etiã Paul' docuit: *Castigo*, inquit, *corpus meum, & in servitutem redigo, ne cum alijs prædicauerim, ipse reprobus efficiar.* Quare cum Author huius epistolę profiteatur vitam ducere communem, non præmissa vita austeram, non potest se vitam communi Christi, qui austeram præmisit, sufficienter tueri.

Secundò, Christus vitam communem duxit, non cum Regibus & Principibus, licet ipse esset Rex Regum, & Dominus dominantium, & Princeps Regum Terræ, nequẽ cum diuitibus: imò ipse cum esset diues, pro nobis inops factus est, ut nos sua inopia diuites essemus; eademquẽ ratione nec cum honestis hominibus, ut proprio Marte dixit author, honesti enim homines sunt homines mediocres, qui scilicet nec principatu, nec diuitiis, alijs præminet, nec pauperie omnibus subsunt, sed medium statum obui-
 nent, quem Salomon expetebat inquires: *Nec diuitias, nec paupertatẽ dederis mihi, sed tantum tribue victui meo necessaria*, Extrema enim non solum mutuo, sed etiam medio opponuntur, quatenus alterius extremi participationẽ habet. Cũ quibus ergo Christus cõmunem vitam duxit? Cum pauperibus. Atquẽ hoc sensu dixit D. Thomas 3. p. q. 40. art. 3. ad 2. Christum communem vitam duxisse, nempe cum pauperibus. *Communi*, inquit, *vita uti quantum ad victum & vestitum potest aliquis non solũ diuitias possidendo, sed etiã à mulieribus & diuitibus accipiendo, quod etiam circa Christum factum est.* Dicitur enim Luca 8. quod mulieres quadam sequebantur Christum, quæ ministrabant ei de facultatibus suis. Sicut ergo pauper non diceretur communem vitam cum Regibus & diuitibus ducere, quia aliquando in mensa Regis vel diuitis per se comederet, ita Christus ex hoc, quod interdum

in mensa diuitum, vel honestorum hominum, quæ apponebantur comedebat, vel quæ à diuitibus, aut honestis viris oblata erant cum discipulis suis comedebat, non est propterea dicendus communem vitam cum diuitibus, vel cum honestis viris duxisse. Quare non potest Author se cum veritate de communi vita Christi iactare, cum ipse profiteatur non oblata in dies, nec emendicata comedere, sed quæ sibi præparantur à Religione diuitias in communi possidente.

Tertiò spectandæ sunt rationes, ob quas Christus & discipuli eius præ Ioanne & discipulis eius vitam agerent communem. Vtrunque enim verum est. Nam Christus de se, ac de Ioanne dicit Matth. 11. *Venit Ioannes non manducans, neq; bibens, & venit filius hominis manducans, & bibens.* Et discipuli Ioannis queruntur Marci 2. *Quare discipuli Ioannis & Phariseorum ieiunant; discipuli autem tui non ieiunant?*

S. Thomas 3. par. q. 40. art. 2. ad secundum hanc reddit rationem, quod sicut alij homines per abstinentiam consequuntur virtutem continendi, ita Christus in se, & in suis discipulis per virtutem suæ diuinitatis carnem comprimebat. Quam rationem accepit à Beda super locum præfatum Ioannis Marci 2. vbi ait; *quod Ioannes vinum & ficeram non bibit, quia illi abstinentia meritum auget, cui potentia nulla inerat natura. Dominus autem cui naturaliter suppetebat delicta donare, cur eos declinaret, quos abstinentibus poterat reddere puriores?* Hæc autem ratio non suffragatur Authori huius epistolæ, cum in ipso non minus ac in Ioanne, & eius discipulis sit corrupta ac vitiata natura, nec per virtutem diuinitatis, immediate comprimatur, vt à Christo in suis discipulis comprimebatur. Quare non est ex hac ratione, cur ipse vitam commu-

communem cum Christo & discipulis eius præ Ioanne & discipulis eius ducat.

Hinc etiam constat id quod ex Apostolo inquitente , *Non est Regnū Dei esca & potus*, ait S. Thomas, quod *abstinentia in cibo, & potu non pertinet per se ad salutē*, non suffragati auctori ad alliciendos adolescentes in suam vitam communem non præmissa austeriori vita. Licet enim abstinentia in cibo & potu non spectet ad salutem per se, id est solitarie sumpta quoad subtractionem ciborum (potest enim hæc benè & malè fieri) spectat tamen ad salutem, quatenus ex recta ratione fit, nempe ut oportet ad valetudinem, & ad comprimendam carnem, ne voluntatem à bono rationis deijciat propter delectationes quæ sunt in cibis, vel in rebus Venereis, quibus gula deseruit; nec non ad satisfaciendū Deo pro offensis in ipsum commissis, per voluntariam corporis castigationem. Quomodo autem nosse potest Author, Adolescentibus in suam Religionem admittendis, iidemque suis Professoribus, non fore opus in adolescentia, in iuuentute, in virilitate propter dictos effectus abstinentia in cibo & potu? Nunquid enim fortè in sua Religione caro comprimitur per virtutem diuinitatis immediatè, ut in Apostolis, Christo cum eis degente? Aut forte sua Religio non est status pœnitentiæ, ut reliquæ omnes?

Aliam rationem reddit Christus Marci 2. de suis discipulis, quod præ discipulis Ioannis & Phariseorum non ieiunarent: *Nunquid enim*, ait, *possunt filij Nuptiarum ieiunare quamdiu sponsus cum illius est? Venient autem dies, in quibus auferetur ab illis sponsus, & tunc ieiunabunt in illis diebus.* Est enim Christus Ecclesiæ Sponsus, ut Baptista eum appellauit Ioann. 3. *Qui habet sponsam, sponsus est*, quam sibi Christus fide desponsauit, & charitate copulauit, ut filios, fideles, iustos, electos

electos, per baptismum & gratiam ex ea sibi generet, Filij Nuptiarum sunt domestici sponsi, apud quos Nuptiæ celebrantur, quarum tempus non lugubre, sed lætum ac festiuum est. Vt cecinit sponsa Canticorum 1. *Exultabimus & letabimur in te, memores uerbum tuorum.* Et ideo non possunt filij sponsi lugere, quãdiu sponsus cum illis est, ut ait Matt. cap. 9. atque ideo nec ieiunare; ieiunia enim non sunt læti temporis ac festiui, quale est Nuptiarum. Ac si ergo diceret Christus, Cum mei discipuli in Nuptijs sint quamdiu ipse sponsus cum eis versor, arguendi non sunt, quòd ieiunia non obseruent, sed nec semper cum eis versabitur sponsus, nec semper ieiunia non obseruabunt. Tempus enim erit; cum ab eis auferetur sponsus, scilicet cum ego in Cælum discedam, illosque quòd ad præsentiam atinet corporalem & visibilem relinquam, tunc ieiunabunt, erit illud tempus laborum, tristitiæ; ac ieiuniorum, hoc verò nuptiale est & lætitiæ. In eandem sententiam Chrysologus sermone 31. de Christo ait, *Ecclesiam tunc desponsabat, ideo indulgebat se mensis; conuiuantibus se non negabat, humanum, comitem, blandum se pia charitate reddebat, donec diuinis humana coniungeret, & faceret de terrena societate caeleste consortium.* Constat autem Professores Religionis Authoris huius epistolæ non esse filios Nuptiarum, nec Christum Sponsum cum eis modò esse secundum corporalem & visibilem præsentiam. Immeritò ergo Author de vita communi Christi & discipulorum eius, præ Ioanne & discipulis eius gloria-tur, eisque & alijs omnibus Religiosis se præfert. Cum Religiosi successerint Apostolis in vita Apostolica, non pro statu, quem habuerunt præsentem cum eis Christo in carne visibili, sed pro statu, quo ab eis secundum carnem visibilem abfuit, quo pacto etiam à nobis modò abest Christus Sponsus. In quo absentiae statu non vitam communem,

communem, ut cum Christo degentes duxerunt Apostoli, sed arctissimam & maximè austeram. Quod in sequentem propositionem multis iam iam ostendemus.

Quartò, Christus vitam duxit communem, non ut secundum eam exemplar perfectionis esset, sed ut sicut secundum austeram vitam se perfectionis exemplar præbuerat ijs, qui ad perfectionem contenderent, ita secundum vitam communem exemplar infirmis esset omnibus omnia factus. Licet enim omnia opera Christi ex dignitate personalij maxime dignitatis & perfectionis essent, tamen si quæque ex proprio genere considerentur, quædam erant Informationis perfectæ, ut cum Seraphico Doctore loquar: nimirum paupertatem seruare, virginitatem custodire, Deo & hominibus se ipsum subijcere, noctes in oratione peruigiles ducere, pro Crucifixoribus exorare, & morti se humanâ charitate etiam pro inimicis offerre. Alia nonnulla Condescensionis erant, ut ait Chrysostomus in Matt. Homil. 27. *Vides, inquit, quanta est Christi in condescensione diligentia, sicut cum comedat, & bibat, cum videatur ex aduerso Ioanni fatiens, & hæc Iudeorum gratiâ salutis facit, magis autem orbis terrarum uniuersi.* Malè ergo author ex imitatione vitæ communis Christi se alijs omnibus quo ad vitæ perfectionem præfert, cum potius quo ad infirmitatem se eis præferre ex hoc debeat. Quam infirmitatem non carnis, quæ omnibus est communis, Patres vocant, sed mentis, quia scilicet validam & magnam voluntatem magna perfectaque opera faciendi non habentes minùs perfectæ opera facere contenti sunt, instar barbarum in campestribus, idest, in humiliori & infirmiori vitæ genere Christum sequentes, cum non valeant cum Apostolis in montem conscendentibus Christum in sublimi vitæ genere imitari.

Quintò demum vitam communem non cum honestis

I

hominibus

hominibus, sed cum pauperibus duxit Christus, & duxerunt Apostoli, ut conuenientiore ad ipsum etiam effectum sanctæ prædicationis exercendæ. Et enim Lucæ 9. Dominus mittens suos discipulos prædicare regnum Dei ait ad illos: *Nihil tuleritis in via, neq³ virgam, neq³ pecuniã, neq³ panem, neq³ duas tunicas habeatis.* Post Christi verò Ascensionem, inulò austeriorem, quàm communẽ pauperum vitam Apostoli seruauerunt, ut mox in sequentem propositionem dicemus, multisque confirmauimus in propositionem 30. austeritatem vitæ muneri, & officio sanctæ prædicationis non modò non officere, sed etiam mirum in modum conducere, nimirum si pro animabus Christo cruciandis, non pro vana gloriola sit exercenda, quam delicatuli Prædicatores aucupantur. Quare cum S. Thoma supradiximus, Christum prius in desertum secessisse, ibique 40. diebus, & 40. noctibus ieiunasse, ut nos instrueret, quòd nullus debet prædicationis officium assumere, nisi prius fuerit purgatus, & in virtute perfectus, & vitam communem debere in Prædicatore præcedi à vita austerà, ut etiam Apostolus suo exemplo nos monuit: *Castigo, inquit, corpus meum, & in seruitutem redigo, ne cum alijs prædicauerim ipse reprobus efficiar.* Maneat ergo, Auctorem de communi vita cum honestis hominibus, etiam ut conuenientiori ad sanctæ prædicationis exercitium, nequiter se omnibus alijs Religionibus prætulisse.

PROPOSITIO XXXVII.

Illà perfectior est Religio, quæ ceteris paribus, habet auxilia plura & meliora ad consequendum finem suum, & mediõrum suorum usum in suo ordine præscripta.

HÆC

HÆC Propositio æquè est implicata ac Propositio XXXV. & deficit in duobus. Primò quia perfectio Religionis ex auxilijs respectivè, siue secundariò desumitur, absolute autem & primariò ex fine, ut iam dictum est. Secundò in hoc, quia perfectionem Religionis ponit in pluralitate auxiliorum: quod utique est contra S. Thomam, ut visum est. Sic ergò dicere debuisses Theologe: *Illa perfectior est Religio, quæ cæteris paribus habet auxilia magis proportionata ad consequendum suum finem perfectissimum.*

PROPOSITIO XXXVIII.

Illa Religio perfectior est, quæ cæteris paribus, pluribus & melioribus est sulta præsidys, ad submovenda omnia impedimenta felici vsui mediorum ad sui finis consecutionem sese opponentia.

HÆC Propositio in iisdem deficit, in quibus & præcedentes. Nam & perfectio Religionis ex præsidys, est tantum respectiva, ex fine verò absoluta: & præminencia Religionis non attenditur secundum pluralitatem præsidiorum, sed secundum proportionem ad finem intentum. Sic ergò Theologe debuisses dicere: *Illa Religio est perfectior, quæ cæteris paribus, magis proportionata est sulta præsidys ad consecutionem sui finis perfectissimi.*

Sed iam vide, quàm verum sit, quod paulò ante dixi, te magis quantitatem Regularum, quam proportionem earum attendisse. Ut enim multiplicares regulas, quas graphicè vna propositione conclusisses, distinguis præsidia ab auxilijs, & hæc à medijs, & ita noua quadam ratione, aliud

tibi sunt præsidia, aliud auxilia, & ab his aliud media. Ni fortè te excuses, quod præsidia, & auxilia, das in ordine ad media; quem sanè processum potuisses secundùm Philosophos formare in infinitum: quod si aduertisses, magis forsan regulas multiplicasses, & quantitati quam attendisti, melius prouidisses.

PROPOSITIO XXXIX.

Illum Ordinem Illustriss. Domine, puta perfectiorem, qui, cæteris paribus, maiorem fructum in Ecclesia Dei facit, verbis, scriptis, factis, exemplis, &c.

HÆC Propositio est vafra, inuoluta, & insufficiens. In primis, quia maior fructus dupliciter potest dici. Vel maior intensiue, vel maior extensiue. Siue maior aut secundùm quantitatem molis vel quasi molis: aut secundùm quantitatem virtutis. Ille ergo Ordo est perfectior, qui cæteris paribus, maiorem intensiue fructum in Ecclesia Dei facit, siue maiorem secundùm quantitatem virtutis. Vt enim ex suprâ dictis patet, maius est paucos perfectos facere, quàm multos conuertere à statu peccati ad statum gratiæ: ita quod conuersi abstineant quidem à delictis mortalibus, non tamen sint perfecti. Secundò. Ordo aliquis maiorem fructum facit in Ecclesia Dei dupliciter. Primò suis impensis. Secundò alienis. Dictum est enim suprâ, quod prædicatores in Ecclesia Dei faciunt fructum propter Orationes Eremitarum. Ille ergò Ordo est perfectior, qui proprijs impensis & non alienis, facit fructum in Ecclesia Dei. Quare ratione dictum est secundùm doctrinam S. Thomæ 2. 2. q. 188. art. 8. vitam Eremitarum esse perfectiorem, quàm sit quæcunque vita in societate viuentium. Eremitæ autem faciunt fructum in Ecclesia Dei per orationes; & virtute orationum ab ipsis fusarum alij operarij. Nam neque qui plantat

plantat est aliquid, neque qui rigat, sed qui incrementum dat Deus, qui exoratur ab Eremitis, vt det incrementum. Et mirum est, quòd Theologus inter media fructificandi, non expresseit Orationes. Sed aliunde nil mirum, quia inimicus longarum orationum, amicus autem longorum discursuum videtur hanc Epistolam scripsisse. Tertiò, ordo aliquis potest facere fructum in Ecclesia Dei dupliciter. Vel cum detrimento, non dico salutis, sed perfectionis propriæ. Vel certè sine detrimento perfectionis propriæ. Maius est autem, minorem fructum in Ecclesia Dei facere sine detrimento perfectionis propriæ, quàm maiorem fructum cum sufficientia quidem salutis, sed tamen cum detrimento perfectionis propriæ. Colligitur id manifestè ex S. Thoma Quodlib. 3. q. 6. art. 17. in resp. ad. 6. *Et si inquit, procurare salutem aliorum sit maius, quam intendere sibi soli, loquendo in genere: tamen non quocunque modo intendere saluti aliorum praefertur ei, quod est quocunque modo intendere suae salutis. Si enim aliquis totaliter & perfectè intendit suae salutis, multò maius est, quàm si aliquis multa particularia opera agat ad salutem aliorum, si salutis propriae, etsi sufficienter, non tamen perfectè intendat.* Hæc S. Thomas. Et meritò, vt aliunde patet. Vita enim Contemplatiua ex suo genere est maioris meriti, quàm Actiua; vt docet idem S. Thomas in eodem loco, & 2. 2. qu. 182. art. 2. Maius ergo ex suo genere facit ille, qui seipsum perfectè tradit contemplationi, quàm qui alios applicat actioni, siue conuersioni ad Deum. Et sic ille Ordo perfectior erit, qui saluam suam integrâ ac totali perfectione, attendit etiam salutem aliorum. Et sanè secundum S. Thomam (vt multoties repetatur, id quod est maximi momenti) 3. p. q. 41. art. 3, ad 1. *Nullus debet assumere Predicationis officium,*

cium, nisi prius fuerit purgatus, & in virtute perfectus
 Propositio ergo Theologi absolute dicta, est satis deceptoria,
 ne dicam falsa. Discant Religiosi ex dictis, non sibi blân-
 diri de summa perfectione, ex eo quod videantur sibi maio-
 rem fructum in Ecclesia Dei facere.

PROPOSITIO XL.

*Vnde sequitur, illam esse meliorem, quæ plures, & me-
 liores, & per plures vias ac modos, & pro pluribus
 locis, ac personis, fructus edit, & per ipsos fructus ta-
 les à se editos, alios fructus novos, & novos, in alijs
 multiplicat.*

HÆC Propositio in iisdem deficit, in quibus & aliæ
 præcedentes. In primis quia supponit pluralitatem
 præstantium fructuum, cum tamen fructus præstan-
 tissimi paucissimi sint. Fructus enim præstantissimus,
 perfectio est, quæ in paucis reperitur, ut supra dictum est, circa
 Propos. iiij. Secundò, quia supponit, pluralitatem via-
 rum & modorum pertinere ad perfectionem: cum ta-
 men secundum doctrinam S. Thomæ supra recensitam,
 præminetia Religionis non attendatur secundum quan-
 titatem exercitii, sed secundum proportionem eius ad in-
 tentum finem. Tertiò, quia vult illam Religionem esse
 meliorem, quæ alios applicat operibus vitæ actiue, cum
 tamen secundum S. Thomam 2. 2. q. 182. art. 2. ad 3.

*Magis acceptum sit Deo. quod aliquis ani-
 mam suam & aliorum applicet
 contemplationi, quam
 actioni.*

PROPOSITIO XLI.

Quæ omnia sunt certissima signa summæ perfectionis.

HÆC Propositio certissimè est falsa, & ideo magnam præsumptionem & temeritatem Authoris ostendit. Plurimi enim in statu peccati mortalis constituti, ac proinde dilectione Dei carentes, in qua consistit perfectio, faciunt magnum fructum in Ecclesia Dei, per plures vias & modos, & pro pluribus locis, ac personis: & tamen tantum abest, quod sint in summa perfectione, ut ne quidem sint in aliquo perfectionis gradu. Patet hoc ex contextu Evangelico Matth. 7. *Multi, inquit Christus, dicent mihi in illa die: Domine, Domine, nonne in nomine tuo prophetavimus, & demonia eiecimus, & in nomine tuo virtutes multas fecimus? Et tunc confitebor illis, Quia nunquam novi vos. Discere à me qui operamini iniquitatem.* Ergò secundum mentem Christi multi possunt virtutes multas facere, imò prophetare, imò & demonia eicere, qui operantur iniquitatē. Quod si ita est, utique Propositio Theologi repugnat Evangelio, & consequenter fidei. Idem deducitur ex loco S. Pauli ad Philip. cap. 1. *Quidam quidem, inquit, & propter invidiam, & contentionem: quidam autem, & propter bonam voluntatem Christum predicant: quidam ex charitate, scientes quoniam in defensionem Evangelij posui sum, quidam autem ex contentione Christum annuntiant, non sincere, existimantes,*

*pressuram se suscitare vinculis meis. Quid enim? dum omni modo siue per occasionem, siue per veritatem Christus annuntietur; & in hoc gaudeo, sed & gaudebo. Hæc Paulus. Suprà quem locum S. Thomas lect. 3. sic inquit; In Ecclesia prouenit utilitas quandoque per bonos Prædicatores quoad bonam intentionem, quandoq; per malos, quoad malam; & de utroq; gaudendum est. Per occasionem annuntiat Christum, qui non intendit hoc principaliter, sed propter aliud, puta lucrum, vel gloriam; per veritatem autem, quando ex recta intentione. Sed hoc utroq; modo fit ad utilitatem Ecclesiæ. Hæc S. Thomas. Eccè clarè ex mente Pauli docet S. Doctor, per malos Prædicatores prouenire utilitatem Ecclesiæ. Et sanè experientia ipsa docet, quod multi sint, qui non sincerè, sed propter inuidiam, & ex contentione Christum annunciant: qui proinde non sunt in summo perfectionis; quia scriptum est iacob. 3. *Vbi zelus & contentio, ibi inconstantia; & omne opus prauum.* Et iterum. 1. Corinth. 3. *Cum sit inter vos zelus & contentio, nonne carnales estis?* Et tamen tales prædicatores faciunt fructum in Ecclesia DEI. Falsissimum ergo est, quod fructificatio in Ecclesia DEI sit certissimum signum summæ perfectionis. Et certe etiam si Theologo non opponeremus prædicatores in statu peccati existentes, sed solos Prædicatores tepidos & imperfectos, qui & non sunt in summitate perfectionis, & tamen faciunt fructum magnum in Ecclesia DEI, vel inde facillimè possit conuinci falsitatis. Sed nostro Theologo illa sunt certissima, quæ sunt falsissima; ita tenebras lucem, & lucem tenebras dicit; ita absorptus est à spiritu præsumptionis. Promiserat monita ex certa SS. Patrum doctrina excerpta, cognitionem*

sine

sine errore, & certam lucem : & ecce repugnantia sacro Euan-
gelio, & doctrinæ Sanctorum, errores, & tenebras protulit.
Quis deinceps promissis Theologi adhibebit fidem? Nul-
lus sanè, nisi similis Theologo.

PROPOSITIO XLII.

*Quæ sita est non in verbis, & gestibus, sed in factis he-
roicis : quia ut ait S. Gregor. Papa Hom. 30. in
Euangelia : Probatio dilectionis, exhibi-
tio est operis.*

Purimum sanè debet Orbis Theologo, quòd ab eo
depulerit tenebras incitiæ. Inualuerat enim opinio
apud plerosque, summam perfectionem consistere
in gestibus, quibus, sicut & verbis repræsentantur
animi sensa. Hunc errorem primus Theologus conatur
elidere, ut nullus deinceps sentiat perfectionem summam
consistere in gestibus. Sed sanè quis saltem vel vnus adeò
delirus fuit, qui id existimauit? Non indigebat sanè Mun-
dus hac doctrina noua, cui oppositam nec per suspicionem
aliquando amplexatus est. Sed iam audiamus docentem
Theologum, in quonam consistat perfectio. *Summa,*
inquit, perfectio sita est in factis Heroicis. Hic mihi
Theologus videtur sui ipsius omninò oblitus. Et non mi-
rum. Nam fortasse ex gyratione in circulo, mens illi turba-
ta est. Attendite enim circulum nostri Theologi. *Signa,*
inquit superius, summa perfectionis sunt facta. At in
quo sita est summa perfectio? *In factis,* inquit. Pe-
rinde ac si quis diceret : Fauillam esse signum combusti-
onis ignis; combustionem autem ignis consistere in fauilla.
Videte quòd Theologus sit vnus de numero illorum, de

quibus scriptum est Psal. 139. *Caput circuitus eorum, labor labiorum ipsorum operiet eos.* Et iterum Psal.

II. *In circuitu impij ambulant.* Mi Theologe, quomodo non es recordatus te dixisse: Perfectionem Christianę vitę consistere in dilectione Dei & proximi? Non ergo in factis heroicis, quę pręsupponunt dilectionem Dei & proximi. Et ut magis agnoscas crassitiem rudis ingenioli tui, attende quàm ineptę iubiunxeris auctoritatem S. Gregorij. Quale enim est hoc argumentum: Probatio dilectionis, exhibitio est operis. Ergo summa perfectio sita est in factis heroicis? Perinde ac si aliquis argumentaretur: Probatio ignis est fumus. Ergo ignis consistit in fumo. Profecto egregium argumentum ostendit tuum animum satis argutum. Debebas ergo dicere, quod probatio summę perfectionis sunt facta heroica, non autę quod summa perfectio sita est in factis heroicis. Sed iam si perfectio sita est in factis heroicis: quare infra docuisti, perfectionē non agnoscendā ex austeritate & paupertate? Forsan austeritas & paupertas, non sunt tibi facta heroica? Quod si sunt: Ergo & in eis perfectio secundum te sita est. Quomodo ergo oppositum docuisti?

PROPOSITIO XLIII.

Sicut plus donat ille, qui arborem fructiferam donat, quàm si sola poma; ita & status, & persona, ceteris paribus melior est, Deoque magis grata, quā non tantum fructum fert bonum, sed facit res fructiferas quamplurimas, ex quibus fructus innumerī, perpetua successione, & multiplicatione nascuntur.

HÆC

HÆC Propositio est contraria doctrinæ S. Thomæ 2. 2. q. 182. art. 2. ad 3. ubi ait, *Quanto homo animam suam, vel alterius, propinquius Deo coniungit, tanto sacrificium est Deo magis acceptum. Unde magis acceptum est Deo, quod aliquis animam suam, & aliorum applicet contemplationi, quam actioni.* Hæc S. Thomas. Ergo ex mente ipsius, ea persona, cæteris paribus, est magis Deo grata, quæ animam suam & aliorum, applicat contemplatiuæ vitæ, quàm ea quæ animam suam & aliorum applicat actiuæ vitæ; quod est ex mente Theologi fructum facere bonum, & res fructíferas red-
dere.

PROPOSITIO XLIV.

Illæ Religio est melior, quæ cæteris paribus, habet, & offert plures occasiones heroicæ virtutum & laborum pro Dei gloria, siue in iuuandis animabus per varios modos, siue in tolerandis persecutionibus & aduersitatibus ob studia pietatis.

HÆC Propositio absolute est falsa. Vita enim solitariorum est simpliciter & ex suo genere perfectior, quàm vita in societate viuentium; quia vita solitariorum est vita perfectiorum, vita verò in societate viuentium, est vita ad perfectionem sese exercentium. Quæ omnia habet S. Thomas. 2. 2. q. 188. art. 8. Et tamen facile dicit Theologus, quod vita socialis offert plures occasiones heroicæ virtutum & laborum pro Dei gloria, siue in iuuandis animabus per varios modos, siue in tolerandis persecutionibus & aduersitatibus ob studia pietatis. Plures quoque possent dicere, quod Ordo Equitum, v. g. Hierosolymitanorum,

lymitanorum, S. Iacobi, S. Ioannis; &c. plures habet occasiones laborum & virtutum heroicarum, præ illis Religiosis, quæ sunt purè contemplatiuæ: & tamē nullus audebit præferre Religiones purè actiuas, quales sunt Equestres, Religionibus meræ contemplatiuis. Et reuera argumentum Theologi non concludit. Recte enim consideranti videtur ratiocinatio Theologi esse eadem, quam sibi obijcit S. Thomas 2. 2. q. 182. art. 2. 1. loco *Meritum*, inquit, *dicitur respectu mercedis. Merces autē debetur labori: secundum illud 1. ad Corinth. 3. Vnusquisq; propriam mercedem accipiet, secundum suum laborem. Sed vite actiuæ attribuitur labor, contemplatiua verò quies. Dicit enim Gregorius super Ezech. Omnis qui ad Deum conuertitur, prius necesse est ut desudet in labore, idest, Liam accipiat, ut post ad videndum principium in Rachel amplexibus conquiescat. Ergo vita actiua est maioris meriti, quā contemplatiua. Hoc est argumentum in contrarium. Sed iam audiat Theologus, & diligenter consideret responsionem Sancti Thomæ. Labor, inquit, exterior operatur ad augmentum premij accidentalis. Sed augmentum meriti respectu premij essentialis, consistit principaliter in charitate: cuius quoddam signum est labor exterior toleratus propter Christum. Sed multo expressius eius signum est, quod aliquis prætermisiss omnibus, quæ ad hanc vitam pertinent, soli diuinæ contemplationi vacare delectetur. Hæc S. Thomas Notet quilibet aurea verba S. Thomæ. Expressius signum charitatis esse, prætermisiss omnibus, soli diuinæ contemplationi vacare, quā*

quàm laborem exteriorē tolerare propter Christum. Quod si expressius signum charitatis, Ergo & perfectionis: quia perfectio in charitate consistit. Non ergo secundum mentem S. Thomæ Theologus docuit, quòd illa Religio sit melior, quæ offert plures occasiones laborum pro Dei gloria.

PROPOSITIO XLV.

Ideò meritò S. Ioannes Climacus scribit gradu quarto: Noli citius currere, neque eleueris facile, cū enarrari audis solitariorum Patrum vitas. tu enim protomartyris milita incedis,

HÆC Propositio potest esse occasio erroris & deceptionis. Inde enim aliquis potest existimare, vitam in societate viuentium esse perfectiorem vita Eremitarum. Cuius oppositum docuit S. Thomas sæpius citatus in 2. 2. q. 188. art. 8. Loquitur ergo Climacus ad eum, qui nondum est exercitatus in virtutibus: quia ut docet S. Thomas loco citato, *Solitudo competit contemplanti, qui iam ad perfectum peruenit. Quod quidem contingit dupliciter. Vno modo ex solo diuino munere, sicut patet de Ioanne Baptista, qui fuit repletus Spiritu Sancto adhuc ex utero matris sue: unde cū adhuc esset puer, erat in desertis, ut dicitur Luc. 1. Alio modo, per exercitium virtuosi actus: secundum illud ad Hebræos 5. Perfectorum est solidus cibus, eorum qui pro consuetudine exercitatos habent sensus, ad discretionem boni ac mali. Ad quod exercitium, docet ibidem S. Thomas, iuuari hominem ex aliorum.*

orum societate, & quantum ad intellectum, quantum ad affectum. Ac postmodum subiungit: *Et ideo vita socialis necessaria est ad exercitium perfectionis, solitudo autem competit iam perfectis. Vnde Hieronymus dicit ad Rustic. Monach. Denido Monasteriorum huiusmodi volumus egredimilites, quos Exemi dura rudimenta non terreat, qui specimen conuersationis suae multo tempore didicerunt.*

PROPOSITIO XLVI.

Hac enim, quae famam & honorem laedunt, grauiora sunt viris honestis & ingenuis ipsa mortis accerbitate, quam multi mallent subire, quam fama & honoris pati iacturam,

HAEC Propositio demonstrat Theologum pessimum sane Consiliarium. Esto enim, ea quae famam & honorem laedunt, grauiora sint viris ingenuis & honestis, ipsa mortis accerbitate: at non viris Religiosis & Apostolicis. Esto, quod viri honesti & ingenui mallent potius subire mortem, quam famae aut honoris pati iacturam: at non viri Religiosi & Apostolici, qui pridem famam & honorem conculearunt, & sub pedibus posuerunt, & ad hoc vocati sunt, vt lapidentur importunitate tentationum & contumelijs verborum; vt tu Theologe refers ex Commentatore S. Climaci. Hi potius sitiunt, & anhelant ad contemptum sui, & tanquam epulas desideratissimas suscipiunt iniurias, more Apostolorum, qui vthabetur Act. 5. *Ibant gaudentes à conspectu concilij, quoniam digni habiti*

habiti sunt pro nomine IESV contumeliam pati.
 More Pauli, qui dixit ad Galat. 6. *Mihi absque gloriari nisi in cruce Domini nostri IESV CHRISTI, per quem mihi mundus crucifixus est & ego mundo.* Et 2. ad Corint. 12. *Placet mihi in infirmitatibus meis, in contumelijs, in necessitatibus, in persecutionibus, in angustijs pro Christo* Quo sanè Spiritu Apostolico imbuta S. Mater nostra TERESIA, solebat sæpiùs ingeminare, *Aut pati, aut mori.* Id est, Si non debeo pati, moriar: Si non debeo mori, patiar. Quem etià Spiritum hausit ex eodem fonte Noster Venerabilis P. F. Ioannes à Cruce, eius filius primogenitus, & fidelis in Reformatione socius: cui cum Dominus apparens dixisset: *Ioannes quid vis pro laboribus?* respondit: *Non aliud Domine, nisi pati & contemni pro te.* O animum præclarum & verè Apostolicum, cui merces passionum, passionibus: & merces contemptuum, contemptus. Ita ad amplexum Crucem Christi Quomodo ergo viri Apostolici mallet po-
 tius subire mortem, quam famæ aut honoris pa-
 ti iacturam? Imò potius eligent vi-
 vere, ut iacturam famæ & honoris
 patiantur.



PROPOSITIO XLVII.

Quæ causa est, ut grauissimi quique Theologi & Iurisperiti expressè doceant, quibusdam in casibus sine ullo peccato posse occidi alterum ob defensionem honoris proprii, & ad euadendam aliquam contumeliam grauem, seu honoris iacturam.

O DEVS immortalis, quàm nocuum Consiliarium agit Theologus? Vt quid enim viris Religiosis, & Apostolicam vitam profitentibus obtrudit, quibusdam in casibus licere occidere alterum sine ullo peccato ob defensionem honoris proprii? Ad hoc fortassis, ut viri Religiosi euadant honoris iacturam occisione? O peritiferum & exitiale officium Theologi, qui nocua depromit, salutifera inuoluit & abscondit. Quis dicat nisi insanus, vocationi virorum Apostolicorum congruere occidere alios, ob defensionem honoris proprii, & ad euadendam aliquam contumeliam grauem, seu honoris iacturam? Vt quid ergo hanc doctrinam ingessit? Vt quid eam supposuit, dum de viris Apostolicis tractauit? Quare legentibus ansam, scandalum, & occasionem homicidiorum præbuit? Quid enim aliud fecisse videtur Theologus proferendo hæc verba, nisi acuisse gladios, instruxisse bombardas ob defensionem honoris, ad euadendas contumelias? Vtinam tenebrionis istius sicut nomen, ita & Epistola in tenebris delitasset, & nunquam lucem aspexisset, Epistola inquam adeò scandalosa, & morum corruptiua.



PROPOSITIO XLVIII.

Ideoq; & S. Propheta Elias 3. Reg. 19. vers. 4. optabat potius mortem, quam molestias persecutionis, quam patiebatur à Iezabel.

VIDE quàm extrà propositum Theologus adducit exemplum S. Patris nostri Eliæ. Dum enim immediate locutus fuisset de iactura famæ & proprii honoris, asseuerans, quòd hæc grauior sit nonnullis ipsa morte, & atquando euadenda occisione aliorum: subiungit exemplum Sancti Eliæ, cui nec de iactura famæ & honoris proprii agebatur, nec alios occidere gestiebat; sed potius petijt animæ suæ, vt moreretur. Voluit tamen Theologus exemplum hoc connectere cum præcedentibus verbis; & propterea apposuit particulam connexionis, *Ideoq;* Sed quam ineptè rem rei subdiderit, vnusquisque iudicet. Cæteriùm accedendo ad rem ipsam, maius certè est & intolerabilius, quod S. Patri Eliæ imposuerit, ipsum optasse mortem propter molestias persecutionis, quam patiebatur à Iezabel. Quod sanè minimè decet de S. Propheta existimare. Certū est enim, quòd & iacturam famæ, & mille persecutiones laudabilius est libenter tolerare Sanctis pro gloria Dei, quàm ab his omnibus per mortem absolui cupere; imò alterum hoc, est culpabile iuxta aliquos. Quod cum Theologus attribuat S. Eliæ, videat quantum ei detrahat. Potius ergo dicendum, quòd S. Pater Elias desiderabat mortem, non propterea, quia ipse mala patiebatur, sed quia contra Deum multa mala fieri videbat; quia videlicet propheta Domini occidebantur, altaria eius destruebantur, peribat lex & cultus Dei de terra; idè inquam melior sibi videbatur mors, quàm cernere mala ista in diebus suis. Sic Abulensis suprà hunc locum q. 4. Qui & vltèrius probat, istud

K

verè

verè fuisse motuum illius ad petendam mortem : quia cùm postmodũ Deus diceret illi : *Quid hic agis Elia ?* Respondit ; *Zelo zelatus sum pro Domino Deo exercituum, &c.* Quasi dicat : Pro zelo quem habeo pro Domino Deo exercituum, facio omnia hæc fugiendo in desertum & desiderando mortem. Et mox subiungit Abulen. *Quòd si aliquis dicat, Eliam propter tedium vite laboriosæ desiderasse mortem, secundum hunc non excusabitur S. Elias à peccato saltem veniali* Hæc Abulensis. Idem motuũ alij Expositores docent habuisse S. Eliam ad expetendam mortem : specialiter Nicolaus de Lyra inquit : *Petivit à Deo, quòd animam suam de corpore acciperet : Optabat enim magis mori, quàm videre per idololatrias contemptum Dei.*

PROPOSITIO XLIX.

Et Sanctus Paulus ob labores vite Apostolicæ animarum causa susceptos dicebat Rom. 7. vers. 24. Infelix homo, quis me liberabit de corpore mortis huius?

HÆC Propositio est falsissima, & maximam in seiti-
am Authoris ostendit. Repugnat enim evidentissi-
mè textui citato : quod ut pateat, præferendus est
interger textus. Sic ergò inquis ibi Paulus : *Velle
adiacet mihi : perficere autem bonum non inuenio.
Non enim quod volo bonum, hoc facio : sed quod nolo
malum, hoc ago. Si autem quod nolo, illud facio : iam
non ego operor illud, sed quod habitat in me peccatum*

Inuenio.

Inuenio igitur legem, volenti mihi facere bonum, quoniam mihi malum adiacet: Condelector enim legi Dei, secundum interiorem hominem? Video autem aliam legem in membris meis repugnantem legi mentis mee, quæ est in membris meis. Infelix ego homo, quis me liberabit de corpore mortis huius? Gratia Dei per Iesum Christum Dominum nostrum. Igitur ego ipse mente seruo legi Dei, carne autem legi peccati. Hæc Paulus. Sed & si plâcer etioluat lector totum contextum Capitis & iudicet si vel minimum eius, quod dixit Theologus vestigium, aut indicium illic reperitur: Paulum scilicet ob labores vitæ Apostolicæ dixisse: *Infelix ego homo, quis me liberabit de corpore mortis huius?* & non magis propter legem membris repugnantem legi mentis, & captiuantem in lege peccati. Certè clarissima sunt verba allata, & nullus ambigendi locus potest superesse. Ego autem sincerè loquendo, multoties miror, Theologum se audacter obtulisse ad consilia Illustr. qui in multis insigniter, vel potius turpiter, errauit. Grauer autem criminis falsi condemnandus est, qui S. Paulo imposuerit, quod omninò falsissimum esse, textus illius apertissime demonstrat. Aliquis verò hæc Propositio Authoris videtur posse notari suspitione hæreseos, eò quod manifestè est contraria textui Sacræ Scripturæ. Ego autem inaduertentiæ Authoris parco, quamuis reuera materialem hæresim videatur sonare ista Propositio. Hæreticum enim profectò est & contumeliosum, asserere, quod S. Paulus propter labores vitæ Apostolicæ, animarum causa susceptos, diceret se infelicem, cum alias dixisset 2. ad Timot. 4. *Bonum certamen certavi, cursum consummaui, fidem seruauit. In reliquo reposita est mihi*

corona iustitiæ, quam reddet mihi Dominus in illa die iustus iudex. Sed id potest etiam ex ipso met textu argui erroris. Ad illa enim verba: *Quis me liberabit de corpore mortis huius?* subiungit Paulus, *Gratia Dei per Iesum Christum Dominum nostrum.* Non est autem dignum asserere, quod Apostolus censuerit esse gratiam liberari ab Apostolatu: quandoquidem ipse Apostolatus erat gratia gratis data, quam commendat ipsemet Theologus ex S. Chrysostomo.

PROPOSITIO L.

Et 1. Cor. 8. Non volumus ignorare vos fratres de tribulatione nostra, quæ facta est in Asia, quoniam supra modum grauati sumus supra virtutem, ita ut taderet nos etiam viuere.

SED & ex hoc loco ineptè satis colligit Theologus, quasi Apostolus tale cædium in tribulatione habuisset, ut moti potius optasset, quàm eas perpeti. Non enim sic intelligendus est locus Pauli: sed potius, quemamodum legit Tertullianus de Resurrect. Carnis c. 48. *Nolumus vos, inquit, ignorare fratres de pressura nostra apud Asiam, quod super quàm grauati sumus supra vires, uti de vita hesitaremus.* Cui expositioni consentit Iustinianus Societatis IESV. in Paraphrasi. *Grauati sumus, inquit, adeò ut prorsus perplexi, atq; impediti, & consilij inopes essemus, neq; ullum appareret refugium, quo periculum vitæ euaderemus.* Vel certè & coincidit in idem: *ut taderet nos etiam viuere, id est, ut desperaremus nos etiam viuere.*
prout

prout vertit S. Ambrosius: Et eundem sensum horum verborum Apostoli sequuntur Theophylactus, Theodoretus, neque dissentit Chrysostomus. A quorū omnium intellectu maxime recedit Theologus, dum imponit Apostolo, quasi propter labores Apostolicæ vitæ tæderet eum, viuere. A qua calumnia ipsemet Paulus se vindicat. Ad Philipp. i. *Mihi, inquit, viuere Christus est, & mori lucrum. Quod si viuere in carne hic mihi fructus operis est, & quid eligam ignoro. Coarctor autem è duobus: desiderium habens dissolui, & esse cum Christo; multò magis melius: permanere autem in carne, necessarium propter vos. Et hoc confidens scio, quia manebo, & permanebo omnibus vobis ad profectum vestrum, & gaudium fidei.* Hæc S. Paulus. Et certè si Beatus Martinus non recusabat laborem, si adhuc populo Dei esset necessarius; & nec moritumuit, nec viuere recusauit; multò magis Paulus, qui primitias spiritus acceperat.

Sed iam vide quàm grauitè Epistola Authoris sit contumeliosa & iniuriosa in Sanctos, vt ex dictis ipsius circa Elia, & Paulum patet: indigna certè, quòd aliquando viderit Solem, digna verò quòd perpetuæ obliuioni tradatur, & nocti, quam Aegyptiacæ tenebræ occuparent, & caligo obscurissima inuolueret, deditur; vt
 pote quæ etiam Sanctis
 non parcat.

•••••

PROPOSITIO LI.

Vnde mirum non est, quosdam multa passos pro Dei gloria, etiamsi morte naturali extincti sint, inter Martyres computatos.

AT mihi mirum est, Theologum adeò delicatum Martyrem, qui mallet acerbissimam mortis subire, quàm famæ & honoris patî iacturam: imò potius vellet occidere alterum ob defensionem honoris proprii, & ad euadendam aliquam contumeliam grauem, hæc tam inconcinne, sine connexionẽ subdentem, vt dissolutas compages corporis infirmi huius Epistolæ non possit Lector non obstupescere. Dum enim tractasset Theologus de perpeffione infamiae, aut inhonorationis, & postmodum de laboribus vitæ Apostolicæ, ecce adducit quosdam multa passos, mortẽ naturali extinctos, inter Martyres tamen computatos. Mi Theologè, ad quid enim hæc subiunxisti? Hi quos inducis passi sunt, non solius honoris & famæ iacturam, aut labores vitæ Apostolicæ; sed etiam passiones merè corporales exterius illatas; & computati sunt inter Martyres, non quia honoris aut famæ passi sunt iacturam, aut labores vitæ Apostolicæ sustinuerunt (alioquin & Confessores & Doctores essent Martyres) sed quia sustinuerunt passiones exterius illatas, & eas vicerunt. Vt enim docet S. Thomas in 4. dist. 42. q. 5. art. 3. quæstion. 2. Martyrij aureola debetur propter perfectissimam victoriam de exterioribus. Et in resp. ad 4. ait. *Difficultati illi, quæ accidit in sustinẽdo dolores tactus putæ, quisunt in verberibus, & huiusmodi, debetur aureola magis, quàm difficultati sustinẽdi interiores dolores, pro quibus tamẽ aliquis nõ proprie dicitur Martyr nisi*

n. nisi secundum quandam similitudinem. Et in resp. ad Sait. Soli iniuria, quae irrogatur circa corpus proprium ex qua nata est mors sequi, debetur aureola. Sine igitur aliquis propter Christum res temporales, siue famam, vel quicquid huiusmodi amittat, non efficitur propter hoc propriè Martyr, nec meretur aureolam. Nec plus aliquis potest ordinate res exteriores diligere, quam proprium corpus. Amor autem inordinatus non coadiuuat ad meritum aureolae. Nec etià potest dolor de amissione rerum coaquari dolori de corporis occisione, & alijs huiusmodi. Hæc S. Thomas. Tu autem Theologe aperi oculos & vide, an Propositiones tuas ex doctrina S. Thomæ decerperis, ut pollicitus eras. Sed condonandum est tibi. Lippos enim oculos habes, & non valuisti fortiter infingere aciem visus tua in Solem splendissimum radiantem in pectore Thomæ Aquinatis.

PROPOSITIO LII.

*Sic Ecclesia S. Marcellum Papam pro martyre colit
16. Ianuarij, S. Felicem 14. Ianuar. & S. Hyginum Papam 11. Ianuar.*

HÆC Propositio imperitiam Authoris ostendit, eumque prodit Historiarum minimè gnarum. Si tacuisset, nunquam poenituisset eum silentij, at fortassis nunc poenitebit eum locutum fuisse. Ut autem in aperto cernas inscitiam eius, euolue historias singulorum, quos adducit. Et in primis S. Marcelli Papæ: de quo Martyrologium Romanum sic hacet: *Roma via Salaria natalis Sancti Marcelli Papæ & Martyris, qui ob Catholica*
fidei

fidei confessionem, iubente *Maxentio* tyranno, primo fustibus casus, deinde ad servitium animalium cum custodiâ publica deputatus, ibidem serviendo amictu indutus cilicino defunctus est. In primo verò Tomo Conciliorum sic de ipso habetur: *In servitio animalium, nudus, amictus cilicio, defunctus est.* *Platina* verò in libro de vitis Pontificum sic ait: *Mense nono captivitatæ suæ, à clericis nocte à catabulo liberatus est.* Quæ ex re maiori percussus ira *Maxentius Sanctissimum virum* in catabulum redegit: ubi cum fœdè & incommodè habitaret, padore & situ mortuus est. S. verò *Thomas* in 4. Dist. 49. q. 5. art. 3. quæstiunc. 1. ad 7. ait. Si ex vulnere mortali suscepto non moriatur aliquo casu contingenti, vel etiam vulnera non mortalia susceperit, & adhuc carcerem sustinens moriatur, adhuc aureolam meretur: unde & quorundam Sanctorum Martyria in Ecclesia celebrantur, qui in carcere mortui sunt, aliquibus verberibus longè antè susceptis; sicut patet de *Marcello* Papa. Qualitercunque igitur afflictio propter Christum illata usque ad mortem continuetur, siue mors inde sequatur, siue non, aliquis Martyr efficitur, & aureolam meretur. Si verò non continuetur usque ad mortem, non propter hoc aliquis dicetur Martyr. Sicut patet de *Syluestro*, de quo non solemnitat Ecclesia, sicut de Martyre, quia in pace vitam finivit, quamvis prius aliquas passiones sustinuerit. Hæc S. *Thomas*. Ex his omnibus habes, *Marcellam* passiones exterius illas sustinu.

sustinuisse, imò & vsque ad mortem eas contiguatas fuisse, & amplius easdem causam mortis eius exitisse. Loci enim sceditate multisque ærumnis afflictus obiit. Non ergo omninò morte naturali, vt ait Theologus, extinctus est. De S. verò Felice sic habet Martyrologium Romanum : *Nola in Cápania natalis S. Felicis presbyteri, qui vt S. Paulinus Episcopus scribit, cum à persecutoribus post tormenta in carcerem mitteretur, & cochleis ac restibus vinctus superpositus iaceret, nocte ab Angelo solutus, atque eductus fuit: postmodum verò cessante persecutio- ne, cum vitæ exemplo ac doctrina multos ad fidem Christi conuertisset, clarus miraculis in pace quieuit.* Ex quo patet, S. Felicem non solum iacturam honoris, aut famæ, & labores vitæ Apostolicæ sustinuisse, sed etiam afflictiones corporis ab extrà illatas perpeßum fuisse. Tandem de S. Hygino sic Martyrologium Rom. habet: *Rómæ natalis S. Hygini Papæ, qui in persecutione Antonini gloriósè martyrium consummauit.* Baronius verò in Annotationibus dicit: *Sub persecutione Antonini coronatum esse martyrio. Idem lib. Roman. Pontif. Euseb. in Chron. & alij omnes testantur.* In Annalibus vero sic ait : *Christi anno 158 Syluano & Augurino Coss. undecima Ianuar. Hyginus Romanus Pontifex, cum sedisset annos quatuor, duobus minüs diebus (vt colligitur ex tempore ingressus eius, vsque ad diem, qui natalitio ipsius ad scriptus est in Romano Martyrologio) moritur Martyr.* Hæc ille. Et licet quòd ad res Hygini ipse stat remanserunt (vt ait idem Baronius loco citato) sicut & aliorum

rum quorundam antiquorum Romanorum Pontificum prorsus obscuræ: non tamen ambigendum est, eum Martyrio vitam finivisse. Sicut etiam quorunda Sanctorum Historiæ non sūt prorsus indubitatæ, & Christophori S. Georgij, Catharinæ: non tamen dubitandum est, eos verè Sanctos Martyres fuisse. Turpissime ergo erravit, & contra manifestam veritatem Historiæ locutus est Theologus, Sanctum Hyginum Papam morte naturali extinctum fuisse, & ex hoc solo convincitur maxima ignorantia Authoris in Historijs.

PROPOSITIO LIII.

Et S. Lutgardis Virgo Ordinis Cisterciensis, ad æqualem gloriam cum S. Catharina Virgine & Martyre electa fuit, etsi sine ferro & sanguine obierit, teste Thoma Cantipratano, apud Surium 16. Junij.

HÆC Propositio incongruè adducitur ab Authore, cuius intentio est monstrare, quosdam multa passos pro Dei Gloria, etiam si mortē naturali extinctos, tamen inter Martyres computatos. Aliud est enim aurea, aliud est aureola, vt docet S. Thomas in 4. Senten. Dist. 49. q. 5. art. 1. Cuius solius auctoritas citatur, quia Theologo sufficere creditur, vt assentiatur, eo quod additissimum eidem S. Doctori se ipsum esse, mentitur. Verba S. Doctoris sunt hæc. *Opus meritorium rationē meriti ex duobus habet, quibus habet etiam bonitatis rationem, scilicet ex radice charitatis, quæ refertur in finem ultimum: & sic debetur ei essentiale præmium,*

miu[m], scilicet peruentio ad finem quæ est aurea : & ex ipso genere actus quod laudabilitatem quandam habet ex debuis circumstantiis, & ex habitu eliciente, & proximo fine : & sic debetur ei quoddam accidentale premium, quod aureola dicitur. In fine vero corporis articuli dicit. Vnde oportet aureolam ab aurea differre. In responsione vero ad 2. dicit. Non ipsum premium essentiale magis intensum dicitur aureola, sed id quod premio essentiali superadditur indifferenter, siue sit maius premium essentiale habentis aureolam siue minus, siue aequale premio essentiali non habentis. Et in respons. ad 5. ait. Maior est excellentia meriti, quæ consurgit ex charitate, quam illa quæ consurgit ex genere actus : sicut finis ad quem ordinatur charitas, est potior usque sunt ad finem, circa quæ actus nostri consistunt, unde etiam premium respondens merito ratione charitatis, quantumcunque sit paruum, est maius quolibet premio respondente actui, ratione sui generis ; & ideo aureola diminutiuè dicitur, respectu aureæ. Articulo vero 3. quæstiunc. 2. in resp. ad 3. ait. Cum actus Martyrii maximam difficultatem habeat, voluntas Martyrii non pertingit ad illud meritum, quod actui Martyrii debetur ratione difficultatis : quamuis possit etiam peruenire ad alterius premiũ, consideret a radice merendi quia aliquis ex maiore charitate potest velle sustinere Martyrium, quam alius sustineat ; unde voluntarie Martyr potest mereri sua voluntate premium essentiale aequale, vel maius eo, quod Martyri debetur, sed

aureola debetur difficultati, quæ est in ipsa pugna Martyrij, unde aureola voluntarie Martyribus non debetur. Conformiter ad id art. 5. eiusdem q. quæstiunc. 3. inquit. Sciendum quod meritum aureole potest intendi dupliciter. Uno modo ex parte radicis: Alio modo ex parte operis. Contingit enim esse aliquos duos, quorum unus ex minori charitate maius tormentum martyrij sustinet, vel magis predicationi instat, aut etiam magis se à delectationibus carnis elongat. Intensionem ergo meriti, quæ attenditur penes radicem, non respondet intensio aureole, sed intensio Aureæ; Sed intensioni meriti, quæ est ex genere actus, respondet intensio aureole. Unde potest esse, quod aliquis, qui minus in martyrio mereatur, quantum ad essentialè præmium, habeat pro Martyrio maiorem aureolam. Hæc S. Thomas. Ex quibus habetur, quod S. Lutgardis ad æqualem gloriam essentialè siue ad æqualem auream, siue ad æquale præmium essentialè cum S. Catharina Virgine & Martyre, electa est; non tamen ad æqualem aureolam Martyrij, cum sine ferro & sanguine obierit. Quia autem Theologus omnia inuoluit, & minimè distinguit, ideo hoc nomine meritò reprehensibilis censetur,



PROPOSITIO LIV.

Eandemque ob causam S. Damascenus in vita S. Barlaam & Iosaphat scriptum reliquit, Religiosos animo ac voluntate Martyres effectos, ea gloria, quam martyres obtinent, minime carere.

HAE C Propositio æquæ est incongrua, & inuoluta ac præcedens. Religiosi enim animo ac voluntate Martyres effecti ea gloria essentiali, quam Martyres obtinent, minime carent; at carentea gloria, quæ dicitur aureola. Martyres enim animo ac voluntate tantum, non sunt propriè Martyres: ut docet Sanctus Thomas in 4. Sent. D. 49. q. 5. art. 3. quæstiunc. 2. ad 5. *Afflictio*, inquit, *pœnitentiæ non est propriè loquendo martyrium, quia non consistit in his, quæ ad mortem inferendam ordinantur, cum ordinetur solum ad carnem domandam, quam mensuram si excesserit, erit afflictio culpanda.* Dicitur ergo propter similitudinem afflictionis martyrium, quæ quidem afflictio excedit Martyrij afflictionem diuturnitate, sed exceditur intensione. Articulo vero 5. quæstiunc. 1. in resp. ad 2. ait. *Paupertas quamuis sit opus perfectionis, non tamen tenet summum locum in aliqua spiritali pugna, quia amor corporalium minùs impugnat, quàm concupiscentia carnis, vel persecutio inflicta in corpus proprium.* Vnde pauperitati non debetur aureola, sed debetur ei iudiciaria potestas, ratione humiliationis, quæ consequitur paupertatem, ut suprà dictum est

Glossa

Glossa autem inducta largè accipit aureolam pro quolibet premio, quod redditur merito excellenti. Et similiter, inquit, dicendum ad 3. & 4. Tertium autem argumentum erat de obedientia. Quartum de operibus supererogationis. Sed in vniuersum docuit S. Thomas, quod aureola voluntariè tantum Martyribus non debetur, vt circa Propositionem præcedentem visum est.

PROPOSITIO LV.

Quod certè magis locum habet in ijs, qui iuxta signum bonorum à S. Bernardo traditum, plura quàm alij bona faciunt, & plura quàm alij mala patiuntur, & minores fauores & laudes & applausus humanos reportant.

HÆC Propositio æquè ac præcedens est implicata. Idenique qui plura quàm alij bona faciunt, & plura quàm alij mala patiuntur, & minores fauores & laudes & applausus humanos reportant etsi ea gloria essentiali, qua Martyres, minimè carent, aureolam tamen Martyrij non obtinent; alioquin & Confessores essent Martyres. Cæterum ne quis signis bonorum deficiat, expendenda sunt ea, & limitanda iuxta Sacram Scripturam & doctrinam Sanctorum. Ij ergo sunt boni, qui plura & perfectiora, quàm alij bona faciunt, secundum mentem eiusdem Theologi expressam in Propositione IV. Plus enim est aliquot opera perfecta facere, quàm plurima imperfecta & tepida. Illi sunt boni, qui plura quàm alij mala patiuntur, sed patienter patiuntur. Nam plurimi non patienter patiuntur, imò inuiti patiuntur? & ideo patienter non merentur, quia meritum non est in sola passione

one

one, sed in patienti perpeſſione: ſiue plura, quàm alij, mala patiuntur: at non faciunt alios pati. Sæpe enim aliqui idè patiuntur, quia alios pari faciunt, quando videlicet anguſtiantur vaſa carnis, quia non dilatantur ſpatia charitatis: ſiue plura quàm alij mala patiuntur, ſed non reſiſtunt, ad imitationem Chriſti, qui vicit non reſiſtendo, ſed patiendo, & ad exemplum Martyrum à Theologo inductorum qui ſi reſiſtiſſent, minimè Martyres fuiſſent: vt vel inde agnoſcas, eos qui reſiſtunt, neque inter voluntarie Martyres computandos; vt pote qui non ſatiſ faciunt præcepto Chriſti Matth. 5. *Esſto inquit, conſentiens aduerſario tuo.* Et iterum: *Ego autem dico vobis, non reſiſtere malo, ſed ſi quiſ te percuſerit in dexteram maxillam tuam, præbe illi & alteram: & ei qui vult tecum iudicio contendere, & tunicam tuam tollere, dimitte ei & pallium: & quicumque te angarianerit mille paſſus, vade cum illo & alia duo.* Neque ſatis faciunt conſilio

Pauli ad Roman. 12. *Nulli malum pro malo reddentes, providentes bona non tantum coram Deo, ſed etiam coram omnibus hominibus. Si fieri poteſt, quod ex vobis eſt, cum omnibus hominibus pacem habentes. Non voſmetipſos defendentes chariſſimi, ſed date locum iræ.* Noli

vinci à malo, ſed vince in bono malum. Siue plura quàm alij mala patiuntur, ſed non patiuntur ſicut ille, cui dictum eſt Ioan. 5. *Noli peccare, ne deterius aliquid tibi contingat:* multi enim mali plura, quàm alij, mala patiuntur: ſed patiuntur boni, ſicut ille, cui dictum eſt Ioann. 9. *Neque*

hic

PROPOSITIO LI.

Vnde mirum non est, quosdam multa passos pro Dei gloria, etiamsi morte naturali extincti sint, inter Martyres computatos.

AT mihi mirum est, Theologum adeò delicatum Martyrem, qui mallet acerbissimam mortis subire, quàm famæ & honoris patij iacturam: imò potius vellet occidere alterum ob defensionem honoris proprii, & ad euadendam aliquam contumeliam grauem, hæc tam inconcinnè, sine connexionẽ subdentem, vt dissolutas compages corporis infirmi huius Epistolæ non possit Lector non obstupescere. Dum enim tractasset Theologus de perpeffione infamiæ, aut inhonorationis, & postmodum de laboribus vitæ Apostolicæ, ecce adducit quosdam multa passos, morte naturali extinctos, inter Martyres tamen computatos. Mi Theologè, ad quid enim hæc subiunxisti? Hi quos inducis passi sunt, non solius honoris & famæ iacturam, aut labores vitæ Apostolicæ; sed etiam passiones merè corporales exterius illatas; & computati sunt inter Martyres, non quia honoris aut famæ passi sunt iacturam, aut labores vitæ Apostolicæ sustinuerunt (alioquin & Confessores & Doctores essent Martyres) sed quia sustinuerunt passiones exterius illatas, & eas vicerunt. Vt enim docet S. Thomas in 4. dist. 49. q. 5. art. 3. quæstion. 1. Martyrij aureola debetur propter perfectissimam victoriam de exterioribus. Et in resp. ad 4. ait. *Difficultati illi, quæ accidit in sustinendo dolores tactus putæ, qui sunt in verberibus, & huiusmodi, debetur aureola magis, quàm difficultati sustinendi interiores dolores, pro quibus tamẽ aliquis nõ proprie dicitur Martyr nisi*

n. iſi ſecundum quandam ſimilitudinem. Et in reſp. ad Sait. Soli iniuria, quæ irrogatur circa corpus proprium ex qua nata eſt mors ſequi, debetur aureola. Siue igitur aliquis propter Chriſtum res temporales, ſive famam, vel quicquid huiusmodi amittat, non efficitur propter hoc propriè Martyr, nec meretur aureolam. Nec plus aliquis poteſt ordinate res exteriores diligere, quam proprium corpus. Amor autem inordinatus non coadiuvatur ad meruū aureole. Nec etiā poteſt dolor de amiſſione rerū coaquari dolori de corporis occiſione, & alijs huiusmodi. Hæc S. Thomas. Tu autem Theologe aperi oculos & vide, an Propositiones tuas ex doctrina S. Thomæ decerperis, ut pollicitus eras. Sed condonandū eſt tibi. Lippos enim oculos habes, & non valuiſti fortiter ingere aciem viſus tua in Solem ſplendiſſimum radiantem in pectore Thomæ Aquinatis.

PROPOSITIO LII.

*Sic Eccleſia S. Marcellum Papam pro martyre colit
16. Ianuarij, S. Felicem 14. Ianuar. & S. Hyginum Papam 11. Ianuar.*

HÆC Propoſitio imperitiā Authoris oſtendit, eumque prodit Historiarum minimè gnarum. Si tacuiſſet, nunquam poenituiſſet eum ſilentij, at fortaſſis nunc poenitebit eum locutum fuiſſe. Ut autem in aperto cernas inſcitiam eius, evolue historias ſingulorum, quos adducit. Et in primis S. Marcelli Papæ: de quo Martyrologium Romanum ſic hacet: *Roma via Salaria natalis Sæcti Marcelli Papæ & Martyris, qui ob Catholica*

PROPOSITIO LI.

Vndemirum non est, quosdam multa passos pro Dei gloria, etiamsi morte naturali extincti sint, inter Martyres computatos.

AT mihi mirum est, Theologum adeò delicatum Martyrem, qui mallet acerbicatem mortis subire, quàm famæ & honoris patij iacturam: imò potius vellet occidere alterum ob defensionem honoris propriij, & ad euadendam aliquam contumeliam grauem, hæc tam inconcinnè, sine connexionẽ subdentem, vt dissolutas compages corporis infirmi huius Epistolæ non possit Lector non obstupescere. Dum enim tractasset Theologus de perpeffione infamiæ, aut inhonorationis, & postmodum de laboribus vitæ Apostolicæ, ecce adducit quosdam multa passos, morte naturali extinctos, inter Martyres tamen computatos. Mi Theologè, ad quid enim hæc subiunxisti? Hi quos inducis passi sunt, non solius honoris & famæ iacturam, aut labores vitæ Apostolicæ; sed etiam passiones merè corporales exterius illatas; & computati sunt inter Martyres, non quia honoris aut famæ passi sunt iacturam, aut labores vitæ Apostolicæ sustinuerunt (alioquin & Confessores & Doctores essent Martyres) sed quia sustinuerunt passiones exterius illatas, & eas vicerunt. Vt enim docet S. Thomas in 4. dist. 49. q. 5. art. 3. quæstiun. 2. Martyrij aureola debetur propter perfectissimam victoriam de exterioribus. Et in resp. ad 4. ait. *Difficultati illi, quæ accidit in sustinẽdo dolores tactus putæ, quisunt in verberibus, & huiusmodi, debetur aureola magis, quàm difficultati sustinẽdi interiores dolores, pro quibus tamẽ aliquis nõ propriè dicitur Martyr nisi*

n. iſi ſecundũ quandam ſimilitudinem. Et in reſp. ad Sait. Soli iniurie, quæ irrogatur circa corpus proprium ex qua nata eſt mors ſequi, debetur aureola. Siue igitur aliquis propter Chriſtum res temporales, ſive famam, vel quicquid huiusmodi amittat, non efficitur propter hoc propriè Martyr, nec meretur aureolam. Nec plus aliquis poteſt ordinate reſ exteriores diligere, quam proprium corpus. Amor autem inordinatus non coadiuvatur ad meritiũ aureolæ. Nec etiã poteſt dolor de amiſſione rerũ coaquari dolori de corporis occiſione, & alijs huiusmodi. Hæc S. Thomas. Tu autem Theologe aperi oculos & vide, an Propoſitiones tuas ex doctrina S. Thomæ decerperis, ut pollicitus eras. Sed condonandũ eſt tibi. Lippos enim oculos habes, & non valuiſti fortiter inſigere aciem viſus tua in Solem ſplendiſſimum radiantem ipectore Thomæ Aquinatis.

PROPOSITIO LII.

*Sic Eccleſia S. Marcellum Papam pro martyre colit
16. Ianuarij, S. Felicem 14. Ianuar. & S. Hyginum Papam 11. Ianuar.*

HÆC Propoſitio imperitiã Authoris oſtendit, eumque prodit Historiarum minimè gnarum. Si tacuiſſet, nunquam pœnituiſſet eum ſilentij, at fortassis nunc pœnitebit eum locutum fuiſſe. Ut autem in aperto cernas inſcitiam eius, evolue historias ſingulorum, quos adducit. Et in primis S. Marcelli Papæ: de quo Martyrologium Romanum ſic hæcet: *Roma via Salaria natalis Sacti Marcelli Papæ & Martyris, qui ob Catholico*

fidei confessionem, iubente Maxentio tyranno, primo fustibus caesus, deinde ad seruitium animalium cum custodia publica deputatus, ibidem seruiendo amictu indutus cilicino defunctus est. In primo verò Tomo Conciliorum sic de ipso habetur: *Inseruitio animalium, nudus, amictus cilicio, defunctus est.* Platina verò in libro de vitis Pontificum sic ait: *Mense nono captiuitatis suae, à clericis nocte à catabulo liberatus est.* Quae ex re maiori percussus ira Maxentius Sanctissimum virum in catabulum redegit: ubi cum foede & incommodè habitaret, pedore & sinu mortuus est. S. verò Thomas in 4. Dist. 49. q. 5. art. 3. quæstiunc. 1. ad 7. ait. *Si ex vulnere mortali suscepto non moriatur aliquo casu contingenti, vel etiam vulnera non mortalia susceperit, & adhuc carcerem sustinens moriatur, adhuc aureolam meretur: unde & quorundam Sanctorum Martyria in Ecclesia celebrantur, qui in carcere mortui sunt, aliquibus verberibus longè antè susceptis; sicut patet de Marcello Papa.* Qualitercunque igitur afflictio propter Christum illata usque ad mortem continuetur, siue mors inde sequatur, siue non, aliquis Martyr efficitur, & aureolam mereitur. Si verò non continuetur usque ad mortem, non propter hoc aliquis dicetur Martyr. Sicut patet de Syluestro, de quo non solemniizat Ecclesia, sicut de Martyre, quia in pace vitam finiuit, quamuis prius aliquas passiones sustinuerit. Hæc S. Thomas. Ex his omnibus habes, Marcellam passiones exterius illaras sustinu.

sustinuisse, imò & vsque ad mortem eas continuatas fuisse, & amplius eandem causam mortis eius extitisse. Locum enim sceditate multisque ærumnis afflictus obiit. Non ergo omninò morte naturali, vt ait Theologus, extinctus est. De S. verò Felice sic habet Martyrologium Romanum : *Nola in Cápania natalis S. Felicis presbyteri, qui vt S. Paulinus Episcopus scribit, cum à persecutoribus post tormenta in carcerem mitteretur, & cochleis ac vestibibus vinctus superpositus iaceret, nocte ab Angelo solutus, atque eductus fuit: postmodum verò cessante persecutione, cum vitæ exemplo ac doctrina multos ad fidem Christi conuertisset, clarus miraculis in pace quieuit.* Ex quo patet, S. Felicem non solum iacturam honoris, aut famæ, & labores vitæ Apostolicæ sustinuisse, sed etiam afflictiones corporis ab extrà illatas perpeßum fuisse. Tandem de S. Hygino sic Martyrologium Rom. habet: *Rome natalis S. Hygini Papæ, qui in persecutione Antonini gloriose martyrium consummauit.* Baronius verò in Annotationibus dicit: *Sub persecutione Antonini coronatum esse martyrio. Idem lib. Roman. Pontif. Euseb. in Chron. & alij omnes testantur.* In Annalibus vero sic ait : *Christi anno 158 Syluano & Augurino Coss. undecima Ianuar. Hyginus Romanus Pontifex, cum sedisset annos quatuor, duobus minùs diebus (vt colligitur ex tempore ingressus eius, vsque ad diem, qui natalitio ipsius ad scriptus est in Romano Martyrologio) moritur Martyr.* Hæc ille. Et licet quoddam res Hygini ipse stat remanserunt (vt ait idem Baronius loco citato) sicut & aliorum

rum quorundam antiquorum Romanorum Pontificum, prorsus obscuræ: non tamen ambigendum est, eum Martyrio vitam finivisse. Sicut etiam quorunda Sanctorum Historiæ non sunt prorsus indubitatæ, & Christophori S. Georgij, Catharinæ: non tamen dubitandum est, eos verè Sanctos Martyres fuisse. Turpissime ergo erravit, & contra manifestam veritatem Historiæ locutus est Theologus, Sanctum Hyginum Papam morte naturali extinctum fuisse, & ex hoc solo convincitur maxima ignorantia Authoris in Historijs.

PROPOSITIO LIII.

Et S. Lutgardis Virgo Ordinis Cisterciensis, ad æqualem gloriam cum S. Catharina Virgine & Martyre electa fuit, etsi sine ferro & sanguine obierit, teste Thoma Cantipratano, apud Surium 16. Junij.

HÆC Propositio incongruè adducitur ab Authore, cuius intentio est monstrare, quosdam multa passos pro Dei Gloria, etiam si morte naturali extinctos, tamen inter Martyres computatos. Aliud est enim aurea, aliud est aureola, ut docet S. Thomas in 4. Senten. Dist. 49. q. 5. art. 1. Cuius solius auctoritas citatur, quia Theologo sufficere creditur, ut assentiatur, eo quod additissimum eidem S. Doctori se ipsum esse, mentitur. Verba S. Doctoris sunt hæc. *Opus meritorium ratione meriti ex duobus habet, quibus habet etiam bonitatis rationem, scilicet ex radice charitatis, quæ refertur in finem ultimum: & sic debetur ei essentiale premium,*

miū, scilicet peruentio ad finem quæ est aurea : & ex ipso genere actus quod laudabilitatem quandam habet ex debitis circumstantiis, & ex habuu eliciente, & proximo fine : & sic debetur ei quoddam accidentale premium, quod aureola dicitur. In fine vero corporis articuli dicit. Vnde oportet aureolam ab aurea differre. In responsione vero ad 2. dicit. Non ipsum premium essenziale magis intensum dicitur aureola, sed id quod premio essentiali superadditur indifferenter, siue sit maius premium essenziale habentis aureolam siue min⁹, siue æquale premio essentiali non habentis. Et in respons. ad 5. ait. Maior est excellentia meriti, quæ consurgit ex charitate, quam illa quæ consurgit ex genere actus : sicut finis ad quem ordinatur charitas, est potior iis quæ sunt ad finem, circa quæ actus nostri consistunt, unde etiam premium respondens merito ratione charitatis, quantumcunque sit paruum, est maius quolibet premio respondente actui, ratione sui generis ; & ideo aureola diminutiuè dicitur, respectu aureæ. Articulo vero 3. quæstiunc. 2. in resp. ad 3. ait. Cum actus Martyrii maximam difficultatem habeat, voluntas Martyrii non pertingit ad illud meritum, quod actui Martyrii debetur ratione difficultatis : quamuis possit etiam peruenire ad alterius premiū, consideret a radice merendi quia aliquis ex maiore charitate potest velle sustinere Martyrium, quam alius sustineat ; unde voluntarie Martyr potest mereri sua voluntate premium essenziale æquale, vel maius eo, quod Martyri debetur, sed

aureola debetur difficultati, quæ est in ipsa pugna Martyrii, unde aureola voluntarie Martyribus non debetur. Conformiter ad id art. 5. eiusdem q. quæstiunc. 3. inquit, Sciendum quod meritum aureolæ potest intendi dupliciter. Uno modo ex parte radicis: Alio modo ex parte operis. Contingit enim esse aliquos duos, quorum unus ex minori charitate maius tormentum martyrii sustinet, vel magis prædicationi instat, aut etiam magis se à delectationibus carnis elongat. Intensionem ergo meriti, quæ attenditur penes radicem, non respondet intensio aureolæ, sed intensio Aureæ; Sed intensio meriti, quæ est ex genere actus, respondet intensio aureolæ. Unde potest esse, quod aliquis, qui minus in martyrio mereatur, quantum ad essentialè præmium, habeat pro Martyrio maiorem aureolam, Hæc S. Thomas. Ex quibus habetur, quod S. Lutgardis ad æqualem gloriam essentialè siue ad æqualem auream, siue ad æquale præmium essentialè cum S. Catharina Virgine & Martyre, electa est; non tamen ad æqualem aureolam Martyrii, cum sine ferro & sanguine obierit. Quia autem Theologus omnia inuoluit, & minimè distinguit, ideò hoc nomine meritò reprehensibilis censetur,



PROPOSITIO LIV.

Eandemque ob causam S. Damascenus in vita S. Barlaam & Iosaphat scriptum reliquit, Religiosos animo ac voluntate Martyres effectos, ea gloria, quam martyres obtinent, minime carere.

HAE C Propositio æquæ est incongrua, & inuoluta ac præcedens. Religiosi enim animo ac voluntate Martyres effecti ea gloria essentiali, quam Martyres obtinent, minime carent; at carentea gloria, quæ dicitur aureola. Martyres enim animo ac voluntate tantum, non sunt propriè Martyres: ut docet Sanctus Thomas in 4. Sent. D. 49. q. 5. art. 3. quæstiunc. 2. ad 5. *Afflictio*, inquit, *pœnitentiæ non est propriè loquendo martyrium*, quia non consistit in his, quæ ad mortem inferendam ordinantur, cum ordinetur solum ad carnem domandam, quam mensuram si excesserit, erit afflictio culpanda. Dicitur ergo propter similitudinem afflictionis martyrium, quæ quidem afflictio excedit Martyrii afflictionem diuturnitate, sed exceditur intensione. Articulo vero 5. quæstiunc. 1. in resp. ad 2. ait. *Paupertas quamuis sit opus perfectionis, non tamen tenet summum locum in aliqua spiritali pugna, quia amor corporalium minùs impugnat, quàm concupiscentia carnis, vel persecutio inflicta in corpus proprium. Vnde pauperitati non debetur aureola, sed debetur ei iudiciaria potestas, ratione humiliationis, quæ consequitur paupertatem, ut supra dictum est*

Glossa

one, sed in patienti perpeſſione: ſiue plura, quàm alij, mala patiuntur: at non faciunt alios pati. Sæpe enim aliqui idè patiuntur, quia alios pari faciunt, quando videlicet anguſtiantur vaſa carnis, quia non dilatantur ſpatia charitatis: ſiue plura quàm alij mala patiuntur, ſed non reſiſtunt, ad imitationem Chriſti, qui vicit non reſiſtendo, ſed patièdo, & ad exemplum Martyrum à Theologo inductorum qui ſi reſiſtiſſent, minimè Martyres fuiſſent? vt velinde agnoſcas, eos qui reſiſtunt, neque inter voluntarie Martyres computandos; vt pote qui non ſatiſfaciunt præcepto Chriſti Matth. 5. *Eſto inquit, conſentiens aduerſario tuo.* Et iterum: *Ego autem dico vobis, non reſiſtere malo, ſed ſi quiſ te percuſerit in dexteram maxillam tuam, præbe illi & alteram: & ei qui vult tecum iudicio contendere, & tunicam tuam tollere, dimitte ei & pallium: & quicumque te angariauerit mille paſſus, vade cum illo & alia duo.* Neque ſatis faciunt conſilio Pauli ad Roman. 12. *Nulli malum pro malo reddentes, prouidentes bona non tantum coram Deo, ſed etiam coram omnibus hominibus. Si fieri poteſt, quod ex vobis eſt, cum omnibus hominibus pacem habentes. Non voſmetipſos defendentes chariſſimi, ſed date locum ira.* Noli vinci à malo, ſed vince in bono malum. Si uè plura quàm alij mala patiuntur, ſed non patiuntur ſicut ille, cui dictum eſt Ioan. 5. *Noli peccare, ne deterius aliquid tibi contingat:* multi enim mali plura, quàm alij, mala patiuntur: ſed patiuntur boni, ſicut ille, cui dictum eſt Ioann. 9. *Neque*

hic

hic peccauit neque parentes eius; sed ut manifestentur opera Dei in illo. Denique plura quàm alii mala patiuntur, nomine Christi, & propter Christum, secundum quod scriptum est 1. Pet. 4. Si exprobramini in nomine Christi, beati eritis; quoniam quod est honoris, glorie, & virtutis Dei, & qui est eius Spiritus, super vos requiescit. Nemo autem vestrum patiatur, ut homicida, aut fur, aut maledicus, aut alienorum appetitor. Si autem ut Christianus, non erubescat; glorificet autem Deum in isto nomine, quoniam tempus est, ut incipiat iudicium à domo Dei. Ij sunt boni, qui minores fauores & laudes & applausus humanos reportant; sed eos minimè quærunt. Plerique enim idè iusto Dei iudicio minores fauores & applausus humanos reportant, quia eos quærunt: secundum dictum Chrysostomi hom. 39. ad popul. Antich. *Gloriam*, inquit, aliter assequi non licet, nisi gloriam fugiendo, nam donec quidem eam sectamur, nos fugit, cum autem eam fugimus, nos ipsa sequitur. Quamobrem homil. 72. in Cap. 22. Matth. dicit: Ita contraria tibi eueniunt, quam desideras. Tu quidem maximè cupis, ut de te admirans, Ille misericors, ille humanus, ille benignus, dicat: Ipse autem istud non dicet: sed, Ille inanis glorie cupidus predicabit, ille qui omnibus quouis modo placere hominibus studeat, ceteraque his deteriora. Si verò tu calabis: tunc exclamabit: O misericordem illum atque humanum. Non enim grande aliquid aut præcipuum occultari diutius Deus patitur; sed si tu calabis, ille manifestabit. Ita & mirabilior

diutius Deus patitur; sed situ celabis, ille manifestabit. Ita & mirabilior eris, & maiora lucraberis. Quare ad acquirendam gloriam contraria est omnino ostentatio. Nam ad quod festinanter pergimus, ad illud impedimento solet maxime esse. Non enim beneficentie gloriam solum amittimus, sed contrarium quoque acquirimus, & ad hac non parvis nos incommodis subiicimus. Et Hom. 35. imperfecti operis in Math. Primatus, inquit, fugientem se desiderat, desiderantem se odit. Et Hom. 29. in Epist. 2. ad Corinth. ait. Si vis gloria fulgere, gloriam contemne: si gloriam sectaberis, gloria excides. Consonat his Gregorius Magnus lib. 31. Moral. cap. 7. Bene, inquit, de superbis dicitur, quod eorum facies in foueam demerguntur; quia ima petunt, dum Superbiendo altiora appetunt, & quò magis extollendo se erigunt, eò magis ruendo inferius tendunt. Conformiter ad idem Prouerb. 29. dicitur. superbum sequitur humilitas, & humilem spiritu suscipiet gloria. Et Prouerb. 16. Contritionem precedit superbia, & ante ruinã exaltatur spiritus. Ecclesiastici quoq; 10. Radices gentium superbarum arefecit Dominus, & plantauit humiles.

PROPOSITIO LVI.

Illas Religiones plures facias, in quibus maius est Orationis studium, quàm Psalmodia.

L

HÆC

HÆC Propositio est contumeliosa & iniuriosa in Religionibus; supponit enim, quòd in aliquibus Religionibus maius est studiũ Psalmodię, quàm Orationis. Itẽ est subuersiua iuuetutis, quę inde potest habere occasionẽ, vt abhorreat à Religionib' proficiẽtibus Psalmodiã. Item est fallax, & deceptoria; præscindit enim studium Psalmodię à studio Orationis, quasi Psalmodia non inuoluat orationem, non tantum eam quę dicitur vocalis, sed etiam eam, quę dicitur mentalis. Imò de ratione perfectę Psalmodię Ecclesiasticę est, vt non solum aliquis spiritu, sed & mente psallat Deo, secundum illud Apostoli I. Corinth. 14. *Psallam spiritu, psallam & mente.* Psallere enim spiritu hoc loco accipiunt Ambrosius, & Anselmus pro sono linguę, & externa voce: nam etiam spiritus de spiritu corporali dicitur. Vt sit sensus; psallam lingua, psallam & mente. Et iterum ad Ephes. 5. dicitur. *Loquentes vobismetipsis, in Psalmis, & hymnis, & canticis spiritualibus, cantantes, & psallentes in cordibus vestris Domino.* Denique ad Coloss. 3. *Docentes & commouentes vosmetipsos in Psalmis, hymnis, & canticis spiritualibus, in gratia cantantes in cordibus vestris Deo.* Quibus in locis coniungit Apostolus (vt patet) Psalmodiã siue Orationi vocali, internam orationem. Ineptẽ igitur ista duo disiunxit Theologus. Quamuis enim aliquando contingat, quòd ex Psalmodia aliquis minus lucretur, vel à deuotione retrahatur, id prorsus est per accidens, ex vitio, & defectu quorundam. Et vt inquit S. Thomas super Epist. ad Eph. cap. 5. Lect. 7. *Si ex hoc aliquis commouetur ad dissolutionem vel in gloriam inanem, hoc est, contra intentionem Ecclesię,* Et 2. 2. q. 91. art. 2. ad 5. ait. *Per cantum, quo quis studiosẽ ad delectandum vitur, abstrahitur animus à consideratione eorum, quę cantantur.*

tur. Sed si aliquis cantet propter deuotionem, attentius considerat quæ dicuntur: tum quia diutius moratur super eodem, tum quia, ut Augustinus dicit in 10. Confess. Omnes affectus spiritus nostri pro sua diuersitate habent proprios modos in voce atque cantu, quorum occulta familiaritate excitantur. Et eadem etiam est ratio de audientibus; in quibus etsi aliquando non intelligant quæ cantantur, intelligunt tamen propter quid cantantur, scilicet ad Laudem Dei, & hoc sufficit ad deuotionem excitandam. Hæc S. Thomas.

Item Propositio dicta est friuola, & deceptoria, ex hoc quasi Religiones illæ non sint pluris faciendæ, in quibus simul est studium Orationis; & studium Psalmodiæ; & maius Orationis studium, quàm Psalmodiæ: præ illis Religionibus, in quibus est tantum studiū Orationis, non item Psalmodiæ. Si enim illa Religio secundum Theologum est perfectior, quæ habet plura media ad assequendum finem suū, & magis ordinata, siue auxilia plura & meliora; utiq; illa Religio, quæ habet Orationem simul & Psalmodiam, erit perfectior, quia plura adiumenta habet ad assecutionem eius finis, ad quem est instituta. Neq; enim Psalmodia officit in Religionibus, quin possint incumbere conuersioni animarum, ut postea patebit: imò Psalmodia multum confert ad prouocandos affectus proximorū in Deum, ut supra monstratum est circa Propositionē XIII. Item dicta Propositio est friuola & deceptoria ex hoc, quod videtur supponere non pertinere ad statū Religionis Psalmodiam & non subseruire perfectioni Religionis. Quorū utrumq; falsum est. Primo enim Psalmodia non solum est non aliena à statu Religionum, etiam conuersioni animarum incumbentiū, ut patet ex consuetudine Religionum à Sancta Sede approbatarum, & ad obeundas functiones, & ministeria circa salutem

HÆC Propositio est contruēliosa & iniuriosa in Religionibus; supponit enim, quòd in aliquibus Religionibus maius est studiū Psalmodię, quàm Orationis. Itē est subuersiua iuuetutis, quę inde potest habere occasionē, vt abhorreat à Religionib⁹ proficiētib⁹ Psalmodiā; Item est fallax, & deceptoria; præscindit enim studium Psalmodię à studio Orationis, quasi Psalmodia non inuoluat orationem, non tantum eam quę dicitur vocalis, sed etiam eam, quę dicitur mentalis. Imò de ratione perfectę Psalmodię Ecclesiasticę est, vt non solum aliquis spiritu, sed & mente psallat Deo, secundum illud Apostoli 1. Corinth. 14. *Psallam spiritu, psallam & mente.* Psallere enim spiritu hoc loco accipiunt Ambrosius, & Anselmus pro sono linguę, & externa voce: nam etiam spiritus de spiritu corporali dicitur. Vt sit sensus, psallam lingua, psallam & mente. Et iterum ad Ephes. 5. dicitur. *Loquentes vobismetipsis, in Psalmis, & hymnis, & canticis spiritualibus, cantantes, & psallentes in cordibus vestris Domino.* Denique ad Coloss. 3. *Docentes & commouentes vosmetipsos in Psalmis, hymnis, & canticis spiritualibus, in gratia cantantes in cordibus vestris Deo.* Quibus in locis coniungit Apostolus (vt patet) Psalmodię siue Orationi vocali, internam orationem. Ineptē igitur ista duo disiunxit Theologus. Quamuis enim aliquando contingat, quòd ex Psalmodia aliquis minus lucretur, vel à deuotione retrahatur, id prorsus est per accidens, ex vitio, & defectu quorundam. Et vt inquit S. Thomas super Epist. ad Eph. cap. 5. Lect. 7. *Si ex hoc aliquis commouetur ad dissolutionem vel in gloriam inanem, hoc est, contra intentionem Ecclesię,* Et 2. 2. q. 91. art. 1. ad 5. ait. *Per cantum, quo quis studiosē ad delectandum vitur, abstrahitur animus à consideratione eorum, quę cantantur.*

tur. Sed si aliquis cantet propter deuotionem, attentius considerat quæ dicuntur: tum quia diutius moratur super eodem, tum quia, ut Augustinus dicit in 10. Confess. Omnes affectus spiritus nostri pro sua diuersitate habent proprios modos in voce atque cantu, quorum occulta familiaritate excitantur. Et eadem etiam est ratio de audientibus; in quibus etsi aliquando non intelligant quæ cantantur, intelligunt tamen propter quid cantantur, scilicet ad Laudem Dei, & hoc sufficit ad deuotionem excitandam. Hæc S. Thomas.

Item Propositio dicta est friuola, & deceptoria, ex hoc quasi Religiones illæ non sunt pluris faciendæ, in quibus simul est studium Orationis, & studium Psalmodiæ; & maius Orationis studium, quàm Psalmodiæ: præ illis Religionibus, in quibus est tantum studiū Orationis, non item Psalmodiæ. Si enim illa Religio secundum Theologum est perfectior, quæ habet plura media ad assequendum finem suū, & magis ordinata, siue auxilia plura & meliora; utiq; illa Religio, quæ habet Orationem simul & Psalmodiam, erit perfectior, quia plura adiumenta habet ad assecutionem eius finis, ad quem est instituta. Neq; enim Psalmodia officit in Religionibus, quin possint incumbere conuersioni animarum, ut postea patebit: imò Psalmodia multum confert ad prouocandos affectus proximorū in Deum, ut supra monstratum est circa Propositionē XIII. Item dicta Propositio est friuola & deceptoria ex hoc, quod videtur supponere non pertinere ad statū Religionis Psalmodiam & non subseruire perfectioni Religionis. Quorū utrumq; falsum est. Primo enim Psalmodia non solum est non aliena à statu Religionum, etiam conuersioni animarum incumbentiū, ut patet ex consuetudine Religionum à Sancta Sede approbatarum, & ad obeundas functiones, & ministeria circa salutem

proximorum destinatarum, Psalmodiam tamen retinentium; Religionem inquam Sanctissimi Dominici, & Seraphici Francisci, & aliorum; sed etiam spectat ad statum Religionis. Religio enim (vt habet S. Thomas 2. 2. q. 81. ar. 1. in corp.) videtur dicta à relegendo ea, quae sunt diuini cultus: quia huiusmodi sunt frequenter in corde reuoluenda secundum illud Prouerb. 3. In omnibus vijs tuis cogita illum. Quamuis etiam possit intelligi Religio ex hoc dicta, quod Deum reeligere debemus, quem amiseramus negligentes. Sicut Augustinus dicit in 10. de Ciuitate Dei: vel potest intelligi Religio à religando dicta. Unde Augustinus dicit in lib. de vera Religione. Religet nos Religio vni omnipotenti Deo. Sive autem Religio dicatur à frequenti relectione, sive ex iterata electione eius, quod negligenter amissum est, sive dicatur à religatione: Religio propriè importat ordinem ad Deum. Ipse enim est, cui principaliter alligari debemus, tanquam inefficienti principio, ad quem etiam nostra electio assidue dirigi debet sicut in vltimum finem; quem etiam negligenter peccando amittimus, & credendo, & fidei protestando recuperare debemus. Hæc ibi. In Opusc. vero 19. Cap. 1. sic ait. Primo & principaliter ad veram Religionem pertinere noscuntur, quacunque ad fidem integram pertinent, & debitam patriæ seruitutem. Sed secundo ad Religionem pertinere noscuntur illa omnia, in quibus possumus seruitium Deo exhibere: quia vt Augustinus dicit in Enchirid. Deus colitur non solum fide: sed spe & charitate, vt sic omnia
charita-

charitatis opera, Religionis esse dicantur. Vnde Iacob. 1. Religio munda & immaculata apud Deum & Patrem hac est, visitare pupillos & viduas in tribulatione earum &c. Ex his ergo patet, quod duplex est Religionis acceptio. Vna secundum sui nominis primam institutionem, secundum quod aliquis Deo se ligat per fidem ad debitum cultum: & sic quilibet Christiana Religionis fit particeps in baptismo, abrenuntians Sathana, & omnibus pompis eius. Secunda prout aliquis ad aliqua charitatis opera se obligat, quibus specialiter Deo seruitur, abrenuntians secularibus: & hoc modo Religionis nomine ad presens utimur. Hæc omnia S. Thomas. Huic ergo Religioni consentanea est Psalmodia; tum quia Psalmodia est verè & propriè actus virtutis Religionis: tum quia est actus quidam ex charitate Dei proveniens, & ad extrà prorumpens, secundum quod vulgo quos vehementer diligimus, laudare consuevimus. Vnde S. Thomas 2. 2. q. 81. art. 12. in corp. ait. *Adiungitur vocalis oratio ex quadam redundantia ab anima in corpus, ex vehementi affectione, secundum illud Psal. 15. Latatum est cor meum, & exultavit lingua mea.* Habetur autem ex eodem S. Thoma, quod omnia Charitatis opera, Religionis esse dicuntur. Si cui ergo actus proprius elicitus ab aliqua virtute, consentaneus ei dicitur, & nequaquam alienus ab ea; ita Psalmodia est actus consentaneus virtuti Religionis, & nequaquam ab ea alienus, & consequenter neque alienus à Religione, ut sonat statum personarum Deo religatarum, siue virtuti Religionis deditarum. *Religiosi enim (inquit S. Thomas 2. 2. q. 81. art. 1, ad 5.) dicuntur, qui totam vi-*

ram suam divino cultui dedicant, à mundanis negotijs se abstrahentes. Quis ergo audeat dicere, Psalmodiam esse alienam ab instituto Religionum, etiam actioni deputatarum? aut quis audeat dicere, non pertinere Psalmodiam ad Religionem? Et sanè, si Psalmodia non est aliena à ministerio Angelorum, secundum illud quod habetur Luc. 2. *Facta est cum Angelo multitudo militiæ celestis laudantium Deum, & dicentium: Gloria in Altissimis Deo & in terrapax hominibus bone voluntatis:* ex quo verba illa, Canticum Angelorum nominari cœperunt, ut notat Valfridus Strabo in lib. de reb. Eccles. cap. 22. & constat ex Concilio Toletano 4. Canone 12. quomodo erit aliena à ministerijs Religiosorum? Si Psalmodia non erat aliena à statu Prophetarum & Levitarum, ut constat ex veteri Testamento, quomodo erit aliena à statu Religiosorum, qui sunt successores Prophetarum, & Levitæ novi Testamenti? Si Christus excepit gratanter voces clamantium, *Osanna Benedictus qui venit in nomine Domini:* & ægre ferentes compescuit illis verbis: *Dico vobis, quia si hi tacerint, lapides clamabunt.* quid debent expectare Religiosi tacendo, & non clamando? nempe id, ut lapides clament. Si Christus ipse cum Apostolis hymnum cecinit; quare Religiosi imitatores Christi & Apostolorum non cantent? Si Psalmodia ab Ecclesia recepta, à Concilijs approbata, & SS. Patribus mirificè commendata, quomodo ab instituto Religionis erit aliena? Nemo ergo præsumat sentire, aut dicere, ad Religionem non pertinere Psalmodiam.

Secundum, quod monstrandum erat, Psalmodiam scilicet subferuire perfectioni, facillimè conuincitur. S. enim Thomas 2. 2. q. 91. ar. 1. ait: *Valeat exterior laus oris ad excitand-*

excitandum interiorem affectum laudantis. Et Q. 83. artic. 12. in corp. ait. Adiungitur vox Orationi triplici ratione. Primo quidem ad excitandum interiorem deuotionem, qua mens orantis eleuatur in Deum: quia per exteriora signa siue uocum, siue etiam aliquorum factorum, mouetur mens hominis, & secundum apprehensionem, & consequenter secundum affectionem. Unde Augustinus dicit ad Probam, quod uerbis & alijs signis, ad augendum desiderium sanctum nos ipsos acriter excitamus. Hæc ille. Si ergo Psalmodia excitat affectum & promouet amorem Dei; utique promouet & perfectionem; quia perfectio consistit in dilectione, quod aliquoties repetit Theologus. Et certe si Psalmodia non conducit ad perfectionem Religiosæ uitæ, utique posset æstimari à statu Religionis aliena. Cum enim status Religiosus sit status perfectionis, inde est quod quicquid à perfectione alienum erit, siue priuatiuè, siue negatiuè, id est, siue contrarium perfectioni, siue non pertinens ad perfectionem, etiam à statu Religionis erit alienum, hoc est uel ei contrarium, uel ad ipsum non pertinens.

Plura hæc de re diximus in

Propos. xiiij.



PROPOSITIO LVII.

Proinde S. Thomas 2. 2. qu. 91. art. 2. ad 3. ait, nobiliorem esse modum prouocandi homines ad deuotionem per doctrinam & predicationem, quam per cantum.

HÆC Propositio ineptè est subnexa præcedenti ab Authore. Quid enim connexionis habet, vt dum prætendit Religiones pluris faciendas, in quibus est maius studium Orationis quàm Psalmodiæ, subdat, nobiliorem modum prouocandi homines ad deuotionem per doctrinam & prædicationem, quam per cantum? Nonne aliud est Oratio, aliud prædictio, & doctrina? Et tamen Theologus suum studium connexionis monstrauit, apponendo illam particulam connexionis: *Proinde.* Sed ad rem ipsam accedo. Equidem nobilior est modus prouocandi homines ad deuotionem per doctrinam] & prædicationem, quàm per cantum: at multò nobilior est modus prouocandi homines ad deuotionem per vtrumque simul, scilicet & per prædicationem, & per cantum. Et consequenter illa Religio pluris facienda, quæ prouocat homines ad deuotionem per prædicationem & cantum, quàm illa, quæ prouocat homines ad deuotionem per prædicationem tantum, non etiam per cantum. Ipse enim Theologus supra dixit: Religionem illam esse meliorem, quæ plures & meliores, & per plures vias ac modos, & pro pluribus locis ac personis, fructus reddit. Plures autem viæ & modi sunt, prouocare homines ad deuotionem per prædicationem, & per cantum, quam per solam prædicationem sine cantu. Iterum Theologus dixit, quod illa Religio est melior, quæ habet plura media, & magis ordinata, siue auxilia plura & meliora ad consequendū suum finem: plura autem sunt media, siue plura auxilia ad con-
versionem

uersionem animarum, prædicatio & cantus, quam sola prædicatio. Psalmodia enim confert etiam ad prouocandos affectus proximorum ad Deum, ut supra ex S. Thoma monstratum est, circa Propositionem xij. Sed age, aliam rationem inibo cum Theologo. Nulla est Religio in Ecclesia Dei, quæ homines non prouocet ad deuotionem aliquo modo per sonum saltem artificialem. Quamuis enim aliquæ Religiones, dictæ Equestres, seu militares, careant Choro, adhibent tamen suis Ecclesijs musicam instrumentalem, circa celebrationem Missarum, & Vesperarum. Quæro, quis nobilior modus prouocandi homines ad deuotionem, per cantum, an per organa? Si ambigat, resoluet mentem eius dubiam S. Thomas, qui 2. 2. q. 91 art. 2. ad 4. de musica instrumentali sic loquitur: *Sicut Philosophus dicit in octauo Politicorum, Neque fistulas ad disciplinam est adducendum, neque aliquod aliud artificiale organum, puta, cytharam, & si quid tale alterum est: sed quæcunque faciunt Auditores bonos. Huiusmodi enim musica instrumenta magis animum mouent ad delectationem, quam per ea formetur interius bona dispositio. In veteri autem Testamento usus erat talium instrumentorum, tum quia populus erat magis dignus, & carnalis, unde erat per huiusmodi instrumenta prouocandus, sicut & per promissiones terrenas: tum etiam quia huiusmodi instrumenta corporalia aliquid figurabant.* Hæc de musica instrumentali. De cantu verò in corp. art. idem S. Thomas sic ait. *Salubriter fuit institutum, ut in diuinas laudes cætas assumerentur, ut animi infirmorum magis prouocarentur ad deuotionem. Vnde Augustinus dicit in 10. Confessione. Adduco cantandi consuetudinem approbare in Ecclesia,*

hic peccauit neque parentes eius; sed ut manifestentur opera Dei in illo. Denique plura quàm alij mala patiuntur, nomine Christi, & propter Christum, secundum quod scriptum est 1. Pet. 4. Si exprobramini in nomine Christi, beati eritis; quoniam quod est honoris, gloria, & virtutis Dei, & qui est eius Spiritus, super vos requiescit. Nemo autem vestrum patiatur, ut homicida, aut fur, aut maledicus, aut alienorum appetitor. Si autem ut Christianus, non erubescat; glorificet autem Deum in isto nomine, quoniam tempus est, ut incipiat iudicium à domo Dei. Ij sunt boni, qui minores fauores & laudes & applausus humanos reportant; sed eos minimè quærunt. Plerique enim idè iusto Dei iudicio minores fauores & applausus humanos reportant, quia eos quærunt: secundum dictum Chrysostomi hom. 39. ad popul. Antich. Gloriam, inquit, aliter assequi non licet, nisi gloriam fugiendo, nam donec quidem eam sectamur, nos fugit, cum autem eam fugimus, nos ipsa sequitur. Quamobrem homil. 72. in Cap. 22. Marth. dicit: Ita contraria tibi eueniunt, quam desideras. Tu quidem maximè cupis, ut de te admirans, Ille misericors, ille humanus; ille benignus, dicat: Ipse autem istud non dicet: sed, Ille inanis gloria cupidus predicabit, ille qui omnibus quouis modo placere hominibus studeat, ceteraque his deteriora. Si verò tu calabis: tunc exclamabit: O misericordem illum atque humanum. Non enim grande aliquid aut præcipuum occultari diutius Deus patitur; sed si tu calabis, ille manifestabit. Ita & mirabilior

diutius Deus patitur; sed si tu celabis, ille manifestabit. Ita & mirabilior eris, & maiora lucraberis. Quare ad acquirendam gloriam contraria est omnino ostentatio. Nam ad quod festinanter pergimus, ad illud impedimento solet maxime esse. Non enim beneficentia gloriam solum amittimus, sed contrarium quoque acquirimus, & ad hac non parvis nos incommodis subycimus. Et Hom. 35. imperfecti operis in Math. Primatus, inquit, fugientem se desiderat, desiderantem se odit. Et Hom. 29. in Epist. 2. ad Corinth. ait. Si vis gloria fulgere, gloriam contemne: si gloriam sectaberis, gloria excides. Consonat his Gregorius Magnus lib. 31. Moral. cap. 7. Benè, inquit, de superbis dicitur, quòd eorum facies in foueam demerguntur; quia ima petunt, dum Superbiendo altiora appetunt, & quò magis extollendo se erigunt, eò magis ruendo inferius tendunt. Conformiter ad idem Prouerb. 29. dicitur. superbum sequitur humilitas, & humilem spiritu suscipiet gloria. Et Prouerb. 16. Contritionem precedit superbia, & ante ruinā exaltatur spiritus. Ecclesiastici quoq; 10. Radices gentium superbarum arefecit Dominus, & plantauit humiles.

PROPOSITIO LVI.

Illas Religiones plaris facias, in quibus maius est Orationis studium, quàm Psalmodia.

L

HÆC

HÆC Propositio est contumeliosa & iniuriosa in Religionibus; supponit enim, quòd in aliquibus Religionibus maius est studiũ Psalmodię, quàm Orationis. Itẽ est subuersiua iuuentutis, quę inde potest habere occasionẽ, vt abhorreat à Religionib⁹ proficiẽtibus Psalmodiã; Item est fœuola, & deceptoria; præscindit enim studium Psalmodię à studio Orationis, quasi Psalmodia non inuoluat orationem, non tantum eam quę dicitur vocalis, sed etiam eam, quę dicitur mentalis. Imò de 'ratione perfectę Psalmodię Ecclesiasticę est, vt non solum aliquis spiritu, sed & mente psallat Deo, secundum illud Apostoli I. Corinth. 14. *Psallam spiritu, psallam & mente.* Psallere enim spiritu hoc loco accipiunt Ambrosius, & Anselmus pro sono linguę, & externa voce: nam etiam spiritus de spiritu corporali dicitur. Vt sit sensus, psallam lingua, psallam & mente. Et iterum ad Ephes. 5: dicitur. *Loquentes vobismetipsis, in Psalmis, & hymnis, & canticis spiritualibus, cantantes, & psallentes in cordibus vestris Domino.* Denique ad Coloss. 3. *Docentes & commonentes vosmetipsos in Psalmis, hymnis, & canticis spiritualibus, in gratia cantantes in cordibus vestris Deo.* Quibus in locis coniungit Apostolus (vt patet) Psalmodiã siue Orationi vocali, internam orationem. Ineptẽ igitur ista duo disiunxit Theologus. Quamuis enim aliquando contingat, quòd ex Psalmodia aliquis minus lucretur, vel à deuotione retrahatur, id profusum est per accidens, ex vicio, & defectu quorundam. Et vt inquit S. Thomas super-Epist. ad Eph. cap. 5. Lect. 7. *Si ex hoc aliquis commoveatur ad dissolutionem vel in gloriam inanem, hoc est, contra intentionem Ecclesię,* Et 2. 2. q. 91. art. 2. ad 5. ait. *Per cantum, quo quis studiosẽ ad delectandum vitur, abstrahitur animus à consideratione eorum, quę cantantur.*

tur. Sed si aliquis cantet propter deuotionem, attentius considerat quæ dicuntur: tum quia diutius moratur super eodem, tum quia, ut Augustinus dicit in 10. Confess. Omnes affectus spiritus nostri pro sua diuersitate habent proprios modos in voce atque cantu, quorum occulta familiaritate excitantur. Et eadem etiam est ratio de audientibus; in quibus etsi aliquando non intelligant quæ cantantur, intelligunt tamen propter quid cantantur, scilicet ad Laudem Dei, & hoc sufficit ad deuotionem excitandam. Hæc S. Thomas.

Item Propositio dicta est friuola, & deceptoria, ex hoc quasi Religiones illæ non sunt pluris faciendæ, in quibus simul est studium Orationis, & studium Psalmodiæ; & maius Orationis studium, quàm Psalmodiæ: præ illis Religionibus, in quibus est tantum studiū Orationis, non item Psalmodiæ. Si enim illa Religio secundum Theologum est perfectior, quæ habet plura media ad assequendum finem suū, & magis ordinata, siue auxilia plura & meliora; utiq; illa Religio, quæ habet Orationem simul & Psalmodiam, erit perfectior, quia plura adiumenta habet ad assecutionem eius finis, ad quem est instituta. Neq; enim Psalmodia officit in Religionibus, quin possint incumbere conuersioni animarum, ut postea patebit: imò Psalmodia multum confert ad prouocandos affectus proximorū in Deum, ut supra monstratum est circa Propositionē XIII. Item dicta Propositio est friuola & deceptoria ex hoc, quod videtur supponere non pertinere ad statū Religionis Psalmodiam & non subseruire perfectioni Religionis. Quorū utrumq; falsum est. Primo enim Psalmodia non solum est non aliena à statu Religionum, etiam conuersioni animarum incumbentiū, ut patet ex consuetudine Religionum à Sancta Sede approbatarum, & ad obeundas functiones, & ministeria circa salutem

L 2

pro-

proximorum destinatarum, Psalmodiam tamen retinentium; Religionem inquam Sanctissimi Dominici, & Seraphici Francisci, & aliorum; sed etiam spectat ad statum Religionis. *Religio enim* (vt habet S. Thomas 2. 2. q. 81. ar. 1. in corp.) videtur dicta à relegendo ea, quæ sunt diuini cultus: quia huiusmodi sunt frequenter in corde reuoluenda secundum illud Prouerb. 3. In omnibus vijs tuis cogita illum. Quamuis etiam possit intelligi Religio ex hoc dicta, quod Deum reeligere debemus, quem amiseramus negligentes. Sicut Augustinus dicit in 10. de Ciuitate Dei: vel potest intelligi Religio à religando dicta. Unde Augustinus dicit in lib. de vera Religione. Religet nos Religio vni omnipotenti Deo. Siue autem Religio dicatur à frequenti relectione, siue ex iterata electione eius, quod negligenter amissum est, siue dicatur à religatione: Religio propriè importat ordinem ad Deum. Ipse enim est, cui principaliter alligari debemus, tanquam inefficienti principio, ad quem etiam nostra electio assidue dirigi debet sicut in ultimum finem; quem etiam negligenter peccando amittimus, & credendo, & fidem protestando recuperare debemus. Hæc ibi. In Opusc. vero 19. Cap. 1. sic ait. Primo & principaliter ad veram Religionem pertinere noscuntur, quacunque ad fidem integram pertinent, & debitam patriæ seruitutem. Sed secundo ad Religionem pertinere noscuntur illa omnia, in quibus possumus seruitium Deo exhibere: quia vt Augustinus dicit in Enchirid. Deus colitur non solum fide: sed spe & charitate, vt sic omnia

charita-

charitatis opera, Religionis esse dicantur. Vnde Iacob. 1. Religio munda & immaculata apud Deum & Patrem hac est, visitare pupillos & viduas in tribulatione earum &c. Ex his ergo patet, quod duplex est Religionis acceptio. Vna secundum sui nominis primam institutionem, secundum quod aliquis Deo se ligat per fidem ad debitum cultum: & sic quilibet Christiana Religionis fit particeps in baptismo, abrenuntians Sathana, & omnibus pompis eius. Secunda prout aliquis ad aliqua charitatis opera se obligat, quibus specialiter Deo seruitur, abrenuntians secularibus: & hoc modo Religionis nomine ad presens utimur. Hæc omnia S. Thomas. Huic ergo Religioni consentanea est Psalmodia; tum quia Psalmodia est verè & propriè actus virtutis Religionis: tum quia est actus quidam ex charitate Dei proveniens, & ad extrà prorumpens, secundum quod vulgo quos vehementer diligimus, laudare consuevimus. Vnde S. Thomas 2. 2. q. 81. art. 12. in corp. ait, *Adiungitur vocalis oratio ex quadam redundantia ab anima in corpus, ex vehementi affectione, secundum illud Psal. 15. Latatum est cor meum, & exultavit lingua mea.* Habetur autem ex eodem S. Thoma, quod omnia Charitatis opera, Religionis esse dicuntur. Sicut ergo actus proprius elicited ab aliqua virtute, consentaneus ei dicitur, & nequaquam alienus ab ea; ita Psalmodia est actus consentaneus virtuti Religionis, & nequaquam ab ea alienus, & consequenter neque alienus à Religione, ut sonat statum personarum Deo religatarum, siue virtuti Religionis deditarum. *Religiosi enim (inquit S. Thomas 2. 2. q. 81. art. 1, ad 5.) dicuntur, qui totam vi-*

ram suam divino cultui dedicant, à mundanis negotijs se abstrahentes. Quis ergo audeat dicere, Psalmodiam esse alienam ab instituto Religionum, etiam actioni deputatarum? aut quis audeat dicere, non pertinere Psalmodiam ad Religionem? Et sanè, si Psalmodia non est aliena à ministerio Angelorum, secundum illud quod habetur Luc. 2. *Facta est cum Angelo multitudo militiæ celestis laudantium Deum, & dicentium: Gloria in Altissimis Deo & in terrapax hominibus bonæ voluntatis:* ex quo verba illa, Canticum Angelorum nominari cœperunt, ut notat Valfridus Strabo in lib. de reb. Eccles. cap. 22. & constat ex Concilio Toletano 4. Canone 12. quomodo erit aliena à ministerijs Religiosorum? Si Psalmodia non erat aliena à statu Prophetarum & Leuitarum, ut constat ex veteri Testamento, quomodo erit aliena à statu Religiosorum, qui sunt successores Prophetarum, & Leuitæ novi Testamenti? Si Christus excepit grante voces clamantium, *Osanna Benedictus qui venit in nomine Domini:* & ægre ferentes compescuit illis verbis: *Dico vobis, quia si hi tacerint, lapides clamabunt.* quid debent expectare Religiosi tacendo, & non clamando? nempe id, ut lapides clament. Si Christus ipse cum Apostolis hymnum cecinit; quare Religiosi imitatores Christi & Apostolorum non cantent? Si Psalmodia ab Ecclesia recepta, à Concilij approbata, & SS. Patribus mirificè commendata, quomodo ab instituto Religionis erit aliena? Nemo ergo præsumat sentire, aut dicere, ad Religionem non pertinere Psalmodiam.

Secundum, quod monstrandum erat, Psalmodiam scilicet subferuire perfectioni, facillimè conuincitur. S. enim Thomas 2. 2. q. 91. ar. 1. ait: *Valeat exterior laus oris ad excitand-*

excitandum interiorem affectum laudantis. Et Q. 83. artic. 12. in corp. ait. Adiungitur vox Orationi triplici ratione. Primo quidem ad excitandum interiorem deuotionem, qua mens orantis eleuatur in Deum: quia per exteriora signa siue uocum, siue etiam aliquorum factorum, mouetur mens hominis, & secundum apprehensionem, & consequenter secundum affectionem. Unde Augustinus dicit ad Probam, quod uerbis & alijs signis, ad augendum desiderium sanctum nos ipsos acriter excitamus. Hæc ille. Si ergo

Psalmodia excitat affectum & promouet amorem Dei; utique promouet & perfectionem; quia perfectio consistit in dilectione, quod aliquoties repetit Theologus. Et certe si Psalmodia non conducit ad perfectionem Religiosæ uitæ, utique posset æstimari à statu Religionis aliena. Cum enim status Religiosus sit status perfectionis, inde est quod quicquid à perfectione alienum erit, siue priuatiue, siue negatiue, id est, siue contrarium perfectioni, siue non pertinens ad perfectionem, etiam à statu Religionis erit alienum, hoc est uel ei contrarium, uel ad ipsum non pertinens.

Plura hæc de re diximus in

Propos. xiiij.



uersionem animarum, prædicatio & cantus, quam sola prædicatio. Psalmodia enim confert etiam ad prouocandos affectus proximorum ad Deum, ut supra ex S. Thoma monstratum est, circa Propositionem xiiij. Sed age, aliam rationem inibo cum Theologo. Nulla est Religio in Ecclesia Dei, quæ homines non prouocet ad deuotionem aliquo modo per sonum saltem artificialem. Quamuis enim aliquæ Religiones, dictæ Equestres, seu militares, careant Choro, adhibent tamen suis Ecclesijs musicam instrumentalem, circa celebrationem Missarum, & Vesperarum. Quæro, quis nobilior modus prouocandi homines ad deuotionem, per cantum, an per organa? Si ambigat, resoluet mentem eius dubiam S. Thomas, qui 2. 2. q. 91 art. 2. ad 4. de musica instrumentali sic loquitur: *Sicut Philosophus dicit in octauo Politicorum, Neque fistulus ad disciplinam est adducendum, neque aliquod aliud artificiale organum, puta, cytharam, & si quid tale alterum est: sed quæcunque faciunt Auditores bonos. Huiusmodi enim musica instrumenta magis animum mouent ad delectationem, quam per ea formetur interius bona dispositio. In veteri autem Testamento usus erat talium instrumentorum, tum quia populus erat magis diuitius, & carnalis, unde erat per huiusmodi instrumenta prouocandus, sicut & per promissiones terrenas: tum etiam quia huiusmodi instrumenta corporalia aliquid figurabant.* Hæc de musica instrumentali. De cantu verò in corp. art. idem S. Thomas sic ait. *Salubriter fuit institutum, ut in diuinas laudes cætus assumerentur, ut animi infirmorum magis prouocarentur ad deuotionem. Vnde Augustinus dicit in 10. Confessione. Adducor cantandi consuetudinem approbare in Ecclesia,*

ut per oblectamenta aurium, infirmorum animus in affectum pietatis assurgat. Et de seipso dicit in 9. Confess. Fleui in hymnis, & canticis tuis, suaue sonantis Ecclesiae tuae vocibus commotus acriter. Hæc S. Thomas. Quibus auditis concedat, vel neget Theologus, nobiliorem esse modum prouocandi homines ad deuotionem per cantum, quàm per organa. At qui necesse est concedat propter authoritatem S. Thomæ, cuius dictis, tanquam floribus suaueolentibus, & niditis, campum suæ Epistolæ spinis & tribulis referum, respexit, & tanquam lapidibus pretiosis opus suum rude, & informe perpolire conatus est; sed magis imperfectionem eius prodidit. Quod si concedat, ut quid notat Religiones, in quibus est Psalmodiæ studium? siquidem eæ Religiones, nobiliori & excellentiori modo prouocant homines ad deuotionem, quàm eæ Religiones, quæ omisso Psalmodiæ studio incumbunt curæ prouocandi homines ad deuotionem per organa.

PROPOSITIO LVIII.

Et subdit: Ideo Diaconi, & Prelati, quibus competit per predicationem & doctrinam, animos hominum prouocare in Deum, non debent cantibus insistere, ne per hoc à maioribus retrahantur. S. Gregor. Papa lib. 4. Regis. cap. 88. quod etiam positum est in Decret. Dist. 92. Can. in Sanct. | Roman. Ecclesia, Presenti decreto constituto, ut in sede hac sacri Altaris ministri cantare non debeant. Et ut ibidem additur: Consuetudo est valde reprehensibilis, ut in Diaconatus ordine constituto, modula-

modulationi vocis inserviant, quos ad predicationis officium, & eleemosynarum studium vacare congruebat, &c. Hæc S. Thom.

HÆC propositio malam citationem continet Neq; enim in responsione ad 3. citata ab Authore, habentur ista verba: *lib. 4. Registri Cap. 88. quod etiam possum est in Decret. dist. 92. Can. in S. Rom. Ecclesia presenti decreto constituto, ut in sede hac sacri altaris ministri cantare non debeant quod ut agnoscas, en produco totum textum S. Thomæ. Ad tertium dicendum, quod nobilior modus est prouocandi homines ad deuotionem per doctrinam & predicationem, quam per cantum. Et ideo Diaconi & Prelati, quibus competit per predicationem & doctrinam animos hominum prouocare in Deum, non debent cantibus insistere, ne per hoc à maioribus retrahantur. Vnde ibidem Gregorius dicit: Consuetudo est valde reprehensibilis, ut in Diaconatus ordine constituti, modulationi vocis inserviant, quos ad Predicationis officium, & eleemosynarum studium vacare congruebat. Hæc S. Thomas. Tu autem vide manifestam infidelitatem Auctoris. Nam ut inquit S. Chrisost. Homil. 21. in Cap. Genes. 4. Si in scriptis, quæ de secularibus negotijs ab hominibus conficiuntur, sepeque corrumpuntur, vel unam Proæmij syllabam deesse, multum momenti habet: atque par ratio videtur aliquid superesse, quanto magis scriptis alicuius Sancti Patris, aliquid detrahere vel addere, plurius intererit.*

Quod

Quod verò ad rem ipsam attinet, incongruè sanè hunc locum S. Thomæ Theologus adducit. Ipsi enim intentum est, mōstrare Religiones quæ attendūt conuersioni animarum, non debere studere Psalmodiæ; argumentum verò adfert de Prælati & Diaconis. Aliud autem est loqui de singularibus personis, an debeant abstinere à cantibus, ne per hoc à prædicatione & doctrina retrahantur: aliud verò loqui de communitate aliqua, seu Congregatione. Sic enim in praxi videmus, quòd quamuis Episcopi non interfint Choro, tamen Congregationes Clericorum, quibus ex instituto incumbit cura animarum, peragunt officia Chori. Similiter Religio potest simul attendere. & Choro, & conuersioni animarum; vel quia vtrumque simul commodè perficere potest, distribuendo tempora ordinatè: vel quia saltem non omnes apti & idonei Prædicationi actuali sunt, & hi possunt Choro deputari; vel quia non est tanta necessitas Prædicationis, vt omnes exponi cogat. Sic videre est tot Sanctissimas Religiones simul & Choro, & actioni incumbere; vt patet de inclyto Ordine Prædicatorum, & præclaro Ordine S. Francisci, & tot alijs Ordinibus in Ecclesia Dei insignibus. Et certè nulla ratione æstimandum est, de S. Thoma professe Religionis attendentis Choro, quòd voluerit Religiosos Prædicatores non insistere Psalmodiæ.



PROPOSITIO LIX.

Quòd si proptex Eleemosynas corporales sacra Psalmodia debet omitti, multò magis propter spirituales, uti sunt peccantes corrigere, ignorantes docere, dubitantibus rectè consulere, consolari maestos, Sacramenta administrare, libros pro defensione S. Ecclesiæ, & alios similes pro dilatanda diuina gloria conscribere, &c.

HÆC Propositio absolutè est falsa. Aliud est enim, an ab aliqua Religione Sacra Psalmodia possit omitti: aliud verò an debeat omitti. Potest quidem ab aliqua Religione Sacra psalmodia propter eleemosynas spirituales licitè & laudabiliter omitti, sed tamen non est obligatio omittendi illam. Alioquin omnes Religiones vacantes spiritualibus eleemosynis, huic obligationi subiacerent, & sacram Psalmodiam omittere deberent. Cui debito tantùm abest ut subsint, imò simul & spirituales eleemosynas faciunt, & Sacræ Psalmodiæ attendunt; ut inde lique scat certò, Religionem posse simul & peccantes corrigere, & ignorantes docere, & Sacramenta administrare, & libros pro dilatanda DEI gloria conscribere; nihilominus tamen & sacræ Psalmodiæ insistere. Inde est, quòd & Religiones Choro deputatæ insignes fructus in Ecclesia DEI ediderunt. Quòd ut manifestum fiat, breuem inductionem exemplorum adferam, desumptam ex opere Hieronymi Plati de Statu Religionis lib. 2. cap. 30. paucis quibusdam aliunde additis, ex qua lique scet, quantum Religiones Chorum profitentes, Ecclesiæ Dei utiles fuerint.

Primum

Primum ergo loquendo de S. Benedicti familiâ, B. Remigius Anno ferè 496. Clodouem Regem, & Franciam vniuersam, ab idolorum cultu ad fidem Christianam adduxit. Hic ab ineunte ætate Monachus fuit, ac postea Remensis Archiepiscopus. Item S. Martinus Monachus anno 540. Sueuos ab Ariano errore sanauit. De Anglia notissimum est, quod ab Augustino informata. quem Gregorius Pontifex, cum alijs sex Monachis, nempe Sancto Melito, Sancto Petro, Sancto Iusto, S. Paulino, S. Laurentio, S. Ioanne eò legarat, ad Deum sese conuertit, vnâ cum, Rege Eterbero, anno 603. Nec præteream ipsum Pontificem Magnum Gregorium (vt in eius vita lib. i. refert Ioannes Diaconus) qui cum Monachus adhuc esset, & Anglicos pueros forma pulcherrimos Romæ venales conspiceret, agnosceretque illos esse infidelitatis tenebris immersos, tactus dolore cordis intrinsecus, mox à Benedicto pontifice vehementer coepit expetere, vt sibi licentiam in illam Regionem, ad prædicandum Sanctum Euangelium. proficiscendi concederet, qua obtenta profectus est; postea verò tota acclamante Roma, ab eodem pontifice, post triduum itineris, coactus est ad proprium Monasterium reuerti. Anno autem 622. Lambertus Leodicensis Monachus Taxandriam Germaniæ prouinciam; eodemque tempore Kilianus Monachus Francorum gentem ad fidelium numerum aggregarunt: atque hic quidem in eo opere etiam Martyrium subiit. Vvilfridus ex Hierpuenfi Monasterio in Anglia, postea Eboracensis Episcopus, anno circiter 683. cum Romam peteret, tempestate in Frisiam & Hollandiam eiectus est; ne hyemem illic infructuosè degeret agressus est Euangelium, quod nullus adhuc ibi auditus fuerat Prædicare. Idemque in Patriam reuersus, cum ab improbo Rege Egfrido in sua sede hædere non sineretur diuertit ad Australes Saxones adhuc in fidelitatis tenebris iacentes, ijique fidei lumen importauit, & simul toti,

Insulæ

Insulæ, quæ Verula dicitur. Cæterum quod hic opus in Frisia cœperat, id deinde continuauit Vvilibrodus, ex Monasterio Rupensi in Anglia, qui Traiectensis Episcopus etiam creatus est. Eodem tempore Svvitbertus Lindissæ in celebri cænobio Angliæ educatus, vnâ cum vndecim alijs, ad Apostolicum numerum repræsentandum, ad Saxones se contulit ex quibus innumerabiles in Christi fide instituisse fertur: idemque postea Verdensi Ecclesiæ prepositus fuit; nec tamen à laboribus suis vnquâ cessauit. Insignis quoque in hoc genere fuit Bonifacius, qui adhuc meritò tanquam Germaniæ Apostolus colitur. Hic patria Scotus, cum adhuc quinquennis à parentibus ipsis oblati, diu vitam in sanctissimis claustris egisset, à Gregorio Secundo pontifice in Germaniam missus est. Hassiam Christo adiunxit, anno 717. quam ob causam ad eos quos docuerat regendos Moguntino Archiepiscopatu ornatus est: quanquam maius ornamentum postea ex Martyrio accepit. Vvillehabus item, & Lugderus ex Monasterio S. Vvilibrodi in Gallia, in Franconiam Germaniæ Prouinciam profecti, anno circiter 800. & plurimos illic filios Christo Domino pepererunt, ipsique plurimos ea de causa labores pertulerunt. Paulò post etiam, annos videlicet decem Ansharius cum tribus socijs, ex Monasterio Corbiensi in Gallia Belgica, plures regiones Euangelij causa peragrauerunt, Daciam, Suetiam, Gothiam, Groenlandiam: in quibus omnibus vix credi potest, quantum fructus reliquerint. Ex quo eodem Monasterio prodijt etiam Stephanus, qui primum Anshario in Suetica messe successit. Deinde in Helinguensem prouinciam se contulit, quam totam ab erroribus ad viam veritatis adduxit; atque ibidem tandem ab impijs quibusdam tactatus ad Martyrij palmam euolauit Quo etiam referri debet Abbas Floriacensis Monasterij, Albus dictus, quod à Sancto Mauro in pagò Flori Conutis

Comitis ædificatum fertur. Is enim in Vasconia Galliarum parte Religionis propagandæ causa, strenue laborauit, vir eloquentia insignis, nec minùs sanctitate præstans; ad extremum etiam Martyrio gloriosissimus. Vixit anno fermè 970. Religiosam vitam diu professus, vnà cum Gaudenzio fratre Monacho item Sancti Alexij Romæ, in Pannoniam abiit, ad disseminandam Christi fidem, vbi in Geisam Regem incidit, diuino iam ante oraculo monitum de eius aduentu: Itaque ab illo cum honore exceptus, totam illam gentem, antea feram & duram, Christi cultu imbuunt. Mox ad Sarmatas digressus, Russis, Lithuanis, Moschis, Prussianis, sed plerumque Polonis, eorumque Regi Boleslao, Evangelium promulgauit. Denique in Prussia cum ab impijs ad stipitem alligatus, septemque lanceis confixus palpitaret, egisse Deo gratias dicitur, quod se Martyrij, quod tam diu iam optaret, compotem fecisset. At Bruno ex inclita & peruetusta Querfortensium & Munstfeldensium Comitum familia, quæ gloriosissimum imperatorem Lotharium 3. produxit, Monasticam vitam Romæ professus in Cœnobio S. Alexij, à Ioanne XIX. ad Ruthenos missus, annum circiter 1008: multos populos ad salutis viam reuocauit. Quam in causa, ne quid ad laudem deesset, Martyrij quoque gloria ornatus est. Eodem quoque tempore Bonifacius Romualdi discipulus in Russiam profectus, Russianum Regem, eiusque Regnum, præter Fratrem, conuertit, à quo impiè cæsus, vineam à se plantatam etiam sanguine irrigauit. Anno verò 1050. Humbertus ex Ordine S. Benedicti Constantinopolim à Pontifice legatus, ad Græcorum schisma confutandum, cum Nicæta congressus coram Constantino Imperatore, ita eum disputando conuicit, vt librum quem scripserat comburere coegerit. Otho etiam ex Monasterio Bambergensi, quæ est Germaniæ Ciuitas, anno 1125. à Calisto secundo in Pomeraniam missus, Bracislaum Principem conuertit, cum suis: quin idem
etiam

etiam loca omnia maritima, Daciæ Poloniæque finitima, cum magna animarum conuerfione peragrauit. Denique complures Saxoniz Ciuitates obiens, magnos vbique ad salutem motus effecit. Huic fimilis fuit Vicelinus, qui non multo post vnà cum quatuor socijs ex Gallia ad Vvandalos profectus, triginta totis annis incredibili labore vniuerfam illam regionem, in qua innumeri ferme erant populi, Christianis imbuit præceptis, & in ijs insignia complura fundauit Coenobia.

Non recensuimus Bernardum, quia singulariter ponendus est, eò quod hic solus pro plurimis fufficat. Eius enim beneficia in vniuerfam Ecclesiam vix æstimari possunt. Is in tetto illo schismate aduersus Innocentium ita elaborauit, vt verè dici possit, illius vnus opera & auctoritate tandem sublatum esse. Primum enim Gallias ei solus coniunxit, cum Stampensis Synodus ad hanc rem ex omnibus Episcopis, & Rege, & Principibus conflata, omne suum iudicium in illius iudicium reieccisset. Denique Henricum Angliæ Regem idem conciliauit, & quidem renitentibus & aduersantibus omnibus prouincialibus Episcopis: deinde Germaniam quoque omnem. Postea venit ad Concilium Pisanum, quò omnes Occidentales Episcopi conuenerant: cuius actis omnibus de rebus grauissimis & maximis non solum interfuit, sed etiam quodammodo prefuit, cum scilicet ad eum omnia referrentur. Exinde cum Burdegalensis Ecclesia perditorum hominum factione agigaretur, & pluribus iam locis legitimi Episcopi pellerentur, ipse à Pontificis Nuntio Carnotensi Episcopo excitis, flammam illam Oratione, miraculis, auctoritate extinxit. Post quæ ad urbem Romam, publicis calamitatibus afflictam, Pontificis pluriumque Cardinalium litteris euocatus, publica disputatione Rogerium Siciliæ Regem confutauit: tum Petri Leonis Antipapæ partes ita consilio ac sapientia debilitauit, vt ille ab omnibus desertus ad extremum

log. sua lib. 4. & alij quamplures Historiographi, primus noui Orbis Apostolus electus ab Alexandro VI. Summo Pontifice, Betseil Monachus Benedictinus, natione Catalanus fuit, qui electis duodecim eiusdem familiæ socijs, Vicarius Generalis Summi Pontificis apud illas nationes fuit designatus, ac benedictione Pontificali accepta, ad hanc nouam Euangelij præpicationem ex Hispania anno 1595. discessit, illisque Prouincijs omnium primus lumen fidei Pontificis iussu intulit. Multa præterea similia commemorari possent ex Monachorum Ordine profecta, præcipuè tamen Orientalium monachorum sub regula S. Basilij militantium, quorum ope & doctrina conuersa Græcia, aliæ etiam Orientales nationes in fide & moribus sustentantur: quibus breuitatis causa omisissis, ad alia exempla gradum faciamus, & deinceps de Ordinibus Mendicantibus, Choro etiam attentendibus loquamur.

Et in primis de Patribus Dominicanis, quantum animarum conuersioni insudauerint, quantumque à suo ortu & origine totius orbis salutem procurauerint & in quantas regiones ad hanc rem fuerint sparsi, facile erit colligere ex Bulla Innocëtij IV. & Nicolai IV. Fratribus Prædicatorib⁹ in cōuersione animarum laboantibus concessa, cuius initio habentur hæc verba. *Innocentius Episcopus seruus seruorum Dei. Dilectis filijs Fratribus de Ordine Prædicatorum, in terras Saracenorum, Paganorum, Græcorum, Bulgarorum, Cumanorum, Aethiopum, Syrorum, Ibero- rum, Alanorum, Gazarorum, Gotthorum, Zicocorum, Ruthenorum, Iacobitarum, Nubianorum, Georgianorum, Armenorum, Indorum, Mostelitarum Tartarorum, Hungarorum, Maioris Hungaria, Christianorum captiuorum apud Tartaros, aliarum- que infidelium nationum Orientis, seu quarumcunque*
M 2 *partium*

log. sua lib. 4. & alij quamplures Historiographi, primus noui Orbis Apostolus electus ab Alexandro vi. Summo Pontifice, Berthel Monachus Benedictinus, natione Catalanus fuit, qui electis duodecim eiusdem familiæ socijs, Vicarius Generalis Summi Pontificis apud illas nationes fuit designatus, ac benedictione Pontificali accepta, ad hanc nouam Euangelij præpicationem ex Hispania anno 1595. discessit, illisque Prouincijs omnium primus lumen fidei Pontificis iussu intulit. Multa præterea similia commemorari possent ex Monachorum Ordine profecta, præcipuè tamen Orientalium monachorum sub regula S. Basilij militantium, quorum ope & doctrina conuersa Græcia, aliæ etiam Orientales nationes in fide & moribus sustentantur: quibus breuitatis causa omisissis, ad alia exempla gradum faciamus, & deinceps de Ordinibus Mendicantibus, Choro etiam attentendibus loquamur.

Et in primis de Patribus Dominicanis, quantum animarum conuersioni insudauerint, quantumque à suo ortu & origine totius orbis salutem procurauerint & in quantas regiones ad hanc rem fuerint sparsi, facile erit colligere ex Bulla Innocetij iv. & Nicolai iv. Fratribus Prædicatorib⁹ in cōuersione animarum laboantibus concessa, cuius initio habentur hæc verba. *Innocentius Episcopus seruus seruorum Dei. Dilectis filijs Fratribus de Ordine Prædicatorum, in terras Saracenorum, Paganorum, Græcorum, Bulgarorum, Cumanorum, Aethiopum, Syrorum, Ibero- rum, Alanorum, Gazarorum, Gotthorum, Zicocorum, Ruthenorum, Iacobitarum, Nubianorum, Georgianorum, Armenorum, Indorum, Mostelitarum Tartarorum, Hungarorum, Maioris Hungariae, Christianorum captiuorum apud Tartaros, aliarum- que infidelium nationum Orientis, seu quarumcunque*
M 2 *partium*

partium proficifcentibus salutem &c. Hæc Innocentius. Quos fructus Ordo iste tulerit ex tam copioso, tamque vniuersali verbi Dei semine, non facile erit dinumerare. Nam cum aliqui Religiosi ad aliquas prædictarum regiones fuissent destinati, multas peragrarunt Barbarorum Prouincias, in quibus Christi nulla adhuc notitia erat, idque eo fructu, vt scriptum sit, iniri non posse numerum ad rectam fidem per eos traductarum, præsertim verò in Cumanorum gente. Vnde Benedictus, qui cæteris præerat Fratribus, ad Magistrum Generalem scribens (quæ adhuc extant litteræ) narrat multa hominum millia non solum ex plebe, sed etiam ex primaria nobilitate baptismum suscepisse. Quare hoc sufficiat quasi specimen eorum fructuum, quos hic Ordo in Ecclesia Dei tulit, fertque in dies, quibus recensendis iusta iam volumina scripta sunt.

Non possum tamen dissimulare Vincentium ex eadem familia, cuius quidem opera tam longè latèque peruagata est, vt mirum fuerit, tam multas regiones potui, se vnius hominis passibus percurri, quot ille euāgelizando peragrauit. Primum enim in Hispania Valentie Regnū, Cataloniam, Aragoniam, Nauarram, denique excepta Galitia & Lusitania, quibus ob certas causas abstinuit, singulas Prouincias, singulas Vrbes, singula fermè oppida obiit. Hinc Galliam ingressus Regnum Occitanum, Delphinatum, Franciam, Burgundiā, Nortmaniam, Prouinciam, Aluerniam, Vasconiā, Britanniam, & Flandriam ipsam ac totam Sabaudiā, postea in Italiam descendens, Pedemontū, Insubriam, Ligiam, & omnia eius littora adiit: postremò etiam ad Baleares insulas nauigauit. Deinde ab Henrico Gallie Rege humanissimis litteris ac nuntijs, & naui ad hoc ipsum missa inuitatus, eam primum Insulam totam, mox Scotiam, postremò etiam Hiberniam lustrauit, & quidem vt ante dixi, non Metropoles tantum, aut maiores Ciuitates, sed vbique villas

Villas ipsas, & ignobiles pagos Christi exemplo circumiens. Itaque quis præter Deum numerare posset, quot ille animas ex vitiorum cœno, & ipsis inferni portis euocauerit? quæ vitia ex totis Ciuitatibus & prouincijs eradicaucrit? quantam vbique lucem diuinarum rerum reliquerit? Illud quidem constat Iudæorum tantum, contrà quorum perfidiam, cum eo tempore abundaret, illius zelus exarserat, suprâ viginti quinque millia, Saracenorum octo millia ab eo ad Christum adducta fuisse, Christianorum verò qui se ad bonam frugem receperunt, plusquam centum millia. Sed facilius & certius sit Prouincias & regiones, quam animas numerare, quas ille ad salutem reuocauit. Sic enim scribitur, quocunque is pedem iutulisset, statim ibi sequi consueuisse generalem pœnitentiam priorum delictorum, generalemq; morum reformationem; aleam, blasphemias, deriuria, aliqua flagitia, imò vero etiam ineptias, & ludos, ita cessare solitos, vt ne eorum quidem esset recordatio. Denique tantam fuisse omnium Contritionem, Religionem, Modestiam, nec solum dum ipse adesset, sed aliquamdiu postea, vt prisca illa Apostolorum ætas rediisse videretur. Itaque si nullos alios habuisset ista Religio viros præter hunc, qui in hominum moribus reformatis operam posuissent, & de Ecclesia benè meriti essent, nonne hoc ad eius laudem & gloriam satis magnum & illustre fuisset?

De Franciscana etiam familia plurima dicenda essent; sed pauca depromamus. Año igitur 1270. missus est Constantinopolim ad tractandam illius Græcæ Ecclesiæ reconciliationem Hieronymus Esculus, is qui postea ad Summum Pontificatum euectus, Nicolaus IV. est appellatus: & quidem felici successu; quippè qui Imperatori, & genti illi veritatis legem persuaferit, secumque quadraginta ex Proceribus ad Pontificis pedes, & ad Concilium, quod eo tempore Lugduni habebatur, cum magno omnium gaudio perduxerit. Idem etiam ad Tartaros non semel adierunt pri-

mum ad Innocentio IV. missi anno 1245. quo tempore, cum magnus hominum numerus Euangelium admisisset, paulo post plures operarii eò destinati, Monasteria multa instituta, denique res Christiana feliciter prorsus administrata est: Iterum deinde anno 1341. à Benedicto X. Pontifice duo ex eisdem missi tanquam Apostolici legati cum alijs socijs adiunctis, qui item accepta ab Imperatore illo promulgandi Evangelij facultate, multa denuò & templa & Monasteria, cum diuini cultus propagatione, multaque animarum conuersione instruxerunt. Anno autem 1332. non parua horum manus in Armeniam ipsam penetrauit, inter quos præcipuum fuisse ferunt Gonzalum Lauratum, virum doctissimum, qui tum concionibus, tum pluribus libris in illam linguam conuersis multum profecit. Eodem etiam ferme tempore & Pascalem inter Medos, & Gentilem inter Persas, versatos esse accepimus. Et illius quidem extat Epistola, qua narrat se, cum munera & vxores, quas barbari illi offerebant, aliasque blanditias constanter repulisset, tentatum deinde esse contumelijs, bis etiam lapidatum, faciem & plantas igne adustas, quibus tamen rebus se ita nunquam territum, vt nec habitum deposuerit, nec à prædicando destiterit. Atque etiam circa idem tempus Bosna vibs Dalmatiæ Gerardi Generalis Ministri opera, conuersa est ab hæresi, cum illac fortè iter habuisset; qui deinde etiam pluribus eò missis finitima loca, quæ erant eadem labe infecta, expurgauit & ad Christi ouile reduxit. Odoricus autem Foroliuiensis eodem ipse ferme quoque tempore, tum vt honores fugeret, qui illi ab omnibus habebantur, tum feruenti animarum zelo adductus, impetrata à superioribus facultate, contulit se inter infideles. Vbi per varias excurrens Prouincias, versus Orientem, & Meridiem, eo in opere annis septem & decem positis, viginti millia animarum solus baptizasse, & salutari doctrina instituisse dicitur.

dicatur. Atverò circiter annum 1379. Guilielmus Patrus Cataium missus euangelizandi causa plures quàm sexaginta è suis adduxit. In Hungaria autem cum Rex ille finitimas quasdam Prouincias recenter subiecisset, destinatis eo Franciscanis octo, non pluribus diebus, quàm quinquaginta, ducenta hominum millia ad Christum adduxerunt. Quo successu impulsus Rex Optimus ad Ordinis Generalem diligenter scripsit, vt duo millia Fratrum ad se mitteret, quoniam nulli opus esset defuturum: legiturque adhuc huius Generalis Epistola, qua suos ad tam optabiles & gloriosos labores piè & feruenter inuitat. Nec tacendus Ioannes Capistranus, qui annum circiter 1450. vna excursionem duodecim millia infidelium, & multos præterea schismaticos Ecclesiæ aggregauit. Taceo gloriosum ipsum Patriarcham S. Franciscum, de quo mirabilia in hoc genere accepimus, Antonium Patauinum, Bernardinum Senensem, vtrumque Vincentio Ferrerio, de quo supra, penè æqualem, aut etiam fortasse æqualem, & alios quoque, quos longissimum esset recensere.

Atque hæc quanquam sunt gloriosa & honorifica Religiosis; nihil tamen præclarius aut gloriosius, quàm noui Orbis conuersio, quæ opera Religiosorum Choro incumbentium inchoata est, & eorum adhuc opera propagatur. Quamuis etiam Societas IESV, à Choro auctoritate Apostolica exempta, insignem huic rei operam nauarit, & nauet. sed mihi animus est, tantum agere de utilitate Ordinum Choro attendentium. Primos ergo omnium, qui prædicationem Euangelij in nouo Orbe sponse suæ aggressi sunt, Franciscanos fuisse legimus, atque eosdem etiam deijs regionibus inueniendis, cum antea ne de nomine quidem audire essent, magnopere contulisse. Cum enim Christophorus Columbus de eà navigatione instituenda apud Ferdinandum Hispaniæ Regem ageret, nec ei, vt in re tam noua atque incerta, multum fidei habe-

M

retur

reitur, Patres duo Franciscani valde cum iuuisse dicuntur: tum ipsum animando, tum etiam Regem impellendo, ut eam occasionem omnino tentaret. Itaque cum impetrata classe Columbus Mexicana Regna feliciter aperuisset, atque in Hispaniam tam lætæ rei nuntius reuersus esset, statim aliquot eius familiæ Patres in ea loca nauigarunt annum circiter à Christo nato 1493. Atque eodem fermè tempore ad Occidentalem Indiam Emanuelis Lusitani Regis auspicijs, à Vasco Gama patefactam, anno videlicet 1500. missi sunt Euangelij causa ex eadem familia viri octo, tum doctrina, tum pietate præstantes. Ab his initijs hic Ordo per eas regiones diffusus, multiplicatis breui tempore domicilijs, tredecim Prouincias instituere, in quibus magnam Christianæ rei operam impenderunt, & adhuc impendunt. Ex his fuere aliqui insigni sanctitate conspicui, videlicet Martinus Valentinus, Toruius Mitolinia, Ioannes à S. Francisco, Andreas Ex olmo, Franciscus Colmenarius, Franciscus Soto, ac Martinus Iesus, qui præ cæteris virtutibus diuinissimis florentes, ac prodigijs clari innumeros ad Christum populos verbi diuini efficacia, & apostolici spiritus plenitudine perduxerunt. De quibus qui plura scire desiderat, legat Historiam Francisci Gonzagæ Episcopi Zephaleni, & Marcum Vlyssiponensem, Episcopum Porti in Lusitania. Ad eosdem etiam labores nauigauere Dominicanæ, deinde Augustiniani, & etiâ Carmelitæ Excalceati. Ex his ergo patet, quantum prædicationi institerint Ordines Choro addicti, quibus ad prædicationis aureolam Deus addidit, ut & pro ipso mortem sub carnificibus passi fuerint. Nullus enim fuit ex Ordinibus prænominatis, qui Martyres non protulerit, in nostræ fidei, & sanctitatis propriæ confirmationem. Ex sola Franciscanorum familia Franciscus Gonzaga numerat centum quatuordecim, eorum tantum qui hoc sæculo floruerunt: quibus

fi

si adiungantur alij ad alia sæcula attinentes, de quibus Bosius Sig. 27. numerum ducentorum excedent. Aliorum autem Ordinum nominatim numerum scire, penitus impossibile, præcipue tamen S. Dominici, è quo sanctitate florentissimi viri prodierunt quamplurimi, qui & superioribus sæculis & nostro, durissimam mortem perpassi sunt. De S. Benedicti Ordine Raulinus Regum Galliarum prædicator in sermone ad Capitulum generale Congregationis Cluniacensis testatus est velut rem eo tempore notissimam, Ioannem Papam XX. in archiuis Ecclesiæ Romanæ inquire iussisse, quot eius ordinis auctoritate publica Canonizati essent & inuenta fuisse quinquaginta quinque millia. quod minimè incredibile, sed nec fere mirabile esse in Ordinis Chronico Hispanico ab Antonio Yepes edito luculentè demonstratur. In solo quippe Cassinensi monasterio quinque millium sanctorum memoria exstat, de quibus Petrus Diaconus. Circiter annum 583. in cœnobio S. Galli quadringenti Monachi sancti uiui numerabantur teste Godfrido viterbiensi. Surius etiam 15. Sept. ex Fulcardo refert, in monasterio Gemeticensi nongentos Sanctos Monachos sub S. Aicardo Abbate vixisse, quorum vna die 450. simul mortem sibi à Deo prædictam sancte læteque obierunt. Infinitum verò Martyrum numerum inter tot Ordinis huius sanctos fuisse vel hinc colligi potest. In vno monasterio S. Vincentij ad Vulturnum anno 882. vna die nongenti monachi à Saracenis martyrizati fuerunt Baronio teste: alij nongenti similiter ab infidelibus vna die in quodam Hiberniæ monasterio martyrio affecti, vt in Malachiæ vita auctor est S. Bernardus. Est autem in primis notabile, quod S. Benedicto contigit, vt adhuc viuis tantum filiorum sanctorum numerum in compluribus Italiæ, Siciliae, Hispaniæ, & Galliæ cœnobijs à se constitutis haberet, velut S. Maurus eius discipulus paucis post eius è terris excessum testatus est, in cuius vita hæc eius verba recitat

M 5

S. Faustus.

S. Faustus: *Benedictus Pater noster tantam à domino promeruit gratiam, ut nemini post beatos & primos Apostolos unquam fuerit secundus, sed potius Deo se iuuante tot sanctorum steterit fundator cœnobiorum, tantaque Domino acquisuerit millia perfectorum Monachorum.*

Non solum autem sanctitas sed & eruditio, ita in Religionibus Choro addictis floruisse videtur, ut verè dicere possimus, ab ijs etiam eruditionem factam esse eruditiorē, maioremque in modum illustratam, ut facilior & planior posteris traderetur. Ij enim tum viuentes docendo, disputando, interpretando literarijs studijs incredibile lumen attulere; tum verò ea etiam scripta, tamque multa post vitam reliquere, quæ omnes ferè scientias planiores facilioresque fecerint, quas quidem dignas statuissent, in quibus elaborauerint. Libet igitur quasi cursive omnem Religionum ætatem ab initio inspicere, ut eorum multitudinem ac copiam videamus, qui in doctrinarum studijs magnifuerunt. Et ut à Benedictino Ordine antiquissimo incipiamus, iam sunt mille & amplius anni, ex quo hic Ordo natus est. His igitur vñdecim ferè sæculis, mirum certè est, quàm multos semper, & quàm præstantes in omni genere produxerit viros. Prime enim sæculo, id est, vsque ad annum Domini sexcentesium, vixit vir summus Cassiodorus, eique æqualis Dionysius, cognomento Paruus, vir sui temporis eruditissimus tum humanis, tum etiam diuinis literis, quod ostendunt scripta ab eo relicta. Eodemque tempore Gregorius Magnus, Gregorius Turonensis, & Leander Hispalensis, satis adhuc per sennoti. Secundo sæculo à sexcentesimo ad septingentesimum multum (ut accepimus) claruit Cæsarius in Gallia, Eutropius in Hispania, in Lusitania Ioannes Gerundensis Episcopus, in Scotia Adamanus Abbas, in Anglia

Anglia Theodorus, qui Romæ Monasticam vitam professus à Vitaliano Pontifice Cantuariam destinatus est iëptimus Archiepiscopus, cuius de laudibus Beda sæpè. Tertiò sæculo vsque ad annum octingentesimum, Beda ipse notissimus libris, scriptis. Tum Bonifacius ille Germaniæ Apostolus, quem non sola sanctitas, sed (ut traditum est) insuper etiam eruditio illustravit. Deinde Ægidius Abbas natione Græcus, idemque Philosophus ac Poëta, quin etiam Medicus insignis, quippe qui multa de arte Medica carmine scripserit. Inprimis autem Alcuinus, qui snæ ætatis doctissimus habitus est, Caroli Magni Magister, ita ei charus, ut eum suas delicias appellaret, cuius etiam prudentiæ Parisientem Academiam, quam Roma illuc transtulerat, commisit ordinandam. Idemque multa edidit tum in Sacram scripturam, tum suo pte ingenio. Quo eodem tempore floruit etiam Paulus Diaconus, author celebris hymni in S. Ioannem Baptistam, pluriumque librorum, quorû pars adhuc extat. Hic prius Desiderij Regis Longobardi familiaris & Secretarius fuit, deinde verò vnacum ipso à Carolo Imperatore captus, & in Galliam ab ductus seruatus tamen est ab ipso hoste ob ingenij famam: postea in Insulam relegatus, cum fuga euasisset, etsi Beneuenti ab Aldeberga Desiderij filia exceptus esset benignè & honorificè, tamen sæculo contempto in Cassinense Monasterium sese recepit; quod Carolus audiens, magis eum etiam amasse & coluisse dicitur, ac cû eo sæpè per literas humanissimè communicasse. Quarto sæculo vsque ad annum nongentesimum, insignis fuit Haymo Monachus Fuldesis, postea etiam Episcopus, Alcuini auditor, omninò inter doctissimos numerandus, qui totam Scripturam Commentarijs illustravit, aliaque propria ingenij. monimenta reliquit. Neque huic inferior Rabbanus ex Fuldenfi abbate, Archiepiscopus Moguntinus, qui iustam pene Bibliothecam solus edidit. Nam cum puer adhuc ab ipsis parentibus Fuldenfi Mona-

sterio

log. sua lib. 4. & alij quamplures Historiographi, primus noui Orbis Apostolus electus ab Alexandro vi. Summo Pontifice, Betiel Monachus Benedictinus, natione Catalanus fuit, qui electis duodecim eiusdem familiae socijs, Vicarius Generalis Summi Pontificis apud illas nationes fuit designatus, ac benedictione Pontificali accepta, ad hanc nouam Euangelij præpicationem ex Hispania anno 1595. discessit, illisque Prouincijs omnium primus lumen fidei Pontificis iussu intulit. Multa præterea similia commemorari possent ex Monachorum Ordine profecta, præcipuè tamen Orientalium monachorum sub regula S. Basilij militantium, quorum ope & doctrina conuersa Græcia, aliæ etiam Orientales nationes in fide & moribus sustentantur: quibus breuitatis causa omisissis, ad alia exempla gradum faciamus, & deinceps de Ordinibus Mendicantibus, Choro etiam attentendibus loquamur.

Et in primis de Patribus Dominicanis, quantum animarum conuersioni insudauerint, quantumque à suo ortu & origine totius orbis salutem procurauerint & in quantas regiones ad hanc rem fuerint sparsi, facile erit colligere ex Bulla Innocentij iv. & Nicolai iv. Fratribus Prædicatorib⁹ in cōuersione animarum laboantibus concessa, cuius initio habentur hæc verba. *Innocentius Episcopus seruus seruorum Dei. Dilectis filiis Fratribus de Ordine Prædicatorum, in terras Saracenorum, Paganorum, Græcorum, Bulgarorum, Cumanorum, Aethiopum, Syrorum, Iberorum, Alanorum, Gazarorum, Gothorum, Zicocorum, Ruthenorum, Iacobitarum, Nubianorum, Georgianorum, Armenorum, Indorum, Mostelitarum, Tartarorum, Hungarorum, Maioris Hungariae, Christianorum captiuorum apud Tartaros, aliarumque infidelium nationum Orientis, seu quarumcunque*

M 2

partium

partium proficiscentibus salutem &c. Hæc Innocentius. Quos fructus Ordo iste tulerit ex tam copioso, tamque vniuersali verbi Dei semine, non facile erit dinumerare. Nam cum aliqui Religiosi ad aliquas prædictarum regiones fuissent destinati, multas peragrarunt Barbarorum Prouincias, in quibus Christi nulla adhuc notitia erat, idque eo fructu, vt scriptum sit, iniri non posse numerum ad rectam fidem per eos traductarum, præsertim verò in Cumanorum gente. Vnde Benedictus, qui cæteris præerat Fratribus, ad Magistrum Generalem, scribens (quæ adhuc extant litteræ) narrat multa hominum millia non solum ex plebe, sed etiam ex primaria nobilitate baptismum suscepisse. Quare hoc sufficiat quasi specimen eorum fructuum, quos hic Ordo in Ecclesia Dei tulit, fertque in dies, quibus recensendis iustaiam volumina scripta sunt.

Non possum tamen dissimulare Vincentium ex eadem familia, cuius quidem opera tam longè latèque peruagata est, vt mirum fuerit, tam multas regiones potui, se vnius hominis passibus percurri, quot ille euāgelizando peragravit. Primum enim in Hispania Valentie Regnū, Cataloniam, Aragoniam, Nauarram, denique excepta Galitia & Lusitania, quibus ob certas causas abstinuit, singulas Prouincias, singulas Vrbes, singula fermè oppida obiit. Hinc Galliam ingressus Regnum Occitanum, Delphinatum, Franciam, Burgundiā, Nortmaniam, Prouinciam, Aluerniam, Vasconiā, Britanniam, & Flandriam ipsam ac totam Sabaudiā, postea in Italiam descendens, Pedemontū, Insubriam, Ligriam, & omnia eius littora adiit: postremò etiam ad Baleares insulas nauigauit. Deinde ab Henrico Gallie Rege humanissimis litteris ac nuntijs, & naui ad hoc ipsum missa inuitatus, eam primum Insulam totam, mox Scotiam, postremò etiam Hiberniam lustraui, & quidem vt ante dixi, non Metropoles tantum, aut maiores Ciuitates, sed vbique villas

Villas ipsas, & ignobiles pagos Christi exemplo circumiens. Itaque quis præter Deum numerare posset, quot ille animas ex vitiorum cœno, & ipsis inferni portis euocauerit? quæ vitia ex totis Ciuitatibus & prouincijs eradicaucrit? quantum vbique lucem diuinarum rerum reliquerit? Illud quidem constat Iudæorum tantum, contra quorum perfidiam, cum eo tempore abundaret, illius zelus exarserat, suprâ viginti quinque millia, Saracenorum octo millia ab eo ad Christum adducta fuisse, Christianorum verò qui se ad bonam frugem receperunt, plusquam centum millia. Sed facilius & certius sit Prouincias & regiones, quam animas numerare, quas ille ad salutem reuocauit. Sic enim scribitur, quocunque is pedem iutulisset, statim ibi sequi consueuisse generalem pœnitentiam priorum delictorum, generalemq; morum reformationem; aleam, blasphemias, deriuria, aliqua flagitia, imò vero etiam ineptias, & ludos, ita cessare solitos, vt ne eorum quidem esset recordatio. Denique tantam fuisse omnium Contritionem, Religionem, Modestiam, nec solum dum ipse adesset, sed aliquamdiu postea, vt prisca illa Apostolorum ætas rediisse videretur. Itaque si nullos alios habuisset ista Religio viros præter hunc, qui in hominum moribus reformatis operam posuissent, & de Ecclesia benè meriti essent, nonne hoc ad eius laudem & gloriam satis magnum & illustre fuisset?

De Franciscana etiam familia plurima dicenda essent; sed pauca depromamus. Año igitur 1270. missus est Constantiнопolim ad tractandam illius Græcæ Ecclesiæ reconciliationem Hieronymus Esculus, is qui postea ad Summum Pontificatum euectus, Nicolaus IV. est appellatus: & quidem felici successu; quippè qui Imperatori, & genti illi veritatis legem persuaferit, secumque quadraginta ex Proceribus ad Pontificis pedes, & ad Concilium, quod eo tempore Lugduni habebatur, cum magno omnium gaudio perduxerit. Idem etiam ad Tartaros non semel adierunt pri-

mum ad Innocentio IV. missi anno 1245. quo tempore, cum magnus hominum numerus Euangelium admisisset, paulo post plures operarii eò destinati, Monasteria multa instituta, denique res Christiana feliciter prorsus administrata est. Iterum deinde anno 1341. à Benedicto X. Pontifice duo ex eisdem missi tanquam Apostolici legati cum alijs socijs adiunctis, qui item accepta ab Imperatore illo promulgandi Evangelij facultate, multa denuò & templa & Monasteria, cum diuini cultus propagatione, multaque animarum conuersione instruxerunt. Anno autem 1332. non parua horum manus in Armeniam ipsam penetrauit, inter quos præcipuum fuisse ferunt Gonzalum Lauratum, virum doctissimum, qui tum concionibus, tum pluribus libris in illam linguam conuersis multum profecit. Eodem etiam ferme tempore & Pascalem inter Medos, & Gentilem inter Persas, versatos esse accepimus. Et illius quidem extat Epistola, qua narrat se, cum munera & vxores, quas barbari illi offerebant, aliasque blanditias constanter repulisset, tentatum deinde esse contumelijs, bis etiam lapidatum, faciem & plantas igne adustas, quibustamen rebus se ita nunquam territum, vtnec habitum deposuerit, nec à prædicando destiterit. Atque etiam circa idem tempus Bosna vrbs Dalmatiæ Gerardi Generalis Ministri opera, conuersa est ab hæresi, cum illac fortè iter habuisset; qui deinde etiam pluribus eò missis finitima loca, quæ erant eadem labe infecta, expurgauit & ad Christi ouile reduxit. Odoricus autem Foroliuiensis eodem ipse ferme quoque tempore, tum vt honores fugeret, qui illi ab omnibus habebantur, tum feruenti animarum zelo adductus, impetrata à superioribus facultate, contulit se inter infideles. Vbi per varias excurrens Prouincias, versus Orientem, & Meridiem, eo in opere annis septem & decem positis, viginti millia animarum solus baptizasse, & salutari doctrina instituisse dicitur.

dicatur. At verò circiter annum 1379. Guilielmus Patrus Cataium missus euangelizandi causa plures quàm sexaginta è suis adduxit. In Hungaria autem cum Rex ille finitimas quasdam Prouincias recenter subiēcisset, destinatis eo Franciscanis octo, non pluribus diebus, quàm quinquaginta, ducenta hominum millia ad Christum adduxerunt. Quo successu impulsus Rex Optimus ad Ordinis Generalem diligenter scripsit, vt duo millia Fratrum ad se mitteret, quoniam nulli opus esset defuturum: legiturque adhuc huius Generalis Epistola, qua suos ad tam optabiles & gloriosos labores piè & feruenter inuitat. Nec tacendus Ioannes Capistranus, qui annum circiter 1450. vna excursionē duodecim millia infidelium, & multos præterea schismaticos Ecclesiæ aggregauit. Taceo gloriosum ipsum Patriarcham S. Franciscum, de quo mirabilia in hoc genere accepimus, Antonium Patauinum, Bernardinum Senensem, vtrumque Vincentio Ferrerio, de quo suprà, penè æqualem, aut etiàm fortasse æqualem, & alios quoque, quos longissimum esset recensere.

Atque hæc quanquam sunt gloriosa & honorifica Religiosis; nihil tamen præclarius aut gloriosius, quàm noui Orbis conuersio, quæ opera Religiosorum Choro incumbentium inchoata est, & eorum adhuc operà propagatur. Quamuis etiàm Societas IESV, à Choro auctoritate Apostolica exempta, insignem huic rei operam nauarit, & nauet. sed mihi animus est, tantùm agere de utilitate Ordinum Choro attendentium. Primos ergo omnium, qui prædicationem Euangelij in nouo Orbe sponse suæ aggressi sunt, Franciscanos fuisse legimus, atque eosdem etiàm deijs regionibus inueniendis, cum antea ne de nomine quidem audire essent, magnopere contulisse. Cum enim Christophorus Columbus de eà nauigatione instituenda apud Ferdinandum Hispaniæ Regem ageret, nec ei, vt in re tam noua atque incerta, multum fidei habe-

M retur

reitur, Patres duo Franciscani valde cum iuuisse dicuntur: tum ipsum animando, tum etiam Regem impellendo, ut eam occasionem omninò tentaret. Itaque cum impetrata classe Columbus Mexicana Regna feliciter aperuisset, atque in Hispaniam tam lætæ rei nuntius reuersus esset, statim aliquot eius familiæ Patres in ea loca nauigarunt annum circiter à Christo nato 1493. Atque eodem fermè tempore ad Occidentalem Indiam Emanuelis Lusitani Regis auspicijs, à Vasco Gama patefactam, anno videlicet 1500. missi sunt Euangelij causa ex eadem familia viri octo, tum doctrina, tum pietate præstantes. Ab his initijs hic Ordo per eas regiones diffusus, multiplicatis breui tempore domicilijs, tredecim Prouincias instituere, in quibus magnam Christianæ rei operam impenderunt, & adhuc impendunt. Ex his fuere aliqui insigni sanctitate conspicui, videlicet Martinus Valentinus, Toruius Mitolinia, Ioannes à S. Francisco, Andreas Ex olmo, Franciscus Colmenarius, Franciscus Soto, ac Martinus Iesus, qui præ cæteris virtutibus diuinissimis florentes, ac prodigijs clari innumeros ad Christum populos verbi diuini efficacia, & apostolici spiritus plenitudine perduxerunt. De quibus qui plura scire desiderat, legat Historiam Francisci Gonzagæ Episcopi Zephaleni, & Marcum Vlyssiponensem, Episcopum Porti in Lusitania. Ad eosdem etiam labores nauigauere Dominicanici, deinde Augustiniani, & etiâ Carmelitæ Excalceati. Ex his ergo patet, quantum prædicationi institerint Ordines Choro addicti, quibus ad prædicationis aureolam Deus addidit, ut & pro ipso mortem sub carnificibus passi fuerint. Nullus enim fuit ex Ordinibus prænominatis, qui Martyres non protulerit, in nostræ fidei, & sanctitatis propriæ confirmationem. Ex sola Franciscanorum familia Franciscus Gonzaga numerat centum quatuordecim, eorum tantum qui hoc sæculo floruerunt: quibus

fi

si adiungantur alij ad alia sæcula attinentes, de quibus Bosius Sig. 27. numerum ducentorum excedent. Aliorum autem Ordinum nominatim numerum scire, penitus impossibile, præcipue tamen S. Dominici, è quo sanctitate florentissimi viri prodierunt quamplurimi, qui & superioribus sæculis & nostro, durissimam mortem perpassi sunt. De S. Benedicti Ordine Raulinus Regum Galliarum prædicator in sermone ad Capitulum generale Congregationis Cluniacensis testatus est velut rem eo tempore notissimam, Ioannem Papam XX. in archiuis Ecclesiæ Romanæ inquiri iussisse, quot eius ordinis auctoritate publica Canonizati essent & inuenta fuisse quinquaginta quinque millia. quod minimè incredibile, sed nec fere mirabile esse in Ordinis Chronico Hispanico ab Antonio Yepes edito luculentè demonstratur. In solo quippe Cassinensi monasterio quinque millium sanctorum memoria exstat, de quibus Petrus Diaconus. Circiter annum 583. in cœnobio S. Galli quadringenti Monachi sancti uiui numerabantur teste Godfrido viterbiensi. Surius etiam 15. Sept. ex Fulcardo refert, in monasterio Gemeticensi nongentos Sanctos Monachos sub S. Aicardo Abbate vixisse, quorum vna die 450. simul mortem sibi à Deo prædictam sancte læteque obierunt. Infinitum verò Martyrum numerum inter tot Ordinis huius sanctos fuisse vel hinc colligi potest. In vno monasterio S. Vincentij ad Vulturnum anno 882. vna die nongenti monachi à Saracenis martyrizati fuerunt Baronio teste: alij nongenti similiter ab infidelibus vna die in quodam Hiberniæ monasterio martyrio affecti, vt in Malachiæ vita auctor est S. Bernardus. Est autem in primis notabile, quod S. Benedicto contigit, vt adhuc viuis tantum filiorum sanctorum numerum in compluribus Italiæ, Sici-liæ, Hispaniæ, & Galliæ cœnobijs à se constitutis haberet, velut S. Maurus eius discipulus paucis post eius è terris excessum testatus est, in cuius vita hæc eius verba recitat

Anglia Theodorus, qui Romæ Monasticam vitam professus à Vitaliano Pontifice Cantuariam destinatus est, tertio sæculo usque ad annum octingentesimum, Beda ipse notissimus libris, scriptis. Tum Bonifacius ille Germaniæ Apostolus, quem non sola sanctitas, sed (ut traditum est) insuper etiam eruditio illustravit. Deinde Ægidius Abbas natione Græcus, idemque Philosophus ac Poëta, qui etiam Medicus insignis, quippe qui multa de arte Medica carmine scripserit. Inprimis autem Alcuinus, qui saxonis doctissimus habitus est, Caroli Magni Magister, ita ei charus, ut eum suas delicias appellaret, cuius etiam prudentiæ Parisiensem Academiam, quam Roma illuc transfulebat, commisit ordinandam. Idemque multa edidit tum in Sacram scripturam, tum suo pte ingenio. Quo eodem tempore floruit etiam Paulus Diaconus, author celebris hymni in S. Ioannem Baptistam, plurimumque librorum, quorum pars adhuc extat. Hic prius Desiderij Regis Longobardi familiaris & Secretarius fuit, deinde verò unacum ipso à Carolo Imperatore captus, & in Galliam ab ductus servatus tamen est ab ipso hoste ob ingenij famam: postea in Insulam relegatus, cum fuga evasisset, etsi Beneventi ab Aldeberga Desiderij filia exceptus esset benignè & honorificè, tamen sæculo contempto in Cassinense Monasterium sese recepit; quod Carolus audiens, magis eum etiam amasse & coluisse dicitur, ac cum eo sæpè per literas humanissimè communicasse. Quarto sæculo usque ad annum nongentesimum, insignis fuit Haymo Monachus Fuldefis, postea etiam Episcopus, Alcuini auditor, omninò inter doctissimos numerandus, qui totam Scripturam Commentarijs illustravit, aliaque propria ingenij. monimenta reliquit. Neque huic inferior Rabbanus ex Fuldensi abbate, Archiepiscopus Moguntinus, qui iustam pene Bibliothecam solus edidit. Nam cum puer adhuc ab ipsis parentibus Fuldensi Mona-

sterio

sterio oblatuſ eſſet, tantum in Poëſi, in Philoſophia, & in ſacris literis profecit, vñ in tota Germania, forſſe etiam in toto Orbe, nulluſ ei æqualis putaretur. Cui tamen vt tempore, ſic ingenio proximi fuere (vt alioſ complures omit- tamuſ) Angelomus Luxouienſiſ, inotuſ quoque ipſe ex li- briſ ſcriptiſ, & Strabuſ Fuldenſiſ, cuiuſ opuſ dicitur eſſe Gloſſa, quæ Ordinaria vocatur, ex Sanctorum Patrum ſcriptiſ concinnata. Quinto ſæculo ab Anno nongentefimo ad Milieſimũ, celebratur inprimiſ Odo Abbaſ Cluniacenſiſ, diuinis & humaniſ literiſ erudituſ, Herigeruſ Abbaſ Lobi- genſiſ, non in tota Gallia ſolum, ſed tota Italia, & Germania ob doctri- nę opinionę celeberrimuſ: tum Ratheriuſ ex Mo- nacho Lobigenſi Epicoſuſ Veronenſiſ, qui miræ ſimpli- citatiſ, ſed magnæ literaturę fuiſſe tradituſ, & alij deniq; per- mulci: inter quos tamen nihil ita enituit, vt Radulphuſ Mo- nachuſ Fuldenſiſ; de quo in Eccleſia tota hæc erat conſtans opinio, nullũ ei vel in Philoſophia, vel in Theologia parem eſſe, vt propterea ad eũ ex toto ferme Orbe difficillimæ quæq; Quæſtiones referrentur. Sed multo etiam feraciuſ talium ingenioruſ fuit ſextuſ ſæculuſ, in quo præter alioſ mul- toſ, quorum adhuc extant nomina, floruit Marianuſ Scotuſ, qui Fuldæ vñdecim annos, quindecim Moguntiaꝝ incluſuſ durauit, quo tempore Chronica ſcripſit ab initio mundi ad ſua uſque tempora: fuitque ob doctri- nę, & multo magiſ ob ſanctitatiſ nomen in magna omnium veneratione. Ac eodem tempore celebriſ etiam fuit Lanfrancuſ, qui in Dia- lecticis, & tota Philoſophia, ſui temporis Princepſ habituſ eſt, idemque lumen ac Magiſter Theologoruſ. Hunc tradunt, cum Papia, vbi natuſ erat, & vbi publicam ſcho- lam cum laude habuerat, in Galliam proficiſcetur, à latro- nibuſ ſpoliatuſ & abductuſ, priuſ impatienter tuſiſſe, deinde in ſe reuerſuſ damnare cœpiſſe ſeipſuſ, quod tam diuturnuſ ſtuduſ Sacrę ſcripturæ impendiſſet, neque ad- huc Deuſ in tribulatione laudare didiciſſet; ſtatimque vo- uiſſe, ſi euaderet, ſe deincepſ Deo ſamulaturuſ. Libera-
tus

rus igitur venit ad Monasterium Beccense, ubi aliquādiu ita latuit, quasi idiota & illiteratus, donec ab Italis mercatoribus agnitus & patefactus, primū à suis adhibitus est ad domestica studia moderanda, deinde etiam à Summo Pontifice Cantuariensi Ecclesiæ præpositus. Huic omninò simillimus fuit is, qui ei proximè in sede successit Anselmus eius auditor, & in Beccensi item Schola successor. De cuius Anselmi eruditione nihil attinet dicere, cum eam libri editi satis ostendant. His adscribendi duo Cardinales eiusdem temporis Humbertus Monachus Tullensis, quem Leo IX. ob excellentem doctrinam & pietatem ad eum honorem prouexit & Constantinopolim legauit, ut Leonis Bulgarorum Episcopi audaciam frangeret. Alter fuit Petrus Damianus, cuius adhuc eruditio & facundia ex eius plurimis scriptis nota est. Illud Sanctitatis fuit, quod diu Cardinalis & Episcopi Hostiensis munere functus, deinde pertæsus eius vitæ Nazianzeni exemplo ad pristina se recepit Monachorum studia: cuius etiam facti rationem luculento scripto reddidit. Deniq; ut alios omnes omittamus, magnus fuit per ea tempora Hermanus, cognomento Contractus, cuius doctrina eò mirabilior fuit, quod eam insigni miraculo adeptus est. Ita enim scriptum est, hunc in Sueuia ex nobili Comite ortum, ab ineunte ætate omnibus membris captum fuisse, atque ob eam causam, nomen illud quod diximus Contracti accepisse. Quare cum Monachus factus esset, multis precibus B. Virginem rogare institit, ut ipsum eo morbo liberaret. Illa verò clara luce se ei visendam præbens, optionem obtulit, utrum è duobus mallet, sanusne fieri, sed ut erat, rudis & in doctus permanere; an perseuerare in morbo, & omnibus scientijs insignis euadere. Cum autem Hermanus, ut debebat, hoc posterius prætulisset, ab eo tempore mirabiles progressus in omni genere literarum facere cœpit, adeò ut neminem in his superiorem, vix etiam æqualem habere crederetur, ac nominatim tres linguas,

Latinum,

Latinam, Græcam, Hebraicam, ita calleret, ac si in his natus esset. In septimo sæculo vsque ad annum Millesimum ducentesium, multos item accepimus fuisse omnium doctrina atque optimarum artium studio eruditissimos. Quo in numero præcipuè ponitur S. Petrus Abbas Cluniacensis, cuius tum alij libri extant, tum vnus de mirabilibus & reuelationibus suo tempore factis. Tum verò Sigebertus ex Gemblacensi Cœnobio, & Gratianus ex Bononiensi; quorum ille insigne Chronicon conscripsit, & alias insuper historias: hic nobile illud opus Decretorum ex Patrum Sententijs, & Pontificum responsis digessit, approbatum deinde ab Eugenio **III.** Inter omnes autem maximè celebres illi duo Hugo è Cœnobio S. Victoris Parisiensis, & Rupertus Abbas Tuiciensis, cuius doctrinæ excellentiam, non solum multa volumina ab eo scripta indicant, sed etiam miraculum, quo eam doctrinam accepit. Nam cum ingenio tardior esset, instaretque precibus apud Virginem Dei Matrem, vt sibi à Filio Scripturarum intelligentiam impetraret, apparuit ei Mater illa gratiæ, denuntians eius preces ab se auditas, tantumque ei lumen impertitum iri, vt nullus eius ætatis doctrina ei æquari possit; tantum videret, ne id talentum in terra defoderet, sed strenuè exerce-
ret: quod quidem ab illo abundè perfectum constat: nunquam enim deinceps à legendo, vel scribendo cessauit. Octauo sæculo, ab anno millesimo ducentesimo, vsque ad annum millesimum trecentesium floruisse accepimus Helmandū Monachum Beluacensem, in diuini Scripturis eruditissimum, & in sæcularibus etiam literis, ac multis quoque libris scriptis nobilitatum. Eodemque tempore Guilielmum Abbatem Pistauensem non solum Theologiæ, sed Iuris etiam peritissimum. Deinde Philippum Pergamum in Cœnobio Patauino egregium virum, tum doctrina, tum eloquentia: tum etiam Petrum Bercorium Monachum Parisiensem cuius librorū grandis extat catalogus. Ab anno autem millesimo trecentesimo, vsque ad millesimum

mum quadringentesimum toto hoc sæculo multi item celebrantur, vt Lapus Abbas S. Miniatis, in Theologia, insuper in vtroque iure peritissimus. Petrus Boherij Abbas Auianenſis, ipse quoque Decretorum Doctor : præcipue verò Petrus Rogerius, is qui postea ad Pontificatum euectus, Clemens VI. vocatus est, quem acerrimo ingenio, ac tum omni doctrina, tum etiam dicendi facultate, egregie instructum fuisse ferunt : ita vt populum quò vellet concionando impleret. Quare nil mirum, si eum tot merita ad summam Ecclesiæ dignitatem extulerunt. Sæculum decimum vsque ad annum miliesimum quingentesimum, præter alios insignes viros, aliquot etiam habuit in iure Canonico admodum excellentes, vt Henricum Abbatem Nurembergensem, Ioannem Rotæ Abbatem Treuelensem, cuius egregia opera constitut in Concilio Basiliensi ; tum verò Nicolaum illum, qui prius Abbas Monacenſis, postea Archiepiscopus Panormitanus, denique etiam Cardinalis factus est. Scripsit autem multa consilia, & vberissima Commentaria in vniuersum Corpus Iuris Canonici, quorum tanta est hodie auctoritas, vt nullus in hoc genere notior & celebratior sit. Deniq; vndecimo sæculo, quod ab año millesimo quingentesimo, vsque ad annum millesimū sexcentissimum labitur, non paucos scimus eminentes viros, vt Ignatium ex Cœnobio Florentino, ex Parmensi Ioannē Baptistam, vtrumq; Abbatem, vtrumq; magno progressu in diuinis & humanis literis. In Hispania verò Pasqualem, qui in Salmanticensi Academiā publicam Theologiæ scholam cum ingenti approbatione professus est. Postremo ne longiores simus, multum etiam hoc tempore viguit Gregorius, qui prius in nobili illo Mantuano Cœnobio Abbas, deinde etiam Cardinalis à Paulo III. creatus est. Hunc verò omnibus scientijs ex cultum tradunt, vtraque etiam lingua Græca & Latina peritissimum, ita vt loqueretur & scriberet expedite atque eleganter. Atq; hi quidem ex Benedictino Ordine, quos de multis paucos nominauimus.

In

In alijs autem institutis eò etiam magis viguerunt literæ, quod omnia fermè ad aliorum quoque hominum salutem dirigebantur; quod sine literis agi non poterat. Itaque mirum est, quanta deinceps in omnibus ingeniorum, quanta Doctorum hominum seges extiterit. Sed hi quo recentiores, eò notiores, ideoque strictim attingendi & tantummodò nominandi.

Ex Dominicano Ordine quí viri & quales prodire? Albertus qui Magni cognomen adeptus est, Herueus, Durandus, Hugo Cardinalis; qui totam Scripturam Sacram optimis Commentatijs illustravit, Raymundus, is qui ut scribit Antoninus, Decretales libros iussu Gregorij Pontificis ordinavit, Antoninus ipse non minori eruditione, quàm Sanctitate, Capreolus, Petrus Tarantasius, idem postea Ioannocentius xv. Pontifex Maximus, Petrus Paludanus, Chrysostomus Iauellus, Ferrariensis, Sotus uterque, duo Cardinales, Turrecremata, & Caietanus, aliique permulti; quos nimis longum esset recensere. Sed is præcipuè, quem meritò ab aliorum numero secreuimus, omnium Princeps S. Thomas, cuius scientiæ copiam, claritatem, profunditatem, quis pro dignitate collaudet? Ac præter hos quorum nomina ex eorum scriptis celebrantur, quis deinde eos numeret, qui omni ætate in scholis docendo, partim consilijs dandis, deque dubijs rebus respondendo, magnam operam Ecclesiæ, & proximis nauarunt, ipsique in summa omnium laude vixerunt, quorum quidem est penè infinita multitudo?

Franciscani paulò seriùs, neque adeò generaliter initio hæc literarum studia acceperunt. Eorum enim Author & Caput Sanctus Franciscus cum ipse sapientia potius de cælo infusa, iquàm humano labore quæsitæ, uteretur, eodem etiam modo suos institui volebat. Idem tamen Antoninum, cui postea Patauini cognomen additum est, cum iam benè doctus ad eam familiam accessisset, passus est docere

tere inter suos Theologiam, extatque brevis Epistola, qua hoc ei permittit; ita tamen, *ut caueat, ne orationis* (sic enim ait) *spiritum occupatio illa extinguat*. Itaque tum hoc exemplo, tum etiam necessitate adducti, ut proximos iuuare possent, alij quoque literariam exercitationem complexi sunt, in qua breui magnos secere progressus. Nam & paulò post, id est anno fermè millesimo quadragesimo quinto, extitit Alexander ille Halensis, quo nemo illa ætate eruditior, & huius auditor Bonauentura, tum plenus omni scientia, tum etiam dilucidus, & ad difficillima quæque explicanda aptissimus. Nec multò post Richardus Media Villa, annum circiter millesimum ducentessimum octuagesimum, & Ioannes Dunscius, is qui Scotus est appellatus, anno millesimo trecentesimo, cuius acumine, & subtilitate quid mirabilius; deinde eius discipuli Gulielmus Ocham, vir ingeniosissimus, Franciscus Maironius, is qui in Parisiensi Academia Illuminati nomen obtinuit, eodemque tempore Aluarus Pelagius viriisque Iuris peritissimus simulque diuinarum literarum, cuius præstans doctrina magno in pretio fuit apud omnes, & præcipuè apud Pontificem Ioannem xx i i. His addi potest Petrus Aureolus, quem eruditio ad Aquensem Cathedram prouexit; tum Nicolaus Lyrensis, genere Iudæus, cuius ingenium eluxit, in tota Scriptura ad literalem sensum explananda, anno circiter millesimo trecentesimo trigésimo. Denique omnium recentissimi Alphonsus Castrensis, Michael Medina, Franciscus Titelmanus, optimus planè sacrorum librorum interpres, & alij quamplurimi, ijque adeò noti, ut pigeat hic commemorare.

Idem dicere licet de alijs familijs, quæ omnes multos semper doctos, aliquos etiam interdum admodum eminentes habuere, ut Augustiniana Ægidium Romanum, præter innumeros alios. Carmelitana Thomam VValdensen, præter sexaginta & amplius; qui suprà libros Sententi-

N

arum

arum Petri Lombardi scripserunt, & plurimos alios : Carthusiensis Dionysium, & alios satis multos. Vt autem supra notavi, nihil hic commemoratum est de Sanctitatis, eruditione, & vtilitate Religionum à Choro exemptarum, quia institutum fuit, solum monstrare, quantum Religionis Chororum profitentes, conversioni animarum, & prædicationi Euangelij incumbant : vt inde lique scat, non esse obligationem & debitum in Religionibus omittendi Psalmodiam propter eleemosynas spirituales; vti sunt peccantes corrigere, ignorantes docere, dubitantibus rectè consulere, consolari mæstos, Sacramenta administrare, libros pro defensione Sanctæ Ecclesiæ, & alios similes pro dilatanda Dei gloria conscribere. Videmus enim hæc omnia strenuè perfici à Religionibus prædictis, in quibus tamen est Chori studium. Quamuis alij etiam Religionibus sua laus relinquatur, & à me opportunitior locus, vel occasio eas pertractandi expectetur. Semper enim colui, & colam donec vixero omnes Religiones.

Falsum igitur dixit Theologus, quòd propter eleemosynas spirituales, quas enumeravit, debeat omitti Psalmodia. Ad cuius maiorem expugnationem ultimo loco adduco, vnum insigne exemplum de Laurentio Surio Carthusiano, quo pateat Sacram Psalmodiam non impedire scriptionem librorum, pro dilatanda gloria Dei & proximorum profectu : neque spiritualia opera, ad eorundem proximorum vtilitatem impendenda. In eius ergo vita, quæ habetur in principio Tomi 1. vitarum Sanctorum, quas ipse conscripsit, sic habetur : *Iam verò qui nouit, quot horas Religiosi viri istius sacri Ordinis, concinendis in Choro, diurno nocturnoque tempore precibus, sacroque Missæ officio, præter priuatas statutasque preces tribuunt, iure mirabitur, à Patre Surio, tot tantaque volumina, triginta sex quibus in Ordine vixit annis, conscribi*

scribi potuisse. Nam ab his Ordinis exercitijs ieiūijs itē,
alijsque austeritatibus corpori molestis, nullam exemp-
tionem petijt, ne cui suorum offendiculum præberet, sed
omnibus quod imitarentur exemplum illustre domesti-
cum relinqueret. Id modo illi tributum fuisse ferunt,
ut dum preces Primæ alijs in Choro concinerent, ipse
priuatim sacrum Missæ perageret. Nil hic dico quan-
tum ipsi à studijs temporis suffurati sint viri visitantes il-
lum, amici, omnis conditionis viri, Principes illustres
nobiles, docti, Clerici, & seculares, variarum nati-
onem studiosi, qui nunquam desunt in Academia,
quos omnes & benigne accipiebat, ac pjs colloqui-
js, ad salutis animæ curam habendam in-
citabat. Hæc ibi.

PROPOSITIO LX.

*Ideò illæ Religiones, ceteris paribus, præferendæ sunt
alijs, quæ habent ex suo instituto maiorem ratio-
nem Prædicationis & Orationis, quam
Psalmodiæ.*

NON dixit Theologus, quod illæ Religiones præfe-
rende sunt alijs, quæ nullam habent rationem
Psalmodiæ, sed quod illæ sunt præferendæ, quæ
habent maiorem rationem Prædicationis & Orati-
onis, quam psalmodiæ. Illæ ergo Religiones potius sunt
præferendæ, quæ ex suo instituto habent rationem Prædi-
cationis, Orationis & psalmodiæ: maiorem tamen ratio-
nem Prædicationis, & Orationis, quam Psalmodiæ. Ta-
les enim Religiones habent plura media, & auxilia ad con-
sequen-

sequendum suum finem, & consequenter secundum regulas Theologi, quas tradidit, sunt perfectiores, quam illæ, quæ habent pauciora media, & auxilia. Propositio ergo dicta friuola est, & deceptoria.

PROPOSITIO LXI.

Perfectionem Religionis non metiaris, Illustrissime Domine, ex vitæ austeritate externa.

HÆC Propositio manifestam falsitatem inuoluit, perfectionem scilicet Religionis nequaquam metiendam esse ex vitæ austeritate externa. Cuius quidem dicti falsitas ex multis colligitur capitibus. Et primo ex proprijs ipsiusmet Theologi. Ipse enim in præcedentibus docuit, perfectionem vitæ Christi & Apostolorum cognoscendam esse ex medijs. Ergo & perfectio vitæ Religiosæ quæ proficitur imitationem Christi & Apostolorum, potest cognosci ex medijs. Atqui vnum ex medijs ad perfectionem assequendam est austeritas. Ergo ex austeritate potest cognosci perfectio Religionis tanto magis, quia austeritas est vnum ex medijs, quibus vsus est Christus & Apostoli. Nam & Christus & Apostoli vitam austeram duxerunt, vt supra ostensum est. Præterea docuit, eandem Christi & Apostolorum perfectionem ex modo viuendi ipsorum cognoscendam esse. Constat autem, quod non ex modo condescensiuo, quo infirmioribus sese Christus & Apostoli accommodabant, vt supra ex S. Bonauentura ostensum est circa Propositionem. xxvj. Igitur ex modo viuendi ætiori, perfectio vitæ Christi & Apostolorum cognoscenda est, vt loco citato monstratum est. Tandem ipse Theologus illam Religionem perfectionem esse tradidit, quæ media efficaciora habet ad consequendum finem suum, Austeritas autem vitæ externa est medium efficax ad consequendum finem Religionis cuiuscunque.

cunque, ut ex infra dicendis patebit. Igitur ex austeritate vitæ externa metienda est perfectio vitæ Religiosæ. Demum ipsemet Theologus adduxit ex S. Thomæ, id quod in Collationibus Patrum Collat. 1. Cap. 7. Abbas Moyses dicit: *Ieiunia, vigilia, mediatio scripturarum, nuditas ac priuatio omnium facultatum, non perfectio, sed perfectionis instrumenta sunt.* Ergo perfectio Religionis instrumentaliter & dispositiue consistit in austeritate externa; & ita erit etiam metienda ex austeritate externa, tanquam ex medio.

Eiusdem Propositionis falsitas ex alijs capitulis deducitur. Ac in primis ex auctoritate S. Thomæ, cuius doctrinæ pallio sua dicta velare conatus est Theologus. Sanctus ergo Doctor. 2. 2. q. 187. art. 6. Et Opusc. 18. Cap. 11. & Opusc. 19. Cap. 1. docet quamlibet Regionem non solum esse statum perfectionis, sed etiam statum poenitentiae; seu quod Religiosus status, non solum perfectionem charitatis, sed etiam perfectionem poenitentiae continet. Inde etiam consequenter docet loco ultimo citato, perfectiorem Religionem ex maioribus austeritatibus esse sanctam. Verba illius sunt: *Quelibet Religio, per quam homo nouam vitam inchoat, quidam poenitentiae status est, ut homo à veteri vita purgetur: & hoc tertio modo possunt comparari Religiones, ut illa dicatur perfectior, quæ maiores austeritates habet, sicut in ieiunio, vel paupertate, vel alijs huiusmodi.*

Item falsitas dictæ propositionis ex communi Canonistarum sententia declaratur, qui maiorem vitæ perfectionem ex austeritatibus & vitæ rigore pensant. Vnde quando à iure permittitur transitus ad perfectiorem Religionem nomine perfectioris intelligunt asperiores, arctiores, ac duriores. Ita Ioan. Andr. C. sanè nu. 8. ad fin. de Re-

gul. Et ibi Anton. nu. 7. Anchar. nu. 6. Abbas in fine. Card. q. vlt. Henric. nu. 17. Rosella V. Religio 4. n. 8. in fine. Angelus V. Religiosus nu. 34. Passarellus in Priuil. mi. Min. C. 39. Quibus maxime fauet Cap. Licet, de Regul. vbi Sanctior vita dicitur arctior Et cap. 1. 20. q. 4. dicitur ex Conc. Triburiensi. *Virgines sacra sopro lucro anime sue, propter districtiorem vitam, ad aliud Monasterium pergere disposuerint, synodus concedit.* Præterea Extrau. Viam, de Regul. conceditur transitus ab omnibus Mendicantibus ad Carthusiam. Et in Religionum Priuilegijs denegantibus transitum ad aliam Religionem, semper excipitur Carthusia, propter maiorem austeritatem vitæ. Ergo secundum Canonistas, maior perfectio Religionum attenditur ex austeritate vitæ externa.

Postremo tandem falsitas eiusdem Propositionis ratione conuincitur. Instrumenta enim perfectionis dispositiue ad perfectionem ordinantur, vt docet S. Thomas 2. 2. q. 184. art. 3. Sed austeritas vitæ externa est etiam instrumentum ad acquirendam perfectionem aptissimum. Igitur & ipsa pertinebit ad perfectionem vitæ Religiosæ dispositiue, & consequenter perfectio vitæ Religiosæ ex ipsa pensanda erit, tanquam ex medio. Cum enim austeritates & macerationes carnis directe ordinantur ad votum continentiae obseruandum, prout S. Thomas 2. 2. q. 186. ar. 7. ad 2. expresse docet. Et Opusc. 18. Cap. 9. *Oportet inquit, continentiae viam assumptibus, carnem propriam abstractis delitijs, vigilijs, & ieiunijs, & huiusmodi exercitijs castigare,* Et idem quoque plures alij tradunt, vt mox ostendam. Castitas autem cum plurimum faciat ad perfectionem vitæ Religiosæ (vide & sub voto solemnii Religionis cadit, & statum Religiosum cum alijs duobus, Obedientia scilicet, & Paupertate integrat) consequenter austeritas quoque vitæ externa ad perfectionem comparandam

randam multum conducet. Et quidem austeritatem exter-
nam adtuendam Castitatem esse necessariam, præter supra
adductam auctoritatem S. Thomæ, plurima etiam tum SS.
PP. tum aliorum dicta comprobant. Ac inprimis S. Au-
gustinus Serm. de Ieiunio, inter multas ieiunij laudes (quod
etiam est vnum non postremum austerioris vitæ exerciti-
um) illud adfert: *Ieiunium concupiscentia nebulas di-*
sperdit, libidinum ardores extinguit, castitatis verò lu-
men accendit. S. vero Hieronymus, *Nihil, inquit,*
scias conferre Christianis adolescentibus, ut esum
olerum; ardorque corporis frigidioribus epulis tempe-
randus est. Cui consonat quod alibi inquit: *Sine*
carne & vino cito friget Venus, & à patre Libero ad
inconcessam Venerem proximus est intemperantia gra-
du. Sanctus quoque Chrysostomus super Epist.
ad Gal. *Concupiscentia, inquit, saginato corpore*
effervescit. Et S. Gregorius lib. 3. Moral. *De ven-*
tris, inquit, ingluvie luxuria nascitur. Et Cassio-
dorus sup. Matth. *Sex sunt, inquit, quæ incor-*
ruptam conservant castitatem, scilicet sobrietas,
operatio, asperitas cultus, inhibitio sensuum, rari-
tas sermonis cum honestate, evitatio opportunitatis,
& persona, & loci, & temporis. Ad hoc etiam fa-
cit, quod inquit Ilidorus Pelusiota, scribens ad quendam, ut
habetur in Epist. eius. *Risus profecto dignus es mi homo,*
quãdo precaris; Confige timore tuo carnes meas, Eorum
enim est hac precatio, qui quod in se est conferunt,
& ieiunant, & qui sua sorte contenti, paruoque be-
ati viuunt, eaque ratione carnis exultantem
lasciniam castigant & compescunt, quique
castius

celitus optem & auxilium suæ exercitationis mitti postulant: & illis minimè conuenit, qui quemadmodum tu facis, crapula immodica corpus saginant, & varijs omnimodisque delitijs eius petulantiam, tantum abest ut reprimant, ut potius extitent. Ad idem quoque facit id, quod habet. Hugo de Claustro animæ Cap. 2. Ecce, inquit, Diabolus Physicam docet, ecce medicus factus est. de complexionibus loquitur, infirmitates diuersas, si teneatur Religio, generari predicat. Sed quare hoc? non ut mederi velit, sed ut occidere possit. Videt ex subtractione ciborum, luxuria vires posse minui, ideo non tardat minari aegritudines, &c. Hæc ille. Et quamuis ferè omnes istæ authoritates Patrum, procedant de abstinentia, & seu ieiunio, nihilominus tamen nomine Ieiunij, vniuersam corporis castigationem intelligi docent Theologi cum S. Augistino, sicut per Eleemosinas omnem beneuolentiam & beneficentiam, & per Orationem omnes regulas sancti desiderij: vnde & omnia bona opera ad tria genera, scilicet ieiunium, Orationem, & eleemosynam, quibus Deo pro peccatis satisficit, reuocarunt. Cæterum hoc idem, Mortificationem scilicet externam, ad edomandas concupiscentias carnis plurimum conferre, non solum doctrina, sed & opere SS. Patres, & alij Sancti viri comprobant; qui dum acribus quandoque vrerentur tentationibus carnis, grauissimis seipso diuexabant mortificationibus. Sic inter alios legitur de S. Francisco, quod cum quodam tempore vehemens eum tentatio carnis apprehendisset, eam ut præsensit, mox deposita veste, chorda capite se verberare fortissimè. De Machario quoque Alexandrino refert Pallad. sect. 17. quod domando sui causa toto sexennio nihil præter cruda olera & legumina humefecta sumpsit:

sumpsit: viginti diebus & noctibus lectum non ingressus, ut somnum vinceret, cum interdiu quidem arderet aestu, noctu verò frigore rigeret. Deinde cum aliquando ei spiritus fornicationis molestiam exhibuisset, castigauit hoc patet corpus suum, quod fuit instrumentum & receptaculum talis tentationis, ut nudus sex menses sederet in palude, quæ erat in solitudine: quo in loco ita à culicibus, quæ magnitudine æquant vespas, corpus eius demorsum fuit, ut videretur leprosus. Simile quid de S. Hieronymo, Benedicto, Bernardo, & Iacobo Eremita memoriæ præditum est, qui dum vehementibus tentationibus infestarentur, alij quidem in vepribus & vrticis sese volutabant, alij igne corpus adurebant, alij longissimis ieiunijs, verberibus, cæterisque austeritatibus seipsum diuexabant, atque ita libidinis flammam extinguebant. Quod certè minimè fecissent, nisi austeritatem corporis externam, castitate tuendæ; quæ ad perfectionem status Religiosi ordinatur, multum conducere intellexissent. Sed ut clariùs pateat omnibus Religionibus, tam contemplationem, quàm actionem, & illam potissimum spirituales, quæ est conuersio animarum, profitentibus, austeritatem vitæ externam, ad consequendam perfectionem proprii finis vniuscuiusque esse necessariam, breuiter id ostendo.

Et inprimis de Religionibus contemplationi deditis, quantum ipsis proficiat austeritas vitæ externa, colligitur ex S. Bernardo super Cantica. Vbi ille sic inquit. *Abstinebo à vino, quia in vino luxuria est: aut si infirmus sum, modico utar, iuxta consilium Apostoli. Abstinebo & à carnibus, ne dum mihi nimis carnem nutriunt, simul & carnis nutrant vitia: panem quoque ipsum cum mensura sumere studebo, ne onerato ventre stare adorandum tadeat.* Item alibi: *Oratio vir-*

N

tutem

*virtutem impetrat ieiunandi, & ieiunium gratiam
 promeretur orandi : ieiunium Orationem roborat,
 Oratio ieiunium sanctificat. Cui consonat S. Au-
 gustinus serm. de ieiun. Ieiunium, inquit, purgat
 mentem, subleuat sensum. Et S. Gregorius expo-
 nens illa verba Iob. 28. Non inuenitur in terra sua-
 uiter uiuentium, sic ait : Qui huius vite voluptati-
 bus pascitur, ab aeternae sapientiae intellectu separatur.
 Sanctus quoque Hieronymus Epist. ad Nepotian.
 Pulchrè inquit, dicitur apud Gracos: Pinguis venter
 tenuem non gignit mentem. Idem alibi in Epistola
 sic inquit : Galenus vel doctissimus Hippocratis inter-
 pres ait, Eos quorum vita & ars sagina est, nec uiue-
 re posse diu, nec sanos esse: animasque ita nimis sangui-
 ne & adipibus quasi luto inuolutas, nihil tenue, nihil
 caeleste sed semper de carnalibus eructare, ventris in-
 gluniem cogitare. Item S. Basilius Homil. in illa
 verba Psalm. 29. Nunquid confitebitur tibi puluis.
 Aut annuntiabit veritatem tuam? Quomodo inquit,
 terrestris homo ac carnis confitebitur tibi Deo? Quo-
 modo item annuntiabit veritatem is, qui disciplinis
 nullam dedit operam, & in tanta carnis mole suam ip-
 sius mentem oppressam tenet? Iure itaque meam extenuo
 ac macero carnem, nec meo sanguini parco, qui in car-
 nem coagulari solet, ne mihi vel ad confessionem, vel
 ad veritatis cognitionem sit impedimento. Denique vt
 multos alios omittam, Richardus de S. Victore, in lib. de
 Contemp. Voluntatem, inquit, nostram nūquam per-
 fectè desiderio bonorum caelestium inflammari posse, nec intel-*

intel-

intellectum nostrum rerum diuinarum contemplatione plenè posse illustrari & purgari, nisi diligentes simus in reprimendis commis & cupiditatibus corporis, etiam licitis & necessarijs. Hanc doctrinam sancti ipso opere amplexati sunt. Sic de S. Macario Alexandrino Palladius suprà citatus testatur: His exercitationibus corporis (quas scilicet paulò ante descripsit, prout iam visum est) adiutam, inquit, Macarius peruenierat contemplationem, ut in ea sapius noctem integram cum die transferit. De Polychronio quoque scribit Thodor. cap 24. Mortificabat, inquit, aspero cilicio, vilique & nullius pretij habitu; sicque inopem vitam agebat, ut nec necessarium semper haberet nutrimentum, ac totam noctem vigil in precibus stans consumebat. Ad augendam quoque Mortificationem, habebat in cella grandem truncum ex quercu, quem die noctuque imponebat humeris, & sic in Oratione persistebat. Paupertatem tanto studio coluit, ut existimaret, quous regno magis experendam. Et tandem subdit: His alijsque id genus exercitijs in extremam usque aetatem usurpatis, ad tantam rerum diuinarum uotitiam & memoriam venit, ut mentem à contemplatione diuellere non posset. Hec ille. Quibus etiam ratio non incongrua suffragatur. Constat enim quod corpus hoc corruptibile maximè aggrauat animam. Vbi ergò illud varijs mortificationibus & austeritatibus extenuatū fueris, tunc demùm mens facilius ad supernorū contemplationem leuabitur. Sed quia Theologo sola auctoritas S. Thomæ pro omnibus sufficiet, ideo iterum verba illius ex 2. 2. q. 147. art. 1. à promodo.

Assumitur

Assumitur, inquit, ieiunium principaliter ad tria. Primo quidem ad concupiscentias carnis reprimendas. Vnde Apostolus dicit in autoritate inducta: In ieiunijs in castitate, quia per ieiunia castitas conseruatur. Ut enim Hieronymus dicit: Sine Cerere & Baccho friget Venus: idest, per abstinentiam cibi & potus, tepescit luxuria. Secundo assumitur ad hoc, quod mens liberius eleuetur ad sublimia contemplanda. Unde dicitur Dainel. 10. quod post ieiunium trium hebdomadarum reuelationem accepit à Deo. Tertiò, ad satisfaciendum pro peccatis; unde dicitur Ioc 2. Conuertimini ad me in toto corde vestro, in ieiunio, & fletu & planctu. Hæc ille. Austeritas igitur vitæ externa Religionibus contemplatiuam vitam profitentibus, ad consequendam perfectionem sui finis, maximè est proficua. Inde est quod palam videmus, Religiones Contemplatiuas plurimum austeritati deditas, ut cernere est, inspicendo Angelicos Ordines Eremitarum, & nominatim Camaldulensium, qui ut secundum visionem Sanctissimi Patris sui repræsentent Angelos ascendentes in cælum; procurant animas suas, quantum possibile est, leuare pondere carnis, ut expediat & minimè grauati liberius tanquam leues spiritus cælos ascendere queant; & ob id corpus varijs mortificationibus extenuant. Porro quantum etiam Religionibus ad actionem spiritualem, quæ est conuersio animarum, destinatis; austeritas vitæ externa conducat, infra monstrabitur.

*Aduertas autem Theologus, se noe solum falsam doctri-
nam, verum & contumeliosam in Religiones, austeri-
tatem vitæ externam profitentes, intulisse, & earum perfe-
ctioni non modicum derogasse: se vero inimicum pœni-*

tentiæ

tentiæ apertè monstraſſe. Certe Theologus eſt ex illis de quibus ait S. Gregorius lib. 7. Moral. cap. 12. *Qui eſſe humiles, ſed tamen ſine deſpectu : eſſe contenti proprijs, ſed ſine neceſſitate : eſſe caſti, ſed ſine maceratione corporis : eſſe patientes, ſed ſine contumelijs volunt. Cumque adipiſci virtutes quarunt, ſed labores virtutum fugiunt ; quid aliud, quàm exhibere belli cæ tamina in campo neſciunt, & triumphare in urbibus de bello concupiſcunt ?* Hæc Gregorius Id vero grauiffime ferendum eſt. doctrinam hanc Theologi, etiam iuuentutis peruerſiſſimam eſſe, quæ à Religioſa vita amplectenda (ad quam plurimi aulteriori vitæ ratione frequenter inducuntur) retrahere, præcipuè verò ab ijs Religionibus quæ ex iſtituto aſteritatem profitentur, mentem auocare poſſe. Quid certè non eſt gloriam Dei propagere, & ſalutem proximorum promouere ? quibus rebus tæpius gloriatur Theologus : ſed potius eſt gloriam Dei diminuere, & ſalutem multorum impedire. Ita Theologus dum exaltat Religionem, per quas maxime gloria Dei propagatur, & ſalus hominum procuratur, ipſe inſipienter & gloria Dei detrimentum ſuo ſcripto infert, & ſaluti proximorum impedimentum ponit.



PROPOSITIO LXII.

*Sed potissimum ex dilectione Dei, quæ se prodit
 ampla & multiplici propagatione diuini
 cultus, & gloria, & multarum
 animarum salute.*

HÆC Propositio secundum mentem Theologi est falsa. Eius enim intentio est, monstrare perfectionem vnius Religionis super aliam, quæ non est petenda ex his, in quibus omnes Religiones conueniunt : & quia conueniunt omnes Religiones in dilectione Dei, tanquam in fine remoto & mediato; ideo non est instituenda comparatio inter Religiones penes dilectionem Dei, ut supra monstratum est circa Propositionem XIII. Expresse id tradit S. Thomas 2. 2. q. 188. art. 1. ad 1. *Est, inquit, commune in omni Religionem quod aliquis totaliter se debet præbere ad seruendum Deo. Vnde ex hac parte non est diuersitas inter Religionem, ut scilicet in vna Religionem aliquis retineat aliquid sui, & in alia aliud. Est autem diuersitas secundum diuersa, in quibus homo Deo seruire potest & secundum quod ad hoc homo se potest diuersimode disponere.* Hæc S. Thomas. Est etiam Propositio dicta friuola, & deceptoria : quia supponit austeritatem

non.

non esse opus dilectionis Dei, aut proximi, eo ipso quod distinguit contra austeritatem, dilectionem Dei & proximi : Cum tamen austeritas propter Deum suscepta, informetur dilectione Dei ; & ita sit vero opus dilectionis Dei, & etiam sit satis factoria, & impetratoria pro proximis. Vide dicta de poenitentiam circa Propositionem xij.



PROPOSITIO LXIII.

Et laboribus difficilior earum causa constanter, & perseveranter propter Deum susceptis, & inuicta virtute in occasionibus peccatorum declaratur.

id perficiat. Vnde voluntariè Doct̃or potest mereri sua voluntate præmium essentialẽ æquale, vel maius eo, quod Doct̃ori debetur. Vide Theologẽ an sit bona illatio. Sed & hanc aliam perpende Si illa Religio quæ proficitur dilectionem Dei, & multipliciter propagat diuinam gloriam, & multarum animarum salutem, & labores difficiles sustinet, est perfectior, etiam si externa vitæ austeritate non utatur; nonne multò magis illa Religio erit perfectior, quæ omnia ista simul complectitur; videlicet austeritatem vitæ externam, & dilectionem Dei, propagationem gloriæ ipsius, & curam salutis animarum & laborum difficilium tolerantiam? Necessẽ est concedas illationem Theologẽ, quia aliàs docuisti, illam Religionem esse perfectiorem, quæ per plures modos & vias fructus facit, & plura media; siue plura auxilia, siue plura præsidia (nam hæc omnia inter se distinxisti) ad consecutionem sui finis ordinata habet.

PROPOSITIO LXIV.

Arctitudo obseruantiarum, inquit S. Thomas 2. 2. q. 188. art. 6. ad 3. non est illud, quod præcipuè in Religione commendatur, ut B. Antonius dicit: Et idè non est potior Religio ex hoc, quod habet arctiores obseruantias, sed ex hoc, quod ex maiori discretionẽ sunt eius obseruantia ordinata ad finem Religionis.

HÆC Propositio continet mutilatam citationem, & ostendit maximam infidelitatem authoris, qui pro suo libitu, ea quæ videbantur, adduxit: quæ vero aduersantia menti, vel potius carni ipsius, vel certè idè menti, quia carni, respuat. Ingenium eius clarè agnosces, expenso textu integro

gro S. Thomæ. Sic ergo inquit ibi S. Doctor : *Ad tertium dicendum, quod arctitudo observantiarum, non est illud quod præcipue in Religione commendatur, ut B. Antonius dicit, Et Isaia 58. dicitur: Nunquid tale est ieiunium quod elegi, per diem affligere hominem animam suam? Assumitur tamen in Religione ut necessaria ad carnis macerationem, quod si sine discretionem fit, periculum deficiendi habet annexum, sicut B. Antonius dicit. Et ideo non est potior Religio ex hoc, quod habet arctiores observantias, sed ex hoc, quod ex maiore discretionem sunt eius observantia ordinata ad finem Religionis: sicut ad continentiam efficacius ordinatur maceratio carnis per abstinentiam cibi & potus, (quæ pertinet ad famem & sitim) quam per subtractionem vestium (quæ pertinent ad frigus & nuditatem) & quam per corporalem laborem.* Hæc S. Thomas. Sed quam delicatus Theologus (ut nihil dicam de manifesta infidelitate ipsius) qui omnia aspera & molesta carni præscindit. *Arctitudo, inquit S. Thomas, assumitur in Religione, ut necessaria ad carnis macerationem: subtrahit, & quasi in observatam Propositionem transit. Ad continentiam, inquit S. Thomas, efficacius ordinatur maceratio carnis, per abstinentiam cibi & potus: non attendit ille, & lippis oculis, gustata tamen perceptibili, discretuit inter amara & dulcia. Sed iam mi Theologe considera, an non potior Religio ex hoc, quod simul utrumque retinet? videlicet & arctiores observantias habet, & hæc eedem eius observantiæ ex maiori discretionem sunt ordinatæ ad finem illius*

PROPOSITIO LXV.

Et 2. 2. q. 184. art. 3. & lib. de Perfect. vite spiritualis cap. 1. idem S. Doctor ait : Primum & principaliter consistit spiritualis vite perfectio in dilectione Dei, secundario in proximi dilectione.

O Egregium argumentatorem Theologum ; Primum, inquit, & principaliter consistit perfectio spiritualis vite in dilectione Dei, secundario in dilectione proximi. Ergo perfectio Religionis non est metienda ex vite austeritate externa. Repono simile argumentum, ut monstretur vis & efficacia consequentia illata. Primum & principaliter consistit spiritualis vite perfectio in dilectione Dei, secundario in dilectione proximi. Ergo perfectio Religionis non est metienda ex doctrina & prædicatione. Quid dicis Theologe ? Fortassis probabis tuam consequentiam ex loco Pauli ad Rom. 14. quem adfert S. Bernardus à te infra citatus : *Non est regnum Dei & esca & potus : sed iustitia & pax, & gaudium in Spiritu Sancto.* At ego insisto, & similiter probomea consequentia, ex loco Pauli 1. ad Corinth. 4. *Non in sermone est regnum Dei, sed in virtute.*



PROPOSITIO LXVI.

Caue, inquit S. Hieronymus Epist. 41. ad Celantiam cap. 6. ne si ieiunare, aut abstinere caperis, te putes esse iam sanctam: hac enim virtus adiumentum est, non perfectio sanctitatis.

AT & tu Theologe caue, ne si prædicare aut docere cæperis, te putes esse iam sanctū: quia scriptum est Matth. 23. *Super cathedram Moysi sederunt Scriba & Pharisei. Omnia ergo quaecunque dixerint vobis servate, & facite: secundum opera verò eorum nolite facere. Dicunt enim & non faciunt, alligant autem onera graua & importabilia & imponunt in humeros hominum, digito autem suo nolunt ea mouere. Omnia verò opera sua faciunt, ut videantur ab hominibus. Dilatant enim phylacteria sua, & magnificant simbrias. Amant autem primos recubitus in canis, & primas cathedras in synagogis, & salutationes in foro, & vocari ab hominibus Rabbi.* Et iterum Matth. 7. scriptum est. *Multi dicunt mihi in illa die: Domine, Domine, nonne in nomine tuo prophetauimus, & in nomine tuo demonia eiecimus & in nomine tuo virtutes multas fecimus? Et tunc confitebor illis: quia nunquam noui vos. Discedite à me qui operamini iniquitatem.* Vanissima ergo esset præsumptio putantis se esse Sanctum, ex eo solo, quod prædicaret & doceret.

PROPOSITIO LXVII.

*Hinc S. Franciscus teste S. Bonaventura eius vi-
ta cap. 6. sæpè dicebat Fratribus: De omni eo
quod peccator potest, nemo sibi debet iniquo
applausu blandiri: peccator, ait, ieiunare
potest, orare plangere, carnemque propriam
macerare, hoc solum non potest, Domino sci-
licet suo esse fidelis.*

ET tu Theologè, de omni eo quod peccator potest,
tibi iniquo applausu blandiri non debes. Pecca-
tor autem prædicare potest, docere potest, Sacra-
menta administrare potest, libros pro defensione
Ecclesiæ conscribere potest, animas conuertere potest (ut
ex præcedentibus constat) hoc solum non potest, Domi-
no scilicet suo esse fidelis. Ecce & Epistolam pro dilatati-
one gloriæ Dei, ut putabas, conscripsisti; at dubi-
to, an pro hoc labore auditurus sis à Domino:

Euge serue bone, & fidelis.



Assumitur, inquit, ieiunium principaliter ad tria. Primo quidem ad concupiscentias carnis reprimendas. Unde Apostolus dicit in autoritate inducta: In ieiunijs in castitate, quia per ieiunia castitas conseruatur. Ut enim Hieronymus dicit: Sine Cerere & Baccho friget Venus: idest, per abstinentiam cibi & potus, tepescit luxuria. Secundo assumitur ad hoc, quod mens liberiùs eleuetur ad sublimia contemplanda. Unde dicitur Daniel. 10. quod post ieiunium trium hebdomadarum reuelationem accepit à Deo. Tertiò, ad satisfaciendum pro peccatis; unde dicitur Ioel 2. Conuertimini ad me in toto corde vestro, in ieiunio, & fletu & planctu. Hæc ille. Austeritas igitur vitæ externa Religionibus contemplatiuam vitam profitentibus, ad consequendam perfectionem sui finis, maximè est proficua. Inde est quod palam videmus, Religiones Contemplatiuas plurimum austeritati deditas, ut cernere est, inspicendo Angelicos Ordines Eremitarum, & nominatim Camaldulensium, qui ut secundum visionem Sanctissimi Patris sui repræsentent Angelos ascendentes in cælum; procurant animas suas, quantum possibile est, leuare pondere carnis, ut expedijt & minimè grauati liberiùs tanquam leues spiritus cælum ascendere queant; & ob id corpus varijs mortificationibus extenuant. Porro quantum etiam Religionibus ad actionem spiritualem, quæ est conuersio animarum, destinatis, austeritas vitæ externa conducatur, infra monstrabitur.

Aduertas autem Theologus, se noe solum falsam doctrinam, verum & contumeliosam in Religiones, austeritatem vitæ externam profitentes, intulisse, & earum perfectioni non modicum derogasse: se vero inimicum pœnitentiae

tentiae

rentiæ apertè monstraſſe. Certe Theologus eſt ex illis de quibus ait S. Gregorius lib. 7. Moral. cap. 12. *Qui eſſe humiles, ſed tamen ſine deſpectu : eſſe contenti proprijs, ſed ſine neceſſitate : eſſe caſti, ſed ſine maceratione corporis : eſſe patientes, ſed ſine contumelijs volunt. Cumque adipiſci virtutes querunt, ſed labores virtutum fugiunt ; quid aliud, quàm exhibere belli cœ tamina in campo nesciunt, & triumphare in urbibus de bello concupiſcunt ?* Hæc Gregorius Id vero grauiffime ferendum eſt. doctrinam hanc Theologi, etiam iuuentutis peruerſiſſimam eſſe, quæ à Religioſa vita amplectenda (ad quam plurimi aulteriori viſitatione frequenter inducuntur) retrahere, præcipuè verò ab ijs Religionibus quæ ex iuſtituto aſtinitatem profitentur, mentem auocare poſſe. Quod certè non eſt gloriam Dei propagere, & ſalutem proximorum promouere ? quibus rebus læpius gloriatur Theologus : ſed potius eſt gloriam Dei diminuere, & ſalutem multorum impedire. Ita Theologus dum exultat Religionibus, per quas maxime gloria Dei propagatur, & ſalus hominum procuratur, ipſe inſipienter & gloriæ Dei detrimentum ſuo ſcripto infert, & ſaluti proximorum impedimentum ponit.



PROPOSITIO LXII.

*Sed potissimum ex dilectione Dei, qua se prodit
 ampla & multiplici propagatione diuini
 cultus, & gloria, & multarum
 animarum salute.*

HÆC Propositio secundum mentem Theologi est falsa. Eius enim intentio est, monstrare perfectionem vnius Religionis super aliam, quæ non est petenda ex his, in quibus omnes Religiones conueniunt : & quia conueniunt omnes Religiones in dilectione Dei, tanquam in fine remoto & mediato; ideo non est instituenda comparatio inter Religiones penes dilectionem Dei, ut supra monstratum est circa Propositionem XII I. Expresse id tradit S. Thomas 2. 2. q. 188. art. 1. ad 1. *Est, inquit, commune in omni Religione quod aliquis totaliter se debet præbere ad seruendum Deo. Vnde ex hac parte non est diuersitas inter Religionem, ut scilicet in una Religione aliquis retineat aliquid sui, & in alia aliud. Est autem diuersitas secundum diuersa, in quibus homo Deo seruire potest & secundum quod ad hoc homo se potest diuersimode disponere. Hæc S. Thomas. Est etiam Propositio dicta friuola, & deceptoria : quia supponit austeritatem non*

non esse opus dilectionis Dei, aut proximi, compo-
so quod distinguit contra austeritatem, dilectio-
nem Dei & proximi : Cum tamen austeritas
propter Deum suscepta, informetur dilectione
Dei ; & ita sit vero opus dilectionis Dei, &
etiam sit satis factoria, & impetratoria
pro proximis. Vide dicta de pœ-
nitentiam circa Proposi-
tionem xij.



PROPOSITIO LXIII.

*Et laboribus difficilior earum causa constanter,
& perseveranter propter Deum suscep-
tis, & inuicta virtute in occasio-
bus peccatorum declaratur.*

id perficiat. Vnde voluntariè Doct̃or potest mereri sua voluntate præmium essentialẽ æquale, vel maius eo, quod Doct̃ori debetur. Vide Theologe an sit bona illatio. Sed & hanc aliam perpende Si illa Religio quæ proficitur dilectionem Dei, & multipliciter propagat diuinam gloriam, & multarum animarum salutem, & labores difficiles sustinet, est perfectior, etiam si externa vitæ austeritate non vitatur; nonne multò magis illa Religio erit perfectior, quæ omnia ista simul complectitur; videlicet austeritatem vitæ externam, & dilectionem Dei, propagationem gloriæ ipsius, & curam salutis animarum & laborum difficilium tolerantiam? Necessè est concedas illationem Theologe, quia alias docuisti, illam Religionem esse perfectiorem, quæ per plures modos & vias fructus facit, & plura media; siue plura auxilia, siue plura præsidia (nam hæc omnia inter se distinxisti) ad consecutionem sui finis ordinata habet.

PROPOSITIO LXIV.

Arctitudo obseruantiarum; inquit S. Thomas 2. 2. q. 188. art. 6. ad 3. non est illud, quod præcipuè in Religione commendatur, ut B. Antonius dicit: Et ideo non est potior Religio ex hoc, quod habet arctiores obseruantias, sed ex hoc, quod ex maiori discretionẽ sunt eius obseruantia ordinata ad finem Religionis.

HÆC Propositio continet mutilatam citationem, & ostendit maximam infidelitatem authoris, qui pro suo libitu, ea quæ videbantur, adduxit: quæ vero aduersantia menti, vel potius carni ipsius, vel certè idèd menti, quia carni, respuit. Ingenium eius clarè agnosces, expenso textu integro

gro S. Thomæ. Sic ergo inquit ibi S. Doctor : *Ad tertium dicendum, quod arctitudo observantiarum, non est illud quod precipue in Religione commendatur, ut B. Antonius dicit, Et Isaia 58. dicitur: Nunquid tale est ieiunium quod elegi, per diem affligere hominem animam suam? Assumitur tamen in Religione ut necessaria ad carnis macerationem, quod si sine discretionem sit, periculum deficiendi habet annexum, sicut B. Antonius dicit. Et ideo non est potior Religio ex hoc, quod habet arctiores observantias, sed ex hoc, quod ex maiore discretionem sunt eius observantie ordinate ad finem Religionis: sicut ad continentiam efficacius ordinatur maceratio carnis per abstinentiam cibi & potus, (qua pertinet ad famem & sitim) quam per subtractionem vestium (qua pertinent ad frigus & nuditatem) & quam per corporalem laborem.* Hæc S. Thomas. Sed quam delicatus Theologus (ut nihil dicam de manifesta infidelitate ipsius) qui omnia aspera & molesta carni præscindit. *Arctitudo, inquit S. Thomas, assumitur in Religione, ut necessaria ad carnis macerationem: subtrahit, & quasi in observatam Propositionem transit. Ad continentiam, inquit S. Thomas, efficacius ordinatur maceratio carnis, per abstinentiam cibi & potus: non attendit ille, & lippis oculis, gustata tamen perceptibili, discretuit inter amara & dulcia. Sed iam mi Theologe cōsidera, an non potior Religio ex hoc, quod simul utrumque retinet? videlicet & arctiores observantias habet, & hæc eedem eius observantie ex maiori discretionem sunt ordinate ad finem illius*

PROPOSITIO LXV.

Et 2. 2. q. 184. art. 3. & lib. de Perfect. vitæ spiritualis cap. 1. idem S. Doctor ait : Primum & principaliter consistit spiritualis vitæ perfectio in dilectione Dei, secundariò in proximi dilectione.

O Egregium argumentatorem Theologum ; Primum, inquit, & principaliter consistit perfectio spiritualis vitæ in dilectione Dei, secundariò in dilectione proximi. Ergo perfectio Religionis non est metienda ex vitæ austeritate externa. Repono simile argumentum, ut monstretur vis & efficacia consequentiæ illatæ. Primum & principaliter consistit spiritualis vitæ perfectio in dilectione Dei, secundariò in dilectione proximi. Ergo perfectio Religionis non est metienda ex doctrina & prædicatione. Quid dicis Theologe ? Fortassis probabis tuam consequentiam ex loco Pauli ad Rom. 14. quem adfert S. Bernardus à te infra citatus : *Non est regnum Dei & esca & potus : sed iustitia & pax, & gaudium in Spiritu Sancto.* At ego insisto, & similiter probomeâ consequentiâ, ex loco Pauli 1. ad Corinth. 4. *Non in sermone est regnum Dei, sed in virtute.*



PROPOSITIO LXVI.

Caue, inquit S. Hieronymus Epist. 41. ad Celantiam cap. 6. ne si ieiunare, aut abstinere caperis, te putes esse iam sanctam: hac enim virtus adiumentum est, non perfectio sanctitatis.

AT & tu Theologe caue, ne si prædicare aut docere caperis, te putes esse iam sanctū: quia scriptum est Matth. 23. *Super cathedram Moysi sederunt Scriba & Pharisei. Omnia ergo quaecunque dixerint vobis seruate, & facite: secundum opera verò eorum nolite facere. Dicunt enim & non faciunt, alligant autem onera graua & importabilia & imponunt in humeros hominum, digito autem suo nolunt ea mouere. Omnia verò opera sua faciunt, ut videantur ab hominibus. Dilatant enim phylacteria sua, & magnificant simbrias. Amant autem primos recubitus in cenis, & primas cathedras in synagogis, & salutationes in foro, & vocari ab hominibus Rabbi. Et iterum Matth. 7. scriptum est. Multi dicent mihi in illa die: Domine, Domine, nonne in nomine tuo prophetauimus, & in nomine tuo demonia eiecimus & in nomine tuo virtutes multas fecimus? Et tunc confitebor illis: quia nunquam noui vos. Discedite à me qui operamini iniquitatem. Vanissima ergò esset præsumptio putantis se esse Sanctum, ex eo solo, quod prædicaret & doceret.*

PROPOSITIO LXVII.

Hinc S. Franciscus teste S. Bonaventura eius vita cap. 6. sæpè dicebat Fratribus: De omni eo quod peccator potest, nemo sibi debet iniquo applausu blandiri: peccator, ait, ieiunare potest, orare plangere, carnemque propriam macerare, hoc solum non potest, Domino scilicet suo esse fidelis.

ET tu Theologe, de omni eo quod peccator potest, tibi iniquo applausu blandiri non debes. Peccator autem prædicare potest, docere potest, Sacramenta administrare potest, libros pro defensione Ecclesiæ conscribere potest, animas conuertere potest (ut ex præcedentibus constat) hoc solum non potest, Domino scilicet suo esse fidelis. Ecce & Epistolam pro dilatatione gloriæ Dei, ut putabas, conscripsisti, at dubito, an pro hoc labore auditurus sis à Domino:
Euge serue bone, & fidelis.



PROPOSITIO LXVIII.

*Hinc in libro octauo in vitis Patrum apud Rosney-
dum Cap. 63. Oranti B. Paphnutio Abbati, qui
in summa vita austeritate, & multo maiore, quam
nunc in vlllo Religioso Ordine seruetur, vitam E-
remiticam sectabatur, separatus à consortio homi-
num, diuinitus reuelatum est, eum non excessisse
perfectionem cuiusdam in ciuitate tibiensis, qui
non ita pridem vacabat latrocinij, ebrietati, &
scortationi. Cum autem accurate examinaretur,
quidnam unquam ab eo rectè gestum esset: hoc so-
lum inuenit; quòd cum aliquando latronis vitam
ageret, Christi Virginem, cui erat à latronibus vi-
tium afferendum, liberauit; & alteri formosæ mu-
lieri erranti in solitudine vim non intulerit, sed tre-
centis aureis donatam dimiserit, ut maritum cum
liberis, ob debita in carcerem coniectum liberaret.*

DEbat vltcrius legisse Theologus. Postquam er-
go loco citato Palladius recitasset historias de tibi-
cine, protocomite, & mercatore, ad quos Ange-
lus remiserat Paphnutium, & per eum dictos indu-
xerat ad vitam Eremiticam, tandem subdit: *Assistens
autem Angelus dixit ei (Paphnutio) Huc deinceps
accede ó Beate, in aterna Dei tabernacula: venerunt
enim Prophetate in suos choros accepturi. Hoc autem
non tibi prius reuelauit; nisi fuisses elatus, de tuis detra-
heretur meritis. Cum ergo uno solo die superuixisset,*

Et per revelationem ad eum venissent quidam presbyteri, omnibus illis narratis, tradidit animam. Aperte autem videntes presbyteri, eum in choris iustorum & Angelorum, Deum laudabant. Hæc ibi. Ex quibus manifestè colligitur, Angelum idè non declarasse B. Paphnutio eminentiam & quantitatem meritotum suorum ne detrimentum eorum per elationem subieret. Quando ergo declarabat eum similem tibicini, Protocomiti, mercatori, intelligenda dicta Angeli de quadam æqualitate non Mathematica, aut Metaphysica, sed Morali, & de ea æqualitate non simpliciter, sed secundum quid; siue, Paphnutium non excessisse perfectionem illorum, quantum ad aliquam duntaxat non verò quasi à toto genere, & absolute loquendo non excessisset: Quod aduertendum erat Theologo ne ynde B. Paphnutius in suis retinebatur meritis, inde ipse ei detraheret; & quod B. Paphnutio occasio erat conferuandæ humilitatis, Theologo fuerat ansa minuendi perfectionem suæ sanctitatis.



PROPOSITIO LXIX.

Si ergo hominem tam ante a malum opera charitatis pauca æquarunt meritis tam Sancti Eremita, in summo rigore ieiuniorum & paupertatis aliisque carnis macerationibus vitam traducenti, quanto maiorem meritotum cumulum parient innumera opera charitatis spiritualis, &c.

A Tqui multò magis est, mi Theologe, dimissis omnibus perfectè & totaliter suæ salutis intendere. Manifestè id habetur ex historia B. Paphnutij à te citata. Is enim declaratus ab Angelo similis tibi: citi, protocòmiti, mercatori, primo tamen eorum dixit: *Si o frater non parua à diuinitate tui habetur ratio, ne tuam animam temere neglexeris.* Et mox subditur ibi: *Is autem statim proiectis quas habuit in manibus tibijs, & lyra Musica harmonia in spiritualem traducta melodiam, virum secutus est in desertum.* Secundo verò dixit: *In ijs te rectè gessisti: Vnum tamen tibi restat, quod est caput virtutum: nempe Dei omni ex parte sapiens cognitio, quam non poteris sine labore consequi, nisi cum te ipsum à mundo abnegaris, crucem accipias, & sequaris seruatorem.* Et subditur: *Is autem ubi hæc audiuit, statim nec suis quidem valere iussis, virum secutus est in montem.* Tertiò verò dixit: *Quousque tu terrenam exerces negotiationem, nec caelestia attingis mercimonia? sed hæc quidem es alijs dimissurus, tu verò illis te adiungens, quæ sunt maxime opportuna, sequere Seruatorem, ad eum venturus paulo post.* Et subditur: *Is verò nihil differens iussit filios suos reliqua diuidere pauperibus, ipse autem cū in montē ascendisset, & se ipsum in eo loco inclusisset, ubi duo priores consummati fuerant, perseuerabat in orationibus.* Ex his habetur multò perfectius esse, abdicatis omnibus sibi perfectè vacare, quandoquidem B. Paphnutius præfatis illum viuendi modum persuasit, quem nisi perfectiorem censeret, nequaquam facere attentaret.

Sed

Sed ne Theologo ambigendi locus superfit, profero duos loca S. Thomæ, à me sæpius consultò citata; nam expediret ea versari continuò ante oculos & mentes incumbentium salutis animarum. Primus locus est 2. 2. qu. 182. ar. 2. ad 1. *Labor inquit, exterior operatur ad augmentum præmij accidentalis, sed augmentum respectu præmij essentialis consistit principaliter in charitate, cuius quoddam signum est, labor exterior toleratus propter Christum.* Sed multò expressius eius signum est, quòd aliquis prætermittis omnibus, quæ ad hanc vitam pertinent, soli diuinæ contemplationi vacare delectetur. Secundus locus est Quodlib. 3. q. 6. ar. 17. ad 6. *Etsi inquit, procurare salutem aliorum sit maius, quàm intendere sibi soli, loquendo in genere: tamen non quocunque modo intendere saluti aliorum præfertur ei, quod est quocunque modo intendere suæ salutis.* Si enim aliquis totaliter & perfectè intendit suæ salutis, multò maius est, quàm si aliquis multa particularia opera agat ad salutem aliorum, si salutis propriæ, etsi sufficienter, non tamen perfectè intendat. Hæc S. Thomas. Utinam Theologus consilium eius amplexus fuisset, & potius perfectè & totaliter dimittis omnibus intendere suæ salutis elegisset, quàm hanc opellam ad salutem aliorum edidisset; utique non ita errasset. Deinceps ergò curet attendere sibi perfectè & particularia opera circa salutem aliorum dimittat; nam rectius faciet; ne salutis aliorum nimis intentus, & suæ perfectionis obliuiosus, similis efficiatur viro, qui congregat merces in sacculum pertusum, ut dum plurima vult congregare, nihil inueniat in manibus suis.

PROPOSITIO LXX.

Etsi vite externa asperitate ceteris non antecellant.

INSPICE Theologe, exemplaria Prædicatoribus à te
proposita, & inde iudica, an prædicatores non de-
beant excellere austeritate vitæ. Et in primis omnis
perfectionis prototypum Christum Dominum, qui
vtique vitam satis austeram & rigidam duxit; ut suo loco
monstratum est. Hinc S. Thomas 3. p. q. 41. ar. 3. ad
primum inquit: *Nullus debet assumere Prædicationis officium, nisi prius fuerit purgatus, & virtute perfectus, sicut & de Christo dicitur Act. 1. Quod cepit IESVS facere & docere: & ideo Christus statim post baptismum austeritatem vitæ assumpsit, ut docere, post carnem edomitam, oportere alios ad prædicationis officium transire.* Consonat Abulensis supra Matth. 4. q. 10. *Ieiunium, inquit, hoc Christi necessarium fuit ad instructionem Prædicatorum: voluit enim Christus ex operibus suis ostendere, quid in prædicatori præcedere debet, antequam prædicet, ut digne prædicare possit, secundum illud Actor. 1. Cepit IESVS facere & docere, id est, prius facere ea, quæ debet facere bonus Prædicator, & postea prædicare ea, quæ debet dicere verus Doctor.* Inspiciat & Apostolos, de quibus etiam supra probatum est, eos rigidam vitam egisse. Non solum autem vitam Christi & Apostolorum contempletur: sed etiam initia prædicationis eorum diligenter penset, & reperiet eos prædicationem suam à poenitentia inchoasse Sic de Christo scriptum est Matt. 4. *Cepit IESVS prædicare & dicere: Poenitentiam*

tiam

tiam agite. Sic & de Apostolis Marc. 6. Exeuntes predicabant, ut pœnitentiam agerent. Et Actor. 2. Compuncti sunt corde, & dixerunt ad Petrum, & ad reliquos Apostolos: Quid faciemus viri fratres? Petrus vero ad illos, Pœnitentiam, inquit, agite. Idem & de Ioanne scriptum est Math. 3. In diebus illis venit Ioannes Baptista, prædicans in deserto Indæ, & dicens, Pœnitentiam agite. Frustra autem pœnitentiã prædicator euangelizat, quam opere reprobat, vel saltem non exhibet. Sermo, inquit Bernardus viuus & efficax exemplum operis est, plurimum faciens suadibile, quod monstratur factibile. Hinc Prosper lib. 1. de vita Contempl. c. 23. ait: Hoc specialiter Doctor Ecclesiasticus elaboret, quò fiant, qui audiunt eum, suis disputationibus meliores, non vana assentatione fautores. Lachrymas quas vult à suis Auditoribus fundi, ipse prius fundat, & sic eos compunctione sui cordis accendat. Idem dicendum de alijs. Mundi contemptum, quem vult in suis auditoribus excitare Prædicator, ipse prius præferat: odium & castigationem carnis, quam vult auditoribus suadere, ipse prius in suo corpore exerceat. Auditores citius sequetur facta, quàm verba. Non solum autem austeritas vitæ prædicatori necessaria, ut sua prædicatio sit efficax, sed etiam ut sit libera & expedita. Qua enim fronte, quò ausu animi, qua fiducia ad pœnitentiæ fructus dignos reddendos perurgebit, si in se nullum pœnitentiæ & austeritatis vestigium exhibebit? quomodo persuadebit sacco indui, cinerem tanquam panem manducare, potum cum fletu miscere, lachrymis stratum rigare,

disciplinis, catenis ferreis, cilicijs, corpus diuexare, vigilijs atterere, peregrinationibus conficere, is qui mollibus induitur, loco fabarum & olerum, mensam perdicibus, caponibus, & varij generis carnibus instructam habet, potum cum vino miscet, in strato commodo cubat, macerationes carnis non exercet? Qua libertate prædicabit ieiunia supererogationis, abstinentiam à conuiuijs, & commensationibus, is qui communia tantum Ecclesiæ ieiunia obseruat, & ita ut præ abundanti refectiōe, & copia piscium, famis vexationem non sentiat, is qui sæpe numero sitivus ex discumbentibus, & conuiuantibus, & aliquando eius caput calore vini corripitur, & lingua in muliloquium, vel etiam vaniloquium, & fortasse amplius soluitur? Rectè S. Hieronymus. in Mich. 2. ait. *An non summa confusio & ignominia est. Iesum crucifixum, magistrum pauperem atque esurientem, factus prædicare corporibus, ieiuniorumque doctrinam, rubentes buccas, tumentiaq; ora proferre? Si in Apostolorum loco sumus, non solum sermonem eorum imitemur, sed conuersationem quoque & abstinentiam amplectamur.* Idem in Epist. 2. ad Nepotianum. *Non confundant, inquit, opera tua sermonem tuum, ne cum in Ecclesia loqueris, tacitus quilibet respondeat: Cur ergo que dicis, ipse non facis? Delicatus Magister est, qui pleno ventre de ieiunijs disputat. Accusare auaritiam & latro potest. Sacerdotis Christos, mens, manusque concordent.* Hæc S. Hieronymus. Sed ut prædicator non solum alios inducat ad exercitium poenitentiae, verum etiam de sua salute securus sit, necessaria est ei exterior vitæ austeritas. *Castigo*, inquit Apostolus I. Corinth. 9. *Corpus me-*

um & in seruitutem redigo, ne forte cum alijs predicauerim ipse reprobus efficiar. Suprà quem locum S. Thomas ait: Tangit austeritatem vite, & implet factum quod docet verbo: ne se damnet ore proprio. S. Augustinus verò, Suo timore, inquit, nosterruit Apostolus: quid enim faciet agnus, ubi aries timet & tremuit? Et S. Chrysostomus. Si Paulus hoc timuit, qui tam multos docuit, & timuit postquam predicauit, & factus est Angelus, & totius orbis defensionem suscepit, & patrocinium, quid nos dixerimus? Ne enim inquit, existimetis, quoniam credidistis, hoc vobis sufficere ad salutem. Nam si mihi predicasse, docuisse, innūerabiles adduxisse, non satis est ad salutem, nisi quoque mee actiōes sint huiusmodi, ut in eas nulla cadat reprehensio: longè minus vobis. Denique vel inde potest colligi, austeritatem vitę externam esse necessariā Predicatoribus, quia est necessaria vitam contemplatiuā profitentibus. Ne autem aliquis dubitet, Predicatores debere excellere Contēplatione, profero aliqua testimonia SS. Patrum. Inprimis ergò S. Gregorius lib. 3. Expof. in 1. Regum cap. 7. explicans illa verba: Et circuibat Bethel, & Galgal & Masphat, & indicabat Israelē in suprà dictis locis, sic inquit: Quicquid Doctor subditis proponit ad normā rectitudinis, aut de exemplis electorū accipit, aut doctrina sacri eloquij aut ex reuelatione internæ contēplationis. Quibus profectō verbis ostenditur, nō tantūm quæ Doctor perfectus agat, sed etiam quia perfectus non sit si agere hæc non possit. Nam si solum bonorum exempla nouerit aut si Sacra Scriptura etiam quis eruditus sit, & contēplationis reuelatione caruerit, in ordine Prædicationis vir perfectus non erit.

Et

Et paulo post: Bene ergo dicitur, Et iudicabat Israel in predictis locis: nam non solum Bethel, & Galgal, sed etiam in Masphath, ut qui ad perfectionem predicationis, dum per humilitatem exempla maiorum sequitur, dum per studium sacri eloquii eruditione fulcitur, curet omnino necesse est, ut puritate mentis, ea que disponenda sunt, contemplando cognoscat. Dei namque debet esse docibilis, qui suscepto Predicationis officio docere homines cupit. Item in Moralib. lib. 6. cap. 17. ait: Neque enim perfectus predicator est qui vel propter contemplationis studium operanda negligit, vel propter operationis instantiam, contemplanda postponit. Et paulo post: Hinc est quod humani generis Redemptor per diem miracula in urbibus exhibet, & ad Orationis studium in nocte pernoctat: ut perfectis videlicet predicatoribus innuat quatenus nec actiuam vitam amore speculationis funditus deferant, nec contemplationis gaudia penitus operationis nimietate contemnunt: sed quieti contemplantes sorbeant, quod occupati erga proximos loquentes refundant. Præterea homil. 5. in Ezech. dicit: Ad locum de quo exeunt flumina, reuertuntur ut iterum fluant. Siue enim in virtutibus, seu in doctrina, quid aliud sunt Sancti viri, quam flumina, que terram cordis carnalium aridam rigant? Sed siue in operatione quam faciunt, seu in doctrina verbis citius sicca rentur nisi per intentionem cordis semper sollicitè ad locum, de quo exeunt, redirent. Si enim introrsus ad cor non redeant,

redeant, ac sese in amore Conditoris desideriorum vinculis non astringant, & manus ab eo, quod agebat, deficit; lingua ab eo quod loquebatur arefcit: Sed intus semper per amorem redeunt, & hoc quod in publico operantes atque loquentes fundunt, in secreto suo de fonte amoris hauriunt. Amando enim discunt, quod loquendo proferunt. Ad locum ergo, de quo exeunt flumina, reuertuntur ut iterum fluant, quia aquam sapientie inde semper hauriunt, unde oritur, ne cum cucurrerit, exsiccet. Hæc S. Gregorius. Sanctus vero Augustinus lib. 4. de Doctr. Christ. cap. 15. Agit, inquit, noster iste eloquens, cum & iusta, & sancta, & bona dicit (neque alia debet dicere) agit ergo quantum potest cum ista dicit, ut intelligenter, ut libenter, ut obedienter audiatur: & hac se posse, si potuerit, & in quantum potuerit, pietate magis Orationum quam Oratorum facultate non dubitet, ut orando pro se, ac pro illis, quos est allocuturus, sit orator, antequam dictor. Ipsa hora iam ut dicat accedens, priusquam exerat proferentem linguam, ad Deum leuet animam suientem, ut eructet quod biberit, vel quod impleuerit fundat. Sanctus quoque Bernardus super Cantica, Predicatores ait, sumpto contemplationis & orationis gustu, tanto valentius ad animarum lutra conquirenda egrediuntur. Demum ut multos alios omittam Abulensis in Matth. cap. 4. qu. 5. Eum qui predicat oportet, inquit, considerare in lege Dei, die ac nocte, ne si diuertat ab huiusmodi contemplatione

postmo-

postmodū cōuertatur ad fabulas inanes. Hęc ille. Ex quibus habetur, prædicatorem debere contemplatione præ alijs esse excellentē. Atq; austeritas vitę externa necessaria est contemplationi dedito, vt supra probatū est. Ergo & prædicatori.

Sed tandem necesse est, vt assignem proximam causam, quare Prædicator debeat excellere austeritate vitę externa : & est huiusmodi, vt nimirum conseruet castitatem, quę sine castigatione carnis, difficillimē potest custodiri, vt supra habitum est circā Propositionem lxj. Sanē inter omnia certamina Christianorum, inquit. Augustinus duriora sunt prælia castitatis; nam ibi continua pugna, & rarior victoria. Et Isidorus: Summum, inquit, nobis adiutorium præstabit cilicium & cinis, totisque noctibus statio immobilis, panis desiderium, ardens lingua, modiceque irrorata, sepulchrorum habitatio. Et certē si S. Hieronymus de seipso fateatur: O quoties ipse in Eremito constitutus in illa vasta atque horrenda Eremiti solitudine, qua exusta solis ardoribus, Monachis horridum præbet habitaculum, putabam me Romanis interesse delicijs? Sedebam solus, quia amaritudine repletus eram. Horrebāt sacco mēbra deformia, & squalida cutis sicut Aethyopica carnis obduxerat. Quotidie lachryma, quotidie gemitus; & si quando repugnantē somnus imminēs oppressisset, nuda humo vix horetia ossa collidebā. De cibo vero & potu taceo, cum etiam languentes Monachi aqua frigida utantur, & coctū aliquid comedis luxurie sit. Ille igitur ego, qui ob gehennam meū tali me carceri damnauerā, scorpionum tantum socius & ferarū, sæpē choris intereram puellarū. Pallebant ora ieiunijs, & mens desiderijs estuabat,

bat. Infrigido corpore, & antehominem suum, iam carne premortua, sola libidinum incendia bulliebant. Itaque omni auxilio destitutus, ad IESV iacebam pedes, rigabam, lachymis, crine tergebam, & repugnātem carnem hebdomadarum inedia subiugabam. Memini me clamantem, diem crebro iunxisse cum nocte: nec prius à pectoris cessasse verberibus quàm rediret Domino imperante tranquillitas. Hæc S. Hieronymus de seipso. Si hoc patiuntur illi, qui ex eis corporibus in solitudine solis impugnantur cogitationibus, quid patientur illi, qui in commoditatibus carnis viuunt? Quanti & quales Episcopi & Clerici, inquit S. Augustinus, post confessionem, & victoriarū calcata certamina, post magnalia & signa mirabilia usquequaque monstrata, noscuntur cum his omnibus naufragasse, cum volunt in naui fragili nauigare? quantos leones domuit una infirmitas delicata, idest, luxuria, que cum sit vilis & misera, de magnis efficit pradam. Quot columne cœli ceciderunt Sanctissimi illi Eremitæ multorum annorum experientia probati, in solitudinibus morantes, etate prouecti, imò & miraculis coruscantes? Etiam eos de fastigio conuersationis cœlestis, mulieres deturbarunt. Quia est mulier? quærit à seipso Ephrem & respondet: Naufragium super terram, fons nequitia, thesaurus immunditiæ & malitiæ, mortifera conuersatio, atque confabulatio oculorum perniciēs, animarum exitium, cordis spiculum, iuuenū perditio, sceptrū inferni & concupiscentia præcept. S. Ambrosius item de Muliere, Ianna Diaboli, inquit, via iniquitatis, scorpionis percussio nociuū genus est fœmina cum

pro-

proximat, stimulat, ignem accendit, flammigero igne percutit conscientiam pariter habitantis, & exurit fundamenta montium. Item S. Augustinus, De ferro, inquit, rubigo nutritur, morbos aspidēs sibilant, & mulier fundit concupiscentiæ pestilentiam: in risum aliquando dissolvitur, nunc blanditias exhibet: & quod est venenosius super cuncta, psallere delectatur aut cantare; cuius cantu tolerabilius est audire basiliscum sibilantem. Gravem inimicum sortita est castitas, cui non solum resistendum, sed dimisso freno longius fugiendum. Ne ceo minus foemina fugienda sunt, quia Religiosa videntur: quia quanto religiosiores, tanto citius alliciunt, & sub pretextu pietatis latet viscus libidinis. Expertus crede, expertus loquor, coram Deo non mentor: Cedros Libani, duces gregum, sub hac peste cecidisse reperi: de quorum casu non magis suspicabar, quàm Ambrosij, vel Hieronymi impudica turpitudine. Tandem Diabolus sopitum ignem sine vllis flammis occultat, donec duas faculas iungens, simul ambas accendat, & tandem cessat saevitiæ suatela supponere, donec sicut peritus venator, quod occisurus est, laquei vinculis alliget. Hæc Augustinus. At idem Hieronymus: Omnes puellas & virgines Christi, aut equaliter ignora, aut equaliter dilige, nec in præterita castitate confidas. Neque enim sanctior Davide, neque Salomone potes esse sapientior. Memento semper quod paradisi colonum de possessione sua eiecit mulier. Solus cum sola absque arbitro & teste non

sedeas

Sedeus, etiamsi secretum aliquod intersit. Cauero omnes suspiciones, & quicquid probabiliter fingi potest, ne fingatur, ante deuita. Muliebria munuscula & sudariola, & vestes ori applicatas, & oblatos ac degustatos cibos, blandasque ac dulces literulas anctus amor non habet. Ad excusationes, quæ adferri solent, respondet Hieronymus: Quod si dixeris, Mihi sufficit conscientia mea: habeo Deum iudicem, qui mea vita est testis, non curo, quid loquantur homines: Audi Apostolum. Pro- uidentes bona non solum coram Deo, sed etiam co- ram hominibus. Et Bernardus: Esto, sis conti- nens, sed ego suspicione non careo. Tolle scandali causam. Et iterum inquit Hieronymus: Quid sibi volunt sola & priuata colloquia, & arbitros fu- gientes oculi? Et iam olim ab exordio nascentis Ecclesiæ S. Clemens: Ad visitandam mulierem infirmam nullus Clericus ingrediatur, nisi cum duo- bus, aut tribus, & nec presbyter solus cum sola ad- iungitur, sed duobus adductis testibus visitet infir- mam, nec solus cum sola fœmina fabulas misceat. Et Theodorus Studites: Nec solus colloquere cum Monacha, vel seculari, nisi necessitas trahat, id- que cum duabus ab utraque parte personis. De S. Augustino Possidonius refert: Si forte ab aliqui- bus fœminis, ut videretur vel salutaretur, rogabatur, nunquam sine Clericis testibus adeas intrabat, vel so- lus cum solis unquam est locutus, nec si secretorum

aliquid interesset. Cantipratensis verba sunt hæc: *Nec socius socium debet deserere, maxime in colloquio mulieris, nisi alter alterum videat colloquentem, Et alibi: Quam vera sit hæc vox (vasoli) ego novi, qui triginta annis, & eo amplius vices Episcopi in diuersis Prouincijs & Diocesibus habui, qui in hoc articulo, quo Religiosi vel soli vadunt in vijs, vel soli manent in curijs, horrenda mala horrendaque scandala, horrendaque pericula frequenter audiui, quæ nunquam sustinuisent, adiuncto socio, vel fecissent. Legge si placet Epistolam 284. lib. 2. Isidori Pelusiota de vitanda familiaritate mulierum, in qua præter cætera habetur hæc verba notatu dignissima: Quod site frequenter cum ipsis versari, nec ullo inde detrimento affici dixeris, id quidem fortasse mihi persuaderi sinam. At illud item velim omnibus fidem adhibere, aquis lapides extenuari, ac rupes aque guttis, continenter cadentibus, excavari dicunt Quorum verborum huiusmodi sensus est: quid rupe durius fingi queat? quid item aqua mollius; & quidæ aque guttula? & tamen assiduitas naturam vincit. Quod si natura quæ agere dimoueri potest dimouetur, id quod minime debebat, perpetitur, quæ tandem arte ac ratione, voluntas quæ facile mouetur, à consuetudine non vincatur, & euertatur? Hæc Isidorus. Ideo sapiens Ecclesiast. 42. ait. In medio mulierum noli commorari: de vestimentis enim procedit tineæ, & à muliere iniquitas viri. Quod si ex omnibus inductis testimonijs patet, conuersationem mulierum esse nocuam, & apprime fugiendam; quomodo non*

eris

erit necessaria austeritas vitæ, ei qui non vult fugere, sed conuersari cum illis, etiam causa salutis earum? Credat qui vult; ego in æternum non credam, eum ab omni labe cordis immunem, qui non edomita carne per rigores & afflictiones externas assiduus, vel saltem frequens est cum mulieribus, etiam pijs & deuotis. Remitto vnumquemq; conuersantium cum mulieribus ad propriam conscientiam. Mittat manum suam in sinum suum, & fortassis inueniet eam leprosam.

PROPOSITIO LXXI.

Merito itaq; S. Anselmus explicans illud Apostoli 1. Tim. 4. Exercitatio corporalis ad modicum utilis; pietas autem ad omnia.

EX hac Propositione colligitur Theologum imitari ingenium, & mores Hæreticorum. Ingenium quidem quia hoc loco Scripturæ passim Hæretici vtuntur ad reprobandam vtilitatem ieiunij, & nominatim Philippus Melancthon: Mores verò, quia sicut Hæretici incipiunt prædicationem suam à demoliendo opera poenitentis & austeritatis; vt palam videre erat in Luthero, qui non ab inuitatione ad poenitentiam, vt Christus, Ioannes Baptista, & Apostoli prædicationem suam cœpit; sed potius à laxando habens carni & sanguini: ita & hic Theologus hunc fortassè primum ingenij sui partum, & primam in scribendo exercitationem, impugnationi austeritatum, & operum poenitentis dedicauit. Subdolè tamen egit, quia exitia doctrinæ suæ venena, melle verborum condita, & sensualitati plausibilia, propinauit. Quamobrem vereor, ne ad præcursores Antichristi pertineat. Dicit enim Gregorius lib. x i i i. Expositionis Moralis in Iob. cap. 5. *Sicut incarnata veritas in prædicatione sua pauperes idiotas & simplices*

plices elegit, sic è contrario damnatus ill homo quem in fine mundi Apostata Angelus assumit ad predicandam falsitatem suam, astutos ac duplices, atque huius mundi scientiam habentes, electurus est. Unde & per Isaiam dicitur: *Ua terra, cymbalo alarum, quæ est trans flumina Aethiopia, quæ mittit in mari legatos, & in vasis papyri super aquas.* Terra quippe cui *ua* dicitur, ille principaliter homo damnatus est, qui alarum cymbalum vocatur: quia hi per superbiam in altitudinem cogitationis euolant, eundem peruersum hominem predicando sonant. Quæ scilicet terra, rectè trans flumina Aethiopia esse perhibetur. Aethiopia etenim nigrum populum mittit, & omnem populū mundus iste, quia peccatorem profert, quasi nigrum Aethiopia populum parit. Sed terra, cui *ua* dicitur, trans flumina Aethiopia esse perhibetur; quia damnatus ille homo tanta immensitate iniquus est, ut omnium peccantium peccata transcendat. Qui mittit in mare legatos: quia predicationes suas in seculum spargit. De quibus rectè subditur, qualiter mittantur, dum dicitur: *In vasis papyri super aquas.* Ex papyro quippe charta est. Quid itaque per papyrum, nisi secularis scientia designatur? Vasa ergo papyri, sunt corda Doctorum secularium. In vasis igitur papyri super aquas legatos mittere, est predicationem suam in sapientum carnalium sensibus ponere, & defluentes ad culpam populos vocare. Hæc Gregorius de Antichristo: qui & terra, id est terrenus, & cymbalum alarum; propter elationem, & trans flumina Æthi-

Æthiopæi, id est transcendens peccata mundi dicitur. Hic ergo Prædicatores astutos, duplices, & mundi huius scientiam habentes eligit, & eos tanquam legatos mittit in mari, id est per sæculum spargit. Mitti autem eos in vasis papyri superaquas, id est in scientia sæculari, ut prædicationem suam ponant in sensibus sapientum carnalium. De Theologo autem plurimi magni nominis, id est & pietatis & scientiæ, multoties contestati sunt, & contestantur, eum hominem astutum, vafrum, subdolum, duplicem, & huius mundi scientia præditum. Non immeritò ergò verendum est, ne Antichristus eum, tanquam legatum suum, & prædicatorem in sæculum miserit, in vase papyri, & suæ Epistolæ; ut poneret prædicationem suam in sensibus carnalium hominum, qui persequuntur austeritates, & odio habent durum viuendi genus.

PROPOSITIO LXXII.

Per exercitationem corporalem intelligens cum S. Ambrosio, S. Bernardo, & S. Thoma, corporis afflictionem, & castigationem. Corporalis, inquit, exercitatio, quæ est in ieiunijs, vigilijs, labore manuum, ac multimoda corporis afflictione, parum utilitatis habet, respectu magnæ utilitatis, quam habet pietas religiosa mentis. Exerce te ad pietatem, id est ad compassionem proximorum, & ad opera misericordiæ. Nam ut ait S. Augustinus Epist. 52. Pietas est verax Dei cultus, unde omnia recte viuendi dicuntur officia.

MI Theologe, debebas aduertere, multiplicem esse expositionem loci à te allati. Profero Bellarminum, hæreticorum nostri temporis malleum lib. 2. de bonis operib. in particul. cap. 12. *Dua inquit, sunt huius loci explicationes. Una est commentarij, quæ tribuitur Ambrosio, quæ quidem per corporalem exercitationem, ieiunium intelligit. Sed per pietatem, non intelligit cultum Dei proprie dictum, sed misericordiam in pauperes. Vult autem hic Commentarius ieiunium ad modicum utile esse, nisi cum misericordia & eleemosynis coniungatur. Quod idem docet S. Chrysost. homil. 78. in Matth. ubi dicit: Ieiunium sine eleemosynis nihil valere. Quod intelligendum est, si eleemosyna faciendæ præceptum occurrat, & is qui ieiunat, tam sit avarus, ut nolit eleemosynam facere, etiam de eo quod sibi superest, & quod alias consumpsisset, nisi ieiunare instituisset. Alioqui enim ieiunium cum eleemosyna coniungere, non est necessarium, quamuis sit utilissimum. Quare S. Ambrosius ser. 33. S. August. ser. 56, Et S. Leo serm. 2. de Ieiunio X. Mensis. non iubent, sed hortantur, ut unusquisque tempore ieiunij, prandium quod sibi subtrahit, pauperibus eroget. Altera expositio verior & planè ad mentem Apostoli, est Chrysostomi, Theodoret, Theophilacti, Oecumenij, & aliorum, qui per corporalem exercitationem non intelligunt ieiunium, sed studium corporis confirmandi & corroborandi: quod faciunt athletæ,*
gladia-

gladiatores milites, & ceteri, qui viribus corporalibus egent. Sumit enim Apostolus similitudinem ab athleticis, cum ait, Exerce te ipsum ad pietatem. Nam id significat vox Græca Gymnaze, & sensus huius loci hic est: Exerce te more boni athleta ad cursum vel certamen pietatis. Hoc enim verè utilissimum est, tum in hac vita, tum in futura. Nam qui vires exercent ad cursum, vel corporale certamen, parùm inde lucrantur in hac vita, & in alia prorsus nihil. Similis locus est. 1. Corinth. 9. Qui in agone contendit, ab omnibus se abstinet. Et illi quidē ut corruptibilem coronā accipiant, nos autem incorruptā. Porro S. Ioannes Chrys: non solum docet Apostolum non loqui hoc loco de ieiunio, sed etiā refellit eos, qui contrā sentiūt. Neq; enim credibile est, Apostolum vocaturū fuisse ieiuniū, corporalem exercitationem, cum ieiuniū ad corpus extenuandum, non ad confirmandum referatur, & cum sit verè spiritualis & celestis exercitatio, Deinde quomodo diceret idem Apostolus, ieiunium ad modicū valere, cum ipse idem ad ieiuniū tā frequenter, & verbo, & exemplo discipulos hortaretur? Denique nunquā Apostolus ieiunio, pietatem opponeret, quæ habet promissionem vitæ quæ nunc est, & futuræ, cum id maxime conueniat ieiunio, ut in hac vita sanitatem efficiat, & conseruet, ut patet ex Cap. 1. Daniel, & in alia mercedem accipiat à Patre celesti, iuxta promissionem Domini Matth. 6. Itaque rectè S. Leo ser. 1. de ieiun. Pentecostes. Sequitur, inquit, solemne ieiunium quod antonīs corporibusq; curandis salubriter institutum deuota nobis est obseruantia celebrandum. Hac Bellarminus.

Ex quibus patet non posse ex loco Pauli citato peti certū, euidens, & demonstratiuum argumentum pro intento Theologi, quandoquidem sensus loci non est clarus & apertus, & circa expositionem eius adeo dissentiant SS. Patres. Quod si velimus expositioni secundæ inhærere, allatæ à Bellarmino, tantum abest vt faueat Theologo, vt potius sit valdè eius proposito contraria. At quia sua veneratio, & quidem instissimè, debetur SS. Anselmo, & Thomæ (nam quid Bernardus intellexerit per exercitationem corporalem, postea patebit) ideò & secundum mentem horum Doctorum dico, Theologo non patrocinari sententiam eorum. Hi enim Sancti non dixerunt absolute afflictionem corporis esse inutilem, sed comparatiuè, & respectiuè ad utilitatem magnam, quam habet pietas mentis, esse modicum utilem. Quòd si vitæ austeritas externa non est censenda absolute inutilis, qua ratione infert Theologus, ex vitæ austeritate externa non esse metiendam Religionis perfectionem? Ex re enim utili & bona, tanquam ex fructu siue medio, secundum principia ipsiusmet Theologi, potest agnosci perfectio Religionis. Quòd si illa Religio est perfectior, quæ se exercet in pietate nonne illa Religio, secundum regulas Theologi erit perfectior, quæ simul & in pietate, & in vitæ austeritate se exercet, quando-
dem & plura media habet, & pluribus est fulta
auxilijs ac præsidijs: quæ secundum The-
ologum faciunt ad perfectionem
Religionis.



PROPOSITIO LXXIII.

Quem locum explanans S. Thomas in Comment. Exercitatio, inquit, ieiunij & huiusmodi in sua natura non sunt bona, sed pœnalia, & si homo non peccasset, nihil horum fuisset, sed sunt bona medicinalia, in quantum reprimunt concupiscentias: Ergo ad istud modicum sunt utilia, quia tantum ad morbum peccati carnalis, non spiritalis: quia aliquando propter abstinentiam homo in iracundiam, inanem gloriam, & huiusmodi incurrit. Prefer, ergo abstinentia pietatem; & accipitur hic utroque modo pro cultu Dei, & misericordia.

HÆC Propositio mutilatam continet citationem, & Authoris ostendit summam infidelitatem. Integer enim textus S. Thomæ sic habet: Corporalis exercitatio ieiunij, & huiusmodi, in sua natura non sunt bona, sed pœnalia, & si homo non peccasset, nihil horum fuisset, sed sunt bona medicinalia. Sicut enim reubarbarum est bonum, in quantum releuat à colera: sic & ista in quantum comprimunt concupiscentias. Ergo ad istud modicum sunt utilia. 1. Cor. 9. Castigo corpus meum & in servitutem redigo &c. Coloss. 3. Mortificate membra vestra, qua sunt super terram. Et ideo si homo esset in statu, in quo non posset peccare, non indigeret ieiunio, & huiusmodi.

huiusmodi. Vnde Chrysost. super illud Matth. 16. Venit IESUS &c. dicit, Ioannes purus homo, indigebat medicina ieiunij. Christus Deus erat, & non purus homo; & ideo huiusmodi non indigebat. Ergo ad modicum utilis est, quia tantum ad morbum peccati carnalis, non spiritualis: quia aliquando propter abstinentiam, homo iracundiam, inanem gloriam, & huiusmodi incurrit. Deinde cum dicit, Pietas autem: praeferat abstinentia pietatem, & accipitur hic utroque modo scilicet pro cultu Dei & misericordia. Hec S. Thomas. Quibus perfectis & facta collatione, patebit euidenter unicuique, quae posuerit, & quae omiserit Theologus. Omisit primum illa verba (ut praeteream alia leuiora) Si homo esset in statu, in quo non posset peccare, non indigeret ieiunio, & huiusmodi. Existimat fortassis Theologus, se esse in statu, in quo non potest peccare, scilicet in statu Innocentiae, ut proinde non indigeat ieiunio, & alijs huiusmodi. Sed videat, ne dum vult esse supra homines, infra homines inueniatur, & comparetur iumentis insipientibus, & similis fiat illis; dum tanquam animalis homo, non ea quae sunt Spiritus Dei, sed ea quae sunt carnis, sapere videtur, sicut equus, & mulus, quibus non est intellectus. Subiungit S. Thomas dictum S. Chrysostomi: Ioannes purus homo indigebat medicina ieiunij. Theologus id omisit, quasi ad se nihil pertineret. Fortassis Theologus inter natos mulierum maior surrexit Ioanne Baptista; utpote qui cum sit purus homo indigeat medicina ieiunij: Imò verò si Ioannes Baptista cum esset sanctificatus in utero, & prius sanctus, quam natus, & confirmatus in gratia; & in deserto manens, indiguit medicina ieiunij, quia purus homo erat; multo magis in peccatis nati, varijs obnoxij criminibus, de sua salute minimè se-

nati,

curi, in medio prauæ & peruersæ nationis commorantes, indigebunt medicina ieiunij; saltem propterea, quia sunt puri homines. Vt quid ergo ista omisit Theologus, ac si minime ipsi & alijs necessaria? Sed est vnde materiam tripudij ex loco citato habeat Theologus: *Quia* inquit S. Thomas, *aliquando propter abstinentiam homo iracundiam, inanem gloriam, & huiusmodi incurrit.* At si idem periculum aduertat Theologus in prædicatione & doctrina, credo quod non triumphabit. Maiori quippe periculo inanis gloriæ exposita est prædication, quam vitæ austeritas externa. Maceratio enim carnis plurimum facit ad coercendam vanam gloriam. Vnde Augustinus dicit: *Ieiunium cor facit contritum & humiliatum.* Et S. Climacus: *Si affligatur venter, humiliabitur cor: si autem ille foueatur, superbit cogitatio.* Et idem rursus ieiunium vocat: *humile suspirium* Ecclesia quoque canit, *Carnisterat superbiam, potus cibiq; parcitas.* Quid verò de prædicatione dicat S. Gregorius, audiamus. *Sæpe*, inquit ille, Pastor. curæ par. 4. cap. 1. *aut prædicationis modis congruentibus ubertim funditur, apud semetipsum de ostensione sui, occulta letitia, loquentis animus subleuatur.* Et iterum alibi: *Tutius veritas auditur, quam prædicatur. Quoniam cum auditur, cordis humilitas custoditur: cum autem prædicatur, vix non surripit cuiquam hominum quantulacunque iactantia; in quo utiq; pedes affectionis, vel intentionis, aliquantulum inquinantur.* Item: *Post prædicationē lauat pedes Apostolis, quia aliquando inde inquinantur vestigia loquentium, unde audientium corda mundantur; dū se extollunt, quia per eos gratia Prædicationis deriuatur.*

Et

Et ideò S. Augustinus monet dicens, *Solicittissime cauendum est in docendo superbiam vitium, quod in discendo non ita est.* Si ergo Theologus propter periculum inanis gloriæ non vult ieiunare; propter idem periculum neque debet prædicare; & neque Epistolam hanc debebat scribere: plus enim in scribendo hanc Epistolam gloriæ vanæ (verissimè vanæ) cupiditate potuit vinci, quàm alius ieiunans & tacens.

PROPOSITIO LXXIV.

Sed præclare admodum S. Bernardus eundem Apostoli locum eodem sensu intelligens Apologia ad Guilielmum Abbatem, eos Religiosos perstringit, qui ieiunijs maioribus addicti, & abstinentijs, vilique & attrita tunica induti, detrahebant alijs Religiosis, quod vterentur melioribus vestibus, ac pellibus, & carnibus vescerentur, & tria vel quatuor pulmentaria uno die admitterent.

HÆC Propositio est contumeliosa & iniuriosa in Cistercienses, filios Sancti Patris Bernardi, quos se conuenire, de Ordine suo esse, disertè tradit idem Sanctus. Supponit enim eos fuisse detractos, quod nequaquã agnoscit S. Bernardus; imò ab ea calumnia eos vindicat aperte, vt ex mox dicendis patebit: Sic enim ait ibi. *Vnde nunc mihi conueniendi sunt quidam de Ordine nostro; qui contra illam sententiam, Nolite ante tempus iudicare, quoad vsque veniat Dominus, qui & illuminabit abscondita tenebrarum, & manifestabit consilia cordium: alijs Ordinibus derogare dicuntur.*

*tur, & suam iustitiam solam volentes constituere, iustitie Dei non sunt subiecti : quos profecto (si qui tamen huiuscemodi sunt) nec nostri, nec cuiuspiam esse Ordinis, veriùs esse dixerim. Quippè qui eis ordinate viuentes, superbè tamen loquentes, ciues se faciunt Babylonis, idest confusionis, imò filios tenebrarum, ipsiusque gehenna, ubi nullus ordo, sed sempiternus horror inhabitat. Vobis ergò inquam fratres, qui etiam post auditam illam Domini de Phariseo & publicano parabolam, de vestra iustitia presumentes, ceteros aspernamini, dicitis (ut dicitur) solos vos homines esse iustos, aut omnibus Sanctiores, solos vos Monachorum regulariter viuere, ceteros verò Regula potiùs existere transgressores. Hæc S. Bernardus. Ex quibus claret, quòd Cistercienses alijs Religiosis non derogabant, sed derogare dicebantur: idè & S. Pater non absolute, sed sub conditione loquitur: *Si qui tamen huiuscemodi sunt*: & euidenter indicat, se tantùm aliorum dictis attendere, dum ait, *Dicitis, ut dicitur*. Magnam ergo calumniam Theologus struxit contra sacrum Ordinem Cisterciensium, quem viuente adhuc S. Bernardo Fundatore suo, facit Ordinem detractorum, imò Ordinem sine ordine, Ordinem ciuium Babylonis, siue confusionis, Ordinem filiorum tenebrarum. His enim nominibus S. Bernardus detractores appellauit, vt visum est. Videat Theologus, quàm insipienter & imprudenter egerit, dum contra tot Sanctissimas Religiones dentes & arma exacuerit, vt liquet vel ex Propositione hac allata, qua Sanctissimum Ordinem Cisterciensium prosciudere, & Ordinem detractorum orbi proponere ausus est.*

Susurro

Susurro & bilinguis maledictus (Ecclesiast. 28.) multos enim turbabit pacem habentes. Lingua tetra multos commouit. Flagelli plaga liuorem facit: plaga autem lingua comminuit ossa. Beatus, qui rectus est à lingua nequam, qui in iracundiam illius non transiuit; & qui non attraxit iugum illius, & in vinculis eius non est ligatus: iugum enim illius, iugum ferreum est: & vinculum illius, vinculum creum est. Mors illius, mors nequissima: & utilis potius infernus, quam illa. Qui relinquunt Deum, incident in illam & exardebit in illis & non exstinguetur, & immittetur in illos quasi leo, & quasi pardus laceret illos. Sepi aures tuas spinis, linguam nequam noli audire, & ori tuo facito ostia. Ita lingua (Iacob 3.) modicum quidem membrum est, & magna exaltat. Ecce quantus ignis, quam magnam syluam incendit? Et lingua ignis est, vniuersitas iniquitatis. Lingua constituitur in membris nostris, quæ maculat totum corpus, & inflamat rotam natiuitatis nostræ, inflammata à gehenna. Omnis enim natura bestiarum & volucrum, & serpentium, & cæterorum domantur, & domita sunt à natura humana: linguam autem nullus hominum domare potest: inquietum malum, plena veneno mortifero: In ipsa benedicimus Deum & Patrem: & in ipsa maledicimus homines, qui ad similitudinem eius facti sunt. Ex ipso ore procedit benedictio, & maledictio. Non oportet fratres mei, hæc ita fieri. Nunquid fons de eodem foramine emanat dulcem & amaram aquam? Nunquid

quid potest fratres mei ficus uvas facere, aut vitis ficus? Sic neque falsa, dulcem potest facere aquam. Sed bona animo estote o Sacra capita Cisterciensium. Gladius enim anceps linguæ illius. intrauit in cor ipsius, quia dum alios detractores facit, ipse met detractor factus est, & incidit in foueam quam fecit, & dolor eius in caput ipsius.

PROPOSITIO LXXV.

Et hos etsi pro delicatulis habitos, ijs longè antepōnit.

HÆC Propositio omnino falsa est. Nullū enim vestigium eius est in tota Apologia Diui Bernardi, quod alios Religiosos antepōat suis, magnam austeritatē vitæ profitentibus; etiamsi virtutes antepōnat vitijs: imò per oppositum acriter alios Religiosos reprehendit. Verā Lector, & vide totam Apologiam, an quid simile inuenies. Attende antecedentia, & consequentia, & iudica rectè, an verum sit, quod dixit Theologus. Antecedentia ad citata à Theologo, sunt ista. *Primò*, inquit, *quid ad vos de alienis seruis? suo Domino stant aut cadunt. Quis vos constituit indices super eos? Deinde* *sua est, ut dicitur, de Ordine vestro presumitis, qualis Ordo est, ut antequam de suo quisquam irabem ejciat, in fratrum oculis tam curiose festucas perquirat? Qui in Regula gloriāmini, cur contra Regulam detrahitis? Cur contra Euangelium ante tempus, & contra Apostolum alienos seruos indicatis? An Regula non cōcordat Euangelio, vel Apostolo? Alioquin Regula iam nō est Regula, quia non recta. Audite & discite ordinē quī contra ordinem, alijs Ordinibus derogatis.* Hypocrita, inquit,

inquit, ecce primum trabem de oculo tuo, & sic videbis eijcere festucam de oculo fratris tui. Quæris quam trabem? An non grandis & grossa trabs est, superbia quæ te putas esse aliquid, cum nihil sis? Insanissime tibi tanquam sanus exultas, & alijs vanissime trabem portans, de festucis insultas: Gratias, inquit, tibi ago Deus, quia non sum sicut ceteri hominum iniusti, raptores, adulteri. Sequere ergo, & dic: Detractores. Neque enim minima est hæc festuca inter ceteras. Quare cum tam diligenter alias enumeres, istam taces? Si pro nulla, vel minima habes, audi Apostolum. Neque maledici, ait, regnum Dei possidebunt. Audi & Deum in Psalmo comminantem. Arguam te, inquit, & statuam contra faciem tuam. Quod quia detractori loquatur, certum est ex præcedentibus. Et quidem iuste ad se retorquendus, & se compellendus est intueri, qui avertens faciem suam à se, aliena potius mala, quam sua, solet curiosius perscrutari. At inquiunt, quomodo Regulam tenent, qui pellicijs induuntur, sani carnibus, seu carniumpinguedine vescuntur, tria vel quatuor pulmentaria una die (quod regula prohibet) admittunt, opus manuum, quod iubet, non faciunt, multa denique pro libitu suo vel mutant, vel augent, vel minuunt? Rectè: non possunt hæc negari. Hæc Bernardus. Considera quæso si est mentio aliqua de anteponendis delicatulis. Sed dato, non concessio, quòd alios anteponeret, quid mirum, quod anteponeret tenentibus Ordinem sine Ordine, ciuibz Babylonis filijs tenebrarum ipsiusq; gehennæ, vno verbo detractoribus? Sed iam attende sequentia.

PRO-

PROPOSITIO LXXVI.

Attendite, inquit, in regulam Dei, cui utique non dissonat institutio S. Benedicti. Regnum Dei intrà vos est (Luca 17.) hoc est, non exterius in vestimentis, aut alimentis corporis, sed in virtutibus interioris hominis. Vnde Apostolus (Rom. 14.) Regnum Dei non est esca, & potus, sed iustitia, & pax, & gaudium in Spiritu Sancto. De corporalibus itaque observantijs fratribus calumniam struitis & quæ maiora sunt Regule, spiritualia instituta relinquitis. Magna abusio. Tunicati & elati abhorremus pelliceas. Tanquam non melior sit pellibus involuta humilitas, quam tunicata superbia. Repleti deinde ventre faba, mentem superbia, cibis damnamus saginatos: quasi non melius sit exiguo sagimine ad usum vesci, quam ventoso legumine usque ad ructum exsaturari: præcipue cum Esau non de carne, sed de lente sit reprehensus, & de ligno Adam, non de carne damnatus: contra vero Elias innoxie carnem comederit, 3. Reg. 17. vers. 6. Abraham gratissime carnibus Angelos paverit, Gen. 18. de ipsis sua fieri sacrificia Deus præceperit. Et infra: Quanto spiritus corpore melior est, tanto spiritualis, quam corporalis exercitatio fructuosior. Tu ergo cum de horum observatione elatus alijs eadem non observantibus derogas, non te magis transgressorem Re-

Q

gula

gule indicas? cuius licet minima quadam teneas, meliora deuitas: de quibus Paulus: Emulamini, ait, charismata meliora. Detrahendo quippe fratribus: in quo temetipsum extollis, perdis humilitatem, in quo alios deprimis, charitatem: que sunt charismata meliora. Tu si tuum corpus multis ac nimis laboribus atteris, ac regularibus asperitatibus mortificas membra tua, bene facis. Sed quid si ille, quem similiter non laborantem diiudicas, modicum quidem habeat de hac, que ad modicum utilis, corporali videlicet exercitatione, amplius autem, quam tu de illa que ad omnia valet idest, pietate, &c.

VT in propatulo cernas summam infidelitatem & fallaciam Authoris in citandis Sanctis Patribus, profero totum textum Sancti Bernardi, quem maximoperè Theologus truncavit & mutilauit, *Sed attendite, ait, in Regulam Dei, cui utique non dissonat Institutio S. Benedicti. Regnum Dei, inquit, intra vos est, hoc est, non exterius in vestimentis, aut alimentis corporis, sed in virtutibus interioris hominis. Vnde Apostolus, Regnū Dei non est esca & potus, sed iustitia, & pax, & gaudium in Spiritu Sancto. Et rursus: Regnum Dei non est in sermone; sed in virtute. De corporalibus itaq; obseruantis fratribus calumniam struitis, qua maiora sunt Regula, spiritualia scilicet instituta relinquitis, camelumq; deglutientes, culicē liquatis? Magna abusio. Maxima cura est ut corpus regulariter induatur, & contrā regulā suis vestibus*

bus anima nuda deferitur. Cū tanto studio tunicae & cuculla corpori procurentur, quatenus cui deerūt, Monachus non putetur; cur similiter spiritui pietas & humilitas, quae profecto spiritualia indumenta sunt non prouidentur? Tunicati & elati abhorremus pelliceas, tanquā non melior sit pellibus inuoluta humilitas, quā tunicata superbia; praesertim cū Deus tunicas pelliceas primis hominibus fecerit, & Ioannes in Eremo zona pellicea lumbos accinxerit, & ipse tunicarum institutor in solitudine, non tunicis sed pellibus sese induerit. Repleti deinde ventrem faba, mentem superbia, cibis danamus saginatos: quasi non melius sit ex iguo sagimine ad usum vesci, quā ventoso legumine usq; ad ructū ex saturari. & praesertim cū Esau non de carne, sed de lente sit reprehensus; & de ligno Adam, non de carne damnatus, & Ionathas ex gustu mellis, non carnis, morti adiudicatus, contra verò Elias innoxie carnē comederit, Abraham gratissimè carnibus Angelos pauerit, & de ipsis sua fieri sacrificia Deus praeceperit. Sed & satius est modico vii vino propter infirmitatem, quā multa aqua ingurgitari per auiditatem. Quia & Paulus Timotheo modico utendū vino consulit, & Dominus ipse bibit, ita ut vini potator appellatus sit, Apostolisque bibendum dedit, insuper & ex eo Sacramenta sui sanguinis condidit; cū è contrario aquam ad nuptias bibi non passus sit, & ad aquas contradictionis populi murmur terribiliter castigauerit. David quoque aquam, quam desiderauerat, potare timuerit, viriq; illi Gedeonis, qui pra auiditate toto corpore prostrato de flumine biberint, digni ad praelium

ire non fuerint. Iam verò de labore manuum quid gloriamini, cum & Martha laborans increpata, & Maria quiescens laudata sit: et Paulus aperte dicat, Labor corporis ad modicum valet, pietas autem ad omnia? Optimus labor de quo Propheta dicebat: Laboravi in gemitu meo: & de quo alibi: Memor fui Dei & delectatus sum & exercitatus sum. Ac ne corporale intelligas exercitium, Et defecit, inquit, Spiritus meus. Vbi autem non corpus, sed spiritus fatigatur, spiritualis proculdubio labor intelligitur. Quid ergo inquis Siccine illa spiritualia persuades, ut etiam hæc, quæ ex Regula habemus, corporalia damnes? Nequaquam. Sed illa oportet agere, & ista non omittere. Alioquin cum aut ista omitti necesse est, aut illa: ista potius omittenda sunt, quam illa. Quanto omnis Spiritus corpore melior est, tanto spiritualis, quam corporalis exercitatio fructuosior. Tu ergo cum de horum observatione elatus, alijs eadem non observantibus derogas, nonne te magis transgressorem Regula indicas, cuius licet minima quædam teneas, meliora deitas? De quibus Paulus: Aemulamini, ait, charismata meliora. Detrahendo quippe fratribus in quo temetipsam extollis, perdis humilitatem; in quo alios deprimis, charitatem: quæ sunt proculdubio charismata meliora. Tu si tuum corpus multis & nimis laboribus atteris, ac regularibus asperitatibus mortificas membra tua, quæ sunt super terram, bene facis. Sed

quid

quid si ille quem similiter non laborantem diiudicas, modicum quidem habeat de hac, quæ ad modicum est utilis, corporali videlicet exercitatione: amplius autem quam tu de illa, quæ ad omnia valet, id est pietate; quis quæso vestrum Regulam melius tenet? An non melius, qui melior? Quis vero melior, humilior, an fatigatior? An non is, qui à Domino didicit mitis esse & humilis corde: Qui & cum Maria optimam partem elegit, quæ non auferatur ab eo? Quod si Regulam ab omnibus, qui eam professi sunt, sic ad literam tenendam censes, ut nullam omnino dispensationem admitti patiaris; audacter dico, nec tu eam, nec ille, tenetis. Nam etsi ille quantum quidem pertinet ad observationes corporeas, in pluribus offendit, impossibile est tamen, te quoque vel in uno non transgredi. Scis autem quia qui in uno offendit, omnium est reus. Si vero concedas, aliqua posse mutari dispensatorie, proculdubio & tu illam tenes, & ille; quanquam dissimiliter. Nam tu quidem districtius, at ille fortasse discretius. Neque hoc dico, quia hæc exteriora negligenda sunt, aut qui se in illis exercuerit, mox ideo spiritualis efficiatur: cum potius spiritualia (quanquam meliora) nisi per ista, aut vix, aut nullatenus, vel acquirantur, vel obtineantur, sicut scriptum est: Non prius quod spirituale, sed quod animale, deinde quod spirituale. Sicut nec Iacob, nisi prius cognita Lia, desideratos Rachelis

amplexus meruit obtinere. Vnde rursus in Psalm. Sumite psalmum & date tympanum: Quod est dicere, Sumite spiritualia, sed prius date corporalia. Optimus autem ille, qui discretè & congruè hæc & illa operatur. Hæc Bernardus.

Quibus lectis & benè pensatis, facilè quivis adverteret, quæ Theologus suæ Epistolæ inseruerit, quæ verò respuerit: nimirum more suo ea quæ plausibilia proposito videbantur attulit, quæ verò repugnantia, omninò subtrixit. Et imprimis expositionem sententiæ Pauli citatæ suprâ ab ipsomet Theologo. Sic enim Bernardus legit: *Labor corporis ad modicum valet*: & loquitur de labore manuum, quo ut plurimum non occupantur Religiones, etiam austeram vitam profitentes. Deinde omisit illa verba S. Bernardi:

Quid ergo inquis? Sicinve illa spiritualia persuades ut etiam hæc, quæ ex Regula habemus, corporalia damnes?

Nequaquâ. Sed illa oportet agere, & ista non omittere. Sic Bernardus: at Theologus non sic: sed taliter spiritualia periuadet, ut corporalia damnet. Siue, taliter vult fieri spiritualia, ut omittantur corporalia. Deniq; nonne fraudulenter Theologus nō subtexuit cautelâ à S. Bernardo adhibitam suis verbis. *Nō hoc dico* inquit Bernardus, *quia hæc exteriora negligēda sint, aut qui se in illis nō exercuerit, mox ideo spiritualis efficiatur, cū potius spiritualia (quantū meliora,) aut vix, aut nullatenus, vel acquirantur, vel obtineantur.* Pupugit mentem, vel potius carnem, aut certè mentem carnalem Theologi, hæc propositio, & ideo oculum considerationis ab ea auertit, & silentio inuoluit. Quam delicatus es mi Theologe, qui ex pratis SS. Patrum flosculos sitientes decerpere, herbas verò medicinales & corpus purgantes, negligere conatus es: qui sensibus fauorabilia eligis, odiosa persequeris? Quid sit totam Apologiam

Giam Sancti Bernardi legisses, quàm grauitèr punctus (et si non compunctus) recessisses? Lege si placet, & aperte videbis, omnia tua acriter perstringi, & grauitèr notari. Neq; animus est ea hic recensere, quia facile tibi possunt esse obuia. Ne tamen gratis & quasi inobseruatus transeas, pro hoc labore, quem nauasti vt insurgeres contra Religiones austeritati deditas, & aduersus ieiunium, & abstinentiam à carnibus (auctoritate Bernardi, vt tibi videbatur, suffultus) predicares, repono vicissim ea, quæ S. Hieronymus pro ieiunio & abstinentia ab esu carniū, aduersus Iouinianum conscripsit, non totum eius tractatum (quod esset nimis longum & opèrosum) producendo, sed aliquas sententias selectiores promendo.

Audi idcirco sues, & apros, & ceruos. & reliquas animantes creatas, vt milites, & athleta, nauta, Rhetores, metallorumque fossores, & ceteri duro operi mancipati, haberent cibos, quibus fortitudo corporum necessaria est, qui portant arma & cibaria, qui pugnis & calcibus, sua inuicem membra debilitant, qui remos trahunt, quorum latera ad clamandum dicendumque sunt valida, qui subuertunt montes, & sub dio & imbribus dormiunt. Ceterum nostra Religio, non pyeten, non athletam, non nautas, non milites, non fossores, sed sapientia erudit sectatorē, qui se Dei cultui dedicauit: & scit, cur croatus sit, cur versetur in mūdo, quo abire festinet. Vnde & Apostolus loquitur: Quando infirmor, tunc fortior sū. Et: Si exterior vester homo corrūpitur, sed interior reonuat de die in diem. Et: Cupio dissolui, & esse cum Christo. Et: Carnis curam ne feceritis in desiderijs. Nunquid omnibus præceptum est, ne

duas tunicas habeant , ne cibos in pera , et in zona , virgam in manu , calceamentum in pedibus : Ut vendant uniuersa quae possident , denique pauperibus , & sequantur IESVM ? Sed his utrique qui volunt esse perfecti. Alioquin à Ioanne Baptista aliud praecipitur militibus , aliud publicanis. Dominus autem dicit in Euangelio ad eum , qui se iactauerat legis uniuersa complexisse : Si vis perfectus esse , vade , & vende omnia quae habes , & da pauperibus , & veni , sequere me. Ne graue onus nolenti videretur imponere , in propria audientis voluntate dimisit , dicens : Si vis perfectus esse. Quamobrem & ego tibi dicam : Si vis perfectus esse , bonum est vinum non bibere , & carnem non manducare. Si vis perfectus esse , melius est saginare animam , quam corpus. Si autem paruulus es , & coquorum te iura delectant , nemo eripit faucibus tuis esculentas dapes. Manduca & bibe , & si tibi placet , cum Israel lude consurgens & canito : Manducemus , & bibamus , cras enim moriemur. Manducet , & bibat , qui post cibos expectat interitum : qui cum Epicuro dicit , Post mortem nihil est , & mors ipsa nihil est. Nos Paulo credimus intonanti : Esca ventri , & venter escis. Deus autem & hunc & illam destruet.

Verum fac esum carniū cunctis nationibus esse communem , & passim licere , quod passim gignitur. Quid ad nos , quorum conuersatio in caelis est : qui
super

super Pythagoram & Empedoclem & omnes sapientia sectatores non ei debemur cui nascimur, sed cui renascimur: qui repugnantem carnem, & ad libidinum incentiva rapientem inedia subiugamus? Esus carnum, & potus vini, ventrisque saturitas, seminarium libidinis est. Unde & Comicius: Sine Cerere, inquit, & Libero friger Venus. Per quinque sensus, quasi per quasdam fenestras, vitiorum in animam introitus est. Non potest ante Metropolis & arx mentis capi, nisi per portas eius irruerit hostilis exercitus. Horum perturbationibus anima pregrauatur, & capitur aspectu, auditu, odoratu, sapore, tactu. Si Circensibus quispiam delectetur, si athletarum certamine, si mobilitate histrionum, si formis mulierum, splendore gemmarum, vestium, metallorum, & ceteris huiusmodi per oculorum fenestras anima capta libertas est, & impletur illud propheticum: Mors intrauit per fenestras. Rursum audito vario organorum cantu, & vocum inflexionibus delinitur, & carmine poetarum, & comediarum, mimorumque urbanitatibus, & strophis, & quicquid per aures introiens virilitatem mentis effeminat. Odoris autem suauitas, & diuersa thymiamata, & amomum, & cyphi, ananthe, muscus & peregrini muris pellicula, quod dissolutis & amatoribus conueniat, nemo nisi dissolutus negat. Porro ciborum auiditas, quod auaritia mater su, & animum quasi quibusdam compedibus degravatum

appetitus, vicinus insania est. Ob hunc sensum cupimus, irascimur, gestimus, inuidemus, emulamur, solliciti sumus, & expleta voluptate per quandam plenitudinem rursus accendimur: querimusq; facere, quod cum fecerimus, iterum pœniteamus. Igitur cum per has portas, quasi quidam perturbationum cunei ad arcem nostræ mentis intraverint, ubi erit libertas, ubi fortitudo eius, ubi de Deo cogitatio? maxime cum tactus depingat sibi etiam præteritas voluptates, & recordatione vitiorum cogat animam compati, & quodammodo exercere: quod non agit. His igitur rationibus inuitati multi Philosophorum reliquerunt frequentias urbium, & hortulos suburbanos: ubi ager irriguus, & arborum coma, & susurrus anium, fontis speculum, riuus immurmurans, & multe oculorum, auriumque illecebre, ne per luxum & abundantiam, copiarum, anima fortitudo mollesceret, & eius pudicitia constupraretur. Inutile quippe est crebro videre, per quæ aliquando captus sis, & eorum te experimento committere, quibus difficulter careas. Nam & Pythagoræ huiusmodi frequentiam declinantes, in solitudine & desertis locis habitare consueverunt. Platonici quoque & Stoici in templorum locis, & porticibus versabantur, ut admoniti augustioris habitaculi sanctitate, nihil aliud quam de virtutibus cogitarent. Sed & ipse Plato, cum esset diues, & thoros eius Diogenes lutatis pedibus conculcaret, ut posset vacare Philosophia, elegit Academicam villam, ab
 orbe

urbeprocul, non solum desertam, sed & pestilentem: ut cura & assiduitate morborum, libidinis impetus frangeretur: discipulique sui nullam aliam sentirent, voluptatem, nisi earum rerum, quas discerent. Quosdam legimus effodisse sibi oculos, ne per eorum visum, à contemplatione Philosophiae auocarentur. Unde & Crates ille Thebanus, proiecto in mari non paruo auri pondere: Abute, inquit, pessum mala cupiditates: Ego vos mergam, ne ipse mergar à vobis. Quod si quis existimat, & abundantia ciborum potionumque se perfrui, & vacare posse sapientiae, hoc est, & versari in delitijs & deliciarum vitijs non teneri, seipsum decipit. Cum enim procul ab his remoti, saepe capiamur natura illecebris, & cogamur ea cupere, quorum copiam non habemus, quanto magis si circumdati retibus voluptatum, esse nos liberos arbitremur? Sensus noster illud cogitat, quod videt, audit, odoratur, gustat, attrectat: & ad eius retrahitur appetitum, cuius capitur voluptate: quod mens videat, & mens audiat, & quod nec audire quidpiam, nec videre possumus, nisi sensus in ea, quae cernimus, & audimus, fuerit intentus. Vetus quoque sententia est: Difficile est, imò impossibile, delitijs, & voluptatibus affluentes non ea cogitare quae gerimus: frustra quidam simulant salua fide & pudicitia & integritate mentis, se abuti voluptatibus, cum contrà naturam sit, copijs voluptatum sine voluptate perfrui: & Apostolus hoc ipsum cauens, dixerit: Quae autem in delitijs

delitijs est vidua, viuens, mortua est. Sensus corporum quasi equi sunt sine ratione currentes: anima vero in aurige modum retinet frena currentium. Et quomodo equi absque rectore precipites ruunt, ita corpus sine ratione, & imperio anime, in suum fertur interitum. Alia quoque comparatio anime & corporis Philosophis ponitur. Corpus puerum, animam pedagogum esse dicentibus. Vnde & Historicus, Anima, inquit, imperio, corporis seruitio, magis utimur: alterum nobis cum Dys, alterum cum belluis commune est. Igitur nisi vitia adolescentis & pueri, prudentia pedagogi rexerit, omnes conatus eius & impetus ad lasciuiam properant. Sine quatuor sensibus viuere possumus, id est, sine aspectu, auditu, odoratu, atque complexu. Absque gustu autem & cibus, impossibile est humanum corpus subsistere. Adesse ergo debet ratio, ut tales ac tantas sumamus escas, quibus non oneretur corpus, nec libertas anime pragrauetur: quia & comedendum est, & deambulandum, & dormiendum, & digerendum, & postea inflatis venis incentiua libidinum sustinenda. Luxuriosa res vinum, & tumultuosa ebrietas. Omnis qui cum his miscetur, non erit sapiens. Ne tales accipiamus cibos, quas aut difficulter digerere, aut comesos, magno partos, & perditos labore doleamus. Olerum pomorum, ac leguminum, & faciliior apparatus est, & arte impendisque coquorum non indiget, & sine cura sustentat humanum corpus, modera-

moderateque sumptus (quia nec auidè deuoratur, quod irritamenta gula non habet) leuiori digestionē concoquitur. Nemo enim uno aut duobus cibis, hisque vilibus, usque ad inflationem ventris oneratur, quæ diuersitate carniū, & saporis delectatione percipitur. Cum varijs uidoribus fumant patina, ad usum sui expleta esurie, quasi captiuos trahunt. Unde & morbi ex saturitate nimia concitantur, multique impatientiam gula, vomitu remediuntur & quod turpiter ingesserunt, turpius egerunt. Hippocrates in Aphorismis docet, crassa & obesa corpora, quæ crescendi mensuram compluerint, nisi cito ablatione sanguinis imminuantur, in paralysim & pessima morborum genera erumpere : & idcirco esse necessariam demptionem, ut rursus habeant in quæ possint crescere. Non enim manere in uno statu corporum, sed aut crescere semper, aut decrescere : nec posse uiuere animal, nisi crescendi capax sit. Unde & Galenus uir doctissimus, Hippocratis interpres, athletas, quorum uita & ars sagina est, dicit in exhortatione medicinæ, nec uiuere posse diu, nec sanos esse : animasque eorum ita nimio sanguine & adipibus, quasi luto inuolutas, nihil tenue, nihil caeleste, sed semper de carnibus, & ructu, & ventris ingluuie cogitare. Diogenes tyrannos & subuersiones urbium, bellaque uel hostilia, uel ciuilia, non pro simplici victu olerum pomorumque, sed pro carnibus, & opularum delirijs, asserit excitari Quodque mirandum sit,

fit, Epicurus voluptatis assertor, omnes libros suos replevit oleribus & pomis: & vilibus cibis dicit esse viuendum, quia carnes & exquisita epula, ingenti cura ac miseria preparentur: maioremque pœnam habeant in inquirendo, quam voluptatem in abutendo. Corpora autem nostra cibo tantum & potu indigere. Vbi aqua & panis sit, & cetera his similia, ibi natura satisfactum. Quicquid supra fuerit, non ad vitæ necessitatem spectare, sed ad vitium voluptatis. Bibere & comedere, non deliciarum ardorem, sed sitim famemque restringere. Qui carnibus vescantur, indigere etiam his, quæ non sunt carniū. Qui autem simplici victu utantur, eos carnes non requirere. Sapientiæ quoque operam dare non possumus, si mensæ abundantiam cogitemus, quæ labore nimio & cura indiget. Cito expletur natura necessitas, frigus & fames simplici vestitu & cibo expelli potest. Vnde & Apostolus, Habentes, inquit, victum & vestitum, his contenti simus. Deliciæ & epularum varietates, fomenta auaritiæ sunt. Grandis exultatio animæ est, cum paruo contentus fueris, mundum habere sub pedibus, & omnem eius potentiam: epulas, libidines, propter quæ diuitiæ comparantur, vilibus mutare cibis, & crassiore tunica compensare. Tolle epularum, & libidinis luxuriam, nam mo quæret diuitias: quarum usus aut in ventre, aut sub ventre est. Qui egrotat non aliter recipit sanitatem, nisi tenui cibo, & castigato victu, quæ lepte dieta dicitur. Quibus ergo cibis recipitur sanitas, his & seruari potest,

ne putet morbus oleribus concitari. Si autem Milonis illius Crotonatae vires olera non ministrant, quae nascuntur & aluntur carnibus: quid necesse est viro sapienti & Philosopho Christi, tantam habere fortitudinem, quae athletic & militibus necessaria est, quam cum habuerit ad vitia pronocetur? Illi arbitrantur carnes sanitati congruas, qui volunt abuti libidine, & in cœnum demersi voluptatum, ad coitum semper exestuant. Christiano sanitas absque viribus nimis necessaria est. Nec turbare nos debet, si rari sint huius propositi sectatores: quia rari sunt & amici boni, fideles, & pudici, & continentes, semperque virtus rara est. Lege Fabritij continentiam, Curi paupertatem, & in tanta urbe, vix paucos inuenies quos sequaris. Noli timere, ne si carnes non comederis, aucupes, & venatores frustra artificia didicerint. Legimus quosdam, morbo articulari & podagra humoribus laborantes proscriptione bonorum ad simplicem mensam & pauperes cibos redactos conualluisse. Caruerant enim sollicitudine dispensanda domus & epularum largitate, quae & corpus fraudant & animam. Irridet Horatius appetitum ciborum, qui consumpti relinquunt poenitentiam: Sperne voluptates: nocet empti dolore voluptas.

Et cum in amœnissimo agro in morsum voluptuosorum hominum, se crassum pinguemque describeret, lussit his versibus: Me pinguem & nitidum bene curata cute vises, Cum ridere voles Epicuri de grege porcum.

Post

Postmodum cum argumentis Philosophorum exemplisq; fufius abftinentiam ab vfu carniū probaffet, & rationem viuendi Diogenis Philofophi edifferviffet, tandē subiunxit: *Vnius tantum Philofophi exemplum pofui, formofuli noſtri, torofuli, & vix fumonis pedibus aduſbrantes veſtigia: quorum verba in pugnis ſunt: ſyllogiſmi in calcibus: qui paupertatem Apoſtolorum, & crucis duritiā aut neſciunt, aut contemnunt, imitentur ſaltem gentiliū parcitatem.*

Inde ad exordium generis humani tranſiens, & ad poſteriora descendens, multa dicit ad idem ſpectantia, ex quibus aliqua commemorare viſum eſt: *Beatitudo, inquit, paradifi abſque abſtinentia cibi, non potuit dedicari. Quamodū ieiunauit, in paradifo fuit: comedit, & eiectus eſt: eiectus ſtatim duxit uxorem. Qui ieiunus in paradifo virgo fuerat, ſatur in terra matrimonio copulatur: & tamen eiectus, non protinus accepit licentiā carniū veſcendarum, ſed tantum poma arborum, & fructus ſegetum, & herbarum olera ei traduntur in cibum: ut exul quoque paradifi, non carnis, quæ in paradifo non erant, ſed ſimilitudine frugum paradifi veſceretur. Poſtea verò videns Deus, quod diligenter appoſitum eſſet ad malitiā cor hominis ab adoleſcentia, & ſpiritus eius in his permanere non poſſet, quia erat caro, opera carnis diluvio condemnauit: & auidiſſimam hominum gulam probans, dedit eis licentiā comedendarum carniū: ut dum ſibi intelligunt licere omnia, non deſiderent magnopere, quod*

quod non licebat, ne mandatum in causam verteretur
 prauaricationis. Quamquam & tunc ex parte impe-
 ratum ieiunium sit. Nam cum alia munda dicantur,
 alia immunda: & in arca Noe de immundis bina, de
 mundis introducantur imparia: & utique immun-
 dorum esus ablatum sit, ne sine causa dicerentur immun-
 da: ex parte ieiunium dedicatum est, docens absti-
 nentiam omnium, in quorundam recipiente.

Moses quadraginta diebus & noctibus ieiunus in
 monte Sina, etiam tunc probans, non in pane solo vi-
 uere hominem, sed in omni verbo Dei, cum Domino
 loquitur; populus autem satur idola fabricatur. Ille
 vacuo ventre legem accepit scriptam digito Dei: iste
 manducans & bibens confurgensque ludere, aurum
 conflat in vitulum, & Aegyptium bouem praefert Do-
 mini Maiestati. Tot dierum labor unius hora sa-
 turitate perijt. Frangit audacter Moses tabulas:
 sciebat enim Dei sermonem non posse audire remulen-
 tos. Incrassatus est, & pinguefactus, & dilatatus &
 recalcitrauit dilectus, & dereliquit Dominum qui fe-
 cerat eum, & abscessit à Deo salutare suo. Vnde & in
 eodem Deuteronomio praecipitur: Ne cum manduca-
 ueris, & biberis, & domos optimas edificaueris, oui-
 bus & bobus tuis multiplicatis, & argento, & auro, ex-
 tollatur cor tuum, & obliuiscaris Dominum tuum. Denique
 manducauit populus, & incrassatum est cor eius, ne vi-
 deret oculis, & audiret auribus & corde conyiceret: &
 vultum ieiunantis Moyse, & iuxta Ebraicam ver-

R

tatem

tatem. Dei confabulatione cornutum, pastus & pinguior populus sustinere non potuit. Quamobrem & Dominus noster atque saluator, non ob differentiam virginitatis, & nuptiarum, ut quidam putant, sed ob iuniorum consortia, Moysen & Eliam transfiguratus in monte secum ostendit in gloria.

Sed nec secunda conscriptio tabularum absque ieiunio potuit impetrari. Quod ebrietas perdiderat, inedia reperit. Ex quo ostenditur, posse nos per ieiunium redire in paradysum, unde per saturatam fueramus eiekti.

Elias quadraginta dierum ieiunio preparatus, Deum vidit in monte Oreb, & audit ab eo: Quid tu hic Elia? Multo familiarior ista vox, quam illa in Genesi: Adam ubi es? Illa enim pastum terrebat, & perditum: hac ieiunanti famulo blandiebatur.

Daniel & tres pueri revelationem merentur ieiunio: & pasti leguminibus pulchriores sunt & prudentiores his qui de mensa Regis carnibus vesciebantur. Deinde scriptum est, quod Daniel tribus hebdomadibus ieiunauerit; panem suauem non comederit; caro & vinum non intrauerit os eius, oleo non sit unctus, & venerit ad eum Angelus dicens; Daniel homo miserabilis es. Qui Deo miserabilis apparuerat, post ieiunium leonibus in lacu fuit horribilis. Quam pulchrares, quam placat Deum, leones mitiga, Demones terret? Muttitur ad eum (licet hoc in Hebraicis voluminibus non inuenimus) Habacuc messorum prandium portans.

Talem

Talem enim dischophorum inedia meruerat hebdomadis. David periclitante filio post adulterum, ex omologesi in cinere & ieiunio facit, dicens; Quia cinerem tanquam panem manducabam, potum meum cum fletu miscebam. Et infirmata sunt in ieiunio genua mea. Et certe iam audierat à Nathan, Dominus abstulisse hoc peccatum. Sampson & Samuel vinum & siceram non bibunt. Erant enim filij repromissionis, & per abstinentiam ieiuniumque concepti. Aaron & ceteri Sacerdotes ingressuri templum, omne quod inebriare potest non potant, ne moriantur. Ex quo intelligimus morie eos, qui in Ecclesia non sobrie ministrarint. Quam obrem exprobratur Israeli: Potum dabatis Nazaraeis meis, vinum. Ionadab filius Rechab praecepit filiis suis, ut non biberent vinum usque in aeternum. Quibus cum offerret Hieremias vinum ut biberent, & illi bibere noluerunt, loquitur Dominus per Prophetam: Quia obedistis praecepto Ionadab Patris vestri, non deficiet vir de stirpe Ionadab filij Rechab, stans in conspectu meo cunctis diebus.

In foribus Evangelij Anna filia Phanuelis uniura inducitur, semperq; ieiunans, & Dominum virginem longā castitas, longaq; ieiunia susceperere. Praecursor eius & praeo Ioannes locustis alitur, & sylvestri melle, non carnibus: habitatioq; deserti, & incubula Monachorum talibus inchoatur alimentis. Sed & ipse Dominus baptismum suum quadraginta dierum ieiunio dedicauit & acriora Daemonia docuit non nisi oratione & ieiunijs

posse superari. Cornelius Centurio, ut Spiritum Sanctum acciperet ante, quam baptismum, eleemosynis meruit, crebrisque ieiunijs. Paulus Apostolus post famem, & sitim, ceterosque labores suos, & pericula latronum, naufragia, solitudines, crebra ieiunia enumerat, et discipulo Timotheo dolenti stomachum, & infirmitates plurimas sustinenti, suadet vini modicam potionem: Iam noli, inquit, aquam bibere. Cui autem dixit, iam noli aquam bibere: ostendit eum aquam ante potasse. Quod non concederet, nisi crebra infirmitates, & dolor stomachi postulassent.

Illud autem quod proponere aduersarius ausus est, Dominum voratorem, & potatorem vini, à Pharisæis appellatum, & quia ad epulas ierit nuptiarum, & conuiuia non despexerit peccatorum, existimo quod nobiscum faciat. Iste est Dominus (ut arbitraris) vorator, qui quadraginta diebus Christianorum ieiunium sanctificauit, qui beatos appellat esurientes & sitientes, qui escam habere se dicit, non quam discipuli suspicabantur, sed quæ in perpetuum non periret, qui de die crastina cogitare prohibet, qui cum esurisse & fuisse dicatur, & se frequenter ad prandia, excepto mysterio, quod in ipsum suæ passionis expressit, & probandi corporis veritate nec gula scribitur scriuisse nec veniri. Qui diuitem purpuratum propter epulas narrat in tartaro, & Lazaram pauperem ob inedia[m] dicit esse in sinu Abrahe. Qui quando ieiunamus, ungimus caput, & lauare faciem precipit, quod non gloria hominum, sed Domino ieiunamus. Qui comedit quidem

post resurrectionē partem piscis assi & fauum; non propter
 esuriem & gutturi suauitatem, sed ut veritatem sui
 corporis comprobaret. Nam quotiescunque moriūm
 suscitauit, iussit ei dari manducare, ne resurrectio
 phantasma putaretur. Et Lazarus post resurrectio-
 nem ob hanc causam scribitur cum Domino inisse
 conuiuium. Nec hoc dicimus, quod negemus
 pisces & cetera (si voluntatis fuerit) in cibo esse
 sumenda : sed quomodo nuptijs virginitatem, ita
 saturitati, & carnibus, ieiunia, spiritumq; praeferrimus.
 Hæc omnia Hieronymus, quæ in gratiam Theologi altissi-
 mæ perfectionis cupidi, placuit adferre. Si enim vult per-
 fectus esse, bonum erit ei, ex consilio Hieronymi, vinum
 non bibere, & carnem non manducare. Si vult perfectus
 esse, melius est ei saginare animam, quàm corpus. Sed si
 paruulus est, & coquorum eum iura delectant, nemo eri-
 pit faucibus suis esculentas dapes. Manducet & bibat, &
 si ei placet, cum Israel ludat, & consurgens canat: Mandu-
 cemus & bibamus, cras enim moriemur.

Sed fortassè indignè feret Theologus, sibi exhiberi dicta
 aduersus Iouinianum, vtique Hæreticum. Imò vereor cum
 S. Bonauentura in Apologia Pauperum, ne longe ampli-
 us desipiat, quàm Iouinianus, tanquam proficiens in er-
 roris doctrina discipulus. Nam sobrietatem in vsu cibo-
 rum dicit competere perfectis (hos enim contendit præ-
 senti Epistola depingere) abstinentiam imperfectis : quia
 imperfecti indigent illo remedio ad edomationem concu-
 piscendarum, siue ad remedium peccati carnalis. Constat
 autem, quòd perfecti præferuntur imperfectis, & quæ his &
 illis conperunt, per se loquendo consimilem habent com-
 parationem. Igitur secundum ipsum præfertur horum
 ciborum vsus moderatus & sobrius, abstinentiæ ab eis-
 dem. Quod si causetur falsum sibi crimen imponi, dicat

R ;

igitur

igitur ipse quod sentit. Aut enim præfert abstinenciam moderato modo vescendi, aut æquat, aut postponit. Si præfert; ut quid tot superuacua verba contra austeritatem & ieiunium protulit? Concesso enim quod abstinere perfectius sit, nulla restat causa aduersus Religiones austeras disputandi. Si verò æquat; in errorem Iouiniani turpiter incidit. Si autem postponit; damnatæ & reprobatæ iam hæresi superaddit. Quod autem huius sententiæ ultimæ fuerit, inde apertè claret, quod quia perfectissimos prædicatores verbi diuini præfert alijs imperfectis: & illis perfectissimis docet competere vsum moderatum & sobrium ciborum; abstinenciam verò & austeritates relinquit alijs, utique imperfectis: sequitur quod etiam vsum moderatum ciborum præferat abstinenciæ ab eisdem. Perfectiora enim opera conueniunt perfectioribus personis, & quæ competunt imperfectis, utique sunt opera imperfectiora: sicut enim perfecti præferuntur imperfectis: ita ea quæ his & illis conueniunt, per se loquendo, consimilem habent comparationem, ut inquit idem S. Bonauentura. Iudicio ergo S. Bonauenturæ, non Iouiniani discipulus, sed plusquam Iouinianus noster Theologus est. Quapropter iisdem verbis, quibus quondam S. Hieronymus Iouinianum, ad finem lib. 2. compellauit, compello & ego ipsum: *Nunc restat, ut Epicurum nostrum, sudantem in hortulis suis inter adolescentulos & mulierculas alloquamur. Fauent tibi crassi, nitidi, dealbati. Adde si vis iuxta Socraticam irrisiõnem, omnes fues & canes: & quia carnem amas, vultures quoque, aquila, accipitres, & bubones. Nunquam nos Aristippi multitudo terrebit. Quosunque formosos, quosunque calamistratos, quos crine composito, quos rubentibus buccis videro, de tuo armento*

armento sunt, imò inter tuos suos grunniunt. De nostro grege, tristes, pallidi, sordidati, & quasi peregrini huius sæculi, licet sermone taceant, habui loquuntur & gestis. Hei mihi, quia peregrinatio mea prolongata est, habitavi cum habitantibus Cedar: videlicet tenebris huius mundi; quia lux lucet in tenebris, & tenebra eam non comprehendunt. Ne glories, quod multos discipulos habeas. Filius Dei docuit in Iudæa, & duodecim tantum illum Apostoli sequebantur. Torcular, inquit, solus calcaui, & de gentibus vir non est mecum. Ille in passione solus remansit, & Petri quoque erga eum trepidavit constantia: Phariseorum autem doctrina omnis populus applaudebat, dicens: Crucifige, crucifige talem. Non habemus Regem, nisi Casarem, id est, vitia sequimur, non virtutes, Epicurum non Christum: Iovinianum, non Apostolum Paulum. Quod multi acquiescunt sententia tue, indicium voluptatis est. Non enim tam te loquentem probant, quam suis fauent viris. In circulis platearum quotidie fictus ariolus stultorum nares verberat, & obitorio fuste dentes mordentium quatit, nec tamen deest, qui semper possit induci, & pro magna sapientia deputas, si plures porci post te currant, quos gehenna succidia nutrias?

Et post pauca:

Vexillum crucis, & predicationis austeritas, idolorum templa destruxerat, è regione luxuria vètris, & gutturis

R A

sub-

subuertere nititur fortitudinem crucis. Unde per Esaiam loquitur Deus: *Populus meus qui vos beatificant seducunt vos, & semitas pedum vestrorum conturbant. Nec non per Ieremiam: Fugite de medio Babylonis, & seruate unusquisque animam suam, & nolite credere Pseudoprophetis, qui dicunt: Pax pax, & non est pax, qui semper ingeminant, templum Domini, templum Domini. Prophetæ tui viderunt tibi falsa, & insipientia: non aperuerunt iniquitatem tuam, ut te ad pœnitentiam pronocarent; qui deuorant plebem Domini ut cibum panis, Deum non inuocauerunt. Ieremias captiuitatem nuntians lapidatur à populo. Ananias filius Azur frangebatur ad præsens ligneas torques & in futurum ferreas preparabat. Semper Pseudopropheta dulcia pollicentur, & ad modicum placent. Amara est veritas, & qui eam prædicant, replentur amaritudine. In azymis enim veritatis & sinceritatis Domini Pascha celebratur, & cum amaritudinibus comeditur. Habes præterea in exercitu tuo plures succenturiatos; habes scurras & velites in præsidijs, crassos, comptos, nitidos, clamatores, qui te pugnis calcibusq. defendant: tibi cedunt de via nobiles, tibi osculantur diuites caput; nisi enim tu venisses, ebryi atque ructantes paradysum intrare non poterant. Macte virtute, imò vitys, &c.*

PROPOSITIO LXXVII.

Quod usque adeò verum est, ut idem S. Bernardus ser. 12. in Cantica. Pralatos seculares Ecclesie utiles, lenibus aliquibus defectibus obnoxios anteponat Religiosis solitarijs, etsi à vulgo habitis pro perfectioribus. Inhumanè, inquit, eorum redarguis opera, quorum onera refugis. Dico enim, si quis qui è Claustro est, eum qui versatur in populo, interdum minùs districte minussuè circumspecte sese agere deprehenderit, v. g. in cibo, in somno, in risu, in ira, in iudicio, non ad iudicandum confestim resiliat, sed meminerit scriptum Eccles. 42. Melior est iniquitas viri, quam benefaciens mulier. Nam tu quidem in tui custodia vigilans, bene facis, sed qui iuuat multos, melius facit, & virilius. Quod si implere non sufficit, absque aliqua iniquitate, idest absque quadam inaequalitate vite & conuersationis suae, memento, quia charitas operit multitudinem peccatorum, Iacob 5.

HÆC Propositio non habet connexionem cum præcedentibus. Quis enim dubitat, statum Episcoporum esse perfectiorem, quàm statum Religiosorum? Nullus certè Theologus Catholicus contradicit. At quid ergo hæc doctrina à Theologo illata? Sed & quæ est hæc consequentia: Episcopi sunt perfectiores Religiosis: Ergò perfectio Religionis non est metiendi ex austeritate externa? Amplius autem dicta Propositio Theologi manifestissimam falsitatem & impostu-

ram continet. Sanctus enim Bernardus tantum Episcopos præfert Religiosis, non verò quosvis Prælatos: Theologus autem dicit, S. Bernardum Prælatos sæculares antepone-re Religiosis solitarijs. Constat autem nomine Prælatorum, intelligi etiam alios, præter Episcopos: & non est conforme Theologiæ, omnes Prælatos antepone-re perfectioni Religiosorum. Ne autem dubites de mente S. Bernardi, & ut Theologum agnoscas, impostorem, profero textum illius integrum, quem mancum & mutilatum Theologus attulit: *Fratres reuereamur Episcopos, sed vereamur labores eorum. Si labores penſamus, non affectemus honores. Agnoscamus impares vires nostras, nec delectet molles & sæmneos humeros, viro-rum supponere sarcinis. Nec obseruemus eos, sed honoremus. Inhumane nempe eorum redarguis opera, quorum ouera refugis. Temerarie oburgat virum de prælio reuertentem, mulier nens in domo. Dico enim si is qui in Claustro est, eum qui versatur in populo, interdum minus districtè minusuè circumspicte seſe agere deprehenderit. (v. g. in verbo, in cibo, in somno, in risu, in ira, in iudicio) non ad iudican-dum confestim profuiat, sed meminerit scriptum: Melior est iniquitas viri, quàm benefaciens mul-lier. Nam in quidem in tui custodia vigilans, bene-facis, sed qui iuuat multos, & melius facit, & virilius. Quod si implere non sufficit absque aliqua iniquitate, id est, absque quadam inæqualitate vite & conuersationis sue, memento, quia charitas operit multitudinem peccatorum. Hæc dicta sint contra gemi-nam tentationem, qua sæpè viri Religiosi Episcopo-rum*

rum vel ambire gloriam, vel excessus temere iudicare Diabolicis instigationibus incitantur. Hæc Bernardus. Tu autem vide fallaciam Authoris, qui per omnia falsarius est, Maiorem autem fallaciam eius agnosces, si consideres nomine Prælatorum sæcularium, Ecclesiæ vultum, posse intelligi etiam Reges & Principes. Nam hi sunt Prælati sæculares, & sæpè Ecclesiæ vtilès. Quia ergo Prælatos sæculares Ecclesiæ vtilès anteposit tanquàm perfectiores, Religiosis solitarijs, consequens est, quod anteponat etiam Reges & Principes in perfectione ijsdem. Si enim nomine Prælatorum intellexit tantum Spirituales, quare non dixit eos Prælatos Ecclesiasticos, vel expressè Prælatos Spirituales? Sed vereor ne voluerit adulari Regibus & Principibus, ut eis etiam maiorem perfectionem attribueret, quàm Religiosis. Perpende etiam, quàm malitiosè detrahat Religiosis solitarijs, quos dicit *à vulgo haberi pro perfectioribus.* Quia enim vulgi, sicut & *stultorum infinitus est numerus*, paucorum verò est sapientia: ideo iudicia vulgi aut parvi, aut nihili pendenda sunt. Quando ergo dicit religiosos solitarios à vulgo haberi pro perfectioribus, eo ipso tacitè insinuat, hanc æstimationem esse floccifaciendam, & rem eis minimè competere, quamvis opinionem rei habeant. O detractorem vaftrum, & subdolum, cuius os in dolo apertum est contra Sanctos Domini? Nulla Religio est, quam lingua eius nequam non lacerauerit: Quin etiam ad eos, qui soli & reclusi in cellis manent, pertransijt, & eorum famam ac honorem furtivè proscidit. O lingua, lingua, sicut nouacula acuta fecisti dolum.



PROPOSITIO LXXVIII.

*Sicut una austeritas, etsi bona & utilis, non est id,
ex quo perfectio Religiosa vita agnoscenda est.*

HÆC Propositio iam sufficienter refutata. Id duntaxat aduertas, quàm fraudulenter Theologus vitæ austeritatem dixerit, *bonam & utilem*. In hoc enim non recessit à moribus & ingenio Hæreticorum, qui ea apertè laudant, quæ aliàs in occulto condemnant. Sic Lutherus inimicus capitalis (vt est manifestum) ieiunij, tamen ieiunium commendat. Sic enim scribit ad Eslingenses, vt habetur in Tomo 2. suarum Lat. Epist. *Hoc non negauerim me dixisse, confessionem esse multiplety, sed nec ieiunio unquam interdixi, nec peregrinationem unquam reprobavi, aut esum piscium, &c.* Iovinianus etiam, quanquam sit omnino detestandus, nunquam tamen in talem dementiam incidit, vt gulositatem æquaret abstinentiæ, aut abstinentiam doceret esse malam: sed vsum ciborum & abstinentiam æqualis meriti apud Deum censuit; quod Hieronymus vt dogma prophanum reprobauit. Theologus autem plusquam Iovinianus profecit: quia tacitè moderatum vsum ciborum abstinentiæ prætulit, hoc ipso quod moderatum vsum ciborum docuit competere perfectissimis Religionibus, quas digito monstrare conatur, abstinentiæ relicta; vtique imperfectioribus: quod iam suprà probatum est. Desinat ergo iactare laudes austeritatis Theologus. Nam quælibet Religio austera renuntiat fauori simili, & dicit: *Quare tu enarras iustitias meas, & assumis testamentum meum per os tuum? Tu verò odisti disciplinam meam, & proiecisti sermones meos retrorsum. Si videbas Iovinianum, currebas cum eo, & cum Hæreticis portionem tuam ponebas. Os*
tum

tuum abundauit malitia & lingua tua concinnabat dolos. Sedens aduersus fratrem tuum poenitentiae deditum loquebaris, & aduersus filium matris Ecclesiae ponebas scandalum. Hec fecisti & tacui. Existimasti inique quod ero tui similis? arguam te & statuam contra faciem tuam. Noli, noli, Theologe, Iudae osculum exhibere mihi, & in fraude, gladio petere viscera mea. Meliora sunt certe vulnera diligentis, quam fraudulenta oscula odientis. Corripiam me iustus in misericordia, & increpet me, oleum autem peccatoris non impinguet caput meum.

PROPOSITIO LXXIX.

Id ex quo perfectio Religiosa vita agnoscenda est, non est paupertas.

CHRISTIANAE Religionis propositum (inquit S. Thomas Opusc. 17. Cap. 1.) in hoc praecipue videtur consistere, ut à terrenis homines abstrahat, & spiritualibus faciat esse intentos. Hinc est quod author fidei & consummator IESVS in hunc mundum veniens, saecularium rerum contemptum, & factum & verbo suis fidelibus demonstrauit. Facto siquidem: quia sicut dicit Augustinus in libro de catechizandis rudibus: Omnia bona terrena contempsit, homo factus Dominus IESVS, ut contemnenda monstraret, & omnia terrena mala sustinuit, quae sustinenda precipiebat, ut neque in illis quaeretur felicitas, neque in istis infelicitas timeretur. Natus enim de Matre, quae quamuis à viro inacta conceperit: semperque inacta permanferit: tamen fabro de-

spensa-

*sponsata erat: omnē typhum carnalis nobilitatis extinxit. Natus in Ciuitate Bethleem, qua inter omnes Iudae ciuitates erat exigua, noluit quemquā de terrena dignitatis sublimitate gloriari. Pauper factus est, cuius sunt omnia, & per quē facta sunt omnia, ne quisquam cum in eū crederet, de terrenis diuitiis auderet extolli. Noluit Rex ab hominibus fieri, quia humilitatis ostendebat viam. Esuriuit, qui omnes pascit: sitiuit, per quem omnis potus creator. Ab itinere fatigatus est, qui seipsum nobis viam fecit in cœlū: crucifixus est, qui cruciatus nostros finiuit: mortuus est, qui mortuos suscitauit. Hoc idem in verbis ostendit. Nam in suae predicationis exordio, non aliqua regna terrena, sicut in veteri testamento, sed regnum cœlorum pœnitentibus re-promissit. Discipulis primam beatitudinem in spiritus paupertate constituit, in qua etiā perfectionis iter esse monstrauit, dicens querenti iuueni: Si vis perfectus esse vade & vende omnia quæ habes, & da pauperibus, & veni, sequere me. Hanc viā eius discipuli sunt secuti, tanquam temporaliter nihil habentes: sed spiritali virtute omnia possidentes. Habentes enim alimēta & quibus tegebantur, his erant contenti. Hoc autem tam piū tamq̃ salubre studium, Diabolus humana saluti æmulus, per homines carnales, inimicos crucis Christi, terrena sapientes, ab antiquis temporibus impedire non cessat. Dicit enim Augustinus in libro de agone Christiano: Masculi & fœmine, & omnis etas, & omnis sæculi dignitas, ad speciem vitæ æternæ cōmutata est. Alij neglectis
tem-*

poralibus bonis, conuolant ad diuina. Alij cedunt eorum virtutibus, qui hæc faciunt, & laudant, quod imitari non audent. Pauci autem adhuc murmurant, & inani luore torquentur, aut qui sua querunt in Ecclesia, quam Catholici videantur, aut ex ipso Christi nomine, gloriâ quærentes Heretici. Ex eorum siquidẽ numero insurrexerunt ab olim, diuersis quidem in locis, sed pari uesania, Iouinianus Roma, Vigilantius in Gallia qua antea eorũ monstris caruerat. Horũ primus uirginitati matrimonium, secundus paupertati diuitiũ statũ præsumpserunt equare manifesta perfidia: Euangelica & Apostolica consilia, quantũ in ipsis est, reddentes inania. Sed quia rerum conditiones ex sua interdum pensantur origine, dogmatis eorum ortum inuestigemus, & processum, exploremus. Sciendum ergo est, Iouinianum in hunc errorem lapsum fuisse, ut diceret omnium baptizatorum, qui suum baptisma seruauerunt, vnã esse in regno cœlorum remunerationem, ut Hieronymus narrat in libro, quem contra eum scribit. Ex quo intantũ processit, ut diceret Virgines, uiduas, & maritatas, quæ semel in Christo sunt lotæ, si non discrepent cæteris operibus, eiusdem meriti esse. Matrimonium per hoc uirginitati adæquans: & quod inter abstinentiã ciborum, & perceptionẽ eorum cum gratiarũ actione, nulla esset differentia. Positio autem eius pro hæresi damnata est, ut Augustinus narrat. Hic autem Iouiniani error in Vigilantiõ surrexit, ut Hieronymus dicit in Epistola contra Vigilantium, qui ueritatem fidei impugnabat, ut ibidem dicitur, pudicitiam odio habens, & in conuiuio sæcularium. contra ieiunia Sanctorum declamans ut Hieronymus in eadem Epistola dicit. Nec solum contentus fuit Iouinianum imitari, consilium de uirginitate euacuans, sed super-

superaddere ausus est etiam, ut consilium de paupertate seruanda destrueret omnino. Vnde Hieronymus de eo dicit: *Quod autem asserit, eos melius facere, qui utuntur rebus suis, & paulatim fructus possessionum pauperibus diuidunt, quam illos qui possessionibus venditis simul omnia largiuntur: non à me ei; sed à Domino respondebitur. Si vis perfectus esse, vade, & vende omnia quæ habes &c. Matth. 19.* Hic autem error per successiones errantium, usque ad tempora S. Thomæ Aquinatis peruenit, & in Hæreticis quibusdam, qui Cathari nominabantur, permansit. Sicut patet in quodam tractatu cuiusdam Desiderij Hæresiarchæ Lombardi, quem edidit contra Catholicam veritatem, in quo inter cætera condemnat statum eorum, qui relictis omnibus egere volunt cum Christo. Nuper autem, quod est horribilius, antiquus error renouatus est à Theologo, qui fidem defendere videtur, sed more errantium in peius procedens, noluit diuitias paupertati æquare, ut Iovinianus, sed supergrediendo Iovinianum, possessionem bonorum in communi, paupertati in communi præfert, ut Vigilantius. Contendit enim in sua Epistola, Religionem illam, quæ sit omnium perfectissima, in Ecclesia Dei monstrare. Taliautem Religioni docet competere possessionem bonorum in communi; relinquendo utiq; paupertatem in communi Religionibus imperfectioribus. Quoquit aliut insinuat, quam possessionem bonorum in communi esse perfectius opus, paupertate in communi? Constat enim, ut inquit S. Bonauentura in Apologia pauperum, quod perfecti præferuntur imperfectis, & quæ illis & his competunt, per se loquendo, consimilem habent comparisonem. Igitur secundum ipsum præfertur possessio bonorum in communi, paupertati in communi. Quod si causetur Theologus, falsum sibi crimen imponi? dicat igitur ipse quod sentit

sentit (& prosequor discursum S. Bonaventuræ, vt supra in simili de austeritate) Aut enim præfert paupertatem in communi possessioni bonorum in communi; aut æquat; aut postponit. Si præfert; cur tot superuacua verba contra paupertatem in communi protulit? Cur negat competere paupertatem in communi Religioni perfectissimæ? liquidem perfectioribus perfectiora competunt. Et concessio quod paupertas in communi perfectior sit, nulla restat causa disputandi aduersus Religiones paupertatem in communi profitentes. Si verò æquat; in errorem Iouiniani turpiter incidit. Si autem postponit; damnatæ & reprobatæ Hæresi Iouiniani cum Vigilantio superaddit. Quod autem huius ultimæ sententiæ fuerit, ex consequentibus aperte clarescit. Docet enim, quoq; *in Religionibus paupertatem in communi profitentibus, sollicitudo quarendi necessaria pro templi ornatu, & usu, pro victu, & vestitu, pro viaticis, pro suppellectili, & alijs domesticis necessitatibus, magis impedit procurationem alienæ salutis, diuinæque gloriæ propagationem, quam sollicitudo vnius æconomi, vel Patris familias, aut Superioris Religionis, circa conseruationem & defensionem rerum immobilium, vel mobilium Religionis.* Si ergo paupertas in communi magis impedit procurationem alienæ salutis, & diuinæ gloriæ propagationem, quam possessio bonorum in communi, vique paupertas in communi erit quid imperfectius possessione bonorum in communi. Certum est enim & in confesso apud omnes, id esse imperfectius, quod magis impedit procurationem salutis alienæ, diuinæque gloriæ propagationem. Deinde docet, quod *precipui Religionum Fundatores certos suis Religiosis permiserunt redditus; vt ita liberi à quarendis elemosynis melius & Deo, & sibi, & proximis vacare possent.* Quibus verbis tacite

insinuat, eos qui non sunt liberi à quærendis eleemosynis, non posse melius & Deo, & sibi, & proximis vacare. Necessitas ergò quærendi eleemosynas ob paupertatem in communi, secundum Theologum, est impedimentum, ut Religiosi non possint melius & Deo, & sibi, & proximis vacare; quod impedimentum, secundum eundem Theologum non præstat possessio bonorum in communi. Certum est autem, quòd illud opus est imperfectius, quod est impedimentum, ne Religiosi possint melius & Deo, & sibi, & proximis vacare; & è contrario. illud opus est perfectius, quod est adiumentum, ut Religiosi possint melius vacare, & Deo & sibi, & proximis. Hic est enim finis intrinsecus Religionis, ut homo totaliter se tradat Deo, & cultui ipsius: & propterea Religio dicitur à S. Thoma Holocaustum. Imperfectior ergò secundum Theologum est paupertas in communi: perfectior autem est possessio bonorum in communi. Amplius docet Theologus, *præcipuos Religionum Fundatores, certos suis Religiosis permisisse reditus, ut possint liberiùs errantes corrigere: quod facere non ita auderent, si ab eis quærenda essent subsidia temporalia. Timerent enim benefactores offendere, corrigendo eorum vitia: quia veritas odium parit.* Ex quo colligitur Theologum sentire, eos qui habent necesse quærare eleemosynas, non posse liberiùs errantes corrigere: nam id aperte dicit, *quod id facere non ita audent, qui quæruni subsidia temporalia: timent enim benefactores offendere, corrigendo vitia eorum, quia veritas odium parit.* Paupertas ergò in communi, impedimentum est Religionibus prædicatorum, utique secundum mentem Theologi perfectissimis, & Apostolicam vitam profitentibus, quominus liberè verbum Dei euangelizare possint: quod impedimentum aufert possessio bonorum

rum

rum in communi, secundum Theologum Ergo secundum supra dicta imperfectior est paupertas in communi, perfectior verò possessio bonorum in communi: Præterea dicit, quod *S. TERESIA* Fundatrix *Discalceatorum*, experientia edocta, quadam *Monasteria* erexit *dona* redditibus, ut sine solitudine conquirendarum eleemosynarum, & ea quæ eam comitatur distractione, *Moniales* Deo, rebusque diuinis magis vacarent. Sentit ergo, quod paupertas in communi importat solitudinem, & consequenter distractionem, & impedit finem intrinsecum Religionis, qui est Deo rebusque diuinis vacare. Imperfectior ergo est paupertas in communi, possessione bonorum in communi. Eandem ob causam dicit, *S. TERESIAM* scriptum reliquisse, ut quamvis *Discalceati* haberent plura *Monasteria*, in quolibet tamen pauci habitarent: Pro multis enim, inquit, *Eleemosyna* cum magna solitudine & distractione erogari solet. Ergo idem quod prius. Præterea asserit, Nonnullis Religionibus bona mobilia & immobilia necessaria esse, ut Religiosi sine solitudine conquirendi necessaria, toti sese impendant procuranda alienæ salutis, diuinæque gloriæ amplificanda. Ergo sentit paupertatem in communi importare solitudinem. Et quia intrinsecus finis voti paupertatis (ut apertissime docet *S. Thomas*) est, ut animus auertatur à solitudine circa res temporales: utique paupertas in communi, impedimento erit fini voti Paupertatis: & consequenter impedimento erit Religionis, quæ integratur ex tribus votis. Sentit item, paupertatem in communi esse impedimento, ne Religiosi, toti se se impendant diuinæ gloriæ amplificandæ, quod intrinsecè spectat ad Religionem. Contraria autem asserit de possessione bonorum in

communi. Ergo secundum ipsum possessio bonorum in communi est perfectior paupertate in communi. Tandem docet, quod *Apostoli si uni loco, uti nunc Religiosorum Monasteria, fuissent adstricti, nec in ea suorum paupertate debuissent circuire tot mundi regiones, proculdubio etiam stabiles & certos redditus acceptissent.* Quibus verbis manifeste continetur hæresis Vigilantijs, ut infra monstrabitur. Renouauit igitur Theologus errorem Vigilantijs. Ad cuius destructionem diuino fretus auxilio, hoc modo procedam. Primò nunc ostendam, ad perfectionem Evangelicam pertinere paupertatem actualem, & carentiam possessionum in communi. Secundò verò in sequentibus Propositionibus monstrabo, hanc paupertatem competere perfectissimæ Religioni, & suo modo competere Religioni ad prædicandum institutæ. nam contrà hæc duo Theologus pugnavit.

Ad ostendendum ergo paupertatem actualem ad Evangelicam perfectionem pertinere, assumo cum Sancto Thoma Opuscul. 19. cap. 6. primò illud quod dicitur Matth. 19. *Si vis perfectus esse, vade & vende omnia, &c.* Sed ille qui sua vendit, & pauperibus tribuit, non solum habitualement paupertatem eligit, sed etiam actualem. Ergo actualis paupertas ad Evangelicam perfectionem pertinet. Item perfectio Evangelica consistit in imitatione Christi; Sed Christus non solum voluntate, sed etiam realiter fuit pauper; vnde Matth. 17. super illud: *Vade ad mare.* Glossa, *Dominus tanta paupertatis fuit, ut unde tributum solueret non haberet.* Et Luc. 9. super illud, *Vulpes foueas habent, &c.* dicit Glossa, *Ego sum tanta paupertatis, ut nec hospitium quidem habeam: nec meo utar lecto.* Et per multas alias auctoritates de facili hoc probari potest. Ergo actualis paupertas
ad

ad perfectionem pertinet Euangelicam. Item perfectio Euangelica in Apostolis maximè claruit : sed ipsi actualem paupertatem habuerunt, sua omnia relinquentes. Vnde Petrus dixit Matth. 19. *Eccce nos reliquimus omnia &c.* & idè Hieronymus dicit ad Heluidiam : *Vis esse perfecta, & primo stare fastigio dignitatis, fac quod fecerunt Apostoli. Vende omnia que habes, & da pauperibus, & sequere Salvatorem, & nudam solamque crucem, nuda sequeris & sola.* Ergo actualis paupertas ad Euangelicam perfectionem pertinet. Item Marc. 10. super illud : *Quam difficile, qui pecunias habent &c.* Glossa, *Aliud est pecuniam habere, aliud amare. Multi habent, & non amant, & multi non habent, & amant. Item. Alij & habent, & amant; alij verò non habere, nec amare se gaudent, qui tutiores sunt, & quidem cum Apostolo dicere possunt: Mihi mundus crucifixus est, & ego mundo.* Ergò actualis paupertas & habitualis simul, præferenda est habituali paupertati. Item idem potest haberi Matth. 10. per Glossam super illud. *Dives difficile intrabit in regnum Dei.* Glossa, *De omnibus tutius est nec habere, nec amare diuitias.* Item Iacob 2. *Nonne Deus elegit pauperes in hoc mundo.* Glossa, *In pauperum rerum temporalium.* Hoc autem non est nisi per actualem paupertatem. Ergo actualiter pauperes sunt electi à Deo. Item Lucæ 14. dicitur. *Qui non renuntiat omnibus que possidet.* Glossa, *Hoc tamen distat inter renuntiare omnibus, & relinquere omnia.*

nia, quia renuntiare conuenit omnibus, qui ita licite utuntur omnibus mundanis quæ possident, ut tamen mente tendant ad æterna. Relinquere est tantummodo perfectorum, qui omnia temporalia postponunt, & solis æternis inhiant. Ergo relinquere, quod pertinet ad actualem paupertatem, est Euangelicæ perfectionis, sed renuntiare, quod pertinet ad habitualem, secundum Glossam prædictam, est de necessitate salutis. Item Hieronymus in Epist. contra Vigilant post verba inducta subiungit: *Ad eum loquitur Dominus, qui vult esse perfectus, qui cum Apostolis patrem, nauiculam, & rete dimittit. Iste quem tu laudas, secundus, & tertius gradus est, qui scilicet fructum possessionum dat pauperibus, quem & nos recipimus, dummodo sciamus prima secundis, & tertijs preferenda.* Ergo patet, quod præferendi sunt illi, qui omnia sua dimittunt illis, qui de fructibus possessionum diuidunt pauperibus. Item in Epistola ad Rusticum Monachum: *Si habes substantiam, vende, & da pauperibus: si non habes, grandi onere liberatus es, nudum Christum, nudus sequere. Durum, grande, difficile, sed magna premia.* Et multa alia huiusmodi, ex epistolis Hieronymi accipi possunt, quæ de paupertate actuali necesse est ut intelligantur, quæ causa breuitatis dimittuntur. Item Augustinus dicit in libro de Ecclesiasticis Dogmatibus, *Bonum est facultates cum dispensati-*
one

one pauperibus erogare: *Melius est pro intentione sequendi Dominum insimul donare, & absolutum à sollicitudinibus, egere cum Christo. Et sic idem quod prius. Item Ambrosius in lib. de offic. Nullum ad-
 miniculum præstant diuina ad uitam beatam, quod
 eadementer Dominus in Euangelio demonstrauit dicens, Beati pauperes, quoniam vestrum est regnum Dei. Et
 infra: Itaque paupertatem, famem, & dolorem, quæ
 putantur mala, non solum impedimento non esse ad uitam beatam, sed adiumento esse, euidentissime pronuntiatum est. Sed hoc non potest intelligi de paupertate habituali, qua homo diuitias subijcit, hæc à nullo putantur impeditiua beatitudinis. Ergo oportet quod intelligatur de paupertate actuali, quæ omnia abijcit. Item Gregorius dicit homil. 8. secundæ parisi super Ezechielem: Cum quis suum aliquid Deo uouet, & aliquid non uouet, sacrificium est; cum vero omne quod habet, omne quod uiuit, omne quod sapit, omnipotenti Deo uouerit, holocaustum est. Sed holocaustum erat dignissimum sacrificium. Ergo perfectissimum opus est, omnia sua propter Deum dinittere. Item Gregorius in Prol. Moral. Cumque adhuc me cogeret animus, præsentis mundo, quasi speciei tenus deferuire, caperunt multa contra me, ex eiusdem mundi cura succrescere, & in eo iam non specie, sed quod est grauius, mente retinere. Qui tamen cuncta sollicitè fugiens portum Monasterij petiit, & relictis quamundi sunt, ut frustra tunc credidi, ex huius mundi naufragio nudus euasi. Ex quo patet quod periculum*

lum est res mundi possidere, quia earum possessio periculose mentem retinet: & ideo laudabilius est etiam possessiones rerum temporalium à se abicere per actualem paupertatem, ut mens à cura diuitiarum liberetur. Item Chrysostomus dicit lib. Quod nemo laeditur nisi à se ipso. *Quid Apostolos penuria rerum temporalium laesu? Nonne infame, & sibi, & nuditate debebant, & pro his clarior magis, & magnifici habebantur, atque ingentem per hoc fiduciam quaesierunt apud Deum? Ex quo patet, quod actualis paupertas, quæ in penuria rerum consistit, ad Apostolicam perfectionem pertinet.* Item Bernardus dicit ad Senonensem Archiepiscopum. *Felix qui nihil sibi retentat, ex omnibus quæ habet. Non foueam, ut vulpes: Non tanquam volucres nidum: Non loculos, quomodo Iudas; Non domos, sicut nec MARIA locum in diuersorio. Imitatus profecto illum, qui non habebat ubi caput suum reclinaret. Ex quo patet, quia nihil omnino possidere in mundo, ad perfectionem Christianam pertinet.* Item. i. q. 2. C. Si quis. *Profecto perfectior est ille, qui se rebus mundi expoliat, aut qui cum nihil habuerit, nec habere desiderat, quam ille qui ex multis quæ possidet, aliquid Ecclesie præstiterit.* Ex quo patet, quod nihil possidere ad perfectionem Christianam pertinet. Item eum qui vacat Contemplationi diuinæ, magis oportet esse à rebus mundanis liberum, quam eos qui contemplationi Philosophiæ vacabant. Sed Philosophi ut libere Philosophiæ vacarent, laudabiliter mundi substantiam abiecerunt: unde Hieronymus dicit ad Paulinum presbyterum de institutione Monachorum: *Socrates ille Thebanus, homo quondam ditissimus, cum ad Philosophandum Athenas pergeret, magnum pondus*

*auri abiecit : nec putavit se posse simul & virtutes
& diuitias possidere. Ergo multo magis ad vacan-
dum contemplationi diuinæ, laudabile est omnia
sua relinquere : vnde super illud Math. 19. Si vis per-
fectus esse, &c. dicit interlinearis : Ecce contempla-
tione qua ad Euangelium pertinet. Item præmium ex-
cellens non debetur nisi merito excellenti. Sed
præmium excellens, id est, iudiciaria potestas, de-
betur actuali paupertati; sicut patet Matth. 19. Vos
qui reliquistis &c. Sedebitis &c. vnde dicit Glossa,
Qui reliquerunt omnia & secuti sunt Dominum, hi iu-
dices erunt : qui licita habentes, recte vsi sunt, iudica-
buntur. Ergo in actuali paupertate meritum excellens con-
sistit. Item 1. ad Corinth. 7. Apostolus consilium dans de
virginitate seruanda, rationem assignat, vt scilicet sine soli-
citudine sint : sed abiectio diuitiarum maximè facit homi-
nem sine solitudine esse, quia diuitiæ suis possessoribus de
necessitate multas solitudines ingerunt. Vnde Luc. 8.
diuitiæ per spinas significantur, quæ verbum sua solici-
tudine suffocant in cordibus auditorum. Ergo sicut virgi-
nitas, ita & actualis paupertas ad Euangelicam perfectionem
pertinet. Vtcrius ostendendum, quod ista perfectio, qua
aliquis reliquit propria, non requirit possessionem diuitia-
rum in communi. Primordium enim perfectionis in Chri-
sto & in Apostolis fuit : sed ipsi non leguntur sua relinquen-
tes aliquas possessiones habuisse in communi ; imò potius
legitur, quod nec etiam domos habebant ad manendum,
vt suprà probatum est. Ergo perfectio paupertatis non re-
quirit aliquas possessiones communes. Item Augustinus
in 3. de Doctr. Christi. dicit, quod illi, qui conuersi fue-
runt ex Iudeis ad Christum in primitina Ecclesia, quia*

proximi spiritualibus fuerunt tam capaces extiterunt Spiritus Sancti, ut omnia sua venderent, eorumque pretium indigentibus distribuendum ante pedes Apostolorum ponerent. Et infra: Non enim hoc ullus Ecclesiarum gentium fecisse scriptum est, quia non tam prope inuenti erat, qui simulachra manufacta Deos habebant.

Ex quo patet, quod Augustinus præfert, perfectionem primitivæ Ecclesiæ Iudæorum, primitivæ Ecclesiæ ex gentibus in hoc, quod omnia sua vendiderunt pauperibus distribuenda. Sed ipsi ita vendiderunt propria, quod nullas possessiones in communi reservauerunt sibi. Ergo maioris perfectionis est paupertas illa sine possessionibus in communi, quam illa quæ in communi possessiones habet. Item Hieronymus ad Heliodorum de morte Nepotiani, irridendo loquens, dicit: *Sint ditiores Monachi, quam fuerat saculares, possideant opes sub paupere Christo, quas sub locuplete Diabolo non habuerant, & suspiret eos Ecclesia diuites, quos tenuit mundus ante mendicos.*

Hoc autem frequenter contingere potest in Religionibus, quæ possunt possessiones habere, non autem in illis, quæ possessionibus carent. Ergo magis est laudabile in Religionibus possessionibus carere, quam eas habere. Item Hieronymus ad Lucinum Beticum. *Quamdiu versamur in rebus seculi, & anima nostra possessionum ac reddituum procuracione deuicta est, de Deo liberè cogitare non possumus.* Ergo magis expedit Religiosis, redditibus & possessionibus carere quàm eas habere. Item Gregorius. dicit in 3. lib. Dialog. loquens de Isaac seruo Dei: *Cumque ei crebro discipuli innuerent, ut pro usu Monasterij possessiones, quæ offerebaniur, acciperet, ille solicius suæ paupertatis custos*

stos, fortem illam suam tenebat sententiam, dicens :
*Monachus qui in terra possessiones querit, non est
 Monachus. Sic quippe metuebat paupertatis sue se-
 curitatem perdere, sicut auari diuites solent perituras di-
 uitias custodire. Ex quo patet, quod maioris perfectionis
 & securitatis est, possessionibus communibus carere, quàm
 eas habere. Item inter Monachos Aegypti, de quibus in vitis
 Patrũ legitur, perfectiores illi reputabantur, qui in Ere-
 mo nullas possessiones habuisse leguntur. Non ergo possessiones
 communes ad paupertatem Euangelicam requiruntur. Item
 communes possessiones auferre in potestate tyrannorũ con-
 sistit. Si ergo non sũt relinquenda omnia, nisi intretur in Re-
 ligionem, quæ possessiones habeat, in potestate tyrannorum
 erit impedire perfectionẽ Euangelicẽ paupertatis; quod est ab-
 surdum. Item ad hoc paupertas consulitur, vt solitudo de
 rebus mundi minuatur. Sed possessiones communes multas
 solitudines ingerunt de ipsis conseruandis & custodiendis,
 & excolendis. Ergo perfectiũs consilium paupertatis imple-
 tur ab illis, qui possessiones communes non habent. Hæc
 omnia desumpta sunt ex Opusculo S. Thomæ 19. Capite 6.
 Cõcludo ergo verbis eiusdẽ Sancti Doctoris Opusc. 17. c. 15.
*Sic igitur patet vanam esse doctrinam, imo pestiferam,
 & Christianæ doctrinæ contrariam, illorum qui di-
 cunt, quod possessionibus communibus carere propter
 Christum, ad perfectionem non pertineat. De quibus
 super illud Psal. 6. Confundantur, & erubescant val-
 de velociter, dicit Glossa: Hoc non est hic, ubi potius
 iniqui rident eos, qui omnia relinquunt, & suis irri-
 sionibus infirmos Christi nomine erubescere faciunt.
 Ad eos etiam pertinere videtur, quod alibi in Psal. 17.
 dicitur: Consilium inopis confudistis, quoniam Domi-**

nus spes eius est, ubi dicit Glossa Inopis cuiuslibet, qui est membrum Christi: & hoc ideo fecistis, quoniam Dominus est spes eius: Unde ergo magis reuerendus erat, inde magis contemnitur. Quid enim aliud isti faciunt, nisi quod contemnere nituntur eos, qui Christianæ paupertatis consilium perfectè sectantur: & hoc ideo quia non in terrenis possessionibus, sed in Deo spem habent. Hæc S. Thomas. Tu autem Theologe, caue, ne vnquam conqueraris, te acrius perstrictum à me. Non enim à me, sed ab Angelico Doctore perstrictus es. Nam & doctrina mea, non est mea, & verba mea, non sunt mea, sed Angelici Doctoris. Quia enim docuisti, perfectionem Religiosæ vitæ non esse agnoscendam ex paupertate, hære merito censura S. Doctoris supra te cadit. Si enim ex ea non est agnoscenda perfectio, utique non pertinet ad perfectionem: quod S. Thomas validissimis impugnat rationibus, ut visum est. Quod si pertinet ad perfectionem, utique ex ea potest agnosci perfectio: cuius tu tamen oppositum constanter asseruisti.



PROPOSITIO LXXX.

*Id expresse docet S. Thomas 2. 2. q. 188. artic. 7. ubi
 querit, Utrum habere aliquid in communi dimi-
 nuat perfectionem Religionis? Et respondet: perfe-
 ctionem non consistere essentialiter in paupertate, sed
 in Christi sequela: secundum illud Hieronymi. su-
 per Matth. cap. 19 Ecce nos reliquimus omnia,
 & secuti sumus te, &c.*

HÆC Propositio manifestam calumniam in
 S. Thomam continet. Nulla enim ratione ex-
 presse docuit S. Thomas, Paupertatem non
 esse id, ex quo perfectio Religiosæ vitæ ag-
 noscenda est. Sed inquires S. Thomas expresse docet,
*Perfectionem non consistere essentialiter in Pauper-
 tate. Ergo expresse docet, paupertatem non esse id, ex
 quo perfectio Religiosæ vitæ agnoscenda est.* At quæ nam
 est hæc consequentia, mi Theologe? Repono in gratiam
 similes illationes. Perfectio non consistit essentialiter in
 medijs. Ergo perfectio vitæ Christi & Apostolorum non
 potest agnosci ex medijs, quibus vius est Christus cum Apo-
 stolis ad salutem humanam procurandam; contra tuum
 dictum. Item perfectio non consistit essentialiter in mo-
 do benigno & suavi. Ergo perfectio vitæ Christi & Apo-
 stolorum, non potest agnosci ex modo benigno & suavi
 contra tuum dictum. Item perfectio essentialiter non
 consistit in ratione viuendi communi, in victu, & vestitu,
 cum honestis hominibus. Ergo perfectio vitæ Christi &
 Apostolorum agnosci non potest ex ratione viuendi commu-
 ni in victu & vestitu cum honestis hominibus, cuius oppo-
 situm asseruisti. Item perfectio essentialiter non consistit
 in medijs. Ergo illa Religio non est perfectior alijs, quæ
 habet

nus spes eius est, ubi dicit Glossa Inopis cuiuslibet, qui est membrum Christi: & hoc ideo fecistis, quoniam Dominus est spes eius: Unde ergo magis reuerendus erat, inde magis contemnitur. Quid enim aliud isti faciunt, nisi quod contemnere nituntur eos, qui Christianæ paupertatis consilium perfectè sectantur: & hoc ideo quia non in terrenis possessionibus, sed in Deo spem habent. Hæc S. Thomas. Tu autem Theologe, caue, ne vnquam conqueraris, te acrius perstrictum à me. Non enim à me, sed ab Angelico Doctore perstrictus es. Nam & doctrina mea, non est mea, & verba mea, non sunt mea, sed Angelici Doctoris. Quia enim docuisti, perfectionem Religiosæ vitæ non esse agnoscendam ex paupertate, itare merito censura S. Doctoris supra te cadit. Si enim ex ea non est agnoscenda perfectio, vtiue non peruenit ad perfectionem: quod S. Thomas validissimis impugnat rationibus, ut visum est. Quod si pertinet ad perfectionem, vtiue ex ea potest agnosci perfectio: cuius tu tamen oppositum constanter asseruisti.



PROPOSITIO LXXX.

*Id expresse docet S. Thomas 2. 2. q. 188. artic. 7. ubi
 quarit, Utrum habere aliquid in communi dimi-
 nuat perfectionem Religionis? Et respondet: perfe-
 ctionem non consistere essentialiter in paupertate, sed
 in Christi sequela: secundum illud Hieronymi. su-
 per Matth. cap. 19 Ecce nos reliquimus omnia,
 & secuti sumus te, &c.*

HÆC Propositio manifestam calumniam in
 S. Thomam continet. Nulla enim ratione ex-
 presse docuit S. Thomas, Paupertatem non
 esse id, ex quo perfectio Religiosæ vitæ ag-
 noscenda est. Sed inquires S. Thomas expresse docet,
*Perfectionem non consistere essentialiter in Paupe-
 rate. Ergo expresse docet, paupertatem non esse id, ex
 quo perfectio Religiosæ vitæ agnoscenda est.* At quæ nam
 est hæc consequentia, mi Theologe? Repono in gratiam
 similes illationes. Perfectio non consistit essentialiter in
 medijs. Ergo perfectio vitæ Christi & Apostolorum non
 potest agnosci ex medijs, quibus usus est Christus cum Apo-
 stolis ad salutem humanam procurandam; contra tuum
 dictum. Item perfectio non consistit essentialiter in mo-
 do benigno & suavi. Ergo perfectio vitæ Christi & Apo-
 stolorum, non potest agnosci ex modo benigno & suavi
 contra tuum dictum. Item perfectio essentialiter non
 consistit in ratione viuendi communi, in victu, & vestitu,
 cum honestis hominibus. Ergo perfectio vitæ Christi &
 Apostolorum agnosci non potest ex ratione viuendi commu-
 ni in victu & vestitu cum honestis hominibus, cuius oppo-
 situm asseruisti. Item perfectio essentialiter non consistit
 in medijs. Ergo illa Religio non est perfectior alijs, quæ
 habet

habet media efficaciora ad consecutionem in eius finis, propter quem est instituta; contra tuam regulam secundam. Item perfectio essentialiter non consistit in medijs. Ergo illa Religio non est perfectior, quæ non tantum efficaciora media habet ad suum finem perfectissimum; sed etiam pluralia, & magis ordinata; contra tuam regulam tertiam. Item perfectio non consistit essentialiter in auxilijs. Ergo illa Religio non est perfectior, quæ habet auxilia plura & meliora ad consequendum suum finem et medi orum suorum usum, in suo Ordine præscripta; contra tuam regulam quartam. Item perfectio non consistit essentialiter in præsidjs. Ergo illa Religio non est perfectior, quæ pluribus & melioribus est fulta præsidjs, ad submovenda omnia impedimenta, felici vsui mediorum ad sui finis consecutionem se se opponentia; contra tuam regulam quintam. Item perfectio non consistit essentialiter in fructibus. Ergo non est reputandus Ordo perfectior, qui maiorem fructum in Ecclesia Dei facit; contra tuam regulam sextam. Simile est argumentum. Arbor non consistit in fructibus. Ergo arboris bonitas non est cognoscenda ex fructibus eius. Item perfectio non consistit essentialiter in vijs & modis. Ergo non est iudicanda illa Religio melior, quæ per plures vias & modos, fructus edit. Item perfectio non consistit essentialiter in occasionibus heroicis virtutum, & laborum pro Dei gloria. Ergo non est iudicanda illa Religio melior, quæ habet & offert plures occasiones heroicas virtutum & laborum pro Dei gloria; contra tuam regulam septimam. Quid dicis Theologe? negas, vel concedis has illationes? Si concedis; necesse est quod retractes tuas regulas, & teipsum tibi contradicentem manifestè fatearis. Si negas; Ergo sicut tuo iudicio hæ consequentiæ sunt malæ, ita necesse est condemnos & illam consequentiam: *Perfectio non consistit essentialiter in paupertate.* Ergo *perfectio Religiosæ vitæ*
non

non est agnoscenda ex paupertate Et vt scias me vel-
 le conuincere efficaciter fallaciæ tuum discursum, præter
 ea, quæ de tuis proprijs sunt allata, alia adduco. Dic mihi
 si valent istæ consequentiæ: Causa non consistit essentiali-
 ter in effectu. Ergo causa ex effectu agnosci non potest?
 Essentia rei non consistit in propria passione. Ergo essentia rei
 non potest cognosci ex propria passione? Ignis non consistit
 in fumo. Ergo ignis ex fumo non potest agnosci? Vinū Ven-
 dibile non consistit in hedera. Ergo non potest cogno-
 sci ex hedera? Episcopus non consistit in baculo pasto-
 rali, & tyara. Ergo non cognoscitur per baculum pasto-
 ralem & tyaram? Rex non consistit in sceptro & coro-
 na. Ergo non cognoscitur per sceptrum & coronam.
 Quod si istæ consequentiæ non valent, neque ista con-
 sequentia valet: *Perfectio non consistit essentialiter in*
paupertate. Ergo non est cognoscenda ex paupertate.
 Et tantum abest quod Theologus hanc sententiam
 expresse colligat ex doctrina S. Thomæ, vt etiā op-
 positum eius ex eadem doctrina S. Thomæ colliga-
 tur. Sic enim S. Doctor post verba iam citata sub-
 iungit: *Paupertas autem est sicut instrumentum, vel*
exercitium perueniendi ad perfectionem. Quam in-
 tegram Propositionem Theologus nequiter & subdolè
 agendo, à textu S. Thomæ truncauit, siue subtrixit;
 quia videbat vehementer eam suo proposito esse con-
 trariam. Inde enim sic arguere licet. Paupertas est in-
 strumentum vel exercitium perueniendi ad perfectionem.
 Ergo ex paupertate perfectio vitæ Religiosæ agnoscenda est,
 sicut ex medio. Et non moueat quemquam, quod
 S. Thomas docuerit *perfectionem essentialiter non*
consistere in paupertate. Primò quia alias docu-
 it, quod perfectio instrumentaliter consistit in
 con-

consilij. Ita habet 2. 2. q. 184. art. 3. in c. *Instrumentaliter*, inquit, *perfectio consistit in consilijs*. Et in eadem 2. 2. q. 186. art. 2. in Corp. ait. *Pertinet aliquid ad perfectionem instrumentaliter & dispositivè sicut paupertas, continentia, abstinencia, & alia huiusmodi*. Secundò quamvis paupertas non intret essentiam perfectionis, tamen essentialiter pertinet ad vitam Religiosam. Ita S. Thomas. 2. 2. q. 186. art. 1. ad 1. ait: *Ille qui proficetur Regulam, non vovet servare omnia, quæ sunt in Regula, sed vovet Regularem vitam, quæ essentialiter consistit in tribus prædictis, ex quibus erat Paupertas* Et in ar. 2. eiusdem quæst. ad 3. vocat tria vota *essentialia Religionis*. Et in eadem 2. 2. q. 188. art. 1. ad 2. ait: *Tria essentialia vota Religionis pertinent ad exercitium Religionis, sicut quedam principalia, ad quæ omnia alia reducuntur*. Quamvis ergo paupertas non intret essentiam perfectionis, tamen intrat essentiam Religionis. Ratio huius disparitatis potest peti ex dictis S. Thomæ. Dicit enim 2. 2. q. 186. art. 2. in Corp. *Perfectio Charitatis est finis status Religionis. Status autem Religionis, est quedam disciplina vel exercitium ad perfectionem perveniendi*. Quod etiam repetit multis alijs in locis. Et communiter dicunt Theologi, quòd Religio est status tendentium ad perfectionem per aliqua media, ex quibus essentialia sunt tria, alia vero reducuntur ad ista. Quamvis ergo perfectio non consistat essentialiter in paupertate, tamen substantia & integritas Religionis, seu status tendentis ad perfectionem, essentialiter requirit

requirit paupertatem: & ita substantia vitæ Religiosæ debet agnosci ex paupertate, tanquam ex aliquo, substantiali & essentiali. Quæ quia non distinxit Theologus, ideo turpiter erravit, & toti mundo palpabilem errorem obtrusit, quod nimirum perfectio Religiosæ vitæ non sit agnoscenda ex paupertate. Inuexit etiam doctrinam, quæ est pestiferæ vitæ, extinguens in corde vocatorum desideria cœlitus immissa vitæ Religiosæ: Sic enim viso hoc libello passim argumentati sunt inueniens: Non est metienda perfectio ex austeritate vitæ externa. Ergo non appetamus Religionem propter austeritatem, sed remaneamus in delicijs sæculi viuentes: Vel scilicet, Ergo non appetamus Religionem austeras. Item, perfectio non est agnoscenda ex paupertate. Ergo non est eligenda Religiosa vita, vita pauperum. Siue non est eligenda Religio, quæ arctiorem paupertatem proficitur.

PROPOSITIO LXXXI.

Vnde in Collationibus Patrum collat. 1. cap. 1. Abbas Moyses dicit, Nuditas ac priuatio omnium facultatum, non perfectio, sed perfectionis instrumenta sunt.

HÆC Propositio continet mutilatam citationem, & ostendit Theologum semper fallacem & infidelem. Semper enim omittit ea, quæ sunt aduersa carni. Sic enim habet integer textus: *Vnde in Collationibus Patrum Abbas Moyses dicit, Ieiunia, vigiliae, meditatio scripturarum, nuditas ac priuatio omnium facultatum, non perfectio, sed perfectionis instrumenta sunt.*

T

En

En tibi Theologum, qui neglexit, *ieiunia, vigiliis, & meditationem scripturarum*. Et quia non est meditatus in scripturis, ideo & arma contrà se porrexit, & seipsum manifestè prodidit.

PROPOSITIO LXXXII.

Et in responsione ad 3. Paupertatem ait esse minimum inter instrumenta perfectionis.

MI Theologe, ista verba habet S. Thomas in respons. ad 1. non verò ad 3. Sed parco tibi: ad rem accedo. Paupertas dicitur minimum instrumentum non absolute, sed comparative; siue respectu ad alia duo. Vt enim docet S. Thomas pluribus in locis, votum præcipuum est obedientiæ, secundum castitatis, tertium paupertatis. Nihilominus tamen votum paupertatis est essentiale Religioni, vt iam ostensum est, & ad perfectionem charitatis obtinendum primum fundamentum est vt ait S. Tho. 2. 2. q. 186. art 3. in cor. Et in responsione ad 4. ait. *Voluntaria paupertas, est efficax exercitium perueniendi ad perfectam charitatem, ideo multum valet ad cœlestē beatitudinem consequendā.* Et certe si veritas æterna dixit, *Diues difficile intrabit in regnum cœlorum.* Et iterum: *Facilius est camelum per foramen acus transire, quam diuitem intrare in regnum cœlorum:* vtique maximi pretij est paupertas, quæ talem difficultatem aufert, & ianuas regni cœlestis aperit: & ideo scriptum est: *Beati pauperes, quoniam ipsorum est regnum cœlorum.* Eset hic amplissimus campus excurrendi in vituperia diuitiarum spinosarum, & laudes Euangelicæ paupertatis. Sed quia hæc passim reperiuntur apud Sanctos Patres, ideo consulto omituntur.

P. Q.

PROPOSITIO LXXXIII.

*P*ætereà docet, ideo paupertatem esse in Religionibus seruandam, ne per sollicitudinem circa res temporales, quæ diuitias comitari solet in secularibus, Religiosi retrahantur à p̃ys suæ Religionis operibus. Cum ergo in quibusdam Religionibus ad Ecclesiæ utilitatem institutus, ipsa sollicitudo querendi necessarii pro templi ornatu, & usu, pro victu, & vestitu, pro viaticis, pro suppellectili, & alijs domesticis necessitatibus, magis impediat procuracionem alienæ salutis, diuinæque gloriæ propagationem, quàm sollicitudo vnius Oeconomi, vel Patris familias, aut Superioris Religionis, circa conseruationem & defensionem rerum immobilium, vel mobilium Religionis, &c.

QUAM versipellis ingenium Theologi, qui lucem tenebras, tenebras lucem, dulce amarum, amarum dulce, album nigrum, nigrum album dicit, & contrà omnem rei naturam, ex opposito oppositum inferre, & legentibus imponere conatur. *Finis*, ait paupertatis est, ut Religiosi sint liberi à solitudine circa res temporales. Subiungit, quod paupertas in communi habet sollicitudinem sibi annexam, quæ magis impedit diuinæ gloriæ propagationem, quàm sollicitudo vnius Oeconomi circa possessiones.

Mi Theologe, si Paupertas eximit animum à sollicitudine, quomodo paupertas in communi intricabit animum sollicitudine? Fortassis legisti aliquando locum illum communem Dialecticorum, *Sicut se habet simpliciter ad simpliciter, ita magis ad magis.* Inde ergo sic argumentare. Paupertas simpliciter loquendo extricat animum à sollicitudine. Ergo maior Paupertas magis extricat. Atqui maior est paupertas in communi, quam paupertas tantum in particulari. Ergo magis extricat animum à sollicitudine Paupertas in communi, quam Paupertas tantum in particulari. Sed ut magis agnoscas desipientiam tuam, vide an non sit tuum argumentum illud quod proponit S. Thomas Opusc. 17. Cap. 14. nomine eorum, qui à Religione retrahere conantur, Religionis perfectioni derogando, maximè eorum Religiosorum, qui in communi possessiones non habent. *Inducunt etiam, inquit, quòd diuitiarum abrenuntiatio, introducta est ad tollendam sollicitudinem temporalium rerum, secundum illud Lucae 12. Nolite solliciti esse animæ vestre quid manducetis. Et. 1. Corinth. 7. Volo vos sine sollicitudine esse. Sed maior sollicitudo imminet victus querendi his, qui possessiones non habent, quàm his, qui sufficientiam victus iam habent per possessiones communes.* Ergo possessionibus communibus carere diminuit Evangelicam perfectionem. Circa hoc etiam addunt, quod tales Religiosi necesse habent de negotiis multorum se intromittere, qui eis necessaria victus ministrant; & sic multiplicantur in eis temporalium sollicitudines, Evangelicæ perfectioni aduersantes. Considera Theologe, si non est tuum argumentum, Sed iam

audi

audi responſionem Sancti Thomæ datam eodem Opuscul. Capit. 16. *Iam vero quod ſeptimo propoſitum eſt, magis deriſione, quam reſponſione dignum eſt.*

Quis enim non videat in immenſum maioris ſollicitudinis eſſe, poſſeſſionibus procurandis curam impendere,

ad quod vix ſeculares ſufficiunt; quam acquirere ſimplicem victum ex fidelium pietate collatum, & clementia diuina prouiſum?

Quod vero octauo propoſitum eſt, de hoc quod Religioſi neceſſe habent: circa eorum negotia ſolicitari, à quibus paſcuntur: fateor quod habent quidem,

ſed circa ſpiritualem eorum ſalutem, vel ut tribulatos conſolentur, qua quidē ſollicitudo eſt charitas

unde Religioni nō repugnat, quin imò ut dicitur Iacob.

1 Religio munda & immaculata apud Deū & Patrē hac eſt, viſitare viduas & pupillos in tribulatione eorum.

Hæc S. Thomas. Sed quam pernicioſe, & in caput tuum menſurus es Theologe, te regulas tuas ex doctrina S. Thomæ decerpiſſe: Ecce enim argumenta tua à S. Thoma exploduntur, & iridentur.

Sed iam ad ſingula Propoſitionis inducæ deſcendere neceſſe eſt. Primò ergò expende fraudem Theologi in eo, quòd dixit.

Sollicitudinem circa res temporales diuitias comitari in ſecularibus:

quaſi diuitias non comitaretur ſollicitudo in Religioſis; ut nimirum per hanc doctrinam ſibi viam ſterneret adſtiuendi

quod in Religionibus poſſeſſiones in communi habentibus, ſollicitudo non comitatur circa earundem retentionem,

& conſeruationem. Quod ſi Theologus conqueratur ſibi imponi; dicat quid ſentit. Diuitias vel comitatur ſollicitudo in Religioſis, vel non comitatur. Si comitatur; quare dixit in ſecularibus?

Si verò non comitatur; quare remedium paupertatis prouidetur, ut ſollicitudo auertatur?

Secundò aduerte quod Theologus dixit, Paupertatem in communi importate sollicitudinem, cum potiùs possessio bonorù in còmunì habeat annexam sollicitudinem. non item paupertas in còmunì. Quod potest constare ex pulcherrimis quibùdam verbis S. Chrysost. in Ioannem: ubi sic discurre.

Si volueris videre amantis aurũ, animam, quemadmodum vestimentũ à decem millibus corrosum vermium, & nihil habens sanum, ita inuenies perforatã eam undiq; à sollicitudinibus, & à peccatis putre factam, & arugine plenam. Sed non anima inopis voluntarij talis est, sed fulget quidẽ velut aurum, splendet autem velut margarita, florescit autem velut rosa. Non est illic tinea, non est illic ser, nõ est illic sollicitudo vite negotiorũ, sed sicut Angelus ita cõuersatur Vis huiusmodi anima pulcritudinẽ intrari? vis ipsius diuitias addiscere? Non subiacet Dæmoni, nõ assistit Regi, sed assistit Deo. Non militat cũ hominibus, sed cũ Angelis: nõ habet thesaurũ in terra, sed in celo. Non indiget seruis, magis autẽ habet seruos, passionẽ & cogitationes, quarebus dominatur. Quid igitur paupere hoc melius est unquã? Pauimentũ deniq; habet calum. Si autẽ pauimentum tale est, ex cogitate cõtũ. Sed non habet equos & currus? Quid autem ei opus est his, qui super nube vehi debet, & esse cum Christo? Hec Chrysostomus. Id ipsũ cõfirmat S. Augustinus lib. 2. de Sermone Domini in monte: Querentibus inquit, regnũ Dei & iustitiam eius non debet subesse sollicitudo, ne necessaria desint. Quod dictum conforme est ei, quod habetur Matth. 6. Nolite solliciti esse dicentes, quid manducabimus aut quid bibemus, aut quo operiemur? Hac enim omnia gentes inquirũt. Scit enim Pater vester, quia his omnibus indigeris. Queritis ergo primum regnũ Dei, et iustitiam eius, & hæc om-

nia adijciuntur vobis. Si ergo Christ⁹ prohibet nobis sollicitudinem, quomodo Theologus respectū habet sollicitudinis?

Sed iam videamus tertio, circa quæ sollicitudo hæc secundum Theologum debeat reperiri in Religionibus paupertatem in communi profitentibus. *Quærenda*, inquit,

sunt necessaria pro templi ornatu & usu, pro victu, & vestitu, pro viaticis, pro supellectili, & alijs domesticis necessitatibus. Pro templi ornatu ais Theologe? Vtinam sollicitudo de ornatu templi interioris, magis esset cordi tibi, quàm sollicitudo pro ornatu templi exterioris. *Pro victu?* Atqui victus viri Apostolici & prædicatoris, seu Religiosi perfectissimi, debet esse emendicatus, siue ex eleemosynis, qualis erat victus Christi & Apostolorū, vt supra monstratum est. *Victus* viri Apostolici non debet esse exquisitus, sed vulgaris, simplex, & moderatus, vt colligitur ex exemplis eorundē Apostolorū. *Pro vestitu?* Atqui Vestis prædicatoris non debet esse splendida & pretiosa, sed potius vilis & humilis ad exemplum Christi & Apostolorū de quorum vestitu supra habitum est. Libet hic adferre quid sentiat S. Thomas de qualitate vestitū conuenientium Prædicatori. Opusculo ergo 19. Cap. 8. sic ait. *Dicitur 21. q. 4. Omnis iactantia & ornatura corporalis, à sacrato Ordine aliena est.* Eos ergo Episcopos, vel clericos, qui se fulgidis & clavis vestibus ornāt, emendari oportet. *Quod si in hoc permāserint, epithimio corrigatur.* Et infra: *igitur si inuenti fuerint deridentes eos, qui vilibus & Religiosis vestibus amicti sunt, per epithimium corrigantur.* Priscis enim temporibus, ois sacrat⁹ vir, cum mediocri aut vili veste conuersabatur. Omne quippe quod non propter necessitatē suam, sed propter venustatē assumitur, elationis habet calumniā, quemadmodum ait Basilus. Paret ergo quod vilitas vestium est amplectenda, & pretiositas fugiēda, & quod grauit⁹ puniendi sunt, qui contra vilitatem vestium loquuntur.

Item eorum falsitas apparet exemplo Ioannis Baptiste, de quo *Matth. 3.* dicitur, quod habebat vestimentum de pilis camelorum: ubi dicit Glossa, Qui pœnitentiam predicat, habitum pœnitentie prætendit. In eo vilitas vestis, & cibi laudatur, quorum usus in diuitiis arguitur. Et alia Glossa dicit ibidem; quod seruus Dei non debet habere vestimentum ad decorem, vel delectationem, sed tantum ad legendam nuditatem. Et *Marc. 1.* super illud: Erat Ioannes vestitus pilis; dicit Glossa. Conueniens vestis predicatori. Ex quibus patet, quod serui Dei, & præcipue qui pœnitentiam predicant, debent vilibus vestibus indui. Item probatur exemplo antiquorum Prophetarum, de quibus dicitur ad *Hebr. 11.* Circueuerunt in melotis, in pellibus caprinis, ut Elias & alij. Melus est animal, quod & taxus dicitur, cuius pellis melota dicitur, & est valde hispida: vel melota est vestis de pilis camelorum, ut patet ibi per Glossam. Item probatur B. Hilarionis exemplo, & aliorum Patrum in Eremito, de quibus narratur in eorum gestis, quod vilissimis vestibus induebantur. Item *Apo-cal. 11.* Dabo duobus testibus meis, & prophetabunt diebus mille ducentis sexaginta, amicti saccis. Glossa: id est, predicantes pœnitentiam, & exemplo ostendentes. Item alia Glossa ibi; Et ad exemplum eorum debetis predicare. Ex quo iterum aperte habetur, quod debent vilibus indui, præcipue pœnitentiam predicantes. Item quod vilitas vestium sit approbanda, & pretiositas reprobanda, aperte ostendit Gregorius in *Homil.*

Homo

Homo quidam erat diues: sic dicens: Sunt nonnulli qui cultum subtilium pretiosarumque vestium, non putant esse peccatum. Quod videlicet si culpa non esset, nequequam sermo Dei tam vigilanter exprimeret, quod diues, qui torquebatur apud inferos, bysso & purpura indutus fuisset. Nemo quippe vestimenta precipua, nisi ad inanem gloriam querit, videlicet ut honorabilior esse ceteris videatur. Nam quia pro sola inani gloria vestimentum pretiosius queritur, ipsa res testatur, quod nemo vult ibi pretiosis vestibus indui, ubi ab alijs non possit videri. Quam culpam possimus melius vilis indumenti virtute ex diuerso colligere: quia si abiectio pretiosi indumenti virtus non esset, Euangelista de Ioanne tam vigilanter non diceret: Erat Ioannes indutus pilis camelorum. Item. 1. Petri 3. super illud: Quarum non sit extrinsecus &c. dicit Glossa, Sicut Cyprianus ait: Serico & purpura indute Christum induere non possunt. Auro & margaritis & monilibus adornate, ornamenta cordis & corporis perdiderunt. Quod si Petrus mulieres, quas admonet coercendas, que excusare possunt cultus suos per maritos; quanto magis id Virginem obseruare fas est, cui nulla sui cultus competit venia? Ex quo patet, quod etiam in Clericis multo amplius reprehensibilis est habitus ornatus. Item. Illud per quod virtus mentis manifestatur, per se loquendo est laudabile, quamuis eo possit aliquis in superbiam vri. Sed vilitas vestium est huiusmodi. Unde Hieronymus dicit ad Rusticum Monachum: Sordes

Ergo vilitas vestium, quantum est in se, habet speciem boni. Ergo secundum se commendabilis est; et sic aliqui abuti possint. Item: sicut ieiunium & eleemosyna sunt poenitentiae instrumentum; ita & vilitas vestium est laudabilis. Sed ieiunium & eleemosyna per se sunt laudabilia. Ergo & vilitas vestium per se est laudabilis, quamvis eis aliqui abutantur. Hæc S. Thomas. Ex quo patet, quod cum Religiosorum vestitus, & præcipue eorum qui salutis animarum incumbunt, debeat esse vilis, consequenter non multam requirat sollicitudinem. Sed agitur de viaticis. Atque Viatica Christus indixit suis discipulis & Predicatoribus: Math. 10. legimus: *Nolite possidere aurum, neque argentum neque pecuniam in zonis vestris, non peram in via, neque duas tunicas, neque calceamenta, neque virgam: dignus enim est operarius cibis. In quamcunque autem civitatem, aut castellum intraueritis, interrogate quis in ea dignus sit, & ibi manete, donec exeat. Inirantes autem in domum, salutate eam dicentes: Pax huic domui. Et si quidem fuerit domus illa digna, veniet pax vestra super eam: si autem non fuerit digna pax vestra reuertetur ad vos. Et quicumque non receperit vos, neque audierit sermones vestros, exeuntes foras de domo, vel civitate excutite pulverem de pedibus vestris.* Amen dico vobis, tolerabilius erit terræ Sodomorum & Gomorreæ in die iudicii, quam illi civitati: Tandem de suppellectili, quæ necessitas est sollicitudinis Religioni paupertatem in communi profitenti? A tali enim Religione sumptuosa suppellex non tam est querenda, quàm reiicienda. Modica autem facile ex eleemosynis fidelium haberi potest. Vniuersaliter ergo loquendo non requiritur magna sollicitudo pro necessitatibus providendis Religionis pauperrimæ.

Dici

Dicit enim S. Thom. 2. 2. q. 188. art. 7. in Corp. *Si res exteriores non quarantur vel habeantur, nisi in modica quantitate, quantum sufficiunt ad simplicem victum, talis sollicitudo non multam impedit hominem.* Hæc S. Thomas.

Sed iam quarto loco perspice quid causæ sit, quod Theologus derogat paupertati in communi propter anxiam utiq; sollicitudinem querendi necessaria. *Quia, inquit, sollicitudo querendi necessaria magis impedit procurationem alienæ salutis, divinæq; gloriæ propagationem, quam sollicitudo unius Oeconomi, vel patris familias aut Superioris Religionis circa conservatiōem & Defensionem rerum mobilium, vel immobilium Religionis.* Deus bone, quantam iniuriam patitur à Theologo sancta paupertas; quæ post Christi & Apostolorum exemplum, in tanta fuit admiratione spiritualium, atque sapientium, ut vix peruersissimi Hæretici ipsius dignitate derogarent? Inter quos Vigilantius cum ad interpretationem S. Doctoris Hieronymi dormitasset iam dudum, nunc per nouum paupertatis hostem, illo non minus improbum, euigilasse videtur. Ille nimirum contra paupertatis perfectionem sui peccatoris virus euomuit: hic autem possessionem bonorum temporalium in culmine perfectionis Evangelicæ collocans, ipsorumque voluntariam carentiam ut imperfectam calumnians Vigilanti se prodit discipulum. Quod ne videar verbis tantum nudis asserere, ratione euidenter conuincam. Finis intrinsecus voti paupertatis est reddere animum expeditum & liberum à sollicitudine circa bona temporalia. Id S. Thomas docet pluribus in locis. Vnum pronunc sufficiat adducere ex 2. 2. q. 186. art. 7. in corp. ubi sic ait. *Religionis status potest considerari tripliciter. Uno modo secundum quod est quoddam exercitium*
rendendi

tendendi in perfectionem charitatis. Aliomodo secundum quod quietat animum humanum ab exterioribus sollicitudinibus: secundum illud 2. ad Corinth. 7. Volo vos sine sollicitudine esse. Tercio modo secundum quod est quoddam holocaustum, per quod aliquis totaliter se, & sua offert Deo; & secundum hoc ex his tribus votis integratur Religionis status. Primo enim quantum ad exercitium perfectionis, requiritur quod aliquis à se remoneat illa, per quæ possit impedi, ne totaliter eius affectus tendat in Deum, in quo consistit perfectio charitatis. Huiusmodi autem sunt tria. Primum quidem cupiditas exteriorum bonorum, quæ tollitur per votum paupertatis. Secundum autem est concupiscentia sensibilibus delectationum, inter quas præciliunt delectationes Venereæ, quæ excluduntur per votum continentie. Tertium autem est inordinatio voluntatis humane, quæ excluditur per votum obedientie. Similiter autem sollicitudinis secularis inquietudo præcipue ingeritur homini circa tria. Primo quidem circa dispensationem exteriorum rerum: & hæc sollicitudo per votum paupertatis homini auferitur. Secundo circa gubernationem uxoris & filiorum, quæ amputatur per votum continentie. Tertio circa dispositionem propriorum actuum, quæ amputatur per votum obedientie, quo aliquis se alterius dispositioni committit. Similiter autem holocaustum est, cum aliquis totum quod habet offert Deo, ut Gregorius dicit super Ezechielem. Habet autem homo triplex bonum secundum Philosoph. in 1. Ethicorum: Primo quidem

exte-

exteriorum rerum; quas quidem totaliter aliquis Deo offert per votum voluntarie paupertatis. Secundo autem bonum proprii corporis; quod aliquis precipue offert Deo per votum continentiae, quo abrenuntiat maximis delectationibus corporis. Tertium autem bonum est anima, quod aliquis totaliter Deo offert per obedientiam, quam aliquis offert Deo propriam voluntatem, per quam homo vivitur omnibus potentis, & habitibus anima. Et ideo convenienter ex tribus votis status Religionis integratur.

Hæc S. Thomas. Ex quibus finem uniuscuiusque voti quisque discere poterit. Quod autem principaliter intenditur, manifestus est finis voti paupertatis, scilicet ut sollicitudo auferatur. Iam si paupertati in communi talis est annexa sollicitudo querendi necessaria, quæ magis impediatur divinæ gloriæ propagationem, quam sollicitudo unius Oeconomi, circa conservationem & defensionem rerum immobilium, utique per paupertatem in communi annullatur & euacuatur finis voti paupertatis. Si enim stante paupertate in communi permanet sollicitudo, & magis impediens divinam gloriam, quam sollicitudo unius Oeconomi circa conservationem bonorum immobilium; utique per paupertatem in communi non auferetur sollicitudo, sed maior exurget, quæ sit magis obstaculum gloriæ Dei. Quis igitur non dicet perfectius opus esse possessionem bonorum in communi, quam paupertatem in communi? Manifestum est enim illud opus perfectius esse, quod minus impedit procurationem alienæ salutis, divinæque gloriæ propagationem: illud verò imperfectum esse, quod magis impedit procurationem alienæ salutis, divinæque gloriæ propagationem. Atqui secundum Theologum possessio bonorum in communi; minus impedit procurationem alienæ salutis, divinæque gloriæ propagationem: paupertas verò in communi magis impedit procurationem alienæ salutis, divinæque gloriæ propaga-

tionem. Ergo secundum ipsum, possessio bonorum in communi est opus perfectius; paupertas verò in communi est opus imperfectius. Ideam sic quoque colligi potest. Illud est perfectius, quod non euacuat finem intrinsecum voti paupertatis, illud verò è conuerso imperfectius, quod destruitur finis intrinsecus voti paupertatis. Sed secundum Theologum per possessionem bonorum in communi, stabilitur votum paupertatis, per paupertatem verò in communi euacuatur & annihilatur finis intrinsecus voti paupertatis, vti iam pròbatum est. Ergo possessio bonorum in communi, secundum Theologum, est opus perfectius, paupertas verò in communi est opus imperfectius: Imò quod peius est, Theologus videtur etiam diuitias sæcularium præferre paupertati in còmuni. Quæro enim, an sit essentialis differentia inter sollicitudinem vnius Oeconomi circa conseruationem & defensionem rerum immobilium Religionis, & inter sollicitudinem vnius Oeconomi circa conuersionem & defensionem rerum immobilium vel mobilium sæcularium? Nullus sanè, nisi insanus, dicet differre essentialiter sollicitudinem Oeconomi circa possessionem Religiosorum, & sollicitudinem eiusdem Oeconomi circa possessiones sæcularium. Perinde ergo est dicere, quod sollicitudo annexa voto paupertatis in communi magis impediatur procurationem alienæ salutis, diuinæque gloriæ propagationem, quam sollicitudo vnius Oeconomi circa possessiones Religiosorum: ac dicere, quam sollicitudo vnius Oeconomi circa possessiones sæcularium: At inde inferre licet simili modo, sicut prius, melius esse possideri bona à sæcularibus, quam profiteri paupertatem in communi: si quidem possessio bonorum minus impedit gloriam Dei, paupertas verò in communi, magis. Iudicio ergo Theologi melior est possessio bonorum sæcularium, quam paupertas in communi Religiosorum; quia melius id, quod minus impedit diuinam gloriam. Quis hoc dicat nisi Vigilantius? Profecto qui erat Vigilantius tempore S. Hieronymi, postea factus

factus erat Dormitantiſ, nunc tandem ſurrexit iterum nouus Vigilantiſ. Et reuera impius, qui tacite redarguit ipſummet Chriſtum, qui Apoſtolos conſtituit in ſumma paupertate, & conſequenter, ſecundum ipſum, in talem ſoliſolicitudinem coniecit, quæ magis impediēbat procurationem alienæ ſalutis, diuinæque gloriæ propagationē; quam ſollicitudo vnius Oeconomi circa conſeruationem, & deſenſionem bonorum immobiliū, & mobiliū. Centumelioſus quoque in Deum, quia derogare videtur prouidentię Dei dicentis Matthi 6. *Non poteſtis Deo ſeruire, & Mammonæ.* Ideo dico vobis, ne ſolici ſitis anima vſtre, quid manducetis, neque corpori vſtro quid induamini. Nonne anima plus eſt quam eſca: & corpus plus quam veſtimentum? Reſpicite volatilia cali, quoniam non ſerunt, neque metunt, neque congregant in horrea: & Pater vſter celeſtis paſcit illa. Nonne vos magis eſtis pluris illis? conſiderate lilia agri, quomodo creſcunt: non laborant, neque nent. Dico autem vobis, quoniam nec Salomon in omni gloria ſua coopertus eſt ſicut vnum ex iſtis. Si autem ſcenum agri, quod hodie eſt; & cras in clibanum mittitur, Deus ſic veſtit, quanto magis vos modice fidei? Alloquor ergo Theologum verbis S. Auguſtini libro de Eleemoſina: Tu Chriſtiano, tu Dei ſeruo, tu bonis operibus dedito, tu Domino ſuo charo, aliquid putas de futurum? An putas, qui Chriſtum paſcit, à Chriſto ipſo non paſcitur? An putas terrena deerunt, quibus celeſtia, & diuina tribuuntur? unde hæc incredula cogitatio? unde impia & ſacrilega iſta meditatio? Quid facit in domo Dei perfidum pectus? Quid qui Chriſto omnino non creditur appellatur.

appellatur & dicitur Christianus? Pharisei sibi magis congrui nomen.

PROPOSITIO LXXXIV.

Idco precipui Religionum à Sancta Sede Apostolica confirmatarum et commendatarum Fundatores, Basilus, Augustinus, Benedictus, Bruno, Bernardus, Ignatius, &c. diutius illustrati, certos suis Religiosis permiserunt redditus.

CONSIDERET vnusquisque, an Theologus ex doctrina S. Thomæ decerpserit suas regulas, qui notius argumenta impugnantium paupertatem, à S. Thoma refutata suæ Epistolæ inseruit, ad solutiones verò minimè attendit. Ecce enim argumentum Theologi ponitur in primis à S. Thoma Opusc. 17. cap. 14. *Inducunt etiam ad hoc aliquorum Sanctorum exempla. Nam B. Gregorius de facultatibus suis, intra urbis Romane mœnia vnum Monasterium, in Sicilia vero sex leguntur construxisse: Beatus etiam Benedictus Monachorum praeceptor almificus, amplas possessiones pro suo Monasterio recepit, quod tanti viri Evangelica perfectionis amulatores nullo modo fecissent, si possessiones communes in aliquo Apostolica & Evangelica perfectioni derogarent. Et ex hoc concludere volunt, non pertinere ad maiorem perfectionem, quod aliqui possessionibus careant. Ecce tuum argumentum Theologe. Sed audi solutionem eius Cap. 15. eiusdem Opus. Quod vero secundo proponitur, quod Beatus Benedictus in vita sua amplas*
possef-

possessions recepit, hoc sufficit ad ostendendum quod communes possessiones non totaliter Monasticam perfectionem excludunt, non autem ex hoc haberi potest, quod maioris perfectionis non su possessionibus communibus carere; praesertim cum idem B. Benedictus in sua regula dicat, se aliquid remississe de rigore Monastice vitae, à prioribus instituta condescendendo infirmitatibus sui temporis Monachorum. Et eadem ratio est de B. Gregorio, qui monasteria construxit secundum regulam à Benedicto institutam. Hæc ibi. Idem argumentum S. Thomas proponit Opusc. 19. *Modus iste cum communibus possessionibus in Religionibus, est approbatus per antiquos Patres, Augustinum, Basilium, Benedictum, & multos alios. Ergo temerarium videtur, alium modum novum inducere. Et respondet: Quod quamvis Sancti Patres illum modum approbaverint, non tamen istum reprobauerunt: & ideo non est presumptuosum hunc modum sequi; alias nihil de novo posset institui, quod non fuerit antiquitus observatum. Nihilominus tamen iste modus antiquitus à multis sanctis fuit approbatus, etiam in Ecclesia primitiva.* Hac S. Thomas. Tu autem Lector vide, quàm improvidè Theologus arma non pro se, sed potius contra se sumperit, quibus sua viscera miserè torquantur.

Sed non possum ferre contumeliam, quam struxit Theologus in S. Ignatium, & consequenter in Sanctissimam Societatem à se fundatam. *Ignatius, inquit, certos suos Religiosis permisit redditus.* Atqui hæc Propositio absolutè dicta falsissima est, mera calumnia est. Non loquar ego, sed loquatur vnus ex eadem inclyta Societate, videlicet Iulius

Il^{lus} Nigronius in explicatione Tituli Regularum communium Societatis IESV, circa tertiam particulam Tituli. *In* tertio, inquit, capite probandum est, nostram Societatem esse Ordinem Mendicantem. Extant litera Apostolica Pij V. Pontificis Maximi, atque optime de Christiana Religione, deque nobis meriti, data 7. Iulij Anno 1571. quae sunt editae in lucem omnium a Ioanne Azorio in 1. Tom. Moral. Instit. In his Pius candido pectore laudat primum minimam Societatem nostram tam multis, ut ea pudor ingenuus ac Religiosus referre vetet. Deinde ex sua sententia haec scribit verba: *Quia* ipsa Societas mendicans existit, quippe quae ex eius instituto, & constitutionibus Apostolica Auctoritate confirmatis, bona stabilia possidere nequit, sed incertis eleemosynis, fideliumque largitionibus vivit. Institutum, cuius meminit Pius, extat expressum in Regula oblata Iulio III. & ab eo confirmata his verbis: *Voueant* singuli & universi perpetuam paupertatem, ut non solum privatum, sed neque etiam communiter possint professi, vel ulla eorum aut domus, aut ecclesia, aliquos prouentus, redditus, possessiones, sed nec ad ulla bona stabilia, praeter ea, quae opportuna erunt ad usum proprium & habitationem retinenda, ius aliquod civile acquirere, rebus sibi ex charitate donatis, ad necessarium vitae usum contendit. Constitutiones vero confirmatae ab eadem Sede, quarum merito in eadem formula su, sic se habent: *In* domibus, vel Ecclesijs, quae à Societate ad auxilium animarum admittentur, redditus nulli, ne Sacristia quidem

aut fabrica applicati, haberi possint; sed neque ulla aliaratione; ita ut penes Societatem, eorum sit ulla dispensatio. Quo loco Pius idem clare significat, mendicantem Societatis esse ex proprijs Constitutionibus, quod iam aliquot Iurisperiti observarunt. Unde deducitur, Ordinem non esse mendicantem ex Regula S. Francisci, tum quia sub eo non recipiat, tum quia mendicantem profiteamur proprijs Constitutionibus per Pontifices probatis definitam: quæ iubent nos quamprimum vendere, data tamen opportunitate bona stabilia, quæ nobis relinquuntur, ut etiam innuitur in formula oblata Iulio III. in qua negatur, esse in nobis ius ad ea retinenda. Ex quo verbo consideratissime possumus à B. Ignatio, duo intulit Menochius Iurisperitus, hoc autem magnus in paucis: & Societatem capacem esse stabilium bonorum, si relinquuntur; sed incapacem ad retinendum. Et quia obijci poterant Pio V. domicilia Societatis, in quibus Scholares ac Novitii aluntur ex perpetuis proveniuntibus, anteveriens objectionem, & tollens ambiguitatem, sic rem definiuit Motu proprio, certa que scientia: Societatem, & illius Prepositum, ac singulas personas Societatis huiusmodi, vere, & non fictè, Mendicantes fuisse, esse, & fore: & inter aliorum Fratrum, & Religiosorum Mendicantium Ordines, aliosque Fratres & Religiosos Mendicantes: prout illos nos connumeramus, & connumerari debere &c. Atque hanc declarationem à Pio V. facta de nostri ordinis mendicantibus commemorat & laudat.

dat

dat Gregorius XIII. Anno 1584. Franciscus Suarez, no-
 ster differens de communicatione Privilegiorum, Socie-
 tatem nostram esse non fictione iuris, seu ex privilegio,
 sed verè, naturæq; sua mendicantem, ingeniose dedu-
 cit ex eo, quod Pius V. accurate prægnanribusq; verbis
 declarat communicationem privilegiorum Ordinum Men-
 dicantium factam Societati, tantum ad illorum instar, sed
 pariformiter & æque principaliter absq; ulla prorsus dif-
 ferentia perinde ac si Societati nominatim & specialiter
 & generaliter cõcessa fuissent. Etenim quia semper inter
 verum & fictum fictione iuris aliqua differentia relin-
 quitur; ideo dicuntur Societati concedi Privilegia sine
 ulla differetia, & æque principaliter, ut intelligatur So-
 cietas esse mendicans verè, & æque atq; Ordines alij verè
 Mendicantes, non autem fictè fictione aliqua iuris. Ra-
 tiones autè, cur verè Mendicans sit Ordo noster tamet
 si habet Collegia & domos Probationis, quæ perpetuis ve-
 tiganibus aluntur, profert optimas Hieronymus Gabiel
 Iurisperitus Romanus, in Consilio de hac re. Quarum
 illa præcipua est, Collegia & tirocinia sunt accessoria &
 membra: proinde sequuntur naturam principalis, & ca-
 pitis, & qui in ijs educantur, sunt absolutis studiis in So-
 cietatem, quæ vivit mendicando, transferendi. Quamo-
 brem ratione finis animo dest: nati etiam ipsi Novitij, &
 Scholares, Mendicantes dicendi sunt, ut ex Horatio
 Mandosio Iuriscõ, & alijs deducit Emanuel Rodericus
 concludens totum Ordinem absolute Mendicantem esse.
 Quem inter Mendicantes, Nauarrus quoque connume-

rauit in Comment. 4. de Regularibus. Hæc Iulius Nigronius.

RPROPOSITIO LXXXV.

*Vita liberi à querendis eleemosynis melius & Deo.
& sibi, & proximis vacare possent.*

IMO verò Theologe, paupertas in communi inducta est, secundum doctrinam S. Thomæ, a multis Fundatoribus, ut liberius & melius Deo, & sibi, & proximis vacare possent. Patet id iam ex locis inductis S. Thomæ, & alijs plurimis. Interim sufficiat vnū adducere ex Opusc. 17. c. 15. *Manifestum est, gitor, inquit, ad cumulum perfectionis pertinere, quod aliqui possessiones non habeant nec proprias, nec cōmunes. Adhuc potest hoc euidenter ostēdi, si ratio consiliorum ad Euangelicam perfectionē pertinentium, consideretur. Ad hoc enim introducuntur, ut homines à curis mundi expediti, liberius Deo vacet; unde Apostolus proposito consilio de virginitate seruāda dicit: Qui sine uxore est, sollicitus est quæ sunt Domini, quomodo placeat Deo; Qui autē cū uxore est, sollicitus est quæ sunt mundi, quo modo placeat uxori, & diuisus est. Ex quo patet, tunc aliqua magis ad consiliorū perfectione pertinere, quanto magis hominē à solitudine mūdi absoluunt. Manifestum est autem, quod diuitiarū & possessionū cura, impedit animū à rebus diuinis. Dicitur enī Math. 13. Qui seminatus est in spinis, hic est qui verbū Dei audit, & sollicitudo sæculi istius, & fallacia diuitiarum, suffocant verbū, & sine fructu efficitur. Quod exponens Hieronymus dicit: Blanda sunt diuitie, aliud agentes,*

agentes, & aliud pollicentes. Lubrica est earum possessio, dum huc illucque circumferuntur, & instabili gradu. vel habentes deserunt, vel non habentes reficiunt. Hæc etiam evidenter ostenditur Luc. 14. ubi unus de his, qui sunt vocati ad cœnam, se excusavit dicens: Villam emi, & necesse habeo ire, & videre illam. Et sic-
cut Gregorius dicit: Quid per villam, nisi terrena substantia designatur? Exit ergo videre villam, qui sola exteriora cogitat. In fine autem parabola subditur: Pauperes & debiles introduc huc. Quod exponens Ambrosius, inquit, quod rarius delinquit, cui deest illecebra peccandi, & citius ad Deum convertitur, qui non habet in mundo, unde delectetur. Sic igitur patet, quod possessiones, & quasque diuitias omnino non habere, magis ad Evangelicam pertineat perfectionem. Item Augustinus dicit in lib. de verb. Dom. Minimi Christi sunt illi, qui omnia sua dimiserunt, & secuti sunt eum, & quicquid habuerunt, pauperibus distribuerunt, ut Deo sine seculari cōpede expediti, seruirent & ab oneribus mûdi liberatos, velut pennatos sursum humeros tollerent. Hi sunt minimi, quia humiles. appende humiles istos, & graue pondus inuenies. Nullus autem sani capitis dicet, ad mundi onera non pertinere communium possessionum curam. Pertinet igitur ad perfectionis pondus, ut etiam ab huiusmodi cōpedibus expediti homines seruiant Deo. Hæc S. Thomas. Idem 3. p. q. 40. ad 3. in Corpore ait: Christum decuit in hoc mundo pauperem vitam ducere. Primo quidem quia hoc erat congruum predicationis officio, propter quod venisse se se

dicit Marc. 1. *Eamus in proximos vicos & Ciuitates, ut & ibi predicem: ad hoc enim veni. Oportet autem Predicatores verbi Dei, ut omninò vacent predicationi omnino à secularium cura esse absolutos, quod facere non possunt, qui diuitias possident. Vnde & ipse Dominus Apostolos ad predicandū mittens dicit eis Matth. 10. Nolite possidere aurum neque argentum. Et ipsi Apostoli dicunt Act. 6. Non est æquum nos relinquere verbum Dei, & ministrare mensis. Hæc ibi. In 4. vero contra Gentes Cap 35, ait. Non fuit expediens quod Deus incarnatus vitam in hoc mundo ageret opulentam, & honoribus seu dignitatibus sublimem. Primo quidem quia ad hoc venerat ut mentes hominum terrenis deditas, à terrenis abstraheret, & ad diuina eleuaret. Vnde oportuit ut suo exemplo homines in contemptum diuitiarum, & aliorum, quæ mundani desiderant, traheret, & quod inopem & priuatam vitam ageret in hoc mūdo. Secundo quia si diuitijs abundasset, & in aliqua maxima dignitate constitutus fuisset, id quod diuine gessit, magis potentiā seculari, quam virtuti diuinitatis fuisset attributum: unde efficacissimū argumentū suæ diuinitatis fuit, quod absq; adminiculo potentiæ secularis totum mundum in melius cōmutauit. Hæc S. Thom. Ex quibus patet, oportere Prædicatores verbi Dei, ad exemplum Christi, & Apostolorū, ut omninò vacent prædicationi, diuitias non possidere, ut suo exemplo homines in contemptum diuitiarum, & aliorum, quæ mundani desiderant, trahant, & efficax argumentum operationis diuinæ in se exhibeant, quando mundum absque adminiculo potentiæ sæcularis in melius commutant. Sed ut ad singula*

singula illius Propositionis sigillatim descendamus, mon-
 stremus è contrariò, secundum doctrinam S. Thomæ,
 quod illi, qui possessiones habent, non possunt melius Deo,
 & sibi, & proximis vacare. Deo enim unusquisque vacat
 per contemplationem, quam diuitiæ impediunt, secun-
 dum quod S. Thomas 2. 2. q. 186. art. 3. ad 4. inquit.
*Ad felicitatem autem Contemplatiue vite non mul-
 tum operantur (scilicet diuitiæ) sed magis impedi-
 unt, in quantum sua solitudine impediunt animæ
 quietem, quæ maxime est necessaria contemplanti.*
 Sibi autem aliquis vacat per custodiam cordis sui,
 & recollectionem animi, quam etiam diuitiæ impe-
 diunt. *Diuitia habita*, inquit S. Thomas loco supra
 citato *per se quidem nata sunt perfectionem charitatis
 impedire, principaliter alliciendo animum & distraben-
 do* Unde dicitur *Matth. 3.* quod sollicitudo sæculi,
 & fallacia diuitiarum suffocant verbum Dei; quia ut
 Gregorius dicit, *Dum bonum desiderium in cor intra-
 re non sinunt, quasi aditum flatus vitalis vetant: ideo
 difficile est charitatem inter diuitias conseruare.* Pro-
 ximis vero aliquis vacat per instructionem, seu
 prædicationem, quam etiam impediunt possessio-
 nes in communi. Dicit enim S. Thomas 2. 2. q.
 188. art. 7. *Sollicitudo, quæ adhibetur circa bona
 communia, pertinere potest ad charitatem, licet per
 hoc impediri possit aliquis aliorum charitatis actus, puta
 contemplationis diuinæ, aut instructionis proximorum.*
 Imò si quis attentè consideret, dicta Propositio Theologi
 hæresim Vigilantiæ continet. Si enim ait, quod ij qui
 sunt liberi à quærendis eleemosynis, melius & Deo, &
 sibi,

sibi, & proximis vacare possunt : consequenter supponit quod ij qui profitentur paupertatem in communi, & habent necessitatem mendicandi eleemosynas, non possunt ita benè vacare & Deo, & sibi, & proximis, sicut illi alij. Perfectior ergo erit possessio bonorum in communi, quàm carentia earundem : siue perfectior erit paupertas in particulari tantum, quàm paupertas etiam in communi. Cum enim finis voti paupertatis seu Religiosæ paupertatis sit, ut homo possit Deo melius vacare ; quod intrinsecè pertinet ad Religionem ; nullus dubitabit illud opus perfectius esse, per quod aliquis potest Deo melius vacare, illud verò imperfectius, quod est impedimento, ne ita benè possit Deo vacare. Atqui secundum Theologum, possessio bonorum in communi id præstat, ut aliquis melius Deo vacare possit, id verò impedit paupertas in communi. Ergo secundum Theologum, perfectior est possessio bonorum in communi, quàm paupertas in communi. Tantò magis, quia melius idem est quod perfectius. Si ergo ij, qui communes possessiones habent, melius Deo, & sibi, & proximis vacare possunt : Ergo & perfectius. Bonum enim & perfectum apud Philosophos idem sunt. Quod si perfectius vacare possunt, Ergo Perfectiores sunt ij Religiosi in genere paupertatis, qui possessiones communes habent, quàm qui illis carent, Si neget Theologus hanc esse hæresim Vigilantiæ, manifestè convincetur ex ijs quæ sunt allata ex Opusc. Sancti Thomæ, ubi hanc Propositionem damnat hæresis Vigilantiæ, ut dictum est. Ideo Opusc. 17. Cap 15. ait. *Mentuntur in doctrina fidei dicentes, minoris esse perfectionis eos, qui possessionibus communibus carent.* Quod quia Theologus docuit, ut colligitur euidenter ex illius verbis, ideo in doctrina fidei mentitus est.

PROPOSITIO LXXXVI.

*Liberiusque errantes corrigere, quod facere non ita au-
derent, si ab eis quærenda essent subsidia tempora-
lia: timerent enim benefactores offende-
re, corrigendo eorum vitia: quia
veritas odium parit.*

HVC usque Theologus prosequitur argumenta im-
pugnantem paupertatem in communi, quos S.
Thomas Vigilantios vocauit, quæ ab eodem S.
Doctore iam ante refutata sunt: ita vt mirandum
sanè sit, qua fronte, qua audacia, Theologus voluerit do-
ctrinam suam, tanquam genuinam S. Thomæ proponere,
cum potius eam doctrinam præsumpserit defendere, quam
S. Thomas suis scriptis impugnavit, & expugnauit: & ea ar-
gumenta assumere, quæ à S. Thoma, pridem elisa sunt.
Ecce enim argumentum propositum Theologi habes Opuscul.
19. Cap. 7. 1. *Thessalon. ultimo super illud: Ut nosmet-
ipsos formam daremus &c. Glossa. Qui frequenter
ad alienam mensam conuenit otio deditus, aduletur
necesse est pascenti se: Sed qui de eleemosynis viuunt,
frequenter aliorum mensas conueniunt; imo magis
de mensa aliorum semper viuunt. Ergo de neces-
sitate sunt adulatores. Et in ordine ad istud paulo
post auctoritatem Augustini adducit. Audisti tu-
um argumentum Theologe? Audi eius solutio-
nem. Augustinus loquitur de illis, qui sunt otio dediti,
qui in nullo possunt esse utiles illis, à quibus pascuntur.*
Tales

Tales enim necesse est ut adulentur ad hoc quod pascantur. Tales enim pascere onerosum esset cuilibet, nisi fauorem pascentis saltem adulationibus caperent. Sed illis qui pascuntur propter Christum, à quibus pascentes scilicet sperant spiritualia, pro temporalibus qualargiuntur, non oportet adulari: quia talibus non datur propter eos, sed propter illum, cuius sunt serui, qui in eis recipitur, ut dicitur Matih. 10. Qui recipit vos, me recipit. Ubi Glos. Quia non aliud recipit in Apostolo, quàm quod in Christo est. Et sic patet quod illi qui pauperes efficiuntur, & medicantur de elemosynis viuunt propter Christum, non sibi necessitatem adulationis imponunt. Sed maior necessitas adulationis & seruitutis inest diuitibus: quos oportet adulari Principibus, ut diuitias amplient & conseruent. Unde dicit Chrysostomus super Matth. Adulari necesse est principes, & milites, & subiectos, & multis indigere, & turpiter seruire & formidare, & suspicari, & timere eorum qui suspicantur oculos, & calumniantium ora, & auarorum concupiscentias: sed non est paupertas aliquid tale, sed contrarium vniuersum. Hæc S. Thomas. Qui iterum eodem capite idem argumentum Theologi, sub nomine inimicorum crucis Christi, & aduersariorum paupertatis proponit, de quibus ait Nutuntur ostendere, quod Religiosi etiam predicantes de elemosynis viuere, vel etiam elemosynas petere non debent. Dicit enim Apostolus 1. Thessalon. 2. Neque aliquando fuimus in sermone adulationis, sicut scitis: sed predicatorum, qui mendicant

dicant & de eleemosyis viuunt, oportet adulari illis, à quibus pascuntur, quod patet *Math. 12.* super illud: Et relictis illis abiit foras. Vbi dicit Glossa. Qui a pauper, nullique adulatus, nullum in tanta urbe inuenit hospitem, sed apud Lazarum receptus est, & tamen in tantum erat gratus, cum predicaret, quod sicut dicitur *Luc. 21.* Omnis populus manebat ad eum, in templo audire eum. Glossa. id est, mane ire accelerabat. Et i. ad *Corinth. 4.* dicitur, Usque in hanc horam esurimus, & sitimus, & nudi sumus. Glossa: Libere enim, & sine aliqua adulatione veritatem predicantes, & gesta praua vite arguentes gratiam non habent apud homines. Ergo predicatorum non debent eleemosynas querere. Præterea i. ad *Thess. 2.* Neque fuimus in occasione auaritie. Denique testis est. Glossa: Non dico in auaritia, sed nec feci nec dixi etiam in quo esset occasio auaritie. Sed illi qui petunt eleemosynas sibi dari, faciunt aliquid, in quo est occasio auaritie. Ergo predicatorum non debent hoc facere. Huc usque S. Thomas, qui respondet dicendo: Ad ea vero quibus ostendere nituntur, quod Religiosi predicatorum non possint de eleemosynis viuere vel eleemosynas petere, per ordinem deinceps respondendum est. Ad primum ergo dicendum, quod quamuis Predicatorum de eleemosynis uiuant, non tamen sequitur, quod adulentur. Quamuis enim qui sine adulatione predicant, non habeant gratiam apud malos, qui dicuntur homines carnales, habent tamen gratiam apud bonos: & ideo quandoque si sine adulatione

tione

*tionē prædicant, coguntur defectus multos pati, quando
 scilicet in illos incidunt, apud quos sine adulatione gra-
 tiam habere non possunt: quandoque autem sine egesta-
 te sunt, quando scilicet in illos incidunt, quorum sine
 adulatione gratiam habent. Vnde & Christus hospitium
 quandoq; habere non poterat, quandoque etiam in-
 uitabatur à multis, & mulieres quæ eum sequebantur,
 de suis facultatibus ei ministrabant, ut dicitur Luc. 8.
 Ita etiam Apostoli quanaoq; multas penurias sustine-
 bant, quandoque autem abundabant, in virisq; mo-
 deste se habentes. Philip. ult. Scio & penuriam pati. Et
 hæc etiam vicissitudines pauperes prædicatores nostri
 temporis experiuntur frequenter. Ad secundum quod
 prædicatores eleemosynas petentes non faciunt aliquid,
 in quo sit occasio auaritiæ. Auaritia enim est immode-
 ratus amor habendi: velle autem victum & vestitum
 ad necessitatem, non est immoderatum. 1. Tim. ult.
 Habentes alimenta, & quibus tegamur, illis contem-
 ti sumus. Unde pauperes qui petunt necessaria vi-
 ctus, & vestitum, & aliorum, quæ humana vita
 exigit, non sunt in occasione auaritiæ. Hæc S.
 Thomas; per quæ excluditur inanis timor Theologi, ne
 prædicatores ex eleemosynis viuentes veritatem non au-
 deant dicere, & vitia liberè corrigere: Et certe derisione
 res digna est, quod Theologus vult prædicatoribus non of-
 ficere, quin liberè prædicent, & non timeant etiam si ab Au-
 ditoribus amplas possessiones, redditus, & magnas eleemosy-
 nas requirant: impedire verò libertatem Euangelij, si pau-
 culæ eleemosynæ pro victu & vestitu postulentur. Quis po-*

test

Test, inquit S. Thomas capite citato, accipere quod maius est, potest accipere quod minus est. Sed Religiosi possunt accipere redditus mille marcarum, &c. Ergo ridiculum est dicere, quod pauperes Religiosi non possint modicas eleemosynas recipere, & ex eis sustentari. Cōfonat S. Bonaventura Opusc. de Pauper. Christ. ar. 2. Quis, inquit, ita absurdus est, qui dicat, licere alicui accipere talentum auri, & non frustum panis? Quod si hoc verum est, cum uniuersarum Ecclesiarum possessiones, tam in Religiosis proprietatem habentibus, quam in clericis secularibus habeantur per acceptionē eleemosynarum voluntarie, & gratis datarum, videbitur ex hoc subverti status uniuersarum Ecclesiarum si, eleemosynas accipere, vel de eleemosynis viuere, seu in parua quantitate, seu in magna, illicitum iudicetur. Nisi forte quis dicat, quod licitum accipere, sed non est licitum petere. Sed hoc mirum videtur, quod aliquis possit in illud quod maius est, sed non possit in illud quod minus est. Quod aliquod Monasterium possit accipere centum marcas in redditibus ab aliquo Principe, unum pauperculum non posse suę indigentia relevationem suppliciter implorare. Quod aliquis possit ex amicitia petere ab amico, & Christianus non possit ex charitate petere à Christiano. Et quod aliquis possit petere aliqua expedientia ad alicuius diuitis Monasterij securitatem, & pauper voluntarius non possit petere vitę sustentamentū. Et q̃ aliquis scholaris possit licitē mendicare pro amore proficiendi in cognitione scientiæ, quæ inflat, ut tandem

*tandem perueniat ad temporales diuitias, & pauper Religiosus non possit petere, pro amore proficiendi in charitate, & humilitate, quæ adificat, ut tandem perueniat ad vitam æternam, & cætera consimilia, quæ valde videntur absurda. Hæc S. Bonauentura. Ex quibus sic arguere licet. Si ij qui sunt liberi ab eleemosynis modicis quærendis, liberius errantes corrigere non audeat, quia quærent subsidia temporalia, & timent benefactores offendere, corrigendo eorum vitia : quanto magis ij qui amplitudinem, & magnitudinem possessionum, & magnorum reddituum ab Auditoribus requirunt, non audebunt inuehi in eorum vitia, & redarguere benefactores ? quando quidem certum est, quod possessiones bonorum in communi etiam ex eleemosynis fidelium habent & indigent favore benefactorum in eis conseruandis & ampliandis. Cæterum quod Religiosus prædicator, quanto pauperior tanto liberior, & expeditior sit in prædicando, elegantissimè describit Chrysost. supra illum locum. cap. 16. Epistolæ ad Roman. *Salutate Priscam & Aquilam.* Verba quæ fundit aureum eloquentiæ os, auida cordis aure excipienda essent : *Neque enim, inquit, Ecclesys tam prodesse valent diuites illi pompatici, ut pauperes magnanimi. Nemo dictum hoc miretur. Nam multe sunt diuitis molestiæ, & negotia; timet pro domo, pro familijs, pro agris, pro opibus, ne quis aliquid ex his auferat : & quia multorum est Dominus, idem multorum seruus esse cogitur. Pauper autem nummis parum valens, & curis his omnibus carens, leo est, ignem spirat, generoso ac forti animo aduersus omnes insurgit, facile omnia agit, quæ prodesse possunt Ecclesys, sine opus sit, ut**

arguantur

arguantur aliqui, siue ut increpentur, siue ut Christi nomine ferantur pericula, & inimicitia: Quoniam qui semel vitam despectu presentem, magna facilitate conficit omnia. Quid enim timeret dic obsecro? Num ne opes eius auferantur? Hoc nemo poterit dicere. Num ne quis imminuat ei ministeria, & delicias? Sed in omnibus illis gaudere se dicit. Calumniceps est, & ad futuram festinat vitam. Non deprecabitur uem, si anima impendenda sit, & effundendus sanguis. Hinc est, quod etiam talis Tyrannis, Regibus, & populis, & omnibus potentior est, ac ditior. Et post pauca. Et ut discas, inquit, quod verè hæc, & non adulanter sunt dicta, & quod qui nihil possidet, hic omnium liberrimus est, & maximè libere eloqui audet. Quot diuites erant tempore Herodis? Quot potentes? & quis in medium prorupit? quis tyrannum increpauit? quis contemptas leges Dei ultus est? Diuitum quidem nullus, sed pauper ille, & inops, qui neque lectum, neque mensam, neque tectum habebat; ille inquam, solitudinis inquilinus Ioannes, ille solus, & primus omni libertate Tyrannum arguit, & adulterinas nuptias detexit, & presentibus omnibus, ac audientibus, pronuntiata sententia, eum condemnauit. Et ante hunc magnus quoque Elias, qui nihil præter melotem possidebat, impium & præuaricatorem illum Achab, solus viriliter corripuit, Nihil enim, nihil omnino sic libere loqui, & in rerum discrimine fiduciam habere, & contra captiuitatem satis munitum & fortem facit, ut nihil possidere, & nullis secularibus negotijs obui.

Tres sunt, inquit, radices Evangelicae & Apostolicae pauperiatis, seu principales partes, abdicatio omnis futuris, rerum temporalium moderatio, pauperiatis usus habitus, ad utrumque affectus. Tres sunt partes abstinentiae, scilicet enervatio carnalis amoris, & sollicitudinis, vitae suae sustentationis, non curare de abundantia, vel sufficientia victualium, & deliciarum, & ut parce oblati. Tria sunt à nobis singulariter fugienda & metuenda. Primum exterior distractio negotiorum. Secundum interior promotio, & exaltatio. Tertium temporalium rerum, & carnalium amicitiarum ad se, vel suos amicos, vel suum Ordinem. (Nota ad suum ordinem.) immoderata, vel inordinata affectio. Tria sunt à nobis singulariter exercenda & amplectenda. Primum Desiderium proprii contemptus, abiectiois, & externae vilificationis. Secundum viscerosa compassio ad IESU M Christum crucifixum. Tertium sufferentia persecutionum & martyriorum, pro dilectione cultus nominis Christi, Evangelicae viae. Haec tria sunt per quadam verba extensius per horas diei, gemitibus & ardentibus suspiriis postulanda. Tria sunt à nobis singulariter & quasi assidue meditanda. Primum Christus crucifixus, incarnatus &c. Secundum, status Apostolorum & fratrum praeteritorum nostri Ordinis: & hoc cum desiderio, ut illis conformemur. Tertium, status virorum Evangelicorum futurus. Et hoc debes die noctuque meditari: statum pauperrimorum, simplicissimorum, & mansuetorum.

humilium, subiectorum, & charitate ardentissima sibi
 coniunctorum, nihil cogitantium; aut loquentium,
 nec saporantium, nisi solum IESU M Christum,
 & hunc crucifixum, nec de hoc mundo curantium,
 sui que obliuorum, supernam Dei & beatorum gloriam
 contemplantium, & ad eam medullitus suspirantium,
 & ob ipsius amorem semper mortem sperantium, & ad
 instar Pauli dicentium, Cup. o dissolui, & esse cum
 Christo: & innúmerables ac inestimabiles thesauros diui-
 tiarū celestium, & super dulces mellifluos riuos diuitiarū,
 suauitatum, ac incunditatum, & super omnia mira-
 biliter expansos, & superinfusos. Et per conuersatio-
 nes imaginari debes eos ipsos, ut cantantes Canticum
 Angelorum cœniubilo, citharizantium in citharis
 cordis sui. Hæc imaginatio ducet te plusquam credi
 potest, in quoddam impatiens desiderium, aduersus
 illorum temporum. Ducet te in quoddam admirabile
 lumen, amoto omnis dubietatis ac ignorantie núbilo,
 & limpidissime videbis & distincte discernes omnes
 defectus istorum temporum, & immixtum, vel my-
 sticum ordinem Ecclesiasticorum Ordinum producto-
 rum & producendorum ab initio Christi, usq; ad finem
 sæculi, & usq; ad gloriam summi Dei IESU
 Christi. Crucifixum semper portans corde
 tuo, ut te ad suam eternam gloriam
 perducatur.

PROPOSITIO LXXXVII.

Quam etiam ob causam & S. Teresia Fundatrix Discalceatorum, quemadmodum scribit Didacus Xepesius Archiepiscopus Turiasonensis in eius vita, etsi quadam Monasteria sine ullis redditibus Deo reuelante fundauerit, postea tamen experientia subsequente edocta, distrahi animos procuracione eleemosynarum, quadam alia Monasteria, eodem Deo Magistra erexit, dotata redditibus: ut sine sollicitudine conquirendarum eleemosynarum, & ea quae illam comitatur distractione, Moniales Deo rebusque diuinis magis vacarent.

HÆC Propositio inconcinnè subnexa est à Theologo. Nunquid enim Monialibus incumbit vitia arguere; errantes corrigere, prædicare, & docere? Agitur enim hic de Religionibus prædicationi destinatis. Nihil ergo facit Theologus, nisi quod repetit, & Vigilantijs, & suum errorem. Dicere enim, quod sollicitudo conquirendarum eleemosynarum, annexa Religioni paupertatem communi profitenti, causat distractionem, quæ impedit, ne Religiosi Deo, rebusque diuinis magis vacent, est præferre possessionem bonorum in communi, carentiæ earundem, siue paupertati in communi, ut supra ostensum est. Id autem est hæresis Vigilantijs, ut S. Thomas supra allegatus docuit.

Cæterum id quod maiorem mihi admirationem parit est, qualiter Theologus in patrocinijsui erroris S. TERESIAM Matrem nostram, tantam paupertatis amatricem & cultricem, assumere non est veritus: & vnde suam positionem dirui potius timere deberet, inde eam magis engere atten-

oppositis tamen reuelationibus, in quibus præciperet ei Dominus, ut reditus acceptaret, nusquā constat. Porro de insigni effectu S. M. TERESIÆ erga Euangelicam paupertatem, & de varijs reuelationibus in quibus Christus Dominus eandem strictissimā paupertatē ei mirificē commendabat, & reditus quosuis acceptandos prohibebat, fusē scribit Ribera in eius vita lib. 2. C. 3. Placuit eius verba hic adferre.

Vnanimi quidem omnes (docti scilicet viri) consensu permultis ei suadere rationibus sunt conati, quod ipsa spectabat, minimē expedire ac consentaneum videri. Attamen cum & ex Regula præscripto pauperiem obseruandam, ac longe hanc maiorem perfectionem cerneret inuoluere, illorum ut sententia accederet, haud facile à se ipsa impetrare potuit. Quanquā vero interdum illorum cedere rationibus debere videbatur: cum tamen Redemptorem IESVM suam in cruce inopem & nudum ex altera parte videret, animum ipsa suum inducere ad stabiles possessiones admittendas non facile poterat. Hinc ipsa crebāt, ad non sequendam vocationem suam, & IESV Christi Domini nostri summa perfectione consilia non amplectenda, vlla se Theologia placita sensaque nolle admittere. Denique antequam Toletō ipsa abiret, Aloisiam de la Cerda, à pie memoria Petro de Alcantara interuisi contigit. Hunc igitur per occasionem B. Mater cum conuenisset, & super re quam agitabat consulisset; illius accedente consilio, firmiter cum animo suo statuit, census omnes excludere, nulliusque posthac quoad hanc controuersiam, sententiam explorare. Cum, deinde quadam vice enixē

illam in precibus Deo commendaret, insignem passuram, in eodem ab ipso audiuit. *Monasterium tuum, charissima, nullis censibus dota, id namque & Patris mei, & mea est voluntas. ipse tibi praesto futuris sum. Alias miris paupertatem modis apud ipsam depradicaui & magnam certis inproventibus consistere dixi confusionem; quin imò nihil illis oportunitatum ad vitam, necessariorum de fore sponndit, qui sibi sincere, & ex animo seruirent. Placuit hac illi responsio; atque adeò satisfecit: ut cum è corrogata collataque vivere et penitus animo sederet, omnes iam mundi facultates & thesauros sibi possidere videretur. Quanquam verò iam tota in sententiam hanc transierat, postea tamen non nihil in aliam visa est nutare: nisi nondum prorsus propenderet. Quod enim non mediocriter metueret, ne Abulensibus summa opum vi connutentibus, ut inchoata Monasterii molimina euanescerent, in suum tota rei domestica moles caput prorueret, si ex elemosynis suas vivere oportuisset, visum illi fuit, tum quidem vectigal stabile admittere, quod deinde rebus compositis ac tranquillatis haud difficili negotio abiceret. Nunc autem eius diei, quae tale à se pactum incundum esset, cum iam Orationi insisteret, apparuit ei Dominus dicens: Id pacti genus inire noli filia: si enim semel, reditus annuos possidere caperis, eos non ita facile post poteris repudiare. Hæc ibi. Et lib. 4. cap. 19. plurima ad idem spectantia adfert. Insuper cap. 26. eiusdem libri inter nonnullas relationes, quas S. Mater*

Mater TERESIA ad Confessariorum suorum
 quempiam conscripsit hanc etiam num. 37. recen-
 set verbis S. Matris. *In ys quæ ad pauperatatem spe-*
ctant, singularem mihi Dominus Deus videtur fecisse
gratiam, cum ea etiam, quibus humanus carere usus
non potest, habere nonnisi ex eleemosyna fidelium ac-
cepta velim: adeo ut eo in loco maximopere commorari
desiderem, ubi nonnisi mendicata & collata viuunt
stipe. Cum vero tali in domo ago, in qua certum sum,
nihil mihi quoad victum & vestitum defuturum, non
tali votum paupertatis; & Domini nostri IESU Chri-
sti consilium adimplere videor perfectione, quali eo in
domicilio, in quo nullis viuunt prouentibus, atque
sæpe rerum necessariarum laboratur defectu. Quæ
vero per veram pauperatatem acquiruntur bona, ma-
xima sunt, nec horum facere iacturam velim. Sæpe me
tanta cumulata fide reperio, ut Deum non posse
desse existimem, ys, qui toto ex corde illi serui-
unt: & certa sum non esse, nec futurum tempus,
quonon illius verba non adimplenda sint, ita ut ali-
ter mihi persuadere non possim, nec timere quidquam.
Quo circa crux mihi est, & pœna maxima, cum
amicis mihi consulunt, ut stabiles in Cœnobia mea pro-
uentus inducam, ac proinde tum me ad Deum conuerto.
 Hæc S. Mater. Possem & multa alia hic adducere, ex qui-
 bus manifestè colligere liceat, quantum S. Mater TERE-
 SIA erga pauperatatem affecta fuerit, et de mente ac inten-
 tione ipsius, an Monasteria Monialium voluerit habere do-
 tata redditibus; sed quia consulto nolo librum rebus meæ
 Religionis replere, ne laus ex ore proprio sordescat, ideo su-

non morem geratis secularibus, oporteat vos pati penuriam victus. Commoneo vos serio, ne victum vobis conquiratis modis secularium, verita, ne famem patiamini. Converterite potius oculos vestros ad vestrum sponsum qui vos nutrit. Quando in veritate placebitis ei, licet si ex parte vestra nullam apposueritis curam, ille metipsum qui vobis addicti fuerint, vitæ necessaria vobis providebunt; quemadmodum id sæpius iam experientia ipsa probatum est. Quod si etiam vos aliquando per observationem huius mee admonitionis, famem tolerare contingat, o quam felices tunc erunt Moniales istius Monasterii S. Ioseph? Per amorem Dei vos obtestor, ne huius admonitionis oblitiscimini. Dimisistis redius, dimittite quoque sollicitudinem circa victum. Nam si aliter feceritis, omnia amittetis. Et post pauca: Quoniam vestra sollicitudo aliorum mentes flectere nequit, ut corda aliorum ad dandas vobis elemosynas inclinare possitis, ideo satius est relinquere istum cogitatum illi, qui omnium prouentuum est Dominus, & in sua manu eos tenet, scilicet Domino Deo, cuius nutu subleuantur nostra necessitates. Fideles sunt promissiones eius, falli non possunt. Potius mutari potest cælum, & terra, quam verbum illius. Tantummodo nos fideles simus Domino Deo, certissimo ipse nobis erit fidelis. Et iterum: Memineritis sorores hanc admonitionem magni momenti & post meam mortem multum vobis profuturam: ideoque illam in scriptis relinquo, quando cum vobiscum superero frequenter illam vobis volo inculcare. Ipsa enim experta sum, eam plurimi

inter

inter esse Quò minus habeo, eò à curis expeditiorem me inuenio. Testis est mihi Deus (ut ita clarè loquar) quod grauius angor rerum copia, quam inopia. Fortasse istius meæ persuationis ratio hæc est, quia in me ipsa experia sum, quod in defectibus clementissimus Deus citò de necessarijs prouidet. Et rursus: Credite mihi Sorores meæ, quod propter vestrum commodum maiorem mihi Deus impertitur lucem ad intelligendum, quanta bonâ contineat sancta paupertas. Hi qui experiuntur, fortassis non perueniunt ad tantam experientiam, ad quantam ego deueni, quia non solum pauper non fui interius, quamuis ad hoc voto me obligaueram, sed neque hoc ipsum intelligebam. Magna est hæc utilitas paupertatis, quæ omnes consolationes quotquot sunt in mundo complectitur; habere dominium omnium (et id, identidem repetens) diuitiarum; quod quilibet fatebitur, qui de illis nihil curat. Quid ego curo de Regibus, vel alijs Magnatibus, sicorum diuitias non requiro, neque eis in aliquo morem gerere volo, præsertim si vel cum minima offensa diuinæ Maiestatis id fieri oporteat? Quid mihi de honoribus mundanis; quandoqui, dem ego satis experia sum, in quo consistat honor veri pauperis, qui certè non est alius, quam verè pauperem esse? Teneo firmiter quod honores mundi diuitias simul comitantur. Qui honorem querit in mundo, querit et affluentiam diuitiarum: qui non curat de diuitijs, nec de honoribus curat. Intelligatur hoc benè. Dico quod secundum meam sententiam ambitio honoris semper comitatur

imitatur cupiditatem magnorū reddituum. Grande enim hoc miraculum esset, inuenire talem in mundo, qui vellet honoratus euadere, & esse pauper. Et quamuis etiam talis forsan inueniretur, nihil tamen aestimaretur. Vera paupertas tantam reuerentiam conciliat, ut agrè possit tolerari ab alio: loquor autem de paupertate voluntaria, ob amorem Dei suscepta, quæ non potest satiari vlla re præterquā ipso Deo. Et iterum: Curemus per Deum stricte obseruare hanc paupertatem: tanto magis, quia ipsa est telum nostrū: quæ in exordio foundationis nostri Ordinis, adeo in magna aestimatione & obseruantia fuit apud illos priscos Patres nostros, prout mihi constat ex relatione illius, qui bene nouit, quod etiam nihil prorsus ex hodierna die in crastinū reseruare sōleret. Sitam perfecte non obseruamus illam pro nunc exieris, saltem id ipsum interiori affectu compensemus. Vita nostra durat quasi duabus horis: at merces est immensa. Et quamuis nil amplius nobis foret expectandum, nisi quia per hoc consilium Christi adimplemus, magnum id certè esset præmium; quod aliquis possit in quopiam sequi Dominum suum. His considerationibus vexilla nostra insignienda sunt: taliter ut firmiter statuamus, exprimere hanc doctrinā in domibus nostris, in vestibus, in sermone, & maxime in animo. Quamdiu hoc obseruaueritis, ne timeatis de ruina vestri Ordinis. Deo propitio. Solebat dicere S. Clara, sublimes esse

&

tulum suspicionis, quasi nimirum vellem manipulum Religionis meæ, altius præ cæteris eleuare; quod non intendo: imò potius Congregationem nostram omnium minimam libenter profiteor.

PROPOSITIO LXXXIX.

Ideò nonnullis Religionibus bona immobilia & mobilia necessaria sunt, ut eorum honesto & moderato usu vires corporis foueant, & sine solitudine conquirendi necessaria, pro victu, & vestitu, aliisque rebus, toti sese impendant procuranda aliene salutis, diuinæque gloriæ amplificanda.

HIC tangitur punctum difficultatis, & questionis quæ versatur inter me & Theologum, an videlicet necesse sit Religionibus Prædicationi destinatis, bona immobilia possidere? Theologus inter terminis asserit, talibus Religionibus bona immobilia necessaria esse. Ego autem dico, quòd Religionibus prædicationi destinatis, non est necesse quod possideant bona immobilia, & reditus in cōmuni; imò magis expedit eis, quòd colant paupertatem non solum in particulari, sed etiam in cōmuni: hæc est, cum abdicatione omnium possessionum. Hæc sententiā non est mea, sed Angelici Doctoris, cuius doctrinæ Theologus voluntariè se submitit. Et ideò mōx proferam loca eiusdem S. Doctoris. Quòd ergò non sint necessaria bona immobilia, siue possessiones Religionibus prædicationi incumben-
tibus, inprimis deduco ex eo capite. Theologus enim conatur digito monstrare Religionem perfectissimam in Ecclesia Dei, quam vult esse prædicatorem verbi Dei; quia talis Religio, inquit ille, accedit proxime

la fte gregis non manducat? Quæ omnia & plura alia exempla inducit, ut Glossa dicit, ad ostendendum, quod Apostoli non sibi aliquid supra debitum usurpant, sicut Dominus constituit, ex Evangelio viuentes panem gratuitum manducabant, ab eis sumpsum, quibus gratuitam gratiam prædicabant: Sed constat quod militi cuilibet, & plantatori vineæ, & pastori gregis debetur victus ex suo opere, propter hoc quod in opere laborant. Cum ergo in Evangelio laborem habeant prædicando, non solum Prelati, sed etiam quicumque aly licite prædicant, utique possunt ab his, quibus licite prædicant, panem accipere, unde sustententur. Item Apostolus probat, quod poterant Apostoli temporalia accipere ab eis, quibus prædicabant, quia eis spiritalia seminabant; sed qui dat magna, non est mirum si accipiat parua. Unde dicit in eodem cap. Si nos vobis spiritalia seminauimus, magnum est, si nos carnalia vestrametamus? Sed eadem spiritalia, quæ prædicant Prelati prædicant aly ex eorum authoritate. Ergo etiam ipsi possunt ab his, quibus prædicant, carnalia accipere, unde viuant. Item in eodem Cap. dicit Apostolus: Dominus ordinauit his qui Euangelium annuntiant, de Euangelio viuere. Glossa: Hoc rationabiliter fecit, ut expeditiores sint ad prædicandum verbum Dei: sed omnes qui ad prædicandum deputantur, oportet esse expeditos ad prædicandum siue sint prelati, siue authoritate prelatorum prædicent; Ergo ad eos etiam qui non sunt Prelati, or-

dinatio Domini se extendit, ut de Euangelio uiuant. Quod etiam patet ex ipsis verbis Apostoli. Non enim dicit: qui habent ordinariam auctoritatem; sed simpliciter: qui annuntiant. Item Luca decimo: Dominus discipulis missis ad predicandum dicit: In eadem domo manete, edentes, & bibentes quae apud illos sunt. Dignus est enim operarius mercede sua. Ex quo patet, quod praedicatori, quasi merces debetur victus, ab his quibus praedicat, ut patet ibidem per glossam, quae dicit: Nota quod uni operi praedicatorum, duae mercedes debeantur. Una in via, quae nos in labore sustentat; alia in patria, quae nos in resurrectione remunerat: sed merces non debetur potestati, vel auctoritati, vel habitui: sed actui, quia solum actibus meremur. Vnde & Philosophus in 1. Ethicorum dicit: Quemadmodum in Olympiadibus, non optimi & fortissimi coronantur, sed agonizantes: horum enim quidam vincunt, ita & eorum, qui in vita bonorum & optimorum operantes recte illustres fiunt. Et hoc est etiam quod Apostolus dicit 2. Tim. 2. Non coronabitur, nisi qui legitime certauerit. Ergo illi qui praedicant, siue sint prelati siue non, dummodo licite praedicent, possunt in Euangelio viuere. Item magis laborant in Euangelio illi, qui praedicant, missi à Prelatis, quam illi, ex quorum collegio mittuntur, vel qui mittunt eos de voluntate prelatorum. Sed illi, ex quorum collegio praedicatores mittuntur, quamuis non sint Prelati, possunt viuere de elemosynis acceptis ab his, quibus Euangelium

gelium predicant, quod patet ex hoc, quod dicitur Roman. 15 Probauerunt Macedonia & Achaia, collationem aliquam facere in pauperes Sanctos, qui sunt in Hierusalem. Placuit enim eis, & debitores sunt eorum. Nam si spiritualium eorum participes facti sunt gentiles (Glossa, eorum: id est; Iudeorum, qui miserunt eis predicatorum ab Hierosolymis.) debent & in carnalibus ministrare eis. Isti autem pauperes, non possunt tantum intelligi Apostoli, quia non oportebat pro Apostolis solum, qui duodecim erant, & paruo victu contenti, facere collectas per omnes Ecclesias, & precipue, cum ipsi et victum acciperent ab his quibus predicabant, ut patet 1. Cor. 9. Ergo multo fortius. illi qui predicant, quamuis non sint prelati, sed à prelati missi, possunt de Euangelio vivere. Hæc S. Thomas, & ad idem plura alia, quæ consulo intermittuntur. Dices Theologe, Hæc contra te non facere. Imò vero plurimum faciunt. Tu enim id quod est potestatis, & liberæ electionis, facis necessitatis. Ais enim: Bona immobilia sunt necessaria, ut Religiosi nonnulli eorum honesto & moderato usu vires corporis foueant, & sine solitudine conquirendi necessaria, pro victu, & vestitu. alijsque rebus toti se impendant procuranda alienæ salutis, diuinæq; gloriæ amplificandæ. Quare non dixit Theologus, Religiosi tales possunt bona immobilia possidere: sed dixit: necessaria sunt eis bona immobilia? Aliud est enim posse aliquid licite haberi: aliud verò necesse esse haberi. Et aduertat Theologus, quod S. Thomas indicauit esse errorem Vigilanti doctrinam eorum, qui dicunt Religiosos non debere de eleemosynis viuere, sed commu-

nes possessiones habere. Ad hanc enim doctrinam accedit, eo quod necessitatem habendi bona immobilia, Religiosis Prædicatoribus imponit; quod potius potestati & arbitrio relinquendum erat.

Tertio ostenditur Religiosis Prædicatoribus non necessarias communes possessiones, sed magis expedire mendicitatem, quia eis maximè expedit humilitas, ad quam confert mendicatio. *Illi enim videntur abiectissimi* (ait S. Thomas 2. 2. q. 187 ar. 5. in corp.) *inter homines esse qui non solum pauperes, sed in tantum sunt egenies, quod necesse habent ab alijs victum accipere.* Et secundum hoc causa humilitatis aliqui laudabiliter mendicant, sicut & alia assumunt, quæ ad abiectiorem quandam pertinent, quasi efficacissimam medicinam contra superbiam, quam vel in se ipsis, vel etiam in alijs per exemplum extinguere volunt. Sicut enim infirmitas, quæ est ex superexcessu caloris, efficacissime sanatur per ea, quæ in frigiditatem excedunt: ita etiam pronitas ad superbiam efficacissime curatur per ea, quæ multum abiecta videntur. Et ideo dicitur in Decret. Depœnit. dist. 2 Si quis semel exercitio humilitatis, si quis se vilioribus officijs subdat, & ministerijs indignioribus iradat: ita namque arrogantia, & humanæ gloriæ vitium curari poteris. Unde Hieronymus in Epist. ad Oceanum commendat Fabiolam in hoc, quod optabat ut suis divitijs pariter effusis pro Christo, stipem acciperet, quod etiam B. Alexius perfecit, qui omnibus suis pro Christo dimissis, gaudebat se etiam à servis suis elemosynas accepisse: Et de

B. Alex.

B. Arsenio legitur in *vitis Patrum*, quod gratias egit de hoc, quod necessitate cogente oportuit eum eleemosynas petere. Unde in pœnitentia pro grauibz culpis inungitur aliquibus, ut peregrinentur mendicantes. Hæc ibi. Quia ergo Religiosis Prædicatoribus expedit humilitas, ne forte in superbiam elati in laqueum incidant Diaboli, ideo expedit eis mendicitas, quæ conducit ad humilitatem. Ad quod etiam facit, quod S. Thomas Opusc. 19. Cap. 7. ait: *Assumere mendicitatem propter Christum, ad perfectionem vite pertinet sicut & cetera pœnitentia opera in quibus Religionēs fundantur. Et mox: Sicut ea, quibus maceratur corpus, ut ieiunium, vigilia, & huiusmodi, valent contra concupiscentiam carnis: ita ea, quæ ad humilitatem pertinent, valent contra superbiam spiritus, quæ non minus est fugienda, quam concupiscentia carnis, cum etiam peccata spiritalia sint maioris culpæ, ut Gregorius dicit. Sed nihil potest esse inter opera pœnitentiæ, quod hominem magis humilem & abiectum reddat, quam mendicatio. Unde naturaliter omnis homo mendicare erubescit. Ergo sicut ad statum perfectionis pertinet, quod homo ieiunium & vigiliis assumat, ut carnis concupiscentiam domet; ita ad perfectionem vite pertinet, si quis mendicitatem assumat propter Christum, ut spiritum humiliet.* Hæc ibi. Quarto præterea, quod secundum mentem S. Thomæ, expediat Religiosis prædicationi destinatis, possessiones communes non,

T 3

habere-

habere, patet apertè ex his, quæ habet 2. 2. q. 188. ar. 7. in corp. *Manifestum est*, inquit, quòd ad exteriora, & corporalia opera viæ actiue, indiget homocopia exteriorum rerum: ad contemplationem autem pauca requiruntur. Vnde Philosophus dicit in 10. Ethic. quod ad actiones multis opus est, & quanto utique maiores sunt & meliores, pluribus. Speculanti autem nulli alium ad operationem est necessitas, sed solis necessarius indiget: alia vero impedimenta sunt ad speculationem. Sic ergo patet, quod Religio quæ ordinatur ad actiones corporales actiue vite, puta ad militandum, vel ad hospitalitatem sectandam, imperfecta esset, si communibus careret diuitijs. Religiones autem quæ ad contemplatiuam vitam ordinantur, tanto perfectiores sunt, quanto earum paupertas minorem eis sollicitudinem temporalium ingerit. Tanto autem sollicitudo temporalium rerum magis impedit Religionem; quanto sollicitudo spiritualium maior ad Religionem requiritur. Manifestum est autem, quod maiorem sollicitudinem spiritualium requirit Religio, quæ est instituta ad contemplandum, & contemplata alijs tradendum per doctrinam, & predicationem, quam illa, quæ est instituta ad contemplandum tantum. Vnde talem Religionem decet paupertas talis, quæ minimam sollicitudinem ingerit. Manifestum est autem, quod minimam sollicitudinem ingerit, seruare res vsui hominum necessarias, tempore congruo procuratas & ideo tribus gradibus Religionum supra positis,

triplex

triplex gradus paupertatis competit. Nam illis Religionibus, quæ ordinantur ad corporales actiones actiue vite, competit habere abundantiam diuitiarum communium. Illis autem Religionibus, quæ sunt ordinate ad contemplandum, magis competit habere possessiones moderatas, nisi simul oporteat tales Religiosos per se, vel per alios, hospitalitatem tenere, & pauperibus subuenire; illis autem, quæ ordinantur ad contemplata alijs tradenda, competit vitam habere maximè ab exterioribus sollicitudinibus expeditam. Quod quidem fit, dum modica, quæ sunt necessaria vite, congruo tempore procurata conseruantur. Hæc ibi. Ex quibus manifestè patet, quod Religionibus destinatis prædicationi, competit modica quædam necessaria vitæ conseruare, quia eas decet paupertas talis, quæ minimam sollicitudinem requirat. Non ergo possessiones communes ex mente S. Thomæ debet habere.

Quintò monstratur id quod intenditur, exemplo Christi, & Apostolorum, qui pauperem vitam, & in communi, & in particulari duxerunt, ut supra ostensum est, & in modo viuendi eorum, clarè expressus erat finis salutis animarum quàm plurimarum, vt ait Theologus. Illam autem Religionem perfectissimam ne dubita, inquit idem, quæ est vite, & muneri Apostolico simillima. Christum & Apostolos imitati sunt Gloriosissimi Religionum prædicationi incumbentium, & tamen mendicantium, Funditores, Franciscus, Dominicus, Ignatius, qui suis filijs paupertatem in communi maximè commendauerunt Sed præclarè exempla Sanctorum commemorat S. Bonauentura. Opus. de Paupert. Christi art. 2. Ad hoc inquit,

plurimi pauperes, imperiti, ac totius eruditionis extranei, in fame & egestate viuentes, ignobiles. Ergo discipuli Pauli fuerunt mendici. Item ad hoc exemplum de B. Benedicto, de quo legitur in 2. Dialog. quod per triennium fuit in specu, nihil omnino operans, sed Romanus quidam Monachus sibi panem ministrabat, & constat, quod Benedictus in hoc non peccabat. Item exemplum de S. Alexio, qui fuit vir mirae sanctitatis, in cuius Legenda legitur, quod cum esset filius diuissimi Romani, contempro patrimonio, iuit mendicando per mundū. Et infra. Item ad hoc est exemplū de B. Francisco qui non solum mendicauit, & mendicare consulit, sed etiam mendicationē suam miraculis confirmauit, sicut patuit in nautis, quos ciborum suorum reliquijs faciauit, & satiatos liberauit; & per regulam, quam à Summo Pontifice approbatam, confirmari fecit, in qua dixit quod fratres in paupertate, & humilitate Deo famulantes, vadant pro eleemosyna confidenter &c. Item Moralib. super illud. Noctes laboriosas enumerauit Gregor. in mihi. Electi conditori rerum seruiunt, & saepe rerum inopia coangustantur, per amorem Deo inhaerent, & tamen subsidys praesentis vitae egent. Egere ergo subsidys praesentis vitae, competit Sanctorum perfectioni. Item Hieronym. in Epist. ad quendam virum hospitalem. Multius a te per insulas Dalmatiae Sanctorum numerus sustentatur, sed melius faceres, si & ipse Sanctus inter Sanctos viueres. Ergo melius est de eleemosynis viuere, quam eleemosynas dare. Hæc

& plura alia S. Bonauentura. Quæ concludens sic ait : *Si quis impugnare & improbare velit omnem mendicandi modum in seruis Christi impugnare videtur non tantum Ordinem pauperum, verum etiam ipsum Summū Pontificem, qui approbavit hunc viuendi modum. Nec etiam tantum ipsum, verum etiam hunc magnum catum Sanctorum qui mendicauerunt, videlicet Franciscum, Dominicum, Alexium, Benedictum, (addo ego Ignatium) & ipsum cuneum Apostolorum, & Prophetarum, nec non ipsum Dominum Iesum Christum, quem Scriptura non vereatur dicere pauperē & mendicū, cum maiora de ipso dicat & sentiat fides nostra, scilicet quod pro nobis non tantū pauper & mendicus fuit propter nostrum exemplum, sed etiā nudatus & vilificatus, usque ad abiectionis genus extremum, ut exemplum daret perfecte contemnēdi mundū.* Hucusque S. Bonauentura. Aliæ rationes, quare Religiosis Prædicatoribus verbi Dei expediat paupertas in communi, possunt facile peti ex superioribus; ideo hic non adducuntur.

Restat audire argumenta Theologi, & eis respondere. Primum argumentum eius est. *Nonnullis, inquit, Religiosis, bona immobilia necessaria sunt, ut eorum honesto & moderato usu vires corporis foveant.* Ego autem dico, imò summa paupertas, & magna austeritas necessaria est talibus Religiosis, ut extenuent vires corporis sui (quemadmodum supra probatum est) & ut castigent corpora sua, & in seruitutem redigant, ne forte cum alijs prædicauerint, ipsi reprobī efficiantur. Ideo S. Thomas sapiens ante citatus 3. p. q. 41. art. 3, ad 1. ait. *Christus post*

baptismum

baptismum, austeritatē vitæ assumpsit, ut doceret, post carnem edomuat oportere alios ad prædicationis officiū transire, Non ergo prædicatoribus Euangelicis corpus fouendū, non vires corporis corroborandæ, sed extenuandę sunt. Secundū argumentū Theologi est. Bona immobilia nonnullis Religiosis necessaria sunt, ut sint sine sollicitudine conquirendi necessaria, pro victu, & vestitu, alijsq; rebus. Hęc ratio eneruat, fiducia, quā debent habere prædicatores in Deum, & qua adiuti, non debēt esse solliciti de temporalibus. Qualis, inquit S. Ambrosius in Luc lib. 6. C. 9. debeat esse, qui euangelizat regnum Dei, præceptis Euangelicis designatur, ut sine virga, sine pera, sine calceamento, sine pane, sine pecunia, hoc est, sub fidij secularis adminicula non requirens, fideque tutus, putet, quo minus ista requirat, magis posse suppetere. Ad idem facit quod venerabilis Beda suprà Mar 6. Comment. 24. Tanta, inquit, prædicatorum debet esse fiducia, ut presentis vitæ sumptibus quāvis non provideant tamen sibi hos non deesse, certissimo sciant, ne, dū occupatur mens ad temporalia, minus alijs provideant æterna. Et Rabbanus super Matth. 19. Nolite possidere aurū &c. Consequēter, inquit, hoc præcepit euangelizantibus veritatis, quibus antea dixerat, gratis accepistis, gratis date. Si enim sic prædicāt, ut pretium non accipiant, superflua est auri & argenti, nummorumque possessio, nam si hæc habuissent, videbantur non causa salutis hominum, sed causa lucri predicare. Et ne quis putet

tet, Prædicatores non debere tantum superflua possidere, consideret id quod dicit S. Hieronymus supra eundem locum: *Qui diuitias deiruncaret, quæ per aurum, & argentum, & æs signantur, prope modum & vitæ necessaria amputat, ut Apostoli, Doctores vera Religionis, qui instituebant omnia Dei providentia gubernari, seipsos ostenderent. nihil cogitare de crastino. Tertium argumentum Theologi est: Bona immobilia sunt nonnullis Religiosis necessaria, ut sine sollicitudine toti sese impendant procuranda alienæ salutis. Imò verò paupertas in communi necessaria est talibus Religiosis, ut diserte probat S. Bonaventura in Apol. Paup. Valet inquit sc. paupertas, ad publicationem Evangelicæ prædicationis. Primum, quia facit eam magis credibilem. Unde Chrysostomus ubi supra: Talis est luminis virtus, ut non solum luceat, sed & illuc ducat illos, qui sequuntur. Cum enim viderent omnia præsentia nos contemnentes, & ad futura præparatos, ante omnem sermonem, operibus nostris credent. Quis enim ita est amens, ut videns eum, qui & antea lasciuiebat, & ditabatur, omnia exutum, & ad famem, & ad inopiam, & duram vitam, sanguinem, occasionem, & omnia quæ videntur periculosa præparatum, non manifestam accipiant hinc factorum demonstrationem? Si autem nos presentibus implicauerimus & immiscuerimus, qualiter poterunt credere, quod ad possessionem aliam festinemus? Hucusque Chrysostomus*

mus

mus. In his clare demonstrat, quod voluntarie paupertatis exemplum in predicante, magis credibilem facit Evangelicam predicationem. Secundo etiam valet, quia magis reddit efficacem, iuxta quod Damascenus lib. 3. dicit: Evangelium agnitionis Dei predicatum est, non bellis, non armatis exercitiis aduersarios deuincens, sed pauci, nudi, pauperes, persecuti, verberati, mortificati, Crucifixum in carne, & mortuum, & dominantem predicantes, sapientibus, & insipientibus prauauerunt. Hec Damascenus. Horum imitatores illi fuerunt, de quibus in Ecclesiastica Historia lib. 3. dicit Eusebius: Quidam ardentiori diuina sapientia cupiditate succensi, animas suas verbo Dei consecrabant, ex plentes perfectionis salutare praeceptum ut facultates suas primo pauperibus diuidentes, expediti ad predicandum Evangelium fierent, Tertio quia efficit eam magis acceptabilem. Unde super illud Matth. Dignus est operarius cibo suo, dicit Chrysostomus. Manifestum est quoniam à discipulis eos cibari oportebat, ut neque ipsi magna sapiant, aduersus eos, qui dicebantur omnia praeabentes, & nihil acceptantes ab ipsis, nec illi rursus abscindantur, tanquam despecti ab ipsis. Cum igitur voluntaria rerum penuria Evangelij predicationem magis reddat credibilem, efficacem, acceptabilem, ac per hoc auditores inducat ad fidem, erigat ad spem, alliciat ad charitatem, manifestum est quod maxime valet ad Evangelicæ veritatis publicationem. Cuius etiam

euidens

indiciū est, quod per Apostolos, pauperes rebus, & spiritu, quanquā numero paucos, diffusa est Euangelica veritas in orbem vniuersū, ut de ipsis vere d. Etum sit: In omnem terrā exiuit sonus eorum. Vnde Chrysostomus super Matth. Si autem homines duodecim orbem terrarum conuerterunt, excogita quanta est nostra malitia, cum tanto existentes, eos, qui reguntur non possimus corrigere quos decem millibus mundis oportebat sufficere, & esse fermentū. Sed signa ait habebant? Sed non signa eos mirabiles fecerunt. Multi enim & demones proycentes, quia iniquitatem operati sunt, facti mirabiles, sed puniti. Sed quid inquam est, quod eos ostendit magnos? Pecuniarum contemptus, gloriæ despectus, ab omnibus vitæ huius negotijs ereptio, quæ si non habuisset, & si decem millia mortuos suscitassent, non solum nulli profecissent, sed & seductores aestimati essent: Huc usq; Chrysostomus. Qui & his patenter ostendit, quod nihil tantum valuit ad dilatandum Christi Euangelium, quam perfectus contemptus rerum mundanarum. Hæc S. Bonauentura. Ex quibus patet, quantū valeat ad prædicationem Euangelij, paupertas in communi. Sed iam vide, si placeat quale nam sit istud paradoxum Theologi? Ideo nonnullis Religiosis necessaria esse bona &c. ut toti sese impendant procurandæ alienæ salutis. Quid ergo reseruabant sibi suæque salutis, si toti sese impendunt alienæ? Audi Theologe consilium Bernardi ser. 18. super Cantica. Quamobrem si sapias concham te exhibebis, non canalem. Hic si quidem penè simul, & recipit, & effundit. Illa vero, donec impleatur expectat, & sic quod superabundat, sine suo damno

damno cōmunicat, sciens maledictum, qui partem suā faciū deteriorē. Et ne meum consiliū contemptibile ducas, audi sapientiorē me. Sultus (aut Salomon) profert totum spiritum suum simul, sapiens reservat in posterū. Verum canales multos hodie habemus in Ecclesia, conchas vero perpaucas. Tanta charitatis sunt, per quos nobis fluentia cœlestia emanant, ut anie effundere, quā infundi velint, loqui quā audire paratiores, & prompti docere quod non didicerunt, & alyis praeesse gestientes, qui seipsos regere nesciunt. Ego nullū ad salutem pietatis gradum illi anteponendum existimo, quem sapiens posuit dicens: Misere anime tua placēs Deo. Quod si non habeo nisi parumper olei, quo ungar, putas tibi debeo dare, & remanere inanis? Seruo illud mihi, & omnino nisi ad Prophetiae iussione, non profero. Si institerint rogantes aliqui ex his, qui forte existimant de me supra id quod vident in me, aut audiunt ex me, respondebitur eis: Ne forte non sufficiat nobis, & vobis, ite potius ad vendentes, & emite vobis. Sed charitas, inquis, non querit quæ sua sua Et tu scis quamobrē? Non querit quæ sua sunt profecto, quia non desunt. Quisnam querat, quod habet? Charitas quæ sua sunt, id est propria saluti necessaria, nunquam non habet. Sed non solum habet, sed etiam abundet. Vult abundare sibi, ut possit & omnibus. Servat sibi quantum sufficiat, ut nulli deficiat. Alioquin si plena non est, perfecta non est. Ceterum tu frater, cui firma satis propria salus nondū est, cui charitas adhuc aut nulla est aut adeo tenera,

quatenus

quatenus omni statui cedat, omni credat spiritui, omni
 circumferatur vento doctrina, imò cui charitas tanta
 est, ut ultra mandatum quidem diligas proximum,
 tuum plusquam te ipsum, & rursus tantilla, ut con-
 tra mandatum, favore lique scat, pauore deficiat,
 perturbetur tristitia, auaritia contrahatur, protra-
 hatur ambitione, suspicionibus inquietetur, conui-
 tijs exagitetur, curis enisceretur, honoribus iumeat,
 linoret abescat: tu inquam ita in proprijs temetipsum sen-
 tiens, quanam dementia quaso aliena curare aut ambis
 aut acquiescis? Sedenim audi, quid consulat cauta
 vigilque charitas. Non quod alijs sit remissio, vobis au-
 tem tribulatio, sed ex equalitate. Dicit enim David:
 Sicut adipe & pinguedine repleatur anima mea, & labijs
 exultationis laudabit os meum: infundi nimirum
 prius volens, & sic effundere. Nec solùm infundi
 prius, sed impleri: quatenus de plenitudine eru-
 ctaret, non oscitaret de inanitate. Cautè quidẽ,
 ne quod alijs remissio, sibi esset tribulatio. Et nihi-
 lom minus castè, imitans eum, de cuius plenitu-
 dine omnes accepimus. Disce & tu nõnisi de ple-
 no effundere, nec Deo largior esse velis. Concha
 imitetur fontem. Non manat ille in riuum,
 nec in lacum extenditur, donec suis satiatur
 aquis. Non pudeat conchã non esse suo fonte pro-
 fusio rem. Denique ipse fons vitæ, plenus in se-
 ipso,

ipso, nonne primò ebulliens, & saliens in proxima secreta cœlorum, omnia impleuit bonitate, & tunc demum impletis secretioribus, superiobusque partibus, eripit ad terras, & de superfluo homines, ac iumenta saluauit, quemadmodum multiplicauit misericordiam suam Deus? Prius interna repleuit, & sic exundans ex multis miserationibus suis uisitauit terram, & inebriauit eam, multiplicauit locupletare eam. - Ego & tu fac similiter. Implere prius, & sic curato effundere. Benigna prudensque charitas affluere consueuit, non effluere. Filii mi, ne pereffluas, ait Salomon. Et Apostolus, Propterea, inquit, debemus intendere his, quæ dicuntur, ne forte pereffluamus. Quid enim? Tu ne Paulo sanctior? Sapientior Salomone? Alioquin nec mihi sedet ditari, ex te exinanito. Si enim tu tibi nequam, cui bonus eris? De cumulo, si uales, adiuua me; sin autem, parco tibi. Hæc Bernardus. Alloquar te ego Theologe rursum verbis eiusdem Bernardi lib 3. de Consideratione. Si totus vis esse omnium, instar illius, qui omnia omnibus factus est, laudo humanitatem, sed si plena sit. Quòodo autem plena te, excluso? Et tu homo es. Ergo ut integra & plena sit humanitas colligat & te intra se sinus, qui omnes recipit. Alioquin quid tibi prodest, iuxta uerbū Domini, si uniuersos lucreris, te unum perdens? Quāobrem cum omnes te habeāt, esto tu etiā ex habentibus unus.

Z

Qui

Quid solus defraudaris munere tui? Usquequò vādens spiritus, & non rediens? Usquequò non recipi te & ipse inter alios vice tua? Sapientibus, & insipientibus debitor es, & soli negas te tibi? Stultus & sapiens, seruus & liber, diues & pauper, vir & fœmina, senex & iuuenis, & clericus & laicus, iustus & impius, omnes pariter participant te, omnes de fonte publico bibunt, pectore tuo? & tu seorsum sitiens stabis? Si maledictus qui partem suam fecit deteriorem; quid ille, qui se penitus reddit expertem? Sane deriuentur aqua tua in plateas, homines, & iumenta, & pœcora bibant ex eis; qui & camelis pueri Abrahæ potum tribuas: sed inter ceteros bibe tu de fonte pueri. Alienus inquit, non bibat ex eo. Nunquid tu alienus? Cui non alienus, si tibi es? Denique qui sibi nequam, cui bonus?

PROPOSITIO XC.

Et hoc Dominus, inquit S. Thomas loco citato, paupertatis institutor docuit suo exemplo. Habebat enim oculos Iudæ commissos, in quibus recondebantur ei oblata, ut habetur Ioann. 12.

HÆC Propositio falsam & mutilatam citationem continet & Theologū semper infidelem demonstrat, quia ea quibus sta-

tim

posset conuelli consultò omisit. Subiungit enim S. Thomas : *Nec obstat, quod Hieronymus dicit super Matth. Quod si quis obijcere voluerit, quoniam Iudas pecuniam in oculis portabat : respondemus ; quod rem pauperum, in suos usus conuertere, nefas putauit ; scilicet soluendo tributum : quia inter illos pauperes precipue erant discipuli, in quorum necessitates pecunia oculorum Christi expendebatur. Dicitur enim Ioann. 4. Discipuli abierunt in ciuitatem, ut cibos emerent. Et Ioann. 13. dicitur, quod discipuli putabant, quia oculos habebat Iudas, quod dixisset ei IESVS : Eme ea quæ opus sunt nobis ad diem festum, aut egenis aliquid daret.* Hæc S. Thomas. Ex quibus clare patet, quod Christus oculos habuit, ut pecunia ipsorum in usus pauperum conuerteretur, inter quos tamen pauperes erant & Apostoli. Quod subtrahit Theologus. Sed quia hoc argumentum est commune eorum, qui impugnant paupertatem in communi, ut patet ex Opusculis SS. Thomæ & Bonauenturæ : ideo adducenda sunt ea, quæ hi SS. Doctores dicunt ad confutationem huius argumenti. Reuera enim perbellum est argumentum. Christus habuit oculos. Ergo Religiosi habeant oculos, scilicet, aureos. Simile est illud: Apostoli conseruabant pretia. Ergo Religiosi habeant prædia. Nimirum parua est differentia inter pretia & prædia. His argumentis utitur & noster Grammaticus : sed errauit, voluit dicere Theologus. In gratiâ ergo eius promam dicta Sanctorum. In primis ergo S. Thomas Opusc. 19. Cap. 6. ait *At illud quod octauo loco obijcitur dicendum, quod quamuis non sit*

præceptum, quod nihil pecunie ad usus necessarios
 reſeruetur, eſt tamen conſilium, nec Dominus lo-
 culos habuit, quaſi alias ei non potuiſſet provideri,
 ſed ut infirmorum gerens perſonam, ut ſibi licuum
 crederent quod à Chriſto obſervatum viderent; un-
 de Ioann 12. ſuper illud : Et loculos habens : di-
 cit Gloſſa : Cui miniſtrant Angeli, loculos habet
 in ſumptus pauperum, condeſcendens infirmis.
 Et ſuper illud Pſal. 103. Producing fœnum iumen-
 tis : dicit Gloſſa : Dominus loculos habuit in uſus
 eorum, qui cum ipſo erant, & ſuos, perſonam in-
 firmorum magis ſuſcipiens, ut ibi : Triftis eſt ani-
 ma mea. Habuit & religioſas mulieres in comi-
 tatu, quæ miniſtrabant ei de ſubſtantia ſua. Præ-
 uidit enim multos infirmos futuros, & iſta quaſi-
 tyros, & tamen loculos quos habebat, ex poſſeſſioni-
 bus non impleuerat, ſed ex his quæ ei à deuotis fide-
 libus adminiſtrabantur Et in reſponſione ad 14.
 Sicut ſupra dictum eſt, Dominus pecuniam reſerua-
 ri fecit ad neceſſarios uſus, ut infirmis condeſcende-
 ret : Et ideo non eſt reputandū pro ſuperſtitione, ſi ali-
 qui perfecti viri pecuniam reſeruare nolunt : ſicut
 etiam ut infirmis condeſcenderet, cum publicanis
 comedebat, & vinum bibens, & alijs cibarijs comu-
 niter utens Nec tamen reputandi ſunt ſuperſtitioſi
 Sancti Patres in eremo, qui à vino, & alijs cibarijs de-
 licatis abſtinebant, & tamen Dominus quamuis pe-
 cuniam reſeruari fecerit, non tamen eam de aliqui-
 bus

bus proprijs possessionibus habebat sed magis ei à fidelibus per modum elemosynæ ministrabatur. Unde dicitur Luc. 8. quod mulieres quada sequebantur Dominum, ministrantes de facultatibus suis. Hæc S. Thomas.

Quid autem dicat S. Bonaventura, deinceps aduerte. In primis ergo Opuscu. de Paup. Christi ait: Ad illud, quod Christus habuit loculos, dicendum, quod Christus habuit loculos, tribus de causis. Habuit enim loculos pro pauperibus alijs: secundum quod dicit Hieronymus in auctoritate supra posita: Christus tantæ paupertatis fuit &c. Et hoc nõ tollit pauperiorem summam. Habuit etiam loculos compatiendo infirmis. Sicut dicitur in Glossa super illud Psal. Producens fœnum iumentis; Dominus loculos habebat, vel habuit in usus eorum, qui cū eo erant, & suos: & religiosas mulieres in cõitatu, quæ ei ministrabant de substantia sua, in his infirmorum magis personam suscipiens. Preuidit enim multos infirmos futuros, & ista quasi uros, & ibi eorundem personam suscepit ubi dixit: Tristis est anima mea usque ad mortem] Et his duobus super illud Ioan. 12. Ea que mittebantur &c. Glossa: Cui Angeli ministrabāt, loculos habet in sumptus pauperum, cõdescendēs infirmis] Habuit etiā loculos in articulo necessitatis, ut potē quando transibāt per Samaritanos. In quo etiā articulo discipulis loculos habere permisit, secundū illud: Quando misit vos sine sacculo, & pera. &c. Glossa: Non eadē

regula viuendi, persecutionis, qua pacis tempore, discipulos informat. Missis quidem discipulis ad predicandum, ne quid tollerent in via precepit, ordinans scilicet, ut qui Euangelium nunciant, de Euangelio uiuant. Instante vero moris articulo, & tota illa gente Pastorem simul & gregem persequente, congruam tempori illi regulam decreuit, permit- tens ut tollerent necessaria victus, donec sopra per- secutorum insania, tempus Euangelizandi redeat.] Ex his enim Glossis manifeste apparet, quod modus habendi loculos in Domino, in nullo minuit pauper- tatem. Sic enim Dominus condescendit infirmita- ti, & necessitati, ut tamen salua esset forma pau- pertatis, & exemplum quod precipue monstrare ve- nerat hominibus. Iuxta quod dicit Apostolus: Factus est pro nobis egenus, ut illius inopia diuites essemus, paupertatem scilicet altissimam volunta- rie imitando. Hæc ibi. In Apologia verò Paup- ficit ait: Unigenitus Dei, cum diues esset in omnes, pro nobis a deo factus est egenus, ut alieno cibo ves- ceretur. Non sine magna dispensatione diuini con- sily loculos fecit deferri, quorum tamen custodia illum deputauit discipulum, quem furem ac prodit- zorem præscebat esse futurum. Habuit enim loculos Christus ad consolandum infirmos, ad refellendum improbos, & ad informandum perfectos. Vnde & hu iusmodi & actus, scilicet habere, loculos in Chri- sto, respectu infirmorū, fuit condescensus, ad con- solandum eos, qui proprijs oculis carere nolunt sicut

Augusti-

Augustinus ait in lib. de Oper. Monach. Dominus more misericordiae suae, infirmioribus compatiens, cum ei Angeli possent ministrare, loculos habebat, quibus mitteretur pecunia, quae conferebatur, utriusque à bonis fidelibus, eorum victui necessaria, quos loculos Iuda commendauit.] Respectu autem impiorum, fuit actus commonitorius, primo quidem ad refellendum haereticos, qui loculos reprobant, & detestantur. Unde Augustinus super Ioann. Homil. 50. Quare loculos habuit, cui Angeli ministrabant, nisi quia Ecclesia loculos ipsius habitura erat? Unde & loculos habebat, ut doceret non esse peccatum loculos habere.] In his Augustinus Manicheorum refellit impietatem condemnantium Ecclesiae statum, propter rerum temporalium possessionem. Secundo commonitorius fuit, ad deterrendum auaros, qui loculos, concupiscunt. Quamquam enim ad mitigationem cupiditatis, Dominus Iuda loculos commisisset, ipse tamen adeo cupiditatis igne exarsit, ut ipsum Dominum pretio paruo venundaret. Unde Chrysost. super Ioann. Si vero quis scrutabitur quid furi existenti loculos commisi pauperum, & dispensare fecit auarum existentem? ut omnem abscinderet occasionem. Etenim sufficientem habebat ex loculo concupiscentiae mitigationem sed propter nequitiam multam, quam volebat comprimere Christus, multa condescensione ad eum uicis non incusabat surripientem, obstruens perniciosam con-

Cupiscentiam, & omnem auferens occasionem] Huc
 vsque Chrysost. aperte declarans, quod non penuria
 paupertatis, sed nequitia cupidæ mentis, causa fuit
 tanta impietatis. Respectu vero perfectorum fuit
 actus informatorius. Si quidem quantum ad mo-
 dum habendi, forma fuit perfectionis in Ecclesiasti-
 cis personis, maxime Cœnobitis, ut ad exemplum
 Christi, & discipularum eius, nullus sibi quicquam
 appropriet, sed habeant omnia communia. Unde
 Augustinus super Ioann. Habebat Dominus loculos.
 & a fidelibus oblata conseruans, suorum necessitati-
 bus, & alijs indigentibus tribuebat. Tunc primum
 Ecclesiastica pecunia forma est instituta, ut intelli-
 geremus, quod precipit, non cogitandum de crastino
 esse, non ad hoc fuisse præceptum, ut nihil pecunie
 seruarietur à Sanctis, sed ne Deo propter ista serui-
 tur] Hec August. Qui formam regulariter viuendi
 describens, sic habetur 12. q. 1. ait. Cum hu-
 ius nostræ Congregationis fratres non solum facul-
 tatibus, sed etiam volutatibus proprijs, ipsa Ordinis
 susceptione renuntiauerint, certum est nihil habere.
 possidere, dare, vel accipere sine superioris licentia
 debere] Quantum autem ad modum dispensandi, for-
 ma fuit perfectionis Ecclesia Prælati, ut exemplo Chri-
 sti bona Ecclesiastica dispensent ad sustentationē mi-
 nistorum Ecclesiæ & ad pauperū releuandas miseras.
 Unde Chrysost. super Ioann. de loculis Christi loquens
 questionem proponit, Qualiter, inquit, non peram
 non

non virgam, non es iubens deferre, mar supium fe-
 rebat? Respondens subdu: Ad inopum ministerium
 ut discas, quoniam valde pauperum & crucifixum,
 huius oportet partis multam facere procuracionem.
 Multa enim ad nostram dispensans doctrinam age-
 bat. In his ostendit Chrysostomus, quod viris perfe-
 ctis competat, miserabilium personarum gerere cu-
 ram; quod maxime locum habet in Prælati Eccle-
 siæ, quorum perfectioni consonat, & spiritualiter, &
 etiam corporaliter, pascendis sibi commissis gregibus
 intendant. Vnde Prosper in lib. de Vita Contem-
 platiua, Scientes viri Sancti, nihil aliud esse res
 Ecclesiæ, nisi vota fidelium, & pretia peccatorum,
 & parrimoniam pauperum, non eas vindicauerunt
 in usus suos, ut proprias, sed ut commendatas, pau-
 peribus erogauerunt: hoc est, possidendo contemne-
 re; non sibi, sed alijs possidere, & nec cupiditate ha-
 bendi, Ecclesiæ facultates ambire: sed pietate sub-
 ueniendi eas suscipere, & quod habet Ecclesiæ, cum
 omnibus nihil habentibus habere commune, nec ali-
 quid inde eis, qui sibi sufficiunt, de suo erogare cum
 nihil aliud sit habentibus dare, quam perdere.]
 Quantum vero ad modum utendi, forma fuit perfe-
 ctionis ipsis populis, ac ceteris huiusmodi paupertatē
 professis, ut cum ex amore paupertatis, semper ca-
 rere oculis cupiant, solum quando aperta necessitatis
 urget articulus oculos ferant. Ipse siquidem Christus
 sustentabatur à suscipientibus, vel à mulieribus com-
 mitan-

mitantibus eum, sicut in Luca scribitur, quod ibant cum eo mulieres: quæ ministrabant ei de facultatibus suis. Cum tamen per Samariam irrasit, in qua quidem ciuitate (ut dicit Euangelista) hospitium habere non potuit, de loculis vixit; sicut dicitur in Ioanne, quod discipuli abierant in ciuitatem, ut cibos emerent. Unde super illud Luca, Quando misi vos sine sacculo & pera, &c. dicit Glossa: Si per inhospitales regiones transimus, plura viatici causa licet portari, quam domi habeamus. Constat autem, quod valde pauper est, qui plura portat in via, quam habeat, ubi habitat habitatione determinata. Quod si forte quis dicat perfectionis formā nullo tempore esse intermittendā. Respondet ad hoc Beda super Lucam, dicens super illud, Nunc qui habet sacculū, tollat similiter & perā. Non eandem viuendi regulam perfectionis, quæ pacis tempore insinuat. Sunt namque virtutes; quæ semper obnixæque tenendæ sunt. & sunt quæ tempore, locoq; prouida sunt discretione mutandæ. Quis enim nesciat viscera misericordiæ, benignitatem, humanitatem, patientiā, modestiā, castitatē, fidem, spem, charitatē, & his similia, sine ulla temporū intercapodine esse seruanda? At vero famem, vigilias, nuditatem, lectionem, psalmodiā, orationem, laborem operandi, doctrinā, silentiū, & cetera huiusmodi, si quis sēper exequenda putauerit non modo se horum fructu priuabit, sed & notā indiscretae obstinationis incurret, Magister itaq; Deusq;
virtutum.

virtutum, ut modum discretionis insinuet, missis ad predicandū discipulis, ne quid tollerent in via precipit, videlicet ordinans, ut qui Euangel. n̄ annunciant, de Euangel. o uiuant. Mortis vero tēpore illo in-
 • stante, & tota simul gente pastarū, gregemq; persequē-
 • te, congruam tempore decreuit regulam, pecuniam, scilicet, victui necessariam, donec sopita persecu-
 tionum insania, tempus euangelizandi redeat, tollere permutendo. Hec Beda. Ex pradiētis ergo paten-
 ter elucet quod omnis perfectionis splendor & specu-
 lum. IESVS CHRISTVS, ob sex ratio-
 nes prefatas, ac triplicem utilitatem aggregatione
 quadam, in perfectienis senarium consurgentem, mirabili quodam modo in habendo loculos & in-
 firmos simplici modo consolatur, & impios dupli-
 citer arguit, & perfectos tribus modis informat. In quibus & illud est omni admiratione, & lau-
 de, & imitatione dignissimum, quod sic pau-
 pertatem CHRISTVS tenuit, ut statum diuitum non damnaret, sic & habentibus pecu-
 niam conformem se reddit, ut paupertatis sym-
 ma formam perfecte seruaret. Vnde super illud Mat. Vade ad mare. Glossa: Dominus tanta pau-
 pertatis fuit, ut unde tributa solueret, non habe-
 ret. Iudas quidem communia in loculis habebat, sed res pauperum in usus suos conuertere, nefas duxit, ipsum dans exemplum nobis. Hac Glossa. Non igitur loculi Christi ad fomentum cupiditatis trahendi sunt

Sicut

Sicut enim in Salvatore nostro crucifixo nihil fuit, quod seculares glorias, aut delicias saperet, sic nil egit, nil docuit, per quod mundi diuitias appetendas esse monstraret, quin potius ut nos ad perfectæ paupertatis amorem accenderet, in huius mundi campum hostem expugnaturus ingrediens, de pauperrima Matre pauperrimus prodijt: sed & hostiam Deo Patri ut Pontifex offerens, nudus in cruce pependit, nec non ut veritas eius tanquam perfectissima reuerentia, nequaquam discordaret medium ab extremis, tota vita ipsius caminus paupertatis fuit. Huius igitur inuictissimi Dæcis nuditate, tanquam armatura circumdati, & in eo sperantes, qui ait: Confidite, ego vici mundum, in ipsius pauperis crucifixi nomine, hostiles excipiamus insultus. Hæc S. Bonauentura. Quibus manifestè monstrauit infirmitatem Theologi, ut pote qui argumentum infirmorum protulerit: nequè est necesse amplius ea expendere.



PROPOSITIO XCI.

*Et discipuli eius post eius resurrectionem, a quibus
omnis Religio sumpsit originem, pretia prædiorum
conseruabant, & distribuiebant illa, prout uni-
cuique opus erat.*

QUIA istud argumentum de Apostolis
tempore S. Thomæ obijciebatur ab im-
pugnâtib; paupertatem in cõmu-
ni, cõsultum est adducere ea, quæ S. Thomas
docet de Paupertate Apostolica. In primis ergo
Opusc. 17. cap. 15. sic ait: *Dominus electis duo-
decim Apostolis, ad prædicandum eos mittens,
concessi eis miraculorum potestate, inter cetera
vite documenta, primo inducit paupertatis do-
ctrinam, dicens Matth. 10. Nolite possidere aurum
neque argentum in zonis vestris, non peram in
via. Quod exponens Eusebius Cosariensis dicit:
Prohibebat eis auri & argenti, & æris possissionem,
præcognitione futurorum. Contemplabatur enim
quod qui sanandæ erant per eos, & ab incurabilibus
passionibus liberandi, vellent eis cedere in omni-
bus bonis suis] Eipost aliqua subdit: Putabat
oportere conductos arrha Regni Dei, terrena de-
spicere, ut nec argentum, nec aurum, nec possisso-
nes, nec quicquam eorum, quæ mortales appeti-
antur, condignum existiment, datis sibi cœlestibus
opibus]*

opibus] Nec non cum milites eos faceret regni Dei, monebat eos colere paupertatem. Nullus enim militans Deo: implicat se huius vite negotijs, ut placeat Deo & sic Hieronymus dicit super Matth. Qui diuitias detruncauerat, scilicet, in verbis premissis propemodum etiam vite necessaria amputat, ut Apostoli Doctores Religionis, qui instructuebant omnia Dei providentia gubernari, seipsum ostenderent nihil cogitare de crastino] & sicut Chrysostomus dicit super Matth. Per hoc preceptum primo quidem Dominus discipulos facit non esse subiectos: secundo ab omni eos liberat sollicitudine, ut vacationem omnem tribuant verbo Dei: tertio docet eos suam virtutem] Qualis ergo esse debeat qui euangelizat regnum Dei, preceptis euangelicis designatur, hoc est ut subsidij temporalis adminicula non requirat, fideiq; totius inhaerens, putet quominus ista requirat, magis potest suppetere. ut Ambrosius dicit super Lucam. Manifestum est autem, quod si Apostoli possessiones suscepissent, non minus sed multo magis suspecti fuissent, quod propior questum predicarent, quam si aurum vel argentum possiderent: multo etiam maiori sollicitudine, circa agrorum culturam occuparentur, multoq; maius est seculare adminiculū ex agris, vel vineis possessis, quam si bona mobilia habeantur. Manifestum est igitur secundū expositiones premissas, Apostolis interd. Etum fuisse, ne agros, vel vineas, vel alia huiusmodi bona immobilia possiderent. Quis autem dicat nisi haereticus, pri-

mam

nam instructionem discipulorum à Christo, perfectioni Evangelicæ dergare? Mentiuntur ergo in doctrina fidei, dicentes, minoris esse perfectionis eos, qui communibus possessionibus carent. Est autem ulterius considerandum, qualiter præcepta Domini præmissa, fuerant ab Apostolis observata: quia ut Augustinus dicit in libro contra mendacium: Divina scripturæ non solum præcepta Dei retinent, sed etiam vitam moresque iustorum, ut si forte occultum est, quemadmodum accipiendum sit quod præcipitur, in factis iustorum intelligatur. Quod autem nihil temporalium possiderent, aut etiam in viâ deferrent, ante tempus passionis, aperte ostenditur ex hoc quod legitur Luca 22. ubi Dominus discipulis dixit: Quando missi vos sine sacculo & pera, & calceamentis, nunquid aliquid defuit vobis? At illi dixerunt. Nihil. Sed quia ibi subditur: Dixit ergo eis, Sed nunc qui habet sacculum, tollat similiter & peram: posset alicui videri, quod Dominus totaliter priora præcepta relaxaverit. Sed hanc relaxationem, quantum ad personas Apostolorum, ad solum tempus imminentis persecutionis esse referendam, apparet ex verbis Bedæ, qui dicit, Non eadē vivendi regula persecutionis tempore, qua pacis, discipulos informat. Missis quidem discipulis ad prædicandum ne quid tollerent in viâ præcepit ordinās scilicet, ut qui Euāgelium nūtiāt, de Evangelio vivāt.

Mortis vero instante periculo. & tota simul gente
 pauiorem gregemque persequente congruam tempo-
 ris regulam decernit, permittens ut tollant vi-
 ctui necessaria, donec sopita insania persecutorum
 tempus euangelizandi redeat. Ubi nobis quoque
 datur exemplum, ex iusta nonnunquam causa in-
 stante, quadam de nostri proposui rigore posse sine
 culpa intermiti. Ex quo etiam apparet ad rigorem
 Euangelicæ discipline pertinere, quod aliquis
 careat omni terrena possessione. Quid autem su-
 per hoc Apostoli post passionem seruauerunt, &
 seruandum tradiderunt; aperte in Act: Aposto-
 lorum docetur. Legitur enim Act. 4. quod
 multitudinis credentium erat cor unum, & anima
 una, nec quisquam eorum que possidebat, aliquid
 suum esse dicebat, sed erant illis omnia communia
 Et ne aliquis dicat, eos habuisse possessiones
 communes, puta agros, vel vineas, vel aliquid
 huiusmodi, hoc ex sequentia excluditur. Se-
 quitur enim, Quotquot possidiores agrorum,
 aut domorum erant, vendentes afferebant
 pretia eorum, quæ vendebant, & ponebant
 ante pedes Apostolorum. Ex quo patet hanc esse
 Euangelicæ vitæ obseruantiam, ut ea quæ ad
 necessitatē vitæ pertinent, possideantur com-
 munitè, possessionibus omnino à possessoribus

abdi-

abdicatis. Quod autem hoc ad abundantiorē perfectionem pertineat, apparet per Augustinum in lib. de doctrina Christiana, ubi dicit: Qui crediderunt ex Iudeis, ex quibus facta est prima Ecclesia Hierosolymis, satis ostenderunt, quanta utilitas fuerit sub paedagogō, id est, sub lege custodiri. Namque tam capaces extiterunt Spiritus Sancti, ut omnia sua venderent, eorumque pretium indigentibus distribuendum, ante Apostolorum pedes ponerent. Et postea subdit, Non enim hoc ullas Ecclesias gentium fecisse scriptum est, quia non tam propē inueniērant, qui simulachra manufacta Deos habebant. Videtur tamen huius rei aliam rationem assignare Melchiades Papa, qui ut habetur 12. q. 1. dicit, Futuram Ecclesiam in gentibus Apostoli praeviderant: idcirco pradia in Iudea minime sunt adepti, sed pretia tantummodo ad fovendos egentes. At vero cum inter turbines & adversa mundi succresceret Ecclesia, ad hoc usque pervenit, ut non solum gentes, sed etiam Romani Principes, qui totius orbis Monarchiam tenebant, ad fidem Christi, & baptismi Sacramenta concurrerent. Ex quibus vir Religiosissimus Constantinus primus licentiam dedit, non solum fieri Christianos, sed etiam fabricandi Ecclesias, & pradia constituui tribuenda. Et in sequenti capite dicit Urbanus Papa: videntes Summi Sacerdotes, & alij, atque Leuita, & reliqui fideles, plus utilitatis posse conferre, si hereditates & agros quos vendebant, Ecclesijs quibus praesidebant Episcopi

traderent, eo quod ex sumptibus eorum, tam praesentibus, quam futuris temporibus, plura & electiora possent ministrare fidelibus communem vitam ducen-
tibus, quam ex pretio eorum; ceperunt praedia & agros, quos vendere solebant, matricibus Ecclesijs tradere, & ex sumptibus eorum vivere. Ex his ergo videtur, quod melius sit possessiones in communi habere. quam alia mobilia ad victum pertinentia, & quod in primitiva Ecclesia praedia vendebantur, non quia hoc esset melius, sed quia praenidebant Apostoli, quod apud Iudeos Ecclesia duratura non erat, partim propter infidelitatem, partim, propter excidium, quod eis imminabat. Sed si quis recte consideret, haec praemissis non contrariantur. Ecclesia enim in sui primordio in omnibus membris suis talis fuit, qualis postmodum fuisse apud perfectos quoscunque inuenitur. Sicut enim natura, sic & gratia debuit a perfectis initium assumere: & ideo Apostoli, secundum illum statum fidelium & vitam ordinauerunt perfectioni conuenientem; unde dicit Hyeronimus in lib. de Illust. viris Aparentalem primam Christo credentium fuisse Ecclesiam, quales nunc Monachi esse nituntur, & cupiunt, ut nihil cuiusquam proprium sit, nullus inter eos diues, nullus pauper, patrimonium egentibus diuidantur, orationi vacetur, & psalmis, doctrinae quoque, & continentiae. Hic autem modus viuendi perfectioni congruus fuit apud primos credentes, non solum in Iudea sub Apostolis, sed etiam apud Aegyptum sub Marco Evangelista,

gelista, ut ibidem Hieronymus dicit, & sicut in 2. libro Ecclesiastica Historia narratur. Processu vero temporis, multi in Ecclesiam erant iniraturi, qui ab hac perfectione deficerent, quod non erat futurum ante Iudeorum excidium, sed Ecclesia apud gentes multiplicata. Quod pestquam contigit, utile iudicauerunt Ecclesiarum Prelati, ut pradia & agri Ecclesiis conferrentur, non propter perfectiores quosque, sed propter imperfectiores, qui ad primorum fidelium perfectionem attingere non valerent. Et Opusc. 19. Cap. 6. ad 15. ait: Quod Apostoli reservabant pecunias, & etiam colligebant, ut sanctis pauperibus, qui pradia sua vendiderant propter Christum, necessaria ministrarent: nec tamen illas pecunias habebant ex aliquibus possessionibus, sed ex eleemosynis fidelium. Quod etiam dicitur, quod nullus egenus erat inter eos, non est intelligendum, quin Apostoli, & primitivae Ecclesiae discipuli, multas egestates, & penurias sustinuerint propter Christum: cum dicatur 1. Cor. 4. Usque in hanc horam esurimus, & sitimus. &c. & 2. Cor. 6. In multa patientia, in tribulationibus, in necessitatibus. Glossa: victus vel vestitus: sed quia de his quae haberi poterant, unicuique secundum quod opus erat, tribuebant, ut quantum ei facultas suppetere, omnium indigentias releuarent. Et iterum ad 16. Quamvis illud praeceptum: In viam gentium ne abieritis, fuerit post resurrectionem totaliter reuocatum, eo quod primum oportebat Iudaeis verbum Dei loqui, & sic transire.

ad gentes, ut dicitur *Actor. 13.* tamen hoc, quod Dominus dixerat *Apostolis*, quod non secum necessaria ferrent, non totaliter reuocauit in cœna, sed solum tempore persecutionis, quando à persecutoribus necessaria habere non potuissent: unde *Luca 22.* Quando missi vos, &c. *Glossa*: Non eadem viuendi regula persecutionis tempore, qua pacis, discipulos informat. Missis siquidem discipulis ad predicandum, ne quid tollerent in via precepit, ordinans scilicet, ut qui Euangelium nuntiat, de Euangelio uiuat. Instante vero mortis articulo, & tota illa gente pastorem simul ac gregem persequente congruam tempori regulam decernit, permittens necessaria victus, donec sopita persecutorum insania, tempus euangelizandi redeat. Et *Glossa* dicit, In hoc nobis quoque datur exemplum, ut nonnunquam causa instantie, quadam de nostri propositi rigore sine culpa intermittere possimus. Verbi gratia. Si per inhospitales regiones iter agimus plura viatici causa licet portare, quam domi habeamus. Sed quia quidam heretici, quorum est illa obiectio, glossam non recipiunt, ipso textu ostendemus, quod multiplicatis fidelibus discipuli Christi secum necessaria in via non portabant. Dicitur enim in ult. Can. Ioan. Charissime fideliter facis, quicquid operaris in fratres, & hoc in peregrinos. Et infra: Pro nomine eius profecti sunt nihil accipientes à gentilibus: nos ergo debemus suscipere huiusmodi. Non autem esset necessarium quamuis à gentilibus nihil acciperent, quod recipe-

reciperentur à fidelibus, si secum necessaria ad victum deferrent : quod etiam patet per Glossam ibi, quæ dicit : Pro nomine eius profecti sunt, alieni à rebus proprijs. Hæc S. Thomas. Ex quibus patet, Apostolos paupertatem in communi seruasse : & licet pretia prædiorum seruabant, hoc tamen erat propter largitiones in fideles, & quia ea quæ ad necessitatem vitæ pertinebant, possidebantur ab eis communiter, possessionibus omnino, à possessoribus abdicatis. Et hic erat modus viuendi perfectioni congruus, qualis fuit apud primos credentes. Processu vero temporis multi erant in Ecclesiam intraturi, qui ab hac perfectione deficerent, ideo vtile iudicauerunt Ecclesiarum Prælati, vt prædia, & agri Ecclesijs conferrentur, non propter perfectiores quosque, sed propter infirmiores, qui ad primorum fidelium perfectionem attingere non valerent. Vnde patet, quod propter perfectissimas Religiones non expedit habere prædia. Theologus ergo infirmiorum, & eorum qui ad primorum fidelium perfectionem attingere non valent, argumentum, iuxta S. Thomam, produxit.



P R O P O S I T I O X C I I .

*Quin etiam si Apostoli uni loco, uti nunc Religio-
rum Monasteria, fuissent adstricti, nec in ea suo-
rum paucitate debuissent circuire tot mundi regio-
nes, procul dubio stabiles & certos redditus acce-
piissent.*

HÆC Propositio multum derogat perfectioni pau-
pertatis Apostolorum; imo meo iudicio videtur
hæresim inuoluere: quæ omnia ordinatè sequen-
tibus rationibus probo.

Primâ ratio incipit à Capite Christo. Christus enim
quamvis uni loco Iudææ fuit adstrictus (eo modo, quo
nunc Religiosorum Prædicatorum, possessiones in com-
muni habentium Monasteria uni loco, scilicet, regno, sunt
adstricta, quamvis in illo multis in locis ipsi Religiosi præ-
dicent) nec circuiuit tot mundi regiones, nihilominus sta-
bilis, & certos redditus non acceptauit, sed paupertatem eti-
am in communi professus est. Ergo etiam si Apostoli uni lo-
co fuissent adstricti, nec in ea suorum paucitate debuissent
circuire tot mundi regiones, non tamen stabiles, ac certos
redditus acceptassent. Nunquid enim discipuli à Magistro,
serui à Domino, Apostoli à Christo discordassent? Impium
est sane dicere, quod ab exemplo Christi discrepassent.

Secunda ratio est talis. Apostoli tunc dum cum eis erat
sponsus, uni loco adstricti erant, sicut & Christus: & ta-
men Christus dederat eis præceptum Matth. 10. *Nolite
possidere aurum, neque argentum, pecuniam in zonis
vestris*

vestris; non peram in via, neque duas tunicas, neque calceamenta, neque virgam. Ergo etiam si fuissent vni loco adstricti, nec debuissent circuire tot mundi regiones, non tamen acceptassent certos & stabiles redditus.

Tertia ratio desumitur ex fine, propter quem Cæristus dedit tale præceptum Apostolis, quem S. Thomas explicat Opus. 17. Cap. 15, Verba eius sunt : *Nolite possidere aurum, neque argentum in zonis vestris, non peram in via.* Quod exponens Eusebius Casarienus dicit : *Prohibebat eis auri, & argenti, & aris possessionem, præcognitione futurorum.* Contemplabatur enim, quod qui sanandi erant per eos, & ab incurabilibus passionibus liberandi, vellent eis cedere in omnibus bonis suis. Sed etiam si Apostoli vni loco fuissent adstricti, tamen sanandi per eos, & ab innumerabilibus passionibus liberandi, vellent eis cedere in omnibus bonis suis. Ergo etiam si vni loco fuissent adstricti, ex præcepto Christi non acceptassent bona. Pergit S. Thomas, & adfert ex eodem Eusebio : *Putabat oportere conductos arrha regni Dei, terrena despicere, ut nec aurum, nec argentum, nec possessiones, nec quicquam eorum, quæ mortales appetantur, condignum existiment, datis sibi cœlestibus opibus.* Nec non cum milites eos faceret regni Dei mouebat eos colore paupertatem. Nullus enim militans Deo, implicat se huius vitæ negotiis, ut placeat Deo. Sed etiam si Apostoli vni loco fuissent adstricti, tamen conducti fuissent arrha regni Dei, tanquam milites eiusdem regni Dei. Ergo etiam si fuissent adstricti vni loco, non aurum, non argentum, non possessiones habuissent, sed pau-

pertatem, vltque in communi, coluissent, & non se impli-
cassent huius vitæ negotijs, vt placerent Deo. Subdit S.
Thomas: *Et sic Hieronymus dicit super Matth. Qui di-
uitias detruncauerat, scilicet in verbis præmissis, prope-
modum etiã vitæ necessaria amputat, vt Apostoli Doctores
vera religionis, qui instituebant, omnia Dei providentia
gubernari, se ipsos ostenderet, nihil cogitare de crastino.*
Sed etiam si Apostoli fuissent vni loco adstricti, tamen om-
nia Dei providentia crederent gubernari, & se ipsos ostende-
rent nihil cogitare de crastino. Ergo etiam si Apostoli vni
loco fuissent adstricti, non tamen aurum, argentum, aut
possessions habuissent. Vltra addit Diuus Thomas. *Et sicut
Chrysostomus dicit super Matth. Per hoc preceptum pri-
mo quidẽ Dominus discipulos facit esse subiectos: secundo
ab omni eos liberat sollicitudine, vt vacationem omnem
tribuat verbo Dei: tertio docet eos suam virtutem.*
Sed etiam si Apostoli vni loco fuissent adstricti, tamen non
fuissent subiecti, & ab omni liberi sollicitudine, vacationem
omnem tribuissent verbo Dei, & virtutem Dei sensissent.
Ergo etiam si Apostoli vni loco fuissent adstricti, non au-
rum, argentum possedissent. Amplius S. Thomas ait: *Qualis ergo debeat esse qui Euangelizat regnum
Dni, præceptis Euangelicis designatur, hoc est,
vt subsidij secularis adminicula non requirat, fidei-
que totus inherens, putet quo minus ista requirat,
magis posse suppetere, vt Ambrosius dicit super Lucam.*
Sed etiam si Apostoli vni loco fuissent adstricti, tamen sub-
sidij secularis adminicula non requirerent, fideique toti in-
herentes, putarent quo minus ista requirerent magis posse
suppetere. Ergo etiam si vni loco fuissent adstricti, possessi-
ones non habuissent.

Quarta

Quarta ratio sumitur ex verbis eiusdem S. Thomæ loco citato. *Manifestum est, inquit, quod si Apostoli possessionem suscepissent, non minus, sed multo magis fuissent suspecti, quod propter quæstum prædicarent, quam si aurum, vel argentum possiderent: multo etiam maiori sollicitudine circa agrorum culturam occuparentur, multoq; maius est saculare adminiculum, ex agris, vel vineis possessis, quam si bona mobilia habeantur.* Sed etiam si Apostoli vni loco fuissent adstricti, & si in illo loco possessiones acceptantes, non minus, sed multo magis suspecti fuissent, quod propter quæstum prædicarent, & maiori sollicitudine, circa agrorum culturam occuparentur. Ergo etiam si Apostoli vni loco fuissent adstricti, possessiones tamen non acceptassent. Consonat huic rationi id, quod habet S. Thomas 3. p. q. 40. art 3. in corp. *Si Christus diuitias haberet, cupiditati eius prædicatio adscriberetur. Vnde Hieronymus dicit super Matth. Quod si discipuli eius diuitias habuissent, viderentur non causa salutis hominum, sed causa lucri prædicasse. Et eadem ratio est de Christo.* Ergo etiam si Apostoli vni loco fuissent adstricti, diuitias non habuissent: nam alias cupiditati eorum prædicatio adscriberetur, & viderentur non causa salutis hominum, sed causa lucri prædicasse.

Quinta ratio sumitur ex verbis S. Thomæ loco immediatè citato vbi inter alias rationes, quare Christum decuit in hoc mundo pauperem vitam ducere, hanc quartam adfert: *Vt tanto maior virtus diuinitatis eius ostenderetur, quanto per pauperiæ videbatur abiectior. Vnde dicitur in quodam sermone Ephesini Concilij: Omnia paupera & vilia elegi, omnia mediocria, & plurimis ob-*

scura, ut diuinitas cognosceretur orbem transformasse terrarum propterea pauperculam elegit Matrē pauperiorem patriam, egenus fuit pecunijs, & hoc tibi exponit prae sepe. Hæc S. Thomas. Addo ego, quod & pauperes Apostolos elegit, ut habetur Iac. 2. Audite fratres mei dilectissimi, nonne Deus elegit pauperes in hoc mundo, diuites in fide, & heredes regni, quod reprobiis Deus diligentibus se? Ideo Luc. 7. inter alia signa aduentus veri Messie ponit; pauperes euāgelizā. ur. Sed etiam si Apostoli vni loco fuissent adstricti, tamen per eos virtus diuinitatis Christi ostenderetur. Ergo etiam si Apostoli vni loco fuissent adstricti fuissent tamen per paupertatem abiecti: imo tanto per pauperterem abiectiores, quanto per eos maior virtus diuinitatis Christi debebat ostendi. Eò magis quia Christus quamuis manserit simul cum Sanctissima Matre sua, & patre suo putatio, satis longo tempore silentij, vni loco adstrictus; tamen in paupertate vixit, & non diuites, qui sibi ministrarent, elegit. Ergo & Apostoli ad imitationem sui capitis, quamuis vni loco adstricti, paupertatem tamen coluissent.

Sexta ratio spectat ad idem, & sumitur ex verbis Pauli. 1. Cor. cap. 1. Videte, inquit, vocationem vestram fratres, quia non multi sapientes secundum carnem, non multi potentes, non multi nobiles; sed quæ stulta sunt mundi elegit Deus. ut confundat sapientes: & infirma mundi elegit Deus, ut confundat fortia: & ignobilia mundi, & contempnibilia elegit Deus, & ea quæ non sunt, ut ea quæ sunt destrueret: ut non gloriatur omnis caro in conspectu eius. Ex ipso autem vos estis in Christo IESU, qui factus est nobis sapientia à

Aa 5

Deo

Deo, & iustitia, & sanctificatio, & redemptio: ut quemadmodum scriptum est. Qui gloriatur, in Domino gloriatur: Ideo & Paulus Cap. 2. eiusdem Epistolæ ait: Et ego in infirmitate, & timore & tremore multo fui apud vos. Sed etiam si Apostoli vni loco fuissent adstricti, voluisset Deus, vt non gloriaretur omnis caro in conspectu eius. Ergo etiam si Apostoli fuissent vni loco adstricti, ordinasset Deus, vt essent infirmi, ignobiles, contemptibiles, & quasi non essent. Non essent autem contemptibiles, si diuitias haberent.

Septima ratio reduitur ad idem, & sumitur ex verbis Pauli 1. ad Corinth. cap. 4. *Puto quod Deus nos Apostolos nouissimos ostendi, tanquam morti destinatos: quia spectaculum facti sumus mundo, & Angelis, & hominibus. Nos stulti propter CHRISTUM, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam & esurimus & sitimus, & nudi sumus, & colaphis cadimur, & instabiles sumus, & laboramus operantes manibus nostris: maledicimur, & benedicimus: persecutionem patimur, & sustinemus: blasphemamur, & oscramur: tanquam purgamenta huius mundi facti sumus, omnium peripsēma usque adhuc. Sed etiam si Apostoli vni loco fuissent adstricti, tamen fuissent spectaculum mundo, & Angelis, & hominibus. Ergo etiam si fuissent vni loco adstricti, & esurirent, & sitirent, & nudi essent, & laborarent operantes manibus suis tanquam purgamenta huius mundi fierent, omnium peripsēma.*

Octaua

Octava ratio sumitur ex substantia gloriæ Sancti Pauli
 1. ad Cor. 11. *Quoniam multi gloriantur secundum
 carnem, & ego gloriabor. Libenter enim sufferitis insipi-
 entes, cum sitis ipsi sapientes. Sustinetis enim si quis in
 seruitutem redigit, si quis deuorat, si quis accipit, si quis
 in faciem vos cedit. Secundum ignobilitatem dico,
 quasi nos fuerimus infirmi in hac parte. In quo quis au-
 det (in insipientia dico) audeo & ego. Hebraei sunt, &
 ego: Israelita sunt & ego: Semen Abraham sunt, & ego.
 Ministri Christi sumi (ut minus sapientes dico) plus ego:
 in laboribus plurimis, in carceribus abundantius, in
 plagis supra modum, in mortibus frequenter. A Iudeis
 quinquies quadragenas, unaminiis accepi. Ter virgis
 cesus sum, semel lapidatus sum, ter naufragium feci,
 nocte & die in profundo maris fui, in itineribus saepe,
 periculis fluminum, periculis lairorū ex genere, periculis
 ex gentibus, periculis in Ciuitate, periculis in solitudine,
 periculis in mari, periculis in falsis fratribus: in labore &
 arumna, in vigilijs multis, in fame, & siti, in ieiunijs
 multis, in frigore, & nuditate: prater ea quæ intrinsecus
 sunt, instantia mea quotidiana, sollicitudo omnium Ec-
 clesiarum. Quis infirmatur, & ego non infirmor? Quis
 scandalizatur, & ego non uror? Si gloriari oportet,
 quæ infirmitatis meæ sunt gloriabor. Deus & Pater
 Domini Nostri IESU Christi, qui est benedictus in
 secula, scit quod non mentior. Damasci Prepositus Gentis
 Areta Regis, custodiebat ciuitatem Damascenorum,
 ut me comprehenderet: & per fenestram in sporta,
 dimissus*

dimissus sum per murum, & sic effugi manus eius. Hec ibi Capite verò 12. ait. Libenter igitur gloriabor in infirmitatibus meis, ut inhabitet in me virtus Christi. Propter quod placeo mihi in infirmitatibus meis: in contumelijs, in necessitatibus, in persecutionibus, in angustijs pro Christo: cum enim infirmior, tunc potens sum. Factus sum insipiens, vos me coëgistis. Ego enim à vobis debui commendari: nihil enim minus fui ab ijs, qui sunt supra modum Apostoli, tamen nihil sum: Signa autem Apostolatus mei facta sunt super vos, in omni patientia, in signis, & prodigijs, & virtutibus. Hec Paulus. Hæc autem omnia dicit in ordine ad illud quod habet Cap. 10. Qui gloriatur, in Domino gloriëtur. Sed etiam si Paulus fuisset vni loco adstrictus, tamen gloriaretur in his, quæ infirmitatis suæ essent, & signa Apostolatus eius fuissent in omni patientia, ut gloria eius tota esset in Domino. Ergo etiam si Paulus fuisset vni loco adstrictus, fuisset tamen in vigilijs multis, in fame, & siti, in ieiunijs multis, in frigore, & nuditate &c.

Nona ratio sumitur ex verbis Pauli ad Galat. 6. Mihi, inquit, absit gloriari, nisi in cruce Domini nostri IESU Christi, per quæ mihi mūdus crucifixus est, & ego mūdo. Sed etiam si Paulus vni loco fuisset adstrictus, non fuisset euacuata gloria eius in cruce Christi. Ergo etiam si Paulus vni loco fuisset adstrictus, diuitias mundi in cruce fixisset & mundus in eo nihil sui agnouisset.

Decima ratio sumitur ex verbis Pauli ad Philip. 3. Quæ mihi fuerant lucra, hæc arbitratius sum propter Christum derelicta. veruntamen existimo omnia derelinquentium

etiam si Apostoli, vni loco fuissent adstricti. Permanente enim causa finali præcepti in aliqua hypotesi, non possumus præsumere, quod præceptum non liget in illa hypotesi.

Duodecima ratio fictilis. Theologus videtur docere Paupertatem Apostolos coluisse, necessitatis non perfectionis gratia; in quo equidem redolet hæresim; quia supra probatum est, esse contrariam fidei Christianæ doctrinam æfferentium paupertatem ad perfectionem non pertinere. *Quia, inquit, vni loco non erant adstricti, sed debebant circuire tot mundi regiones ideo certos & stabiles redditus non acceptarunt.* Id enim indicant illa verba:

Quin etiam si Apostoli vni loco, uti nunc Religiosorum Monasteria, fuissent adstricti, nec in ea suorum paucitate debuissent circuire tot mundi regiones, proculdubio etiã stabiles ac certos redditus acceptissent.

Necessitatis ergo gratia, Apostoli certos ac stabiles redditus non acceptauerunt. Sed alias Sancti Patres docent, & sufficiat pro omnibus Theologo S. Thomas, quod paupertas in Apostolis erat perfectionis: ideo supra probatum est, quod paupertas pertinet ad perfectionem, & quod perfectio consistit instrumentaliter & dispositiuè in paupertate. Ergo etiam si Apostoli vni loco fuissent adstricti, tamen propter perfectionem amplexati fuissent strictam paupertatem. Vis huius argumenri patet ex præcedentibus vbi probatum est, quantum paupertas conferat ad perfectionem. Quia ergo Apostoli paupertatem in communi amplexati fuissent propter perfectionem, vique eam coluissent, etiam si vni loco fuissent adstricti, eo ipso quod ea quæ sunt perfectionis exercuissent.

Decimatertia ratio sit talis. Quid sentis Theologe, quod perfectius opus? Possessio bonorum in communi, an paupertas in communi? Si dicas, quod possessio bonorum in communi

Decima quarta ratio fit talis. Suprà fusè probatum est, quod Christus loculos habuerit, id non fuisse perfectionis ex se, sed condescendentia; propter infirmiores & imperfectiores quosque. Quod si loculos habuisse fuit propter imperfectiores, multo magis si permisisset certos & stabiles redditus. Sed impium & hæreticum est dicere, quod si Apostoli fuissent vni loco adstricti, fuissent infirmiores & imperfectiores. Ergo impium & hæreticum est dicere, quod si Apostoli fuissent vni loco adstricti, certos & stabiles redditus acceptassent.

Decima quinta ratio sumitur ex verbis S. Thomæ Opusc. 17. Cap. 15. *Manifestum est, inquit, Apostolis interdictum fuisse, ne agros vel vineas vel alia huiusmodi immobilia bona possiderent.* Sed impium & hæreticum est dicere, quod si Apostoli vni loco fuissent adstricti præceptum Domini violassent. Ergo impium & hæreticum est dicere, quod si Apostoli vni loco fuissent adstricti, immobilia possedissent.

Decimasexta ratio sumitur ex facto. Primi enim Christiani Hierosolymis vni loco adstricti erant, & tamen secundum doctrinam S. Thomæ possessiones in communi non habebant. Docet id expresse S. Thomas in præcedenti Propositione citatus Opusc. 17. Cap. 15. Et præterea Cap. 16. eiusdem Opusc. ait: *Expedi possessiones communes possideri propter eos, qui non sunt summæ perfectionis capaces, qualis in primis credentibus fuit.* Opusculo similiter 19 Cap. 6. *Augustinus, inquit, præfert perfectionem primitivæ Ecclesiæ Iudeorum, primitivæ Ecclesiæ ex Gentibus, in hoc quod omnia sua vendiderunt, pauperribus distribuenda. Sed ipsi ita vendiderunt propria, quod nullas possessiones in communi reseruarunt sibi. Ergo &c.*

In quibus omnibus locis expressè tradit S. Thomas primos fideles Hierosolymis constitutos, & vni loco adstrictos nec proprias, nec communes possessiones habuisse. Idem asserit S. Bonaventura in Apolog. Paup. Ergo multo magis Apostoli etiam si vni loco adstricti fuissent, possessiones communes non habuissent.

Decima septima ratio sumitur ex verbis Apostolorum Act. 6. *Non est æquum nos derelinquere verbum Dei, & ministrare mensis. Considerate ergo fratres, viros ex vobis boni testimonij septem, plenos Spiritu Sancto, & sapientia, quos constituamus super hoc opus. Nos vero orationi & ministerio verbi instantes erimus. Et placuit sermo coram omni multitudine.* Sed etiam si Apostoli fuissent vni loco adstricti, orationi tamen & ministerio verbi instantes essent. Ergo etiam si vni loco adstricti fuissent non habuissent possessiones, unde egenis ministrassent.

Decima octava ratio sumitur ex verbis Apostoli 1. ad Cor. 9. *Quis militat suis stipendijs unquam? Quis plantat vineam, & de fructu eius non edii? Quis pascit gregem, & de lacte gregis non manducat? Nunquid secundum hominem hæc dico? An & lex hæc non dicit? Scriptum est enim in lege Moysi: Non alligabis os nutrituranti. Nunquid de bobus cura est Deo? An propter nos utique hoc dicit? Nam propter nos scripta sunt. Quoniam debet in spe, qui arat, arare, & qui irruit, in spe fructus percipiendi. Si nos vobis spiritalia seminauimus, magnum est, si nos carnalia vestra metamus? Si aly potestatis vestre participes sunt, quare non potius nos? Sed non vsi sumus hac potestate: sed omnia sustine-*

festinemus, ne quod offendiculum demus Evangelio Christi. Nescius quoniam qui in sacrario operantur, quae de sacrario sunt edunt? Et qui altari deseruiunt, cum altari participant? Ita Dominus ordinauit istos, qui Euangelium annuntiant, de Euangelio viuere. Ego autem nullo horum usus sum. Non autem scripsi haec, ut ita fiant in me: bonum est enim mihi mori, quam ut gloriam meam quis euacuet. 2. vero ad Corint. Cap. 11. Gratis Euangelium Dei euangelizauimus vobis, alias Ecclesius expoliari accipiens stipendia, ad ministerium vestri. Et cum essem apud vos, & egerem, nulli onerosus fui: nam quod mihi deerat, suppleuerunt fratres, qui venerant à Macedonia, & in omnibus sine onere me vobis seruauimus, & seruabo. Et veritas Christi in me, quoniam hac gloriatio non infringetur in me, in regionibus Achaiae. Quare? Quia non diligo vos? Deus scit. Quod autem facio & faciam, ut amputem occasionem eorum, qui volunt occasionem, ut in quo gloriantur, inueniantur sicut nos. Nam eiusmodi pseudo Apostoli, sunt operarii subdoli transfigurantes se in Apostolos Christi. Ad idem spectat, quod ait Cap. 12. eiusdem Epistolae. Quid est quod minus habuistis praeteris Ecclesius, nisi quod ipse non grauauimus vos? Donate mihi hanc iniuriam. Ecce tertio hoc paratus sum venire ad vos, & non ero grauis vobis. Non enim quero quae vestrae sunt, sed vos. Nec enim debent filii parentibus thesaurizare, sed parentes filiis. Ego autem libentissime inpendam, & superimpendar ego ipse

pro animabus vestris, licet plus vos diligens, minus diligar. Sed esto: Ego vos non grauavi: sed cum sem astutus, dolo vos cepi. Nunquid per aliquem eorum, quos misi ad vos, circumueni vos? Rogavi Titum, & misi cum eo fratrem. Nunquid Titus vos circumuenit? Nonne eodem spiritu ambulauimus? Nonne iisdem vestigijs? Hæc S. Paulus. Circà quæ S. Thomas 3. p. q. 40. art. 3. ad 2. *Vi Hieronymus dicit contra Vigilantium, Consuetudinis Iudaicæ fuit, nec ducebatur in culdam, more gentis antiquo, ut mulieres de substantia sua victum atque vestitum Præceptoribus suis ministrarent. Sed quia hoc scandalum facere poterat in nationibus, Paulus se abieciße commemorat.* Hæc ibi. Opusculo vero 19. Cap. 7. ait. *Maius damnum sequebatur ex predicatione splendo apostolorum, quibus predicandi occasionem Apostolus auferbat, de sumptibus fidelium non viuendo, cum contraria fidei predicarent, quam de hoc quod Apostolus se labori manuum implicabat, de proprio labore viuens.* Et iterum ait: *A principio conuersionis gentium, quando adhuc in gentibus hoc non consuetum erat, dimittebant sumptus accipere, propter scandalum.* Et iterum ait: *Quod potuit esse aliqua species mali, accipere victum à gentibus, quibus fides predicabatur, propter hoc quod nouerat eis consuetum.* Sed impium & hæreticum est dicere, quod Paulus vni loco adstrictus alicui onerosus fuisset, & non amputasset occasionem pseudoapostolis, & quod grauasset alios, aut quæreret quæ ipsorum, sunt aut quod scandalum dedisset, aut
speciem

ciem aliquam mali prætulisset. Ergo impium & hæreticum est dicere, quod Paulus vni loco adstrictus, certos & stabiles redditus acceptasset, quos utique non habuisset, nisi per elargitionem & eleemosynam æquè ac sumptus modicos ordinariè necessarios.

Decima nona ratio sumitur ex exemplis Apostolorum, qui pecuniam nolabant accipere oblatam à fidelibus. Sufficiat adferre exemplum de B. Thaddæo, de quo Eusebius lib. 1. Eccles. Hist. Cap. 13. refert. Quod cum post Christi ascensionem Abagarius Rex sanatus ab eodem Apostolo præciperet eundem donari plurimo auro, tum coelato, tum rudi & informi; ille respuit sic fatus: *Si nostra prorsus dereliquimus, quomodo accipiemus aliena?* Et quamvis Eusebius hunc non existimet Apostolum, sed vnum ex septuaginta duobus discipulis nihilominus S. Hieronymus in Matth. Cap. 10. vna cum S. Bonaventura. In Apolog. Paup. eum potius è duodenario numero Apostolorum fuisse tradit. Dic ergo Theologe, si Apostoli omnia sua dimiserunt, quomodo adstricti vni loco aliena acciperent?

Vigesima ratio est talis. Tandem etiam aliquando Apostoli vni loco adstricti constituerunt, videlicet in quo mortem oppeterunt, ut Ioannes in Asia, & alij alibi. Sed tunc etiam certos & stabiles redditus non acceptarunt. Ergo falsum est, quod si Apostoli vni loco adstricti fuissent certos & stabiles redditus acceptassent.

Vigesima prima ratio talis est. Apostoli paupertatem suam voto firmarunt, ut docent Theologi, & supra probatum est auctoritate S. Thomæ, & S. Augustini, dum ageretur de Apostolis. Credibile autem est, eos vouisse etiam paupertatem in communi. Primo quia S. Thomas 2. 2. q. 88. art. 4. ad 1. ait: *Apostoli intelliguntur vouisse pertinentia ad perfectionis statum, quando Christum relictis omnibus sunt secuti.* Sed non solum paupertas

In particulari, verum etiam paupertas in communi, pertinet ad perfectionis statum. Ergo Apostoli voverunt non tantum paupertatem in particulari, sed etiam in communi. Secundo præterea. Apostoli de facto coluerunt paupertatem in communi, ut supra probatum est. Ergo probabile est, quod paupertatem in communi voto firmarint. Quia enim Apostoli in fastigio perfectionis erant positi; præsumendum est, quod opera perfectioni modo faciebant quo Deo gratiora efficerentur. Perfectius autem & acceptius est Deo opus, quod sit ex voto, quam quod sit sine voto. Ergo præsumendum est, quod opus paupertatis in communi seruauerint ex voto. Tertio præterea. Aliqui Religiosi vouent paupertatem etiam in communi; vel quia vouent paupertatem secundum Regulam, quæ excludit possessionem bonorum in communi, vel quia expresse vouent ipsam paupertatem in communi. Sic & in Regula Societatis IESV oblata Iulio III. & ab eo confirmata habentur hæc verba: *Voueant singuli & vniversi perpetuam paupertatem, ut non solum prauam, sed neque etiam communiter, possint professi vel vlla eorum domus aut Ecclesia, ad aliquos prouentus, redditus, possessiones, sed nec ad vlla bona stabilia, præter ea quæ oportuna erunt ad usum proprium, & habitationem retinenda, in aliquod civile acquirere, rebus sibi ex charitate donatis, ad necessarium vite usum contenti.* Sed Religiosi ad imitationem Apostolorum vouent paupertatem in communi: & non est præsumendum, quod perfectiorem paupertatem voueant, quam Apostoli, quia hoc esset derogare perfectioni Apostolorum. Ergo multo magis tenendum est, quod Apostoli paupertatem in communi voverint. Quod si ita est, nulla ratione potest dici, quod si Apostoli vni loco adstricti fuissent, certos ac stables redditus acceptassent: quia non potest dici, quod si A-

postoli

postoli vni loco adstricti fuissent, votum paupertatis violassent.

Vigesima secunda ratio talis est. Viri Apostolici, id est, Religiosi Prædicatores, Apostolorum imitatores, etiam si de facto vni loco sint adstricti, nihilominus non habent possessiones communes, siue colunt paupertatem in comuni. Ita inter alios professi solemniter in Societate IESV, quorum domus professæ nequeunt habere, nec in particulari, nec in communi redditus ullos, aut bona stabilia, aut possessiones, præter eam possessionem, quæ ad habitationem vel vsum fuerit necessaria, aut valde conueniens, qualis est hortus, quo recreandi animi gratia se aliquando Religiosi recipiant. Talis autem possessio Societati professæ permixta, nequit alijs locari, nec debet habere fructus, qui reddituum loco esse possint. Cuiusmodi essent, si vini vel olei vel tritici proventus dicta possessio ferret, vel si fructus aut olera inde percepta venderentur. Nec licet domui professæ vendere ex illis fructibus, ad comparandas expensis necessarias illi horto colendo, nec conuenire cum horti illius cultore, vt aliquam fructuum partem sibi sumat aut partem horti in suum commodum colendam, in cultura reliquæ partis stipendium. Ita quod quantumvis exigui redditus, domui professæ omnimò interdiciuntur: nec integrum est Societati IESV habere hos redditus applicatos Sacristiæ, aut fabricæ Ecclesiæ. Nec potest domus professæ Societatis iuvari bonis Collegiorum, sed elemosynis sustentari debet. Nec potest Generalis Societatis dispensare, vt Collegiorum bonis iuuetur. Nec Societas professæ succedit in aliqua bona suorum Religiosorum. Et ita Professæ & Coadiutores formati, siue spirituales, siue temporales Societatis IESV, sunt omnis successionis hæreditariæ, siue ex testamento, siue ab intestatò incapaces ex mente Pontificum, qui confirmarunt institutum Societatis. Neque Religiosi Societatis IESV possunt ad beneficium admitti, siue simplex, siue curatum. Et si sint pro-

fessitrium aut quatuor votorum, emittunt votum nullius
 dignitatis procurandæ, aut acceptandæ, nisi cogentæ Pon-
 tifice. Idem prof. fessitrium aut quatuor votorum in Societa-
 te I E S V, voto adstringuntur non consentiendi relaxtioni
 paupertatis, iuxta eorum Constitutiones ab ipsis promissæ.
 Collegia quoque Societatis absque sufficienti donatione
 fundata, in quibus nec legunt, nec scholasticos alunt, non
 possunt ex proprijs redditibus ali, sed debent ex eleemosynis
 vivere, & fructus debent per publicam personam conser-
 uare, donec plene fundentur: quamvis hic rigor postea
 temperatus fuerit. Eadem Collegia Societatis I E S V, quæ
 præter Præceptores possunt alere duodecim scholasticos ex
 suis redditibus, nequeunt eleemolypas, aut dona oblata ad-
 mittere. Administratio autem reddituum & immobi-
 lium bonorum Collegiorum Societatis I E S V, non perti-
 net ad ipsos Collegiales, sed ad solum Generalem, & ad
 eum, cui ipse commiserit. Pro mysterijs verò spirituali-
 bus, quæ Societas exercere posset, interdicitur cuicumque
 illius Religioso, stipendium aliquod accipere, vt constat ex
 Exam. Cap. 1. §. 3. ibi. Ad hunc finem melius consequen-
 dum, tria vota in ea, Obedientiæ, Paupertatis, & Castita-
 tis emittuntur; sic Paupertatem accipiendæ, vt nec velit, nec
 possit reditus ullos ad suam sustentationem, nec quidvis
 aliud habere. Quod non tantum in particulari de vno
 quoque, sed etiam de Ecclesijs & domibus Societatis pro-
 fectæ est intelligendum. Nec etiam, quantumvis alijs sit
 licitum, pro Missarum sacrificijs, vel prædicationibus, vel
 lectionibus, vel ullius Sacramenti administratione, vel
 quouis alio pio officio ex ijs, quæ iuxta suum institutum
 Societas exercere potest, stipendium ullum, vel eleemosy-
 nam, quæ ad cōpensationem huiusmodi ministeriorū dari
 solent, ab alio quam a Deo possunt admittere. Idem inter-
 dicitur 6. par. Const. cap. 2. §. 7. Et in Declarationibus
 littera G. & parte decima §. 1. vt nec ipsi præposito Generali
 Societatis in hoc dispensare integrum sit, vt expresse habe-
 betur

betur in quinta Congregatione Generali Societatis IESV, Canone 1. Non est quoque integrum Societati IESV, aliquam Collegij dotationem admittere, per quam addendum Concionatorem, aut Confessarium, aut aliquem Theologiæ Lectorem, Societas obligetur, nisi quando hæc obligatio docendæ Theologiæ, non esset principalis, sed accessoria admissioni alicuius Vniuersitatis: quippe Societas Vniuersitatem aliquam admittens, potest ex consequenti obligari ad ordinarias illius lectiones, quamuis inter illas aliquæ Theologiæ essent. Aded autem grauius interdicitur recipere aliquid pro ministerijs spiritualibus in Societate IESV, quod transgressio huius interdicti non solum sit contra eius Constitutiones, sed etiam contra votum Paupertatis in Societate IESV promissæ, & ideo sit mortalis. Hæc omnia habet Sanchez Tom. 2. in Præcepta lib. 7. Cap. 27. & 28. quæ consulto adducta sunt, ut appareat quantum rigor Euangelicæ & Apostolicæ Paupertatis sit in Societate IESV. Quod si aliqui Religiosi v. g. Professi Societatis IESV etiam si vni loco adstricti; tamen certos & stabiles redditus non acceptant, & id quidem aiunt se facere ad imitationem Apostolorum, & faciunt propter maiorem perfectionem ipsorummet Apostolorum; quanto magis Apostoli exemplaria ipsiusmet Paupertatis, & in culmine perfectionis collocati, etiam si vni loco fuissent adstricti, non acceptassent certos & stabiles redditus? Nefarium est enim dicere, quod Religiosi vni loco adstricti, perfectiorem paupertatem colant, quam Apostoli coluissent, si vni loco adstricti fuissent. Alias si Apostoli vni loco adstricti, redditus acceptassent; frustra Religiosi vni loco adstricti, redditus non acceptantes, allegarent in exemplum paupertatis suæ Apostolos: siquidem alia est ratio de Apostolis, alia de illis. Apostoli enim redditus non acceptarunt, quia vni loco adstricti non erant, sed tot mundi regiones circuire debeant: ij vero Religiosi vni loco adstricti sunt. Si autem verum esset, quod Apostoli vni loco adstricti, redditus acceptas-

sent, utique magis congruum foret, ut Religiosi quoque uni loco adstricti reditus acceptarent: magis enim per hoc Apostolis se conformarent.

Sed iam his rationibus pensatis, videat unusquisque quem spiritum redolet Propositio Theologi. Miror autem temeritatem eius, quod eam Propositionem, extra omnem dubitationem positam asseruerit, de qua utique dignum & conueniens erat saltem dubitare: dixit enim: *procul dubio*. Sic omnino vult possessionem bonorum in communi, esse perfectiorem carentia eorundem, quod utique est hæresis Vigilanti, iudicio S. Thomæ: sic suas res nequiter palliare vult exemplis ipsorummet Apostolorum.

PROPOSITIO CXIII.

Vti postea dilataa Ecclesia, & pastoribus animarum multiplicatis, ac ad certa loca addictis, acceptarunt Episcopi, alyque Ecclesiastici.

HO Cargumentum Theologi S. Thomæ ab aduersarijs paupertatis obiectum, & sæpius ab eodem reiectum est, ita ut euidenter cognoscas Theologum armis con fractis uti, & eius vires iam pridem prostratas. In primis enim Opusc. 17 Cap. 14 ait de his, qui homines à Religione retrahere conantur, Religiosorum perfectioni derogando, maxime eorum, qui in communi possessiones non habent. *Dicunt insuper quod Christus Ordinem discipulorum instituit, quibus succedunt Episcopi & Clerici possessiones habentes, Ordines autem Religiosorum, absque possessionibus in paupertate viuentium, postea ab alijs sunt instituti.* Et respondet ad hoc argumentum Cap. 16. *Quod vero*
quarta

quarior induciur, quod Dominus non instituit Ordine non habentium possessiones, sed Ordinem prelatorum, qui possessiones habent, in alio quidē est apertū mendacium. Cum enim Dominus discipulos instituit, quod nec argentum, nec aurum possideant, & quod corda eorum non grauentur curis huius mundi: & dimittentibus agros & domos propter nomen suum premia repromittit non solum in futuro, sed & in hoc seculo, vis scilicet sint cum Apostolis nihil in hoc mundo habentes, & omnia possidentes, manifestū est, quod omnes, quicunque hanc regulam secuti fuerint, institutionē Christi sequuntur: nec enim illi, qui sanctos sequuntur, per quos sunt Ordines instituti, ad ipsos accedunt, sed ad Christum, cuius documenta proponunt: quia nec illi se ipsos predicauerūt, sed cum Apostolo IESUM Christum, eius documenta proponentes. In altero vero falluntur, vel fallere volunt per fallaciam accidentis. Instituit enim Christus Episcoporum Ordinem & aliorum clericorum qui possessiones communes habent, vel proprias: Sed hoc in eis Christus non instituit, sed magis instituit eorum Ordinem in perfecta paupertate: sicut ex predictis apparet. Postmodum vero dispensatiue sunt in Ecclesia communes possessiones acceptae propter rationem predictam. Hæc ibi. Capite veto 15. ait. Ecclesia in sui primordio in omnibus membris suis talis fuit, qualis postmodum fuisse apud perfectos quoscunque inuenitur. Sicut enim natura sic & gratia debuit à perfectis initiū assumere. Et ideo Apostoli secundum illum statum, fidelium

fidelium vitam ordinauerunt perfectioni conuenien-
tem. Vnde dicit Hieronymus in lib. de Illustribus
viris. Apparet talem primam Christo credentium fu-
iss. Ecclesiam, quales nunc Monachi nituntur, &
cupiunt esse, ut nihil cuiusquam proprium sit, nullus in-
ter eos diues, nullus pauper, & patrimonia egentibus di-
uidantur, Orationi vacetur, & psalmis, doctrina quoq;
& continentia. Hic autem viuendi modus, perfectio-
ni congruus fuit apud primos credentes, non solum in
Iudea sub Apostolis, sed etiam apud Egyptum sub
Marco Euangelista, ut ibidem Hieronymus dicit:
& sicut in lib. Ecclesiast. Hist. narratur. Processu vero
temporis multum Ecclesiam erant in traturi, qui ab
hac perfectione disicerent, quod non erat futurum
ante Iudaeorum excidium, sed Ecclesia apud Gentes
multiplicata. Quod postquam contigit, utile iudicane-
runt Ecclesiarum Praelati, ut pradia & agri Ecclesys
conferrentur, non propter perfectiores quosque, sed pro-
pter infirmiores qui ad primorum fidelium perfectionem
attingere non valerent. Hæc ibi Opusc. vero 19.
Cap. 6 idem argumentum sibi obijcit 1. 2. q. 1.
Cap. Videntes, dicitur. Quod summi Sacerdotes statue-
runt possessiones Ecclesie conferri, ut inter eos, qui in
communi vita degunt, nullus egens inueniatur. Et re-
spondet ad hoc argumentum. Quod Ecclesia mul-
tos infirmos sustinet, quos non facile sustineret, sine
temporalium possess. onum solatio: expedit ergo faculta-
tes communes in Ecclesia possideri, proprijs dimissis, &
præcipuè

*præcipue propter pauperes sustendandos. Non tamen sequitur, quod non sit expediens perfectis viris, qui sua dimiserunt, vitam Religiosam agere siue communibus possessionibus, & quamuis perfectio Apostolica non annullecetur in illis, qui possessiones communes habent, tamen expressius conseruatur in illis, qui proprijs, dimissis etiam, communibus carent. Hæc Sanctus Thomas. Demum vt aduertat diuersam esse rationem de Episcopis, & de Religiosis, aduerte ea quæ dicit Sanctus Thomas 2.2 quæst. 186 art. 3. ad 5. Status, inquit, Episcopalis non ordinatur ad perfectionem adipiscendam, sed potius vt ex perfectione, quam quis habet, alios gubernet, non solum ministrando spiritualia, sed etiam temporalia: quod pertinet ad vitam actiuam, in qua multa operanda occurrunt instrumentaliter per diuitias, vt dictum est. Et ideo ab Episcopis, qui proficiuntur gubernationem gregis Christi, non exigitur vt proprio careant, sicut à Religiosis, qui proficiuntur disciplinam perfectionis acquirere, Hæcibi. Opusc. vero 19. Cap. 6. ait: Statutum, inquit, illud (nempe in Decret. dist. 1. C. Nemo dicitur quod Ecclesia non debet edificari, antequam ille qui vult edificare prouideri quæ ad alimenta, & custodiam, & stipendia custodum sufficiant) inductum est in fauorem Ecclesie: & ministrorum Ecclesie, & ideo si aliqui supererogare velint, vt sine possessionibus Ecclesie seruiat laudabiliores existunt, sicut Paulus predicans Euangelium sine sumptu, qui
 predi-*

predicator erat à Der ordinatus, ut patet 1. Corinth. 9.
 Ex his omnibus patet, quòd non valet argumentum Theologi: Episcopialiſque Eccleſiaſtici, certos redditus acceptarunt. Ergo & Religioſi Prædicatores quantumvis perfectiſſimi acceptent redditus. Sed vellem ſcire à Theologo, quid intelligit nomine aliorum Eccleſiaſticorum? Velenim intelligit Prælatos; vel intelligit etiam Religioſos. Si Prælatos; quare eos antea vocavit ſæculares, quos modo dicit Eccleſiaſticos? niſi ſuſpicio ſit, quod nomine Prælatorum ſæcularium, intellexerit etiam Reges & Principes, ut eos in perfectione anteponeret Religioſis. Si vero intelligit etiam Religioſos; utique non omnes Religioſi acceptarunt redditus, ut patet de Fratibus Ordinis Minorum, & Profeliſ Societatis IESV.

PROPOSITIO XCIV.

Non obest ergo perfectioni Religioſæ poſſeſſio bonorum temporalium bene distributorum, ſed vel malus & ſuperfluus eorum uſus, vel nimius erga illa affectus, quorum virumque præſcindit in ordinatis Religionibus, & votum Paupertatis, & regularis diſciplina,

ISTVD quoque argumentum ab Aduerſarijs paupertatis, S. Thomæ obiectum eſt, & ab eo refutatum. Opuſc. enim 19. Cap. 6. inter argumenta impugnantium paupertatem in commu-
 in

ni habetur & istud: 1. 2. q. 1. dicitur. *Expedi facultates Ecclesie possideri, & proprias perfectionis amore contemni. Et infra. Satis ostenditur & proprias debere propter perfectionem contemni & sine impedimento perfectionis posse Ecclesie facultates, quae sunt profecto communes, possideri. Ergo etsi aliqui omnia sua dimittant ad Religionem conuolantes, talem tamen Religionem debent eligere, quae habeat facultates communes.* Et respondet ad hoc argumentum *Quod quamuis perfectio non enulletur in illis, qui possessiones communes habent, tamen expressius conseruatur in illis qui propriis dimissis etiam communibus carent.* Hæc S. Thomas. Et meum: Aliud est enim non obesse perfectioni: aliud perfectius esse. Et non valet istud argumentum. Non obest perfectioni. Ergo conuenit Religioni perfectissimæ. Cæterum quantum possessio bonorum temporalium rapiat affectum humanum, & quam difficile sit separare animum à bonis possessis, patet ex multis locis S. Thomæ. Sufficiat interim ista citare. 2. 2. q. 186. art. 3. in corp. ait. *Ex hoc quod aliquis res mundanas possidet, allicitur animus eius ad earum amorem.* Unde Augustinus dicit in Epistola ad Paulinum & Thersiam, quod terrena diliguntur arctius adepta, quam concupita. Nam unde iuuenis ille tristis discessit. nisi quia magnas diuitias habebat? Aliud est enim nolle in corporare quæ de sunt, aliud iam in corporata diuellere. Illa enim velut extranea repudiantur, ista vero velut in membra præscinduntur. Et Chrysostomus dicit super Matih. *Quod appo-*
sitis

silio diuitiarum, maiorem accendit flammam, & vehementior fit cupidò. Et inde est, quod ad perfectionem charitatis acquirendam, primum fundamentum est voluntaria paupertas, ut aliquis absque proprio uiuat, dicente Domino Matth. 19. Si vis perfectus esse, uade, & vende omnia quæ habes, & da pauperibus, & ueni sequere me. Hæc ibi. in eadem quoque 2. 2. q. 118. ar. 7. in corp. ait. Est priuatio omnium facultatum, siue paupertas, perfectionis instrumentum, in quantum per remotionem diuitiarum tolluntur quedam charitatis impedimenta, quæ sunt præcipue tria. Quorum primum est sollicitudo, quam secum diuitiæ adferunt. Vnde Dominus dicit Matth. 13. Quod autem seminatum est in spinis, hic est qui uerbum Dei audit, & sollicitudo huius sæculi & fallacia diuitiarum, suffocat uerbum. Secundum autem est diuitiarum amor, qui ex diuitiis possessis augeatur. Vnde & Hieronymus dicit super Matth. Quod quia diuitiæ habita difficile contemnuntur, non dixit Dominus Matth. 19. Impossibile est diuitem intrare in regnum celorum; sed difficile. Tertium autem est inanis gloria, uel elatio, quæ ex diuitiis nascitur, secundum illud Psal. 48. Qui confidunt in uirtute sua, & in multitudine diuitiarum suarum gloriantur. Horum ergo primum à diuitiis separari non potest totaliter, siue sint magna, siue parua. Necessè est enim hominem aliquāliter sollicitari de acquirendis, uel conseruandis, exterioribus rebus. Sed si res exte-

teriores non querantur, vel habeantur, nisi in modica quantitate, quantum sufficiunt ad simplicem victum, talis sollicitudo non multum impedit hominem, Unde nec perfectioni repugnat Christiana vita. Non enim omnis sollicitudo à Domino interdicuntur, sed superflua, & nociva. Unde super illud *Matth. 6. Ne solliciti sitis anime vestra quid manducetis, &c.* dicit *Augustinus in lib. de serm. Dom. in Mon.* Non hoc dicit, ut ista non procurentur, quantum necessarius est, sed ut non ita intueantur, ut propter ista faciant quicquid in *Euangelij* predicatione facere iubentur. Sed abundans diuitiarum possessio, abundantior sollicitudinem ingerit, per quam animus hominis multum distrahitur, & impeditur: ne totaliter feratur in Dei obsequium. Alia vero duo, scilicet amor diuitiarum, & elatio, seu gloriatio de diuitijs, non consequuntur nisi abundantes diuitias. Differt tamen circa hoc, utrum diuitie abundantes, vel moderata, in proprio, vel in communi habeantur. Nam sollicitudo que circa proprias diuitias adhibetur, pertinet ad amorem privatum, quo quis se temporaliter amat: sed sollicitudo, que adhibetur circa res communes, pertinet ad amorem charitatis, que non querit que sua sunt, sed communibus intendit. Et quia Religio ad perfectionem charitatis ordinatur, quam persequitur amor Dei usque ad contemptum sui, habere aliquid proprium perfectioni repugnat Religionis; sed sollicitudo que adhibetur circa bona communia, pertinere potest ad charitatem,

*difficile intrabit in regnum cœlorum. Et ratio est ut Hieronymus dicit, quia diuitiæ habita difficile contem-
nuntur. Et infra. Difficile est affectum diuitijs possessis
non alligari, quod facit impossibilitatem intrandi in
regnum cœlorum. Consonat S. Bonaventura in Apo-
log. Paup. Vnde, inquit, Gregorius in 4. Moral.
Rarum valde est, ut qui possident aurum, ad requiem
tendant, cum per semetipsam Veritas dicat, Quam dif-
ficile qui pecunias habent intrant in regnum cœlorum
Idem etiam in 4. Dialog. Cura rei familiaris vix sine culpa
agitur, etiam ab his qui qualiter culpas declinare debe-
ant sciunt. Et Rabbanus super Matth. Difficile
(hoc est, maximi laboris) est, pecunias habentes, vel,
in pecunijs confidentes, ex utrisque phylargyriae retinaculis
aulam regni cœlestis intrare. Propter quod securum
est diuitias fugere, & eas abdicare perfectum. Vnde
Hieronymus ait: Apostolici fastigium est, perfectæque vir-
tutis vendere omnia, & pauperibus distribuere, & sic
leuem & expeditum cum Christo ad cœlestia subuolare.*

Pro Coronide totius istius tractationis de Paupertate, ad-
uerte, quod Theologus argumenta pro suo intento deprom-
psit ex armatio impugnantium paupertatem in communi,
quos S. Thomas Opusc. 17. Cap. 1. vocauit nouos Vigilan-
tios. Primùm enim argumentum, quod sit maior sollicitudò
quærendi eleemosynas, quàm possidendo bona in com-
muni; proposuit Sanctus Thomas nomine illorum Opusc.
17. Cap. 14. loco 7. Et confutauit Cap. 16. Secundum ar-
gumentum ab exemplo SS. Fundatorum Religionum,
proposuit eodem loco citato in ordine secundum; &
confutauit Cap. quoque 16. Idem proposuit Opus. 19.
Cap. 6. loco 22. Et ibidem refutauit. Tertiū argumen-

tum de libertate seruiendi Deo, proposuit Opusc. 19. Cap. 7. loco 2. Et eodem Cap. refutauit. Quartum argumentum de adulatione, siue non adeo expedita libertate in prædicando, proposuit loco immediatè citato, & soluit ibidem. Quintum argumentum de oculis Christi, proposuit Opusc. 19. Cap. 6. & soluit ibidem. Sextum argumentum de pretijs prædiorum conseruatis ab Apostolis, proposuit, & soluit eodem loco. Septimum argumentum de Episcopis proposuit Opusc. 17. Cap. 14. & soluit Cap. 16. Et Opusc. 19. Cap. 6. & ibidem soluit. Octauum argumentum de eo, quod non obsit perfectioni possessio bonorum in communi, proposuit Opusc. 19. Cap. 6. & soluit ibidem. Eidam quoque omnia argumenta proposuit S. Bonauentura in Apologia Pauperum, & soluit, vt legenticonstat. Quid ergo inferri licet, nisi quod spiritus Vigilanti in Theologo surrexit? Iam quod arma nouorum Vigilantiorum assumos: ideo & ipse nouus Vigilantius est. Videat Theologus, an sit discipulus S. Thomæ, an verò potius aduersarius eius? vtpotè qui argumenta aduersariorum eius, ab ipso confutata reissumpserit. Videat, an Regulas suas ex doctrina Sancti Thomæ decerpserit, qui potius argumenta contraria attulerit? Utinam inscitiam suam & fraudes orbi non propalasset; vtique non erubuisset.



PROPOSITI XCV.

- *Commendat & hoc perfectionem Religiosi Ordinis, si ceteris paribus ex instituto suo occupet se pro Deo in arduis & difficilioribus, quam alij. Hanc ob causam Sanctus Thomas 1. p. q. 95. art. 4. ad 2. ait, Opus difficilius ex parte obiecti, esse magis meritorium. Unusquisque enim mercedem percipiet secundum suum laborem 1. Cor. 3. Maior autem est labor, ubi est res difficilior, qua pro Deo perficitur.*

HÆC Propositio manifestā continet contradictionem: Si enim commendat perfectionem Religiosi Ordinis, quia ex instituto suo se occupat in rebus arduis & difficilioribus, quam alij; quomodo non commendat perfectionem Religiosi Ordinis, si ex instituto suo se occupat pro Deo, austeritate, & paupertate in communi: quando quidem istæ res a deo sunt arduæ & difficiles, quod eas valde reformidat Theologus? Ceterum quod difficile, non faciat ad augmentum præmij essentialis supra ostensum est ex doctrina S. Thomæ. Continet etiam hæc Propositio falsissimam citationem S. Thomæ. Non enim S. Thomas 1. p. q. 95. art. 4. ad 2. habet. *Opus difficilius ex parte obiecti esse magis meritorium.* Refero verba S. Thomæ loco citato, ut fides dicto adhibeatur. *ad secundum dicendum, quod difficultas & pugna pertinet ad quantitatem meriti, secundum quantitatem operis proportionalem, ut dictum est. Et est signum promptitudinis voluntatis, quæ conatur ad id, quod est sibi difficile: promptitudo autem voluntatis,*

tatis, causatur ex magnitudine charitatis. Potest autem contingere, quod aliquis ita prompta voluntate faciat opus aliquod facile, sicut aliquis difficile, quia paratus esset facere etiam quod sibi esset difficile. Difficultas tamen actualis, in quantum est pœnalis, habet etiam quod sit satisfactoria pro peccato. Ut autem plenius percipias doctrinam S. Thomæ, considera ea quę in corpore articuli habet. Dicendū, inquit, quod quantitas meriti ex duobus potest pensari. Vno modo ex radice charitatis, & gratiæ; & talis quantitas meriti respondet premio essentiali, quod consistit in Dei fruitione: qui enim in ex maiori charitate aliquid facit, perfectius Deo fruitur. Alio modo pensari potest quantitas meriti ex quantitate operis. Quę quidem est duplex scilicet absoluta, & proportionalis. Vidua enim, quę misit duo ara minuta in gazophylacium, minus opus fecit quantitate absoluta, quam illi qui magna munera posuerunt: Sed quantitate proportionali vidua plus fecit secundum sententiā Domini, quia magis eius facultatem superabat. Viraque tamen quantitas meriti respondet premio accidentali, quod est gaudium de bono creato. Sic igitur dicendum, quod efficaciora fuissent hominis opera ad merendum in statu innocentie, quam post peccatum, si attendatur quantitas meriti ex parte gratiæ, quę tunc copiosior fuisset, nullo obstaculo in natura humana inuenito. Similiter etiam si consideretur absoluta quantitas operis: quia cū homo esset maioris virtutis, maiora opera fecisset. Sed si consideretur quantitas

propor-

proportionalis, maior inuenitur ratio meriti post peccatum, propter hominis imbecillitatem. Magis enim excedit paruum opus potestatem eius, qui cum difficultate operatur illud, quam opus magnum potestatem eius, qui sine difficultate operatur. Hæc S. Thomas.

Sed instat Theologus duplici argumento. Primum est tale. Hanc ob causam dilectio inimici est magis meritoria, ceteris paribus, quam amici, ut idem S. Thomas habet 2. 2. q. 27. art. 7. Sed debebat Theologus expendere totum textum S. Thomæ, qui eo in loco sic inquit: Dicendum quod ratio diligendi proximum, Deus est: sicut supra dictum est. Cum ergo queritur: quid sit melius: vel magis meritorium; Virum diligere amicum: vel inimicum? dupliciter istæ dilectiones comparari possunt. Vno modo ex parte proximi, qui diligitur: alio modo ex parte rationis, propter quam diligitur. Primo quidem modo dilectio amici, præminet dilectioni inimici, quia amicus & melior est, & magis coniunctus: unde est materia magis conueniens dilectioni. Et propter hoc actus dilectionis super hanc materiam transiens melior est, unde & eius oppositum est deterius: peius enim est odire amicum, quam inimicum. Secundo autem modo, dilectio inimici præminet propter duo. Primo quidem, quia dilectionis amici potest esse alia ratio, quam Deus: sed dilectionis inimici, solus Deus est ratio. Secundo quia præsupposito, quod uterque propter Deum diligatur fortior ostenditur esse. Dei dilectio, qua

animum hominis ad remotiora extendit, scilicet, usque ad dilectionem inimicorum. Sicut virtus ignis tanto ostenditur esse fortior, quanto ad remotiora diffundit suum calorem. Tanto ergo ostenditur divina dilectio esse fortior, quanto propter ipsam difficiliora implemus. Sicut & virtus ignis tanto est fortior, quanto comburere potest materiam minus combustibilem. Sed sicut idem ignis in propinquiora fortius agit, quam in remotiora; ita etiam charitas ferventius diligit coniunctos, quam remotos. Et quantum ad hoc dilectio amicorum secundum sed considerata, est ferventior & melior, quam dilectio inimicorum. Hæc S. Thomas. Non ergo quocunque modo dilectio inimici est magis meritoria; quæ vero ratione præmineat, iam patet ex dictis S. Thomæ: Quia nimium sic dilectio, quæ est principium merendi, ostenditur esse fortior; non autem quasi difficultas faciat aliquid ad rationem præmij essentialis. Nam quemadmodum idem S. Doctor in sequenti articulo in resp. ad 3. docet, Plus facit ad rationem meriti & virtutis, bonum, quam difficile. Unde non oportet quod omne difficilius sit magis meritorium, sed quod sic est difficilius, ut etiam sit melius. Secundum argumentum Theologi est: Eleemosyna illa Christo iudice Luc. 21. maior erat, Deoque magis accepta, quam paupercula vidua dans duo æra minuta exhibuit, quam divitibus copiosior: quia illi difficile fuit, totum quod habuit Deo offerre, quàm divitibus superflua ex abundanti erogare. Cæterum ad hoc respondeo, quod vidua illi quantitate proportionali, plus fecit secundum sententiam Domini: proportionalis

portionalis autem quantitas meriti, responderet præmio accidentali: ut docet S. Thomas paulo ante citatus l. p. q. 95. ar. 4. in Corpore.

Demum aduerte, quod non qualibet Religio, quæ occupatur in difficilioribus, est perfectior; sed quæ in difficilioribus; quod illa difficiliora, sint meliora, ut supra ex S. Thoma dictum est: non enim omne difficilius, melius est: siue, quæ ita occupatur in difficilioribus quod non in periculosis pro anima, quæ prudenter declinantur. De quo vide si placet S. Thomam Opusc. 18. Cap. 20. Difficilius enim Castitatem tueri, conuersando cum mulieribus, sed quia periculosius, idè ex consilio Sanctorum declinanda est huiusmodi difficultas.

PROPOSITIO XCVI.

Attende etiam ad hoc, Illustrissime Domine, ut eam Religionem tuæ nepoti commendes præ cæteris, in qua cum regularum obseruantia, vides maiorem concordiam & domesticam unionem, præsertim in magna dissimilitudine graduum, & nationum varietate simul cohabitantium.

AT quomodo videbit Illustrissimus Dominus domesticam unionem, qui eo ipso, quod ex illustrissimus, & non Religiosus, vique est positus extra claustra? Nunquid penetrabit muros oculis; ut videat ea quæ domi fiunt? Poterit quidem ad extra videre maiorem concordiam, sed quomodo videbit ad intra domesticam unionem; præsertim si summa diligentia cœlantur res secretæ? Dicam amplius; quomodo penebrabit oculis interora conscientiarum vniuscuiusque, in qua potissimum residet charitas Dei & proximi. Scriptum est enim Matth. 23.

tamen nil præ ceteris habebant, quam quod per annos quindecim in domo una pariter manentes, nec turpe verbum altera dixisset ad alteram, nec liton mouisset, sed in pace vixissent, & à secularibus verbis abstinere ad mortem decreuissent, cum a desiderio vitæ Monastica, si id per maritos earum aliquando liceret.

DEbebas perpendere Theologe, quod dicitur lococitato. Videlicet, has mulieres pari consensu tractasse, quatenus pariter relictis maritis in Congregationem Religiosarum Virginum proficicerentur: & multis precibus hoc à Coniugibus non valuerunt obtinere. Quo non adepto inter se & Deum posuerunt testamentum, ut usque ad mortem sæculare verbum non loquerentur omnino. Sicut enim aliquis ex maiori charitate potest velle sustinere Martyrium, quam alius sustineat; unde voluntariè Martyr, potest mereri sua voluntate præmium essentialè æquale, vel maius eo quod Martyri debetur, ut ait S. Thomas in 4. Dist. 49. q. 5. art. 3. qua stiunc. 2. ad 3. ita aliquis ex maiori charitate, potest velle Religiosam vitam, quam alius de factò Religiosus: unde voluntariè Religiosus, potest mereri sua voluntate præmium essentialè æquale, aut maius eo, quod Religioso debetur. Denique non paruum est, nunquam sæculare verbum proferre. Scriptum est enim Iacob. 3. *Si quis in verbo non offendit, hic perfectus est vir, potest etiam freno circumducere totum corpus.*



PROPOSITIO CXVIII.

Et hac ut opinor sufficienti, Illustrissime Domine, ad adferendam tibi certam lucem, pro utroque desiderio tuo.

Attulisti Theologe certas tenebras, non certam lucem; nisi quod tenebras dicis lucem, & lucem tenebras. Tua enim epistola passim resperla est Propositionibus implicatis, inuolutis, vafis, friuolis, subdolis; imo erroribus, imo hæresibus: ita quod mirum sit, hanc opellam tuam adeo exiguam mole tamen adeo magnam perniciem. Mirabile enim est plurimos etiam prima facie doctos, tuas fraudes nec quidem competisse, at plures tuis persuasionibus blandis illectos, austeritati & paupertati renuntiasse, & à Religionibus rigidis, ac pauperibus & aduersionem in animo concepisse.

PROPOSITIO XCIX.

Vnum restat, ut te excitem ad aperiendam liberalitatem, & cum bonis ac nepote tuo, cor ipsum, tuum.

MI Theologe, non est semper conueniens ei Ordini deferre bona temporalia, cui aliquis seipsum deuouet. Duæ enim sunt opiniones circa istud. Vn affirmans, Altera negans. Vtræque tamen opinio fatetur, quod propter periculum infamiae, & mali nominis, cui Religiosi admittentes alumnos cum suis facultatibus & diuitijs possunt subijci, non sunt aggreganda bona Ordini, sed potius pauperibus elargienda. *Quia melius est nomen bonum, quam diuitiae multe.* Et sane apud

apud viros pietate; & doctrina probatos, non potuit Theologus euadere suspicionem, & notam auariciæ. Tota enim Epistola, Nepotem semper coniunxit bonis: imo potius è conuerso, bonis adiunxit Nepotem. Infallibiliter enim in decursu totius Epistolæ semper primo loco posuit bona, secundo Nepotem: vnde suspicantur, si ne Nepotem propter bona Religionis venari voluerit. Sed iam oro te, ad quid tali Religionis bona accumulare gestis, quæ habet possessiones communes & redditus, & est libera à quærendis eleemosynis? Si enim non potest quærere modicas eleemosynas, quomodo maiores? Ridiculum est enim dicere, quod Religio non possit petere fructum panis & possit petere mille marcas auri: quod non possit petere modicam necessariam pro victu & vestitu; & possit petere villas & oppida. Quomodo talis Religio minime libera à quærendis eleemosynis magnis (quandoquidem & possessiones, & villæ à Religiosis ex eleemosyna habentur, & libera è largitione fidelium) potest melius & Deo, & sibi, & proximis vacare? siquidem tu Theologe enuntiasti, quod Religiosi non liberi à quærendis eleemosynis, non possunt melius & Deo, & sibi, & proximis vacare. Quomodo talis Religio liberius errantes corrigit; si ab Auditoribus quæret subsidia temporalia, & quidem ea magna? Timebit enim benefactores offendere, corrigendo eorum vitia: quia veritas odium parit. Tua dicta Theologe profero: ex his te ipsum iudica.

Sed videamus quare talibus Religionibus bona dedicare velis? Fortasse propter hanc rationem, quam supra in hac tua Epistola tradidisti. Si, inquis, inueniantur plures hominum piorum Ordines vel Congregationes, quæ videantur bonæ & perfectæ; debent potius ijs bona cum Nepote offerri, qui sequuntur perfectius viuendi institutum, & in eo modum viuendi perfectiorem.

Perfe

PROPOSITIO C.

Unum denique addo, id ut nepoti tuo inculces serio, ne a sancto vitæ arctioris desiderio resiliat, tum alias ob causas, tum ne vitæ æternæ iacturam patiatur.

OBLITVS es tui Toeologe, vel certe tanquam-
 sina Balaam inuitus loqueris. Quid enim tibi
 agitur, ut dicas, Nepoti inculcandum serio, ne à
 sancto vitæ arctioris desiderio resiliat? Hæc cine
 tibi vitæ arctior, quæ Psalmodia caret, vitæ externam
 austeritatem non proficitur, paupertatem in communi non
 seruat? Arctitudo tibi est, austeritatem externam non habe-
 re, & possessionibus communibus abundare? Quanta ar-
 ctitudo tibi erit austeritas, & paupertas in communi? Sane
 talis arctitudo supra captum mentis, vel fortasse carnis tuæ.
 At reuera comparatiue loquendo, ut tu profers, non est
 vitæ arctior, qualem tu hucusque defendisti. Ergo fortas-
 sis Nepos Illustrissimi ultimo consilio illectus, quod veritas
 ipsa, præter tuam intentionem, expressit, relictis consilijs de
 blandiori vitæ, euolabit ad vitæ arctiorem, & tuum laborem
 frustaneum reddet. Si enim Nepos Illustrissimi omnino
 vitæ Religiosæ amplectendæ animum destinauit, potius
 eliget Religionem, in qua simul magis resplendet Dei dile-
 ctio & proximi propter Deum, & habet opera virtutis Re-
 ligionis & opera pœnitentiæ, & facit maximum fructum
 in Ecclesia Dei, & offert plures occasiones heroicæ virtutum
 & laborum pro Dei gloria. Et in ea est simul prædicationis &
 orationis, & psalmodiæ, studium; quanuis maius studium
 prædicationis & orationis quam psalmodiæ & vitæ externæ
 austeritatem proficitur, & paupertatem incommuni tantopere
 commendatam à Sanctis seruat, & occupatæ pro Deo in
 rebus

rebus arduis & difficilibus : Denique in qua est maior cōcordia, & vnio domestica, cum magna dissimilitudine, & varietate, & graduum, & nationum : potius inquam eliget talem Religionem, quam eam quæ quædam ex dictis complectitur, quædam verò à se excludit : vt pauperem in communi, austeritatem externam &c. Talis enim Religio, secundum Theologi regulas, est perfectior, quia habet media efficaciora, plura, & ordinata, auxilia plura, & meliora, pluribus & melioribus est fulta præsidijs ad consequendum suum finem perfectissimum. Quod si ita est, eludetur tota spes Theologi, de bonis Nepotis. Cum enim Religio profitens paupertatem in communi, non requirat bona Nepotis, inde est quod si Nepos tali Religioni se ipsum adiecit, illa vtique bona remanebunt Illustrissimo, & eius familiæ : Theologum verò hiantem, spes sua faller, & dicet, Oleum & operam perdidit.



EPILOGVS.

HIC tandem librum hunc, totum ferè ex dictis SS. Patrum, potissimum tamen Doctoris Angelici S. Thomæ Aquinatis concinnatum, verbis eiusdem S. Doctoris, quibus & ipse similes libros terminare solitus est, concludo: *Hæc sunt, quæ ad præsens scribenda occurrunt, contra eum, qui perfectionem Religionis denigrare attentauit. Si quis igitur contra hæc rescribere voluerit, mihi acceptissimum erit. Non autem coram pueris (addo & mulierculis) garriat, sed scribat, & scripturam proponat in publico, ut ab intelligentibus dyudicari possit, quod verum sit, & ut quod erroneum est, auctoritate veritatis confutetur* Adiungo de meo: Prodeat Author de latebris, & nomen suum in aperto prodatur, ad singula sigillatim & distincte respondeat, & ea vel approbet, vel reprobet, non apices, sed substantiam rei scrutetur, doctrinæ S. Thomæ, cui sponte se adstrinxit, constanter inhærendo respondeat, certus quod me paratissimum & promptissimum ad satisfaciendum sibi semper reperiens, si modo conditionibus à me propositis persistit.

*Omnia subijcio S. M. R. Ecclesie, & iudicio
doctorum virorum, paratus corrigere
quæ corrigenda videbuntur.*

FINIS.

Laus Deo Virginique Matri.



Dd

ERRATA

E R R A T A

Pag. 1. Vers. 24. lege, euitentur. p. 8. v. 2. passione. p. 2.
 v. 1. vel ineptus. p. 21. v. 26. virtutem orationis & ieiunij.
 pag. 24. v. 2. Et sic non potest. p. 29. v. 17. Si saluti propriæ. p.
 30. v. 30. immo vero omnes. p. 51. v. 14. quid prodest soli-
 tudo corporis. v. 21. conuersationis. p. 76. v. 2. opposuistis.
 p. 82. v. 24. claritatis. v. 31. absolute. p. 84. v. 13. discreue-
 rat. p. 95. v. 6. tantum. & legenti. p. 108. v. 1. quod. p. 142:
 v. 1. & quantum ad aff. p. 150. v. 9. tam sine connex. p. 154.
 v. 3. historiæ. v. 4. indubitata, vt. v. 25. ex quibus habet.
 p. 155. v. 18. respondente actui. v. 24. peruenire. a. a. p.
 considerata. p. 156. v. 2. voluntarie tantū martyribus. p. 158.
 v. 20. quis insignis. v. vlt. merentur. p. 161. v. 1. dele totū.
 p. 174. v. 1. Remigius v. penult. in infidelitatis. p. 175. v.
 17. Vuillehadus. p. 176. v. 13. Prussia. p. 179. v. 3. Bueil. p.
 180. v. 8. numerum animarum ad rectam. p. 182. v. 1. ab
 Innoc. p. 183. v. 28. sponte sua. p. 185. v. penult. paucis die-
 bus post. p. 186. v. 30 per se noti: p. 191. v. 9. impelleret. p.
 192. v. penult. Antonium. p. 193. v. 7. millesimo ducente-
 simo quadrag. p. 194. v. 25. neque aha spiritualiz. p. 200. v.
 1. opem. p. 203. v. vlt. art. ~~stephano~~ p. 207. v. 27. quæ ar-
 ridere videbantur. p. 208. v. 21. ille subtricer. v. 25. gustu.
 p. 213. v. 7. subiret. v. 17. fieret ansa. p. 214. v. penult. præ-
 fatis. p. 220. v. 4. prædicationis annuitur, dum. p. 227. v.
 23. habeans. p. 229. v. 1. Æthiopiz. v. 8. scientiæ viri
 multoties. p. 233. v. 10. præfert. p. 236. v. 21. detractores.
 p. 239. v. 2. bono. p. 245. v. 22. in illis non exerc. p. 247. v.
 29. renouatur. p. 249. v. vlt. degrauatū in terra teneat, quis
 ignoret? Propter breuem gulæ voluptatem terræ lustratur
 & maria, & vt mulsū, vinum, pretiosusque cibus fauces
 nostras transeat, totius vitæ opera desudamus. Tactus au-
 tem alienorum corporum, & fæminarum ardentior. p. 256.
 v. 4. vt formosuli. p. 259. v. 2. adulterium. v. 7. peccatum.
 p. 277. v. 10. sequaris. p. 279. v. 12. subiicit, quia hæc. p.
 289. v. 9. iuuenes. p. 303. v. 17. conseruationem. p. 308. v. 6.
Ordinem nostrum non esse. p. 309. v. 7. non tantum ad. p.

318. v. 11. scio & abundare & pænuriam. p. 320. v. 6. que
 non sunt. p. 322. v. 2. amplectatur. p. 323. v. penult. medi-
 tari scilicet statum. p. 325. v. 20. paupertatem. p. 328. v. 6.
 dixit. p. 331. v. 7. vobis minus addicti. v. penult. nam quā-
 diu. p. 332. v. 16. & loquor idem fidem. p. 336. 25. 19. cap.
 7. p. 340. v. 24. curari poterit. p. 345. v. 20. enumeraui mihi.
 Electi. p. 350. v. 7. cum tanti. p. 358. v. antepen. huiusmodi
 actus. p. 361. v. 9. consonat, vt spir. p. 374. v. vlt. neq; pec-
 cuniam. p. 375. v. 6. Christus dedit. v. 10. Cæsariensis. v. 25.
 monebat eos colere. p. 376. v. 16. tribuant. p. 384. v. 16. sed
 etiam secundū virtutes morales: non solū secundum vnā,
 sed etiā secundum alias. p. 392. v. 4. yelaxarioni. v. 17. mi-
 nisterijs. p. 393. v. antepen. debebat p. 398. v. 1. à Deo. p. 401.
 v. 7. animæ vestræ. p. 403. v. 9. intrabunt. p. 404. v. 20. eius
 ab. p. 408. v. 10. remotos. v. 11. secundum se. v. 20. meriti.
 v. 17. faciat. p. 409. 22. quod est illust. p. 412. v. 15. pau-
 peribus auersionem. v. 25. admittentes. p. 414. v. 22. insti-
 tuta est. v. 25. sed esto p. 416. v. 14. addicer.

*Quod minus curatè prodeat hic liber, nimia
 nonnullorum obstitit cura, sollicitudo & vi-
 gilantia.*















